

ଯହନ ଲିଖିତ ସୁସମାଚାର ଜହନ୍ ଲେକିକିତି ନେକ୍ରିକାରୁର୍ ଜହନ୍ ଲେକିକିତି ବିସ୍ତେ ପାଦେକ୍

ଜିସୁ କ୍ରିଷ୍ଟି ଜିବୁନ୍ ବାଟି କିଜି ମାନି ପୁନି ନିୟମ୍ନି ଚାରିଗଟା ପତିଙ୍ଗ ବିତ୍ତେ ଜହନ୍ ଲେକିକିତି ନେକ୍ରି କାରୁର୍ ରଞ୍ଜାଙ୍ଗ । ହେ ବିସ୍ତେକାଂ ନେକ୍ରି କାରୁର୍ ଇନାର୍, ଇମ୍ମଣାକା ଅରଡ୍ “ନେକ୍ରି କାରୁର୍ ।” ହେଞ୍ଜାଙ୍ଗ ଇସ୍ପର୍ ହାତି ପାଚେ ମାତିଉ, ମାର୍କ, ଲୁକ, ଆରି ଜହନ୍ତାଂ ଲେକା ଆତାଡ୍ନା । ଜହନ୍ ଲେକିକିତି ନେକ୍ରି କାରୁର୍ କ୍ରିଷ୍ଟି ଜଲମ୍ ଚାରିକଡି ଦସ୍ ବାହୁଁ ପାଚେ ପକ୍ୟା ଆତି ଜହନ୍ ତାଙ୍ଗ ଲେକାଆତାଡ୍ନା । ଆତିସ୍ପା ଇ ନେକ୍ରି କାରୁର୍ତ ଇଦାଂ ଲେକି କିତାକାନ୍ ଜହନ୍ ଇଞ୍ଜି ହାରଦାଂ ଲେକା ଆଞ୍ଜାତାଡ୍ନା ମାତର୍ ଇ ନେକ୍ରି କାରୁର୍ ମେରା । ପର୍ତୁମ୍ ଜହନ୍ ଦୁଇ ଜହନ୍ ଆରି ତିନ୍ ଜହନ୍ ଲାହାଙ୍ଗ୍ ଆନ୍ ମାତ୍ର ସମାନ୍ । କେତେକ୍ ପାନିପତି ଲେକିକିତାର୍ ପାତର୍ କିତାର୍ ଇ ନେକ୍ରି କାରୁର୍ ଏପିସିୟତାଂ ଲେକା ଆତାଡ୍ନା, ଇନାକିଦେଂକି ଇ ସମୁ ଖେଡାଙ୍ଗ୍ ଜହନ୍ ଏପିସିୟତ ବାହା କିଜି ମାଚାନ୍ ।

ଜହନ୍ ସଡ୍ ବାବ୍ରେ ଇନାନ୍ “ଇସ୍ପର୍ ନେ କ୍ରିଷ୍ଟି ଜିବୁନ୍ ଇସ୍ପର୍ ମାଜି ।” ଜହନ୍ ୨୦:୩୧, ଇଦାଂ ପାତର୍ କିଦେଙ୍ଗ୍ ଇଞ୍ଜି ମାନାୟାରିଂ ହାଙ୍ଗ୍ କିନାକା ଆନାତା ଇ ନେକ୍ରି କାରୁର୍ନି ମୁଡ୍ଦାକା । ଇଦାଂ ପାତର୍ କିନି କାଜିଂ ଆସେଙ୍ଗ୍ ଇନେସ୍ ଜିବୁନ୍ ପାୟା ଆନାସ୍ । ଇ ନେକ୍ରି କାରୁର୍ ଜିହୁଦି ଆରି ପାତର୍ କିଞ୍ଜି ଜିହୁଦି ରିୟାର୍ କାଜିଂ ଲେକା ଆଜି ମାଚାଡ୍ । ଇ ନେକ୍ରି କାରୁର୍ତ ଜିସୁତି ଉତରମୁଡ୍ ତାଙ୍ଗ୍ ତା କାବାଆନି କାମାୟିଙ୍ଗ୍ ଆଦିକ୍ ଜର୍ ହିତାର୍ନା । ଜିସୁତି ବାପ୍ରିସମ୍ ଆରି ବାଟାତ ତା ପରିକ୍ୟା ଲାକେ କେତେକ୍ ଗଟ୍ଟାଂ ବିସ୍ତେ ଜହନ୍ ଇ ନେକ୍ରିବାର୍ତ ଇନାକା ଲେକିକିତନ୍ । ଇ ନେକ୍ରିବାର୍ ବିନ୍ ତିନିଗଟା ନେକ୍ରିକାରୁରିଂ ତାଙ୍ଗ୍ ବିନ୍ ।

ପତି ବିସ୍ତେନି ରାହାଣ୍

୧. ନେକ୍ରି କାରୁର୍ ଆରମ୍ ଜହନ୍ ୧:୧-୧୮

- ୨. ଜିସୁତି କେତେକ କାବାଆନି କାମାୟିଙ୍ଗ୍ ଓଁଜୁ ଜହନ୍ ୧:୧୯; ୧୨:୫୦
- ୩. ଜିସୁତି ଜିବୁନ୍, ହାତାକା ଆରି ଆରେ ରଗ ନିଂନାକା ଜହନ୍ ୧୩:୧; ୨୦:୩୧
- ୪. ଜିସୁତି ନିଙ୍ଗି ରଞ୍ଜିୟାନାନ୍ ଜହନ୍ ୨୧:୧-୨୫

ଜିବୁନ୍ନି ବଚନ୍

^୧ ହିଗ୍ଦ ବଚନ୍ ମାଚାନ୍, ବଚନ୍ ଇସ୍ବର ଲାହାଙ୍ଗ୍ ମାଚାନ୍, ହେଞ୍ଜାନ୍ ଆରି ଇସ୍ବର ଏକ୍ ମାଚାନ୍ । ^୨ ହେଞ୍ଜାନ୍ ହିଗ୍ଦ ଇସ୍ବର ଲାହାଙ୍ଗ୍ ମାଚାନ୍ । ^୩ ତା ଲାହାଙ୍ଗ୍ ଇସ୍ବର ଓଁଜୁ ବିସ୍ତେ ଉବ୍‌ଜାଣ୍ କିତାନ୍; ଆରେ ଜେ ଓଁଜୁ ଉବ୍‌ଜା ଆତାଡ୍‌ନା, ହେବେତାଂ ପା ରଞ୍ଜାଙ୍ଗ୍ ପା ହେଞ୍ଜାନ୍ ପିସ୍ତେ ଉବ୍‌ଜା ଆଞ୍ଜାତାଡ୍‌ନା । ^୪ ହେଞ୍ଜାନ୍ ତାକେ ଜିବୁନ୍ ମାଚାଡ୍ ଆରି ହେ ଜିବୁନ୍ ମାନାୟାର୍‌ତି ଅଜଡ୍ । ^୫ ହେ ଅଜଡ୍ ମାଜ୍‌ଗାତ ଅଜଡ୍ ଆଜି ଖାନାତା, ଆରେ ମାଜ୍‌ଗା ହେଦାଂ ମାନ୍ କିଞ୍ଜାତାଡ୍ ।

^୬ * ଇସ୍ବର କଚଣ୍ଡ କାବୁର୍ ଖେଚ୍‌ନି ରଞ୍ଜାନ୍ ମାନାୟ୍ ଏକାତାନ୍; ହେଞ୍ଜାନ୍ ତର୍ ଜହନ୍ । ^୭ ହେଞ୍ଜାନ୍ ଇନେସ୍ ଅଜଡ୍ ବିସ୍ତେ ସାକି ହିନାନ୍, ଆରେ ହେଞ୍ଜାନ୍ ଖେନ୍‌ଞ୍ଜି ଓଁଜାର୍ ପାତ୍ କିତାର୍, ଇଦାଂ କାଜିଂ ହେଞ୍ଜାନ୍ ହିଦେଂ ଇଞ୍ଜି ଖାତାନ୍ । ^୮ ହେଞ୍ଜାନ୍ ନିଜେ ହେ ଅଜଡ୍ ହିଲ୍‌ଖାତାନ୍, ମାତର୍ ଅଜଡ୍ ବିସ୍ତେ ସାକି ହିଦେଂ ଇଞ୍ଜି ଖାତାନ୍ । ^୯ ଇମ୍‌ଣି ହାଡ୍‌ପା ଅଜଡ୍ ପୁତ୍ ଖାଜି ଓଁଜୁ ରାଜିନି ମାନାୟାର୍ ଅଜଡ୍ କିନାଡ୍, ହେଦାଂ ନେ ହାଡ୍‌ପା ଅଜଡ୍ ।

^{୧୦} ହେଞ୍ଜାନ୍ ପୁତ୍ ମାଚାନ୍ ଆରି ପୁତ୍ ହେଞ୍ଜାନ୍ ହୁକେ ଉବ୍‌ଜାଣ୍ ଆତାଡ୍, ଆତିସ୍‌ପା ପୁତ୍ ତାଙ୍ଗେଙ୍ଗ୍ ତିନ୍‌କିଦେଂ ଆଡ୍‌ଖାତାଡ୍ । ^{୧୧} ହେଞ୍ଜାନ୍ ଜାର୍ ରାଜିତ ଖାତାନ୍, ଆତିସ୍‌ପା ହେଞ୍ଜାନ୍ତି ଜାର୍ ଲକୁ ତାଙ୍ଗେଙ୍ଗ୍ ମାନ୍ କିଞ୍ଜାତାର୍ । ^{୧୨} ମତର୍ ଏରେକ୍ ମାନାୟ୍ ତାଙ୍ଗେଙ୍ଗ୍ ମାନ୍ କିତାର୍, ଇତିସ୍ ଇମ୍‌ଣାକାର୍ ହେଞ୍ଜାନ୍ ତର୍ଦାଂ ପାତ୍ କିତାର୍, ହେଞ୍ଜାନ୍ ଓଁଜାରିଂ ହେଞ୍ଜାନ୍ ଇସ୍ବତ୍ କାଡ୍‌ଦେ ଆଦେଂ ଇଞ୍ଜି ଆଦିକାର୍ ହିତାନ୍; ^{୧୩} ହେଞ୍ଜାର୍ ନେତେରତାଂ,

* ୧:୬ ୧:୬ ମାତିଉ ୩:୧; ମାର୍କ ୧:୪; ଲୁକ ୩:୧,୨.

ଗାଗାଡ଼ନି ଇଚାତାଂ ନଲେ ମାନାୟ ଇଚାତାଂ ଉଦ୍‌ଜା ଆଞ୍ଜାତାର୍, ଇଚିସ୍ ଇସ୍‌ସୁରତାଂ ଉଦ୍‌ଜା ଆତାର୍ ।

୧୪ ଆରେ, ହେ ବଚନ୍ ମାନାୟ ଆତାନ୍, ଆରେ ଦୟା ଆରି ହାତ୍‌ପାତ ବାତ୍ ଆଜି ମା ବିତ୍ରେ ବାହାକିତାନ୍, ଆରେ ଆବାତାଂ ଖାତି ଦୁଆଁ ମାଜିଙ୍ଗ୍ ପାଣ୍ ଲାକେ ଆପେଂ ହେଞ୍ଜାନ୍‌ତି ପାଣ୍ ହୁଡ଼ତାପ୍ ।

୧୫ ଜହନ୍ ହେଞ୍ଜାନ୍ ବିସ୍ତେ ସାକି ହିଜି ଗାଜାକାଚ୍‌ତାଂ ଇଚାନ୍, “ଇନେନ୍ ନା ପାଚେ ଖାନାନା, ହେଞ୍ଜାନ୍ ନାଙ୍ଗ୍ ତାଂ ଗାଜାକାନ୍ ଆତାନ୍ନା, ଇନାକିଦେଂକି ହେଞ୍ଜାନ୍ ନା ଆଗେ ମାଚାନ୍, ଇମ୍‌ଶାକାନ୍ ବିସ୍ତେ ଆନ୍ ଇଦାଂ ଖେଚ୍‌ଚି ମାନ୍‌ଚାଙ୍ଗ୍, ହେଞ୍ଜାନ୍ ଇଞ୍ଜାନ୍ ।”

୧୬ ତା ଦୟାତାଂ ବାତ୍ ହୁକେ ମାଜେଙ୍ଗ୍ ଖିଜାର୍ ଆସିର୍ବାଦ୍ ପାୟା ଆତାସ୍‌ନା । ଆଁ, ଆସିର୍ବାଦ୍ ଜପି ଆସିର୍ବାଦ୍ ପାୟା ଆତାସ୍‌ନା । ୧୭ ଇସ୍‌ସୁର୍ ବିଦି ମସା ହୁକେ ଆତାଡ଼ନ୍ନା, ମାତର୍ ଦୟା ଆରି ହାତ୍‌ପା ଜିସୁ କ୍ରିସ୍‌ତି ହୁକେ ଖାତାଡ଼ । ୧୮ ଇନେର୍ ଇନାଞ୍ଜାତାଲିଂ ଇସ୍‌ସୁର୍‌ତିଂ ହୁଡ଼ଞ୍ଜାତାଣ୍ଟା, ଆବା ଖାକ୍‌ତ ମାନି କେବଲ୍ ତାଜେଙ୍ଗ୍ ପାଣ୍‌ଖା ମାଜି ତାଜେଙ୍ଗ୍ ହପ୍‌ତାନ୍ ।

ବାପ୍‌ସିମ୍ ହିନି ଜହନ୍‌ତି ସାକି

(ମାତିଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଏନେଙ୍ଗ୍ ଇନେର୍, ଇଦାଂ ଜହନ୍‌ତିଂ ଖେନ୍‌ବିନି କାଜିଂ ଜିହୁଦିର୍ ଏଚେକାଡ଼୍‌ଜ୍ ଜିରୁସାଲମ୍‌ତାଂ ମାପୁହେବାକିନାକାନ୍ ଆରି ଲେବିୟର୍‌ତିଂ ତା ଲାଗାଂ ପକ୍ତାତାର୍, “ହେପାଦ୍‌ନା ହେଞ୍ଜାନ୍ ଇ ସାକି ହିତାନ୍ ।”

୨୦ ହେଞ୍ଜାନ୍ ମାନି କିଞ୍ଜାଦାଂ, ହାର୍ କିଜି ଖେଚ୍‌ଚାନ୍, “ଆନ୍ କ୍ରିସ୍‌ ଆକାୟ୍ ।”

୨୧ ହେବେତାଂ ହେଞ୍ଜାର୍ ତାଜେଙ୍ଗ୍ ଖେନ୍‌ବାତାର୍, “ବାଟିଙ୍ଗ୍, ଏନ୍ ଇନାକା ଏଲିୟ୍ ?”

ହେଞ୍ଜାନ୍ ଇଚାନ୍, ଆନ୍ ଆକାୟ୍ ।

“ଏନ୍ ଇନାକା ହେ ବେଶ୍‌ବାକ୍‌ଶାୟ୍‌କିନାକାନ୍ ?

ହେଞ୍ଜାନ୍ ଉତର୍ ହିତାନ୍, ଆକାୟ୍ ।”

୨୨ ହେବେତାଂ ହେଞ୍ଜାର୍ ତାଜେଙ୍ଗ୍ ଇଚାର୍, ମାଜେଙ୍ଗ୍ ପକ୍ତିତି ମାନାୟାରିଂ ଇନେସ୍ ଉତର୍ ହିଦେଂ ଆଡ଼ନାପ୍, ଇଦାଂ କାଜିଂ “ଏନ୍ ଇନେର୍ ? ଜାର୍‌ତି ବିସ୍ତେ ଇନାକା ଇନାୟା ?”

୨୩ ଜିସାୟ ବେଶ୍‌ବାକ୍‌ଶାୟକିନାକାନ୍ ଇନେସ୍ ଇଞ୍ଜି ମାଚାନ୍, ହେ ଲାକେ ଜହନ୍ ଇଚାନ୍ ।

ଆନ୍ ହେ ଲାକେ ବାଲିବାଟାତ ଗାଜାକାଟ୍ କିଜି ମାନି ରଞ୍ଜାନ୍ତି କାଟ୍
ମାପୁଡ଼ି ହାଜି ହାଶ୍‌କୁ କିୟାଟ୍ ।

୨୪ ଆରେ, ପାରୁସିର୍ ପକ୍ତି ମାଟି କାରୁର୍ ହିନାକାର୍ ତାଙ୍ଗେଙ୍ଗ୍ ଇଚାର୍ । ୨୫ ହେଞ୍ଜାର୍ ତାଙ୍ଗେଙ୍ଗ୍ ଖେନ୍‌ବାତାର୍, “ଏନ୍ ଜପି କ୍ରିସ୍ଟୁ କି ଏଲିୟ ହେ ବେଶ୍‌ବାକ୍‌ଶାୟକିନାକାୟ୍ ଆକାୟ୍, ହେଦାଂ ଆତିସ୍ ଇନେକିଦେଂ ବାପ୍ରିସିମ୍ ହିନାୟ୍‌ୟା ?”

୨୬ ଜହନ୍ ହେଞ୍ଜେରିଂ ଉତର୍ ହିତାନ୍, “ଆନ୍ ଏଜୁଂତାଂ ବାପ୍ରିସିମ୍ ହିନାଙ୍ଗା; ଇମଣାକାନିଂ ଏପେଙ୍ଗ୍ ପୁନୁଦେର୍, ହେଞ୍ଜାନ୍ ମି ବିତ୍ତେ ମାନାନ୍; ୨୭ ହେଞ୍ଜାନ୍ ନା ପାଚେ ଖାନାନା, ତାଙ୍ଗ୍ ପାନାନି ପାଣ୍ଡାଈଙ୍ଗ୍ ତରି ରିକ୍ତେଂ ଆନ୍ ସମାନ୍ ଆକାୟ୍ ।”

୨୮ ଜର୍ଦନ୍ ନାଗୁଡ୍ ଆଣ୍ଟିପାଡ୍‌କା ଇମ୍‌ଣି ବେଡ୍‌ନିୟାତ ଜହନ୍ ବାପ୍ରିସିମ୍ ହିଜି ମାଚାନ୍, ହେ ବାହାତ ଇ ଖିଜୁ ଗିଟା ଆତାଡ୍ ।

ଇସ୍‌ସତ୍ ମେଣ୍ଡାହିମ୍‌ଶା

୨୯ ଆର୍କାଡ୍ ନାଜିଂ ହେଞ୍ଜାନ୍ ଜିସୁଙ୍ଗ୍ ଜାର୍ ଲାଗେ ଖାନାକା ହୁଡ୍‌ଜି ଇଚାନ୍, “ଏହେଁ ହୁଡ଼ା, ଇସ୍‌ସତ୍ ମେଣ୍ଡାହିମ୍‌ଶା, ଜେ ପୁତ୍ ନି ପାପ୍ ପିଣ୍ଡି ଅନାନ୍ । ୩୦ ନା ପାଚେ ଇନେନ୍ ଖାନାନା, ହେଞ୍ଜାନ୍ ନା ଗାଜାକାନ୍ ଆତାନ୍ନା, ଇନାକିଦେଂକି ହେଞ୍ଜାନ୍ ନା ଜଲମ୍ ଆଗେ ମାଚାନ୍, ଇମ୍‌ଣାକାନ୍ ବିସ୍ତେ ଆନ୍ ଇଦାଂ ଇଞ୍ଜି ମାଚାଙ୍ଗ୍, ହେଞ୍ଜାନ୍ ଇ ମାନାୟ୍ । ୩୧ ଆନ୍ ପା ତାଙ୍ଗେଙ୍ଗ୍ ତିନ୍ କିଞ୍ଜାଦାଂ ମାଚାଙ୍ଗ୍, ମାତର୍ ହେଞ୍ଜାନ୍ ଇନେସ୍ ଇସ୍‌ସାଏଲ୍ ମାନାୟାର୍ ଲାଗେ ଚଞ୍ଜିୟା ଆନାନ୍, ଇ କାଜିଂ ଆନ୍ ଏଜୁଂତାଂ ବାପ୍ରିସିମ୍ ହିଦେଂ ଖାତାଙ୍ଗ୍‌ନା ।”

୩୨ ଆରେ, ଜହନ୍ ସାକି ହିଜି ଇଚାନ୍, “ଆନ୍ ଜିରୁନ୍ତିଂ ପାଣ୍ଡାକା ଲାକେ ବାଦାଡ୍‌ତାଂ ତା ଜପି ଜୁଦ୍‌ନାକା ହୁଡ୍‌ତାଙ୍ଗ୍‌ନା, ଆରେ ହେଦାଂ ତା ଜପି କୁର୍‌ଚାଡ୍, ଏନେଙ୍ଗ୍ ନା ଖାରିନି ମାଜି, ନି ତାକେ ନାତାଂ ବେସି ଖାରି ମାନାଡ୍ ।” ୩୩ “ଆନ୍ ପା ତାଙ୍ଗେଙ୍ଗ୍ ତିନ୍ କିଞ୍ଜାଦାଂ ମାଚାଙ୍ଗ୍, ମତର୍ ଜେ ନାଙ୍ଗେଙ୍ଗ୍ ଏଜୁଂତାଂ ବାପ୍ରିସିମ୍ ହିଦେଂ ପକ୍‌ତାନ୍, ହେଞ୍ଜାନ୍ ନାଙ୍ଗେଙ୍ଗ୍ ଇନ୍‌ଚାନ୍, ଇମ୍‌ଣାକାନ୍ ଜପି ଜିରୁନ୍ତିଂ ଜୁଦ୍‌ନାକା

ହୁଡ଼ନାଦେର, ହେୱାନ ହେ ମାନାୟ, ଜେ ପୁଇପୁୟା ଜିବୁଡ଼ାଂ
ବାପ୍ରିସିମ୍ ହିନାନ । ୩୪ ଆରେ, ଆନ୍ ହେଦାଂ ହୁଡ଼ତାଙ୍ଗନା, ଆରି
ହେୱାନ ଇସ୍ତର୍ ମାଜି ଇଞ୍ଜି ସାକି ହିନାନା ।”

ଜିସୁତି ପର୍ତୁମ୍ ଚେଲାର୍

୩୫ ପାଚେନି ନାଜିଂ ଆରେ ରଗ ଜହନ୍ ଆରି ହେ ଚେଲାର୍ ବିତ୍ରେ
ରିକାର୍ ଲାହାଙ୍ଗ ନିଲ୍ଲଟି ମାଚାର୍; ୩୬ ଆରେ, ହେୱାନ ଜିସୁଙ୍ଗ୍ ହେ
ହାଜି ହିଜି ହାନାକା ହୁଡ଼ଜି ତାଙ୍ଗେଙ୍ଗ୍ ଇଚାନ, “ଇୱାନ ହୁଡ଼ାଟ୍,
ଇସ୍ତର୍ ମେଣ୍ଡାହିମ୍‌ଣା ।”

୩୭ ହେ ରିକାର୍ ଚେଲାର୍ ହେ ବେରଣ୍ ଝେନ୍‌ଞ୍ଜି ଜିସୁତି ପାଚେ
ପାଚେ ହାଚାର୍ । ୩୮ ଜିସୁ ପାଚ୍‌ବାଗାଂ ମାସ୍‌ଦି ହେଝେରିଂ ପାଚେ ପାଚେ
ୱାନାକା ହୁଡ଼ଜି ଝେନ୍‌ବାତାନ, “ଏପେଙ୍ଗ୍ ଇନାକା ଦାହ୍‌ନାଦେରା ?”
ହେୱାର୍ ତାଙ୍ଗେଙ୍ଗ୍ ଉତର୍ ହିତାର୍, “ରାବ୍‌ବି ଇନାକା ଅରଡ୍ ଗୁରୁ,
ଏନ୍ ଇମେତାକେ ମାନାୟା ?”

୩୯ ହେୱାନ ହେଝେରିଂ ଇଚାନ, “ୱାଡ, ହୁଡ଼ନାଦେର ।”
ହେବେଣ୍ଡାଂ ହେୱାର୍ ହାଲ୍‌ଜି ହେୱାଣ୍ଟି ବାହା ହୁଡ଼ତାର୍, ଆରେ ହେ
ନାଜିଂ ତା ହୁଦାଂ ମାଚାର୍; ଇନେକିଦେଂକି ହେପାଦନା ମ୍ବିକାହାରେସ୍
କମ୍‌ସେକମ୍ ଚାର୍‌ଚା ଆଜି ମାଚାଡ ।

୪୦ ଇମ୍‌ଣି ରିକାର୍ ଜହନ୍‌ତି ବେରଣ୍ ଝେନ୍‌ଞ୍ଜି ଜିସୁତି ପାଚେ ପାଚେ
ହାଲ୍‌ଜି ମାଚାର୍, ହେୱାର୍ ବିତ୍ରେ ରକାନ ସିମନ୍ ପିତର୍ ଟଣ୍ଡାହି
ଆହିୟ ମାଚାନ । ୪୧ ହେୱାନ ପର୍ତୁମ୍ ଜାର୍ ଟଣ୍ଡେନ୍ ସିମନ୍‌ତିଂ ଚଞ୍ଜା
ଆଜି ତାଙ୍ଗେଙ୍ଗ୍ ଇଚାନ,

ଆପେଂ ମସିୟାତି ହୁଡ଼ତାପ୍‌ନା, “ଇମ୍‌ଣାକା ଅରଡ୍ କ୍ରିସ୍ଟ ।”
୪୨ ହେୱାନ ତାଙ୍ଗେଙ୍ଗ୍ ଜିସୁ ଲାଗାୟ ତାହିୱାତାନ । ଜିସୁ ହେୱାନିଂ
ହୁଡ଼ଜି ଇଚାନ, “ଏନ୍ ଜହନ୍ ମେହି ସିମନ୍ ।” ଏନ୍ କୈପା ସବ୍‌ଦ୍
ଅରଡ୍ ପିତର୍ ନଲେ କାଲ୍ ।

ଇସ୍ତର୍ ପିଲିପି ଆରି ନିତନିୟେଲ୍‌ତିଂ କୁକ୍‌ନାନ

୪୩ ଆର୍କାଡ୍ ନାଜିଂ ଜିସୁ ଗାଲିଲିତ ହସି ହାଜେଙ୍ଗ୍ ଇଞ୍ଜି ମାନ୍
କିତାନ, ଆରେ ହେୱାନ ପିଲିପ୍‌ୟଙ୍ଗ୍ ଚଞ୍ଜା ଆଜି ତାଙ୍ଗେଙ୍ଗ୍
ଇଚାନ, “ନା ପାଚେପାଚେ ୱା ।” ୪୪ ପିଲିପ୍ ବେଡ଼ସାଈଦାନି

ଲକ୍ ମାଚାନ, ହେଦାଂ ଆନ୍ଦ୍ରିୟ ଆରି ପିତରତି ଗାଡ଼ ମାଚାଡ଼ । ୪୫ ପିଲିପ୍ ନିତନିୟେଲ୍‌ତି ଚଞ୍ଜ୍ୟା ଆଜି ତାଙ୍ଗେଙ୍ଗ୍ ଇଚାନ, “ଇମ୍‌ଣାକାନ ବିସ୍ତେ ମସା ବିଦିନି ପଡ଼ିତ ଲେକିକିତାନନା, ଆରେ ବେଶ୍‌ବାକ୍‌ଶାୟକିନାକାର୍ ପା ଲେକିକିତାଶ୍ଟା, ଆସେଙ୍ଗ୍ ହେଞ୍ଜାନିଂ ଚଞ୍ଜ୍ୟା ଆତାସନା; ହେଞ୍ଜାନ ଜସେପ୍ ମାଜି ନାଜରିତିୟ ଜିସୁ ।”

୪୬ ନିତନିୟେଲ୍ ତାଙ୍ଗେଙ୍ଗ୍ ଖେନ୍‌ବାତାନ, “ନାଜରିତିୟତାଂ କି ଇନାକାପା ହାରଦି ବିସ୍ତେ ଖାଦେଙ୍ଗ୍ ଆଡ଼୍‌ଦାନାଡ଼ କି ?”

ପିଲିପ୍ ତାଙ୍ଗେଙ୍ଗ୍ ଇଚାନ, “ଞ୍ଜାଜି ହୁଡ଼ାଡ଼ ।”

୪୭ ଜିସୁ ନିତନିୟେଲ୍‌ତିଂ ଜାର୍ ଲାଗେ ଖାନାକା ହୁଡ଼ଜି ହେ ବିସ୍ତେ ଇଚାନ, “ଇଦାଂ ହୁଡ଼ା ହାଡ଼ପାନେ ଇ ରକାନ ଇସ୍ରାଏଲିୟ ମାନାୟ୍, ଇଞ୍ଜାନ ତାକେ ଚିଉଲି ହିଲୁଡ଼ ।”

୪୮ ନିତନିୟେଲ୍ ତାଙ୍ଗେଙ୍ଗ୍ ଖେନ୍‌ବାତାନ, “ଏନ୍ ନାଙ୍ଗେଙ୍ଗ୍ ଇନେସ୍ ଚିନ୍‌କିଡ଼ତାୟ୍ ?”

ଜିସୁ ତାଙ୍ଗେଙ୍ଗ୍ ଉତର ହିଚାନ, “ପିଲିପ୍ ନିଙ୍ଗେଙ୍ଗ୍ କୁକ୍‌ତିନି ଆଗେ ଏନ୍ ଏତେକାଡ଼୍‌ଦ ତଗା ମାର୍ ତାରେନ୍ ମାଚାୟ୍, ହେପାଦ୍‌ନା ଆନ୍ ନିଙ୍ଗେଙ୍ଗ୍ ହୁଡ଼ଜି ମାନଞ୍ଜାଙ୍ଗ୍ ।”

୪୯ ନିତନିୟେଲ୍ ତାଙ୍ଗେଙ୍ଗ୍ ଉତର ହିଚାନ, “ଏ ଗୁରୁ, ଏନ୍ ଇସ୍‌ସତ୍ ମାଜି, ଏନ୍ ଇସ୍ରାଏଲ୍‌ନି ରାଜା ।”

୫୦ ଜିସୁ ତାଙ୍ଗେଙ୍ଗ୍ ଉତର ହିଚାନ, “ଆନ୍ ନିଙ୍ଗେଙ୍ଗ୍ ତଗା ମାର୍ ତାରେନ୍ ହୁଡ଼ଜି ମାନଞ୍ଜାଙ୍ଗ୍ ଇଞ୍ଜି ଇଚିଲେ କି ଏନ୍ ପାତ୍ କିନାୟା ? ଏନ୍ ଇବେତାଂ ଆରେ ଗାଜା ଗାଜା ବିସ୍ତେ ହୁଡ଼ନାୟ୍ ।” ୫୧ ଆରେ, ହେଞ୍ଜାନ ତାଙ୍ଗେଙ୍ଗ୍ ଇଚାନ, “ହାଡ଼ପା ହାଡ଼ପା ଆନ୍ ନିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ସାଗେତ ଜେୟାନାଡ଼ ଆରି ଇସ୍‌ସତ୍ ଦୁଡ଼ର୍ ମାନାୟ୍ ମାଜିଡ଼ି ଜପି ଦୁମ୍‌ନାକା ଆରି ଜୁଦ୍‌ନାକା ହୁଡ଼ନାଦେର୍ ।”

୨

କାନ୍ନା ନାସ୍ତ ବିବା

୧ ତିନ୍ ଦିନ୍ତ ଗାଲିଲିନି କାନାତ ର ବିବା ମାଚାଡ଼, ଆରେ ଜିସୁ ତେହି ହେବେ ମାଚାଡ଼; ୨ ଜିସୁ ପା ଜାର୍ ତେଲାର୍ ଲାହାଙ୍ଗ୍ ହେ ବିବାତ କୁକ୍ୟା

ଆତାନ୍ । ୩ ବଜି ଓଜ୍ଝିଝିଝି ହେଝାରତି ଅଞ୍ଜୁର ରାସ୍ ଓସ୍ତିଲେ ଜିସୁ ତେହି ଜିସୁଞ୍ଜି ଇଚାଡ଼, “ହେଝାରତି ଅଞ୍ଜୁର ରାସ୍ ହିଲୁଡ଼ ।”

୪ ହେବେଶ୍ଟାଂ ଜିସୁ ତାଞ୍ଜେଞ୍ଜି ଇଚାନ୍, ନି ଲାହାଞ୍ଜି ନାଦି ଇନାକା ମାନାଡ଼ “ନାଞ୍ଜି ଇନେକିଦେଂ ଇବେ ମିହାୟ୍ କିଦ୍ନାୟା ? ନା ସମୁ ଅଞ୍ଜାୟ୍ ପାତେକ୍ ଏକା ଆଝାତାଡ଼ନା ।”

୫ ହେ ତେହି ହେବା କିନାକାରିଂ ପାସ୍ପାନାକାରିଂ ଇଚାଡ଼, “ହେଝାନ୍ ମିଞ୍ଜେଞ୍ଜି ଇନାକା ଇଞ୍ଜନାନ୍, ହେଦାଂ କିୟାଟ୍ ।”

୬ ଆରେ, ହେବେ ଜିହୁଦିତ୍ ନିର୍ମାଲ୍ ଆନି ରିତି ଲାକେ ସହେ ଲିଟ୍ଟର୍ ଏଜୁଂ ଇଡ଼ଜି ଚଅଗଟା କାଲ୍କୁ କୁଣ୍ଡ ଇଡ଼ଜି ମାଚାର୍ । ୭ ଜିସୁ ଆଡ଼ିୟାରିଂ ଇଚାନ୍, “କୁଣ୍ଡକୁକା ଏଜୁଂ ବାଡ଼ି କିୟାଟ୍ ।” ହେବେଶ୍ଟାଂ ହେଝାର୍ ହେ ଓଜ୍ଝି ଅତି ପାତେକ୍ ବାଡ଼ି କିଚାର୍ । ୮ ଆରେ, ହେଝାନ୍ ହେଝାରିଂ ଇଚାନ୍, “ନଞ୍ଜାୟ୍ ଉନ୍ଦି ଅଜି ବଜିନି ମୁଣିକାଂ ଲାଗେ ଅହାଟ୍ ।” ହେବେଶ୍ଟାଂ ହେଝାର୍ ଅଜି ହାଚାର୍ । ୯ ବଜିନି ମୁଣିକା ଅଞ୍ଜୁର ରାସ୍ ଆଜି ମାଟି ହେ ଏଜୁଂ ଖେଣ୍ଡି ହେଦାଂ ଇମେତାଂ ଝାତିକ୍, ଇଦାଂ ପୁନ୍ଝାଦାଂ ମାଟିଲେ ମାଚର୍ ଇମ୍ଝି ହେବା କିନାକାର୍ ଏଜୁଂ ଉନ୍ଦି ମାଚାର୍, ହେଝାର୍ ପୁନ୍ଝି ମାଚାର୍ ବିବାଆନାକାନିଂ କୁକ୍ତି ଇଚାର୍, ୧୦ “ଓଜ୍ଝିକାର୍ ପର୍ତ୍ତମତ ହାଦି ଅଞ୍ଜୁର ରାସ୍ ହିନାର୍, ଆରେ ମାନାୟାର୍ ଉଣ୍ଡି ହଚ୍ଚି ପାତେ ଜବାକାଲିଂ ହିନାର୍; ଏପେଞ୍ଜି ଅଞ୍ଜାୟ୍ ପାତେକ୍ ହାଦି ଅଞ୍ଜୁର ରାସ୍ ଇଡ଼ତାଦେଶ୍ଟା ।”

୧୧ ଜିସୁ ଇ ଲାକେ ଗାଲିଲିନି କାନାତ ପର୍ତ୍ତମ୍ କାବାକିନି କାମାୟ୍ ହାଞ୍ଜି ଜାର୍ ପାଶ୍ ଚଚଚାନ୍, ଆରେ ତା ଚେଲାର୍ ତା ତାକେ ପାଡ଼ି କିଚାର୍ ।

୧୨ ଇଦାଂ ପାଚେ ହେଝାନ୍ ଜାର୍ ଆୟାଂ, ଟଣ୍ଡାର୍ବାଇ ଆରି ଚେଲାର୍ ଲାହାଞ୍ଜି କପର୍ନାହୁମ୍ ତାକେ ହାଚାର୍; ପାଚେ, ହେଝାର୍ ହେବେ ବେସି ଦିନ୍ ମାନ୍ଝାଚାର୍ ।

ଇସ୍ପର ଜିରୁସାଲମ୍ତ ମନ୍ଦିରତ ହାଚାନ୍
(ମାତିଡ ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୭)

୧୩ ହେ ପାଦନା ଜିହୁଦିତ୍ ନିସ୍ତାର୍ ପାର୍ସୁ ଲାଗେ ଆଜି ମାଚାଡ଼, ଆରେ ଜିସୁ ଜିରୁସାଲମ୍ତ ହାଚାନ୍ । ୧୪ ହେବେ ହେଝାନ୍ ହୁଡ଼ତାନ୍,

ମନ୍ଦିର ବିତ୍ରେ ମାନାୟ କଡ଼ିଙ୍ଗ, ମେଣ୍ଡା ଆରି ପାଣ୍ଡକା ବେପ୍ରିୟାରି ଆରେ ତାରୁଙ୍ଗ ବେପ୍ରିୟାରି କୁଚ ଜପି ଗାଡ଼ି କିଜି ମାନାକା ହୁଡ଼ତାନ । ୧୫ ହେବେ ହେଞ୍ଜାନ ତରିତାଂ ର କରତା ରଚି କଡ଼ି ଆରି ମେଣ୍ଡକାଂ ଝିଜାରିଂ ମନ୍ଦିରତାଙ୍ଗ ବାରତ ହପ୍ତାନ; ଆରେ, ତାରୁଙ୍ଗ ବେପ୍ରିୟାରିତ ତାରୁଙ୍ଗ ସବୁ ଡ଼ିଝିଜି ହେଞ୍ଜାରତ ଚେରୁଲିଂ ଉଲ୍ଟାୟ କିଜି ତାରୁଙ୍ଗ ତାରେନ୍ ଡ଼ିଝିତାର; ୧୬ ଆରେ, ହେଞ୍ଜାନ ପାଣ୍ଡକା ବେପ୍ରିୟାରିଂ ଇଚାନ, “ଇଞ୍ଜାକାଂ ଇବେଣ୍ଡାଂ ଅହାଟ୍, ମାଞ୍ଜି ଆବା ଇଲ୍ଦିଂ ବେପ୍ପାଚ୍ ଇଲ୍ କିମାଟ୍ ।” ୧୭ “ମି ଇଲ୍ କାଜିଂ ଇଚା ନାଙ୍ଗେଙ୍ଗ୍ ଝିସ୍ତାନାତ୍ ଇଦାଂ ଲେକା ମାନାତ୍ ଇଞ୍ଜି ତା ଚେଲାର୍ ମାନ୍ତ ଏଡୁ କିତାର ।”

୧୮ ହେବେ ଜିହୁଦିରତାଂ ଉତର୍ ହିତାର୍, “ଏନ୍ ଇ ସବୁ କାମାୟ କିନି କାଜିଂ ଆଦିକାର୍ ପାୟଆତାଂନା ଇଞ୍ଜି ଆପେଂ ଇନେସ୍ ପୁନାପ୍ ?” ଆରେ ଇମଣି ଚିନ୍ ହୁକେ ମାଙ୍ଗେଙ୍ଗ୍ ହେଦାଂ ଚଚ୍ଚାନାୟା ।

୧୯ *ଜିସୁ ହେଞ୍ଜେରିଂ ଉତର୍ ହିତାନ, “ଏପେଙ୍ଗ୍ ଇ ମନ୍ଦିରତିଂ ବାଡ଼ହାୟ କିୟାଟ୍, ଆରେ ତିନି ଦିନ୍ ବିତ୍ରେ ଆନ୍ ହେଦାଂ ରଚ୍ଚନାଙ୍ଗ୍ ।”

୨୦ ହେବେ ଜିହୁଦିର୍ ଇଚାର୍, “ଇ ମନ୍ଦିର୍ ରଚ୍ଚେଂ ଇଞ୍ଜି ରିକଡ଼ିଚ ବାହୁଁ ଲାଗାଆଡ଼ନା; ଆରେ ଏନ୍ ଇନାକା ହେଦେଲିଂ ତିନ୍ଦିନ୍ତାଂ ରଚ୍ଚେଂ ଆଡ଼ନାୟ ?”

୨୧ ମାତର୍ ହେଞ୍ଜାନ ନିଜାର୍ ଗାଗାଡ଼୍ ବାର୍ତାକା ମନ୍ଦିରତିଂ ହୁଡ଼ଜି ଇଦାଂ ଇଞ୍ଜି ମାଚାନ । ୨୨ ଲାଗିଂ ହେଞ୍ଜାନ ହାତାକାର୍ ବିତ୍ରେତାଂ ନିଙ୍ଗତି ପାଚେ ତା ଚେଲାର୍ ହେଞ୍ଜାନ ଇଦାଂ ଇଞ୍ଜି ମାଚାନ ଇଞ୍ଜି ଏଡୁ କିତାର; ପାଚେ, ହେଞ୍ଜାର୍ ଦରମ୍ ସାସ୍ତର୍ ଆରି ଜିସୁ ଇଞ୍ଜିମାଟି ବଚନ୍ ପାଚ୍ କିତାର ।

ଜିସୁ ମାନାୟ ହାଡ଼ପା ପୁନାନ

୨୩ ନିସ୍ତାର୍ ପାରୁଁ ସମୁତ ହେଞ୍ଜାନ ଜିରୁସାଲମ୍ତ ମାନିଞ୍ଜାଡ଼ାଙ୍ଗ୍ ହେନି ତାଙ୍ଗେଙ୍ଗ୍ କିତାକା କାବାଆନି କାମାୟିଙ୍ଗ୍ ହୁଡ଼ଜି ତା ତର୍ଦାଂ ପାଚ୍ କିତାର, ୨୪ ମାତର୍ ଜିସୁ ହେଞ୍ଜାର୍ ଜପି ପାଚ୍ କିଞ୍ଜାଦାଂ ମାଚାନ

☆ ୨:୧୯ ୨:୧୯ ମାଡିଜ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

ଇନାକିଦେଂକି ହେୱାର ମାତ୍ର ପୁନଃ ମାତାନ୍, ^{୨୫} ଆରେ, ଇମ୍‌ଣାକାନ୍ ଜେ ମାନାୟ ବିସ୍ତେ ସାକି ହିନାନ୍, ଇଦାଂ ତାଦାଙ୍ ଲଡ଼ା ହିଲ୍‌ୱାତାଡ଼, ଲାଗିଂ ମାନାୟ ୱାସ୍ତିତ ଇନାକା ମାନାଡ଼, ହେଦାଂ ହେୱାନ୍ ନିଜେ ପୁଞ୍ଜିମାତାନ୍ ।

୩

ଇସ୍‌ବର ଆରି ନିକଦିମ୍

^୧ ପାରୁସିର ବିତ୍ତେ ନିକଦିମ୍ ତରଦାକାନ୍ ରୱାନ୍ ମାନାୟ ମାତାନ୍, ହେୱାନ୍ ଜିହୁଦିର୍ ରୱାନ୍ ମୁଡ଼ଦାକାନ୍ । ^୨ ହେୱାନ୍ ନାଣା ସମୁତ ଜିସୁତି ଲାଗେ ୱାଜି ତାଙ୍ଗେଙ୍ ଇତାନ୍, “ଏ ଗୁରୁ, ଏନ୍ ଜେ ଇସ୍‌ବରତାଂ ୱାଜି ମାତି ଗୁରୁ, ଇଦାଂ ଆପେଂ ପୁନାପ, ଇନାକିଦେଂକି ଏନ୍ ଇ ଇମ୍‌ଣି ଓଁଜୁ କାବାଆନି କାମାୟ କିତାୟନା, ଇସ୍‌ବର ଲାହାଂ ହିଲ୍‌ୱିତିସ୍ ହେ ସବୁ ଇନେର୍ କିଦେଙ୍ ଆଡୁର୍ ।”

^୩ ଜିସୁ ତାଙ୍ଗେଙ୍ ଉତର ହିତାନ୍, “ହାଡ଼ପା ହାଡ଼ପା ଆନ୍ ନିଙ୍ଗେଙ୍ ଇଞ୍ଜନାଙ୍, ଆରେ ରଗ ଜଲମ୍ ଆଓତିସ୍ ଇନେର୍ ଇସ୍‌ବର ରାଜି ହୁଡ଼ଦେଂ ଆଡୁର୍ ।”

^୪ ନିକଦିମ୍ ତାଙ୍ଗେଙ୍ ୱେନ୍‌ବାତାନ୍, “ବୁଡ଼ହି ଆତିସ୍ ମାନାୟ ଇନେସ୍ କିଜି ଜଲମ୍ ଆନାନ୍ ? ହେୱାନ୍ ଇନାକା ରି ହାଜାର୍ ଆୟା ପତେ ହଣ୍‌ଜି ଜଲମ୍ ଆଦେଂ ଆଡ଼ନାଂ ?”

^୫ ଜିସୁ ଉତର ହିତାନ୍, ହାଡ଼ପା ହାଡ଼ପା “ଆନ୍ ନିଙ୍ଗେଙ୍ ଇଞ୍ଜନାଙ୍,” ଏଜୁଂ ଆରି ଜିବୁନ୍‌ତାଂ ଜଲମ୍ ଆଓତିସ୍ ଇନେର୍ ଇସ୍‌ବତ୍ ରାଜିତ ହଣ୍‌ଜେଙ୍ ଆଡୁନ୍ । ^୬ ଗାଗାଡ଼ତାଂ ଇନାକା ଆତାଡ଼ନ୍ନା, ହେଦାଂ ଗାଗାଡ଼; ଆରେ, ଜିବୁନ୍ତାଂ ଇନାକା ଆତାଡ଼ନ୍ନା, ହେଦାଂ ଜିବୁନ୍ । ^୭ ନିଙ୍ଗେଙ୍ ଆରେ ରଗ ଜଲମ୍ ଆନାକା ମାନାଡ଼ ଇଞ୍ଜି ଆନ୍ ଜେ ନିଙ୍ଗେଙ୍ ଇନ୍‌ତାଙ୍, ଇଦାଂ କାବା ଆମାଟ୍ । ^୮ ତ୍ତୁ ଇମ୍‌ଣି ବାଗାଙ୍ ମାନ୍ କିନାଡ଼, ହେ ବାଗାଙ୍ ହାନାଡ଼ ଆରେ ଏପେଙ୍ ତାଦାଙ୍ ଗାଜାର୍ ୱେନ୍‌ଜି ମାନାଦେର୍, ମାତର ହେଦାଂ ଇମେତାଂ ୱାନାଡ଼ ଆରେ ଇମେ ନିପ ହାନାଡ଼, ହେଦାଂ ପୁନୁଦେର୍; ଜିବୁନ୍‌ତାଂ ଉବ୍‌ଜାଣ୍ ଓଁଜାର୍ ମାନାୟ ବିସ୍ତେ ହେ ଲାକେ ।

^୯ ନିକଦିମ୍ ତାଙ୍ଗେଙ୍ ଉତର ହିତାନ୍, “ଇ ଓଁଜୁ ଇନେସ୍ ଆନାଡ଼ ?”

୧୦ ଜିସୁ ତାଙ୍କେଇଁ ଉତର ହିତାନ୍, “ଏନ୍ ଇସ୍ରାଏଲ୍‌ନି ରକାୟ୍ ଗୁରୁ ଆଜି ପା ଇନାକା ଇ ସବୁ ବୁଜାଆଉୟା ? ୧୧ ଆନ୍ ନିଙ୍ଗେଇଁ ହାତ୍‌ପା ଇଞ୍ଜିନାଙ୍ଗା, ଆପେଂ ଇମ୍‌ଣାକା ପୁନାପ, ହେଦାଂ ଇନାପ, ଆରେ ଇନାକା ହୁଡ଼ତାପ୍‌ନା, ତା ବିସ୍ତେ ସାକି ହିନାପ, ଆରେ ଏପେଙ୍ଗ ମାଦାଂ ସାକି ଇଚୁଦେରା । ୧୨ ଆନ୍ ମିଙ୍ଗେଇଁ ପୁତ୍ ବିସ୍ତେ ଇଞ୍ଜିସ୍ ଜଦି ଏପେଙ୍ଗ ପାତ୍ କିଞ୍ଜିତିସ୍, ତେବେ ମିଙ୍ଗେଇଁ ସାଗେ ବିସ୍ତେ ଇଞ୍ଜିସ୍ ଇନେସ୍ ପାତ୍ କିନାଦେର ? ୧୩ ଇମ୍‌ଣି ମାନାୟ୍ ମାଜି ସାଗେତାଂ ଜୁଡ଼ତାନ୍, ହେଞ୍ଜାନିଂ ପିସ୍ତି ଆରେ ଇନେର ସାଗେ ହାଲ୍‌ଞ୍ଜାତାରନା ।”

୧୪ ଆରେ, ମସା ଇନେସ୍‌କି ବାଟାତ ପିତାଡ଼ ରାଟ୍‌ତିଂ ଜପି ପେସ୍‌ଜି ମାତାନ୍, ମାନାୟ୍ ମାଜି ପା ହେ ଲାକେ ଜପି ପେଜ୍‌ୟା ଆନାନ୍, ୧୫ ଇନେସ୍ ଇନେରକି ତା ତାକେ ପାତ୍ କିତାର, ହେଞ୍ଜାନ୍ ଡିଜ୍‌ଡି ଜିବୁନ୍ ପାୟା ଆନାନ୍ । ୧୬ ଇନାକିଦେଂକି ଇସ୍‌ସୁର୍ ପୁତ୍‌ତିଂ ଏରେକ୍ ଜିଉନତାନ୍ ଜେ, ହେଞ୍ଜାନ୍ ଜାର୍ ପାଣ୍‌ଆଁ ମାଜିଙ୍ଗ୍ ଦାନ୍ କିତାନ୍, ଇନେସ୍ ଇନେରକି ତା ତାକେ ପାତ୍ କିତାର, ହେଞ୍ଜାନ୍ ନସ୍‌ଆଞ୍ଜାଦାଂ ଡିଜ୍‌ଡି ଜିବୁନ୍ ପାୟା ଆନାନ୍ । ୧୭ ଇସ୍‌ସୁର୍ ତା ମେହିଙ୍ଗ୍ ପୁତ୍‌ତି ବିଚାର୍ କିନି କାଜିଂ ଆକାୟ୍, ମାତର୍ ପୁତ୍‌ତି ଇନେସ୍ ତା ଲାହାଙ୍ଗ୍ ମୁକ୍ତି ଆନାନ୍ ହେଦାଂ କାଜିଂ ପକ୍‌ତାନ୍ନା ।

୧୮ ଇନେନ୍ ମାଜିତାକେ ପାତ୍ କିତାର, ହେଞ୍ଜାନ୍ ବିଚାର୍ କିୟାଆଉନ୍; ଇନେନ୍ ପାତ୍ କିଉନ୍, ହେଞ୍ଜାନ୍ ବିଚାର୍ କିୟାଆତାନେ, ଇନାକିଦେଂକି ହେଞ୍ଜାନ୍ ଇସ୍‌ସୁର୍ ପାଣ୍‌ଆଁ ମାଜି ତରଦ ପାତ୍ କିଞ୍ଜାତାନ୍ନା । ୧୯ ଆରେ, ହେ ବିଚାର୍ ଇ, ପୁତ୍‌ତି ଅଜଡ଼୍ ଞ୍ଜାତାଡ଼, ମାତର୍ ମାନାୟାର୍ ଅଜଡ଼୍ ପିସ୍ତି ମାଜ୍‌ଗାତିଂ ଜିଉନତାର୍, ଇନାକିଦେଂକି ହେଞ୍ଜାର୍‌ତି କାମାୟ୍ ସବୁ ବାନ୍ୟା । ୨୦ ଇନାକିଦେଂକି ଇନେରକି ବାନ୍ୟା କାମାୟ୍ କିନାନ୍, ହେଞ୍ଜାନ୍ ଅଜଡ଼୍‌ତି ଗିଶ୍ କିନାନ୍, ଆରେ କାତେହିନା ସଡ଼୍ କାମାୟ୍‌ନି ଦସ୍ ହନାଡ଼, ଇଦାଂ କାଜିଂ ହେଞ୍ଜାନ୍ ଅଜଡ଼୍ ଲାଗାଂ ଞ୍ଜାଉନ୍ । ୨୧ ମାତର୍ ଇନେନ୍‌କି ହାତ୍‌ପା ବେବାର୍ କିନାନ୍, ହେଞ୍ଜାନ୍ ଅଜଡ଼୍ ଲାଗାଂ ଞ୍ଜାନାନ୍, ଇନେସ୍ ହେଦାଂ ଡିଜ୍ କାମାୟ୍ ସବୁ ଇସ୍‌ସୁର୍ ତାକେ କିତାକା ଇଞ୍ଜି ହନାଡ଼ ।

ଜିସୁ ଆରି ଜହନ୍

୨୨ ଇଦାଂ ପାଚେ ଜିସୁ ଆରି ତା ଚେଲାର୍ ଜିହୁଦା ଦେସ୍ତ ହାଚାର୍, ଆରେ ହେଝାନ୍ ହେ ବାହାତ ହେଝେର୍ ଲାହାଙ୍ଗ୍ ମାନଞ୍ଜି ବାପ୍ରିସିମ୍ ହିଦେଂ ଲାଗାତାନ୍ । ୨୩ ଜହନ୍ ପା ସାଲମ୍ ଲାଗେ ଏନନ୍ତ ଜହନ୍ ବାପ୍ରିସିମ୍ ହିଜି ମାଚାନ୍, ଇନାକିଦେଂକି ହେ ବାହାତ ବେସି ଏଜୁଂ ମାତିକ୍, ଆରେ ମାନାୟାର୍ ଖାଜି ବାପ୍ରିସିମ୍ ଅଜି ମାଚାର୍; ୨୪ ✱ଜହନ୍ ହେ ପାତେକ୍ ଜଇଲ୍ ଇଞ୍ଜି ଗେହ୍ନାକା ଆଝାଦାଂ ମାଚାନ୍ ।

୨୫ ହେ ବିତ୍ରେ ନିର୍ମାଲ୍ କାମ୍ ବିସ୍ତେ ଜହନ୍ କେତେକ୍ ଚେଲାର୍ ରଝାନ୍ ଜିହୁଦି ଲାହାଙ୍ଗ୍ ଉର୍ଜି କିବାଆତାର୍ ୨୬ ଆରେ, ହେଝାର୍ ଜହନ୍ ଲାଗେ ହାଲ୍ଜି ତାଙ୍ଗେଙ୍ଗ୍ ଇଚାର୍, “ଏ ଗୁରୁ, ଜେ ଜର୍ଦନି ଆଣ୍ଟିପାଡ଼କା ନି ଲାହାଙ୍ଗ୍ ମାଚାର୍, ଇନେନ୍ ବିସ୍ତେ ଏନ୍ ସାକି ହିତାୟନା, ହୁଡ଼ାଟ୍, ହେଝାନ୍ ବାପ୍ରିସିମ୍ ହିନାନା ଆରି ଝିଜାକାର୍ ତା ଲାଗେ ହାନାରା ।”

୨୭ ଜହନ୍ ଉତର୍ ହିତାନ୍, “ସାଗେତାଂ ହିଦ୍ୟାଆଞ୍ଜିତିସ୍ ମାନାୟ୍ ବିର୍କୁଲ୍ ପାୟା ଆଉନ୍ । ୨୮ ଆନ୍ ଜେ କ୍ରିସ୍ଟୁ ଆକାୟ୍, ମାତର୍ ତା ଆଗେ ପକ୍ୟା ଆତାଙ୍ଗ୍ନା, ଇଦାଂ ଆନ୍ ଇଞ୍ଜି ମାଚାଙ୍ଗ୍ ଇଞ୍ଜି ଏପେଙ୍ଗ୍ ନିଜ୍ ନିଜ୍ ନା ସାକି । ୨୯ ଇନେନ୍ ଗାଡ଼୍ ଇଚ୍ଚନାନ୍, ହେଝାନ୍ ବିବାଦାଂଶେନ୍, ମାତର୍ ବିବାଦାଂଶେନ୍ତି ଇମ୍ଣି ସାଙ୍ଗ୍ ଲାଗେ ନିଲ୍ତି ତା କାତା ଝେନାନ୍, ହେଝାନ୍ ବିବାଦାଂଶେନ୍ତି କାଟ୍ କାଜିଂ ବେସି ଝାର୍ଯା ଆନାନ୍, ଇ ଲାକେ, ନା ଇ ଝାରି ବାତ୍ ଆତାଡ଼ନ୍ନା । ୩୦ ହେଝାନ୍ ଆତିସ୍ପା ବାତାନାକା ମାନାଡ଼୍, ମାତର୍ ନାଙ୍ଗେଙ୍ଗ୍ ଉଣାଆଦେଂ ମାନାଡ଼୍ ।”

ସାଗେତାଂ ଝାନାକା ର ମାନାୟ୍

୩୧ ଇନେନ୍ ସାଗେତାଂ ଝାନାନ୍, ହେଝାନ୍ ଝିଜାର୍ତାଂ ଗାଜା; ଇନେନ୍ ପୁତ୍ତାଂ ଉବ୍ଜାଣ୍, ହେଝାନ୍ ପୁତ୍ତାଂ ନିକାନ୍, ଆରେ ହେଝାନ୍ ପୁତ୍ତାଂ କାତା ଇନାନ୍; ଇନେନ୍ ସାଗେତାଂ ଝାନାନ୍, ହେଝାନ୍ ଝିଜାର୍ତାଂ ଗାଜାକାନ୍ । ୩୨ ହେଝାନ୍ ଇନାକା ହୁଡ଼ତାନ୍ନା ଆରି ଝେଚାନ୍ନା, ହେଦାଂ ବିସ୍ତେ ହେଝାନ୍ ସାକି ହିନାନ୍, ମାତର୍ ତା ସାକି ଇନେର୍ ମାନ୍କିଉର୍ । ୩୩ ଇନେନ୍ ତା ସାକି ଇଡ଼ତାନ୍ନା, ଇସ୍ପର୍

✱ ୩:୨୪ ୩:୨୪ ମାତିଉ ୧୪:୩; ମାକ୍ ୬:୧୭; ଲୁକ ୩:୧୯,୨୦.

ଜେ ହାତ୍‌ପା, ଇଦାଂ ହେୱାନ ଚିନ୍ ଇଡ଼ତାନ୍ନା । ୩୪ ଇନାକିଦେଂକି
 ଇସ୍‌ବର ଇନେରିଂ ପକ୍ତି ମାଚାନ୍, ହେୱାନ ଇସ୍‌ବରତି ବଚନ୍ ଇନାନ୍,
 ଇନେକିଦେଂକି ହେୱାନ ଇସ୍‌ବରତି ଜିବୁନ୍‌ତ ବାତ । ୩୫ ଆବା
 ମାଜିଙ୍ଗ୍ ଜିଉନନାନ୍, ଆରେ ସବୁ ବିସ୍ତେ ତା କେଇଦ ହିତାନ୍ନା ।
 ୩୬ ଇନେନ୍ ମାଜିତାକେ ପାତ୍ କିନାନ୍, ହେୱାନ ଝିଜ୍‌ଝି ଜିବୁନ୍
 ପାୟାଆତାନ୍ନା, ମାତର୍ ଇନେନ୍ ମାଜିଙ୍ଗ୍ ମାନିକିଉନ୍, ହେୱାନ ଜିବୁନ୍
 ହୁଡ଼ନ୍, ମାତର୍ ହେୱାନ ଇସ୍‌ବତ୍ କାକ୍ରିନି ଲକୁ ଆଜି ମାନାନ୍ ।

୪

ଜିସୁ ଆରି ସମିରଣିନି କଗଲେ

୧ ଜିସୁ ଜେ ଜହନ୍‌ତାଂ ଆଦିକ୍ ଚେଲା କିନାନା ଆରି ବାପ୍ରିସିମ୍
 ହିନାନା ଇଞ୍ଜି ପାରୁସିର୍ ଝେଚାର୍ । ୨ ହାତ୍‌ପା ଜିସୁ ନିଜେ ବାପ୍ରିସିମ୍
 ହିଝାଦାଂ ମାଚାନ୍, ତା ଚେଲାର୍ ହିଜି ମାଚାର୍ । ୩ ଇଦାଂ ପାରୁସିର୍
 ଇଞ୍ଜିନାର୍ ଇଞ୍ଜି ଏଚେକାଡ଼ଦ ଜିସୁ ଝେଚାନ୍ । ହେଏଚେକାଡ଼ଦ
 ହେୱାନ ଜିହୁଦା ଦେସ୍ ପିସ୍ତି ଆରେ ରଗ ଗାଲିଲିତ ହାଚାନ୍ ।
 ୪ ହେୱାନ ସମିରଣିନି ହାଜି ହିଜି ତାଙ୍ଗେଙ୍ଗ୍ ହାଞ୍ଜେଙ୍ଗ୍ ଲାଗାତାଡ଼
 । ୫ ଲାଗିଂ ହେୱାନ ହାଲ୍‌ଜି ଜାକୁବ୍ ଜାର୍ ମାଜି ଜସେପ୍‌ତିଂ ଇମ୍‌ଣି
 ତାରେନ୍ ଇଚୁକ୍ ଦାନ୍ କିଜି ମାଚାନ୍, ହେବେତାଂ ଲାଗାୟିନି ସମିରଣିନି
 ସୁକାର୍ ତରଦିନି ର ଗାଡ଼ଦ ଏକାତାର୍; ୬ ହେ ବାହାତ ଜାକୁବ୍‌ତି କୁଇ
 ମାଚାଡ଼ । ଇଚିସ୍, ଜିସୁ ହାସଦ ତାଙ୍ଗିଜି ଝାସ୍ତି ମାଚିଲେ ହେ, କୁଇ
 ଲାଗେ କୁଚାନ୍ । ହେଏଚେକାଡ଼ଦ ମୁଣ୍ଡାବେଲା ଆଜି ମାଚାଡ଼ ।

୭ ଆରେ, ର ସମିରଣିନି କଗଲେ ଏଜୁଂ ଅଦେଂ ଝାତାଡ଼ । ଜିସୁ
 ତାଙ୍ଗେଙ୍ଗ୍ ଇଚାନ୍, “ନାଙ୍ଗେଙ୍ଗ୍ ଏଜୁଂ ଉଣ୍ଡେଙ୍ଗ୍ ହିଦା ।” ୮ ହେ ପାଦ୍‌ନା
 ତା ଚେଲାର୍ କାଦି କଡ଼ଦେଂ କାଜିଂ ବସ୍ତିତ ହାଲ୍‌ଜି ମାଚାର୍ ।

୯ ହେବେ ସମିରଣିୟା କଗଲେ ଜିସୁଙ୍ଗ୍ ଇଚାଡ଼, “ଏନ୍ ରଝାୟି
 ଜିହୁଦି ଆରେ ଆନ୍ ରଝାଙ୍ଗ୍ ସମିରଣି କଗଲେ ଇନେସ୍ ନା କେଇଦ
 ଏଜୁଂ ଉଣ୍ଡେଙ୍ଗ୍ ଏଡ଼ାନାୟା ?” ଇନାକିଦେଂକି ସମିରଣିରତି ଲାହାଙ୍ଗ୍
 ଜିହୁଦିର୍ ତୁବା ଆଉର୍ ।

☆ ୩:୩୫ ୩:୩୫ ମାଡିଉ ୧୧:୨୭; ଲୁକ ୧୦:୨୨.

୧୦ ଜିସୁ ତାଙ୍ଗେଙ୍ଗ୍ ଉତର ହିତାନ୍, “ଇସ୍ପରତି ଦାନ୍ ଆରି ନାଂ ଉଣ୍ଡେଙ୍ଗ୍ ହିଦା ଇଞ୍ଜି ଇନେନ୍ ନିଂ ଇଞ୍ଜିନାରା, ହେଝାର୍ ଇନେନ୍, ଏଲେଙ୍ଗ୍ ଜଦି ଏନେଂ ପୁଚାୟ୍‌ମା, ତାଆତିସ୍ ଏନେଂ ତାଂ ଏନ୍ତାୟ୍‌ମା, ଆରେ ହେଝାନ୍ ନିଙ୍ଗେଙ୍ଗ୍ ଜିରୁନ୍‌ନି ଏଜୁଂ ହିତ୍‌ତାନ୍‌ମା ।”

୧୧ ହେ କଗ୍‌ଲେହିମ୍‌ଣା ତାଙ୍ଗେଙ୍ଗ୍ ଇଚାଡ୍, “ଏ ମାପୁ,” ଏଜୁଂ ମୁକ୍ତେଂ ଇଞ୍ଜି ନି ତାକେ ଇମ୍‌ଣି ବାହା ହିଲୁଡ୍, ଆରେ କୁଇ ତ ତେଙ୍ଗା, “ବାଟିଙ୍ଗ୍ ଏନ୍ ଇମେତାଂ ହେ ଜିରୁନ୍‌ନି ଏଜୁଂ ପାୟା ଆତାୟ୍‌ମା । ୧୨ ମା ଇମ୍‌ଣି ଆକର୍ ଦାଦିର୍ ଜାକୁବ୍ ମାଙ୍ଗେଙ୍ଗ୍ ଇ କୁଇ ହିଜି ମାନ୍‌ଚାନ୍, ଆରେ ନିଜେ, ଆରେ ତା ମାଜିର୍ ଆରି ପସୁରାହି ଇବେଣ୍ଡାଂ ଉଣ୍ଡି ମାଟିକ୍, ତା ତାକେଣ୍ଡାଂ କି ଏନ୍ ଗାଜା ?”

୧୩ ଜିସୁ ତାଙ୍ଗେଙ୍ଗ୍ ଉତର ହିତାନ୍, “ଇନେନ୍‌କି ଇ ଏଜୁଂ ଉଣାନ୍, ହେଝାନ୍ ଆରେ ରଗ ଏସ୍‌କି ଆନାନ୍; ୧୪ ମାତର ଆନ୍ ଇମ୍‌ଣି ଏଜୁଂ ହିଦ୍‌ନାଂ, ହେଦାଂ ଇନେନ୍‌କି ଉଣାନ୍, ହେଝାନ୍ ଇନାଝାଡ଼ାଂ ପା ଏସ୍‌କି ଆଉନ୍, ଆତିସ୍ ଆନ୍ ତାଂ ଇମ୍‌ଣି ଏଜୁଂ ହିନାଂ, ହେଦାଂ ଝିଜ୍‌ଝି ଜିରୁନ୍ ଏଜୁଙ୍ଗ୍‌ନି ଝିଜ୍‌ଝି ଲାକେ ତାତାକେ ଡିଜି ହାନ୍ ।”

୧୫ କଗ୍‌ଲେହିମ୍‌ଣା ତାଙ୍ଗେଙ୍ଗ୍ ଇଚାଡ୍, “ଏ ମାପୁ,” ହିଗ୍‌ଦ ଏଜୁଂ ହିଦା ଇନେସ୍ ଏସ୍‌କି ଆନ୍ ଇନାଝାଡ଼ାଂ ଏସ୍‌କି ଆଉଙ୍ଗ୍, “ଆରେ ଏଜୁଂ ମୁକ୍ତେଂ ଇଞ୍ଜି ଏଚେକ୍ ହାଜି ଇବେ ଝାଦେଙ୍ଗ୍ ଲାଗ୍‌ଦେମେଡ୍, ଇଦାଂ କାଜିଂ ନାଙ୍ଗେଙ୍ଗ୍ ହେ ଏଜୁଂ ହିଦା ।” ୧୬ “ଜିସୁ ତାଙ୍ଗେଙ୍ଗ୍ ଇଚାନ୍, ହାଲା, ନି ଆଣ୍ଡେନ୍ କୁକ୍‌ତି ଇବେ ଝା ।”

୧୭ କଗ୍‌ଲେହିମ୍‌ଣା ତାଙ୍ଗେଙ୍ଗ୍ ଉତର ହିତାଡ୍, “ନା ଆଣ୍ଡେନ୍ ହିଲୁନ୍ ।”

ଜିସୁ ତାଙ୍ଗେଙ୍ଗ୍ ଇଚାନ୍, ଏନ୍ ନା ଆଣ୍ଡେନ୍ ହିଲୁନ୍ ଇଞ୍ଜି, ଇଦାଂ ସଡ୍ ଇଚାୟ୍; ୧୮ ନି ପାଞ୍ଜିଜାଣ୍ ତକ୍‌କାଦିର୍ ମାଚାର୍, ମାତର ନଙ୍‌ୟ୍ ଇନେନ୍ ଲାହାଂ ମାନାୟା, ହେଝାନ୍ ନି ଆଣ୍ଡେନ୍ ଆକାୟ୍ । ଇଦାଂ ଆନେଙ୍ଗ୍ ହାଡ୍‌ପା ଇଞ୍ଜିନାଙ୍ଗା ।

୧୯ କଗ୍‌ଲେହିମ୍‌ଣା ତାଙ୍ଗେଙ୍ଗ୍ ଇଚାଡ୍, “ଏ ମାପୁ,” ଏନ୍ ଜେ ରକାୟ୍ ବେଣ୍‌ବାକ୍‌ଶାୟ୍‌କିନାକାୟ୍, ଇଦାଂ ଆନ୍ ପୁଞ୍ଜିନାଙ୍ଗା ।

୨୦ “ମା ଆବା ଲାତ୍ରା ଇ ମାଡ଼ିତ ପାର୍ତାନା କିତାର୍; ଆରେ, ଏପେଙ୍ଗ୍ ଜିହୁଦି କାଦେର୍ ଇଞ୍ଜିନାଦେରା, ଇମ୍ଫାଣି ବାହାତ ପାର୍ତାନା କିନାକା ଲଡ଼ା, ହେଦାଂ ଜିରୁସାଲମ୍ତ ମାନାଡ଼ ।”

୨୧ ଜିସୁ ତାଙ୍ଗେଙ୍ଗ୍ ଇଚାନ୍ ଏ କଗ୍ଲେ, “ନା ବେରଣ୍ ପାତ୍ କିୟା, ଇ ସମୁ ଖାନାତା ଇମ୍ଫାଣି ସମୁତ ଏପେଙ୍ଗ୍ ଇ ମାଡ଼ିତ କି ଜିରୁସାଲମ୍ତ ପା ଆବାତି ପାର୍ତାନା କିତଦେର୍ । ୨୨ ଏପେଙ୍ଗ୍ ସମିରଣି ନିକାଦେର୍ ହାଡ଼ପା ଇନେକିଦେଂ ପୁନୁଦେରା, ତାଙ୍ଗେଙ୍ଗ୍ ପାର୍ତାନା କିଜି ମାନାଟ୍ ମାତର୍ ଆପେଂ ଜିହୁଦିର୍ ଇନେରିଂ ପୁନାପ୍ ତା ପାର୍ତାନା କିନାପ୍, ଇନାକିଦେଂକି ମୁଲ୍ଲି ଆନାକା ଜିହୁଦିର୍ ବିତ୍ରେତାଂ ଖାନାଡ଼ । ୨୩ ମାତର୍ ଇମ୍ଫାଣି ସମୁତ ହାଡ଼ପା ପାର୍ତାନା କିନାକାର୍ ଜିବୁଡ୍ଡ ଆରି ହାଡ଼ପାତ ଆବାତି ପାର୍ତାନା କିତାର୍, ହେ ଲାଗ୍ଦି ସମୁ ଖାନାତା; ଆରି, ନଙ୍ଗ୍ୟ ପା ଏକାଖାତାଡ଼; ଇନାକିଦେଂକି ଆବା ଏପେଙ୍ଗ୍ ବାନି ପାର୍ତାନା ମାନକିନାନ୍ । ୨୪ ଇସ୍ପତ୍ ଜିବୁନ୍ ଆନାନ୍, ଆରେ କେବଲ୍ ଜିବୁନ୍ନି ସାଲ୍ଲି ଆରି ହାଡ଼ପା ହୁକେ ହେଖାଡ଼ି ପାର୍ତାନା କିତାର୍, ହେଖାଡ଼ି ଜିବୁଡ୍ଡ ଆରି ହାଡ଼ପାତ ପାର୍ତାନା କିନାକା ହେଖାଡ଼ି ଲଡ଼ା ।”

୨୫ କଗ୍ଲେହିମ୍ଫାଣା ତାଙ୍ଗେଙ୍ଗ୍ ଇଚାଡ଼, ମସିୟା ଇମ୍ଫାଣାକାନିଂ କ୍ରିସ୍ଟ ଇନାର୍, “ହେଖାନ୍ ଖାନାନା ଇଞ୍ଜି ଆନ୍ ପୁନାଙ୍ଗ୍; ଏଚେକାଡ଼୍ଦ ହେଖେନ୍ ଖାନାନ୍, ହେଖାନ୍ ମାଙ୍ଗେଙ୍ଗ୍ ସବୁ ବିସ୍ତେ ଜାଣାୟ୍ କିଦ୍ନାନ୍ ।”

୨୬ ଜିସୁ ତାଙ୍ଗେଙ୍ଗ୍ ଇଚାନ୍, “ମି ହୁଦାଂ ବେଣ୍‌କିଦ୍ନାଙ୍ଗା ଜେ ଆନ୍, ଆନ୍ ହେଖାଙ୍ଗ୍ ।”

୨୭ ଏଲେଙ୍ଗ୍‌ବାତ୍ ସମୁତ ତା ଚେଲାର୍ ଖାଜି ତାଙ୍ଗେଙ୍ଗ୍ ର କଗ୍ଲେହିମ୍ଫାଣା ଲାହାଙ୍ଗ୍ ବେଣ୍‌କିବାଆନାକା ହୁଡ଼ଜି କାବା ଆଡାର୍, “ଇନାକା ଇଚା କିନାୟ୍,” ନଲେ ଇନେକିଦେଂ ହେଦାଂ ରଚେ ବେଣ୍‌କିନାନା, “ଇଦାଂ ଇନେର୍ ତାଙ୍ଗେଙ୍ଗ୍ ଖେନ୍‌ବେଦେଂ ସାସ୍ କିଖାତାର୍ ।”

୨୮ ହେବେତାଂ ହେ କଗ୍ଲେହିମ୍ଫାଣା ଜାର୍ ଗାଗ୍ରି ଇଡ଼ଜି ବସ୍ତିତ ହାଲ୍ଲଜି ମାନାୟ୍‌ରିଂ ଇଚାଡ଼, ୨୯ “ଖାଡୁ ରଖାନିଂ ହୁଡ଼ନାଦେର୍, ଆନ୍ ଇନା ଇନାକା କିତାଙ୍ଗ୍‌ନା, ହେ ଖିଜୁ ହେଖାନ୍ ନାଙ୍ଗେଙ୍ଗ୍ ଇନ୍‌ଚାନ୍;

ହେୱାନ ଇନେସ୍ ଆତିସ୍ ଜିସୁ କାତେ ?” ୩୦ ଇବେଣ୍ଡା ଲକୁ ବସ୍ତିତ ହସି ତା ଲାଗେ ହାଞ୍ଜେଙ୍ଗ୍ ଲାଗାତାର୍ ।

୩୧ ହେବେ ତେଲାର୍ ତାଙ୍ଗେଙ୍ଗ୍ ଗଞ୍ଜାରି କିଜି ଇଚାର୍, “ଏ ଗୁରୁ, ଇଚୁକ୍ ଚିନ୍ତେଙ୍ଗ୍ ୱା !”

୩୨ ମାତର୍ ଜିସୁ ହେୱେରିଂ ଉତର୍ ହିତାନ୍, “ତିନି କାଜିଂ କାଦି ନାତାକେ ମାନାତ୍ ତା ବିସ୍ତେ ଏପେଙ୍ଗ୍ ଇଚୁକ୍ ପୁନୁଦେର୍ ।”

୩୩ ଲାଗିଂ ତେଲାର୍ ହେୱେର୍ ହେୱାର୍ ଇଞ୍ଜେଙ୍ଗ୍ ଲାଗାତାର୍, “ଇନେନ୍ ତାଙ୍ଗେଙ୍ଗ୍ କାଦି ତାହିହିତାନ୍ନା କି ?”

୩୪ ଜିସୁ ହେୱାରିଂ ଇଚାନ୍, ନା ପକ୍ତାତାକାନ୍ ମାନ୍ ପୁରାକିନାକା ଆରି ତା ହିତି କାମାୟ୍ ଓହ୍ନାକା, “ଇଦାଂ ନେ ନା କାଦି ।” ୩୫ ଏପେଙ୍ଗ୍ ଇଞ୍ଜନାଦେରା ପାଚି ତ୍ରେସ୍ଦେଙ୍ଗ୍ ଇଞ୍ଜି ଆରେ ଚାରି ମାସ୍ ମାନାତ୍, ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା ପାଚିଙ୍ଗ୍ ନିପହୁଡାଟ୍ ହେ ଓଜୁ ତ୍ରେସ୍ଦେଙ୍ଗ୍ ଇଞ୍ଜି ହେନ୍ତାତେ । ୩୬ ନଙ୍ଗାୟ୍ ପାତେକ୍ ତ୍ରେସ୍ନାକାନ୍ କୁଲି ପାୟାଆନାନା ମୁଡ୍ ପାୟାଆନାନା ଆରି ଓଜିଓଜି ଜିଚୁନ୍ କାଜିଂ ପାଡ୍ ରୁଣ୍ଡାୟ୍ କିନାନା, ଇନେସ୍ ଓଡ୍ନାକାନ୍ ଆରି ତ୍ରେସ୍ନାକାନ୍ ରିକାର୍ ମେହାଆଜି ୱାରି କିତାର୍ । ୩୭ ଇନାକିଦେଂକି ରକାନ୍ ଓଡ୍ନାନ୍ ଆରି ଆରେ ରକାନ୍ ତ୍ରେସ୍ନାନ୍, ଇ ବେରଣ୍ ହାଡ୍ପା । ୩୮ ଏପେଙ୍ଗ୍ ଇମ୍ପାକାନ୍ କାଜିଂ କାମାୟ୍ କିଞ୍ଜାତାଦେଣ୍ଡା, ହେଦାଂ ତ୍ରେସ୍ଦେଙ୍ଗ୍ ଇଞ୍ଜି ଆନ୍ ମିଙ୍ଗେଙ୍ଗ୍ ପକ୍ତାତାଂ; ବିନ୍ଲଗୁ କାମାୟ୍ କିନାରା, ଆରେ ଏପେଙ୍ଗ୍ ହେୱାର୍ତି କାମାୟ୍ କିତି ଲାବ୍ ପାୟାଆନାଦେରା ।

୩୯ ଆନ୍ ଇନା ଇନାକା କିତାଙ୍ଗ୍ନା, ହେ ଓଜୁ ହେୱାନ୍ ନାଙ୍ଗେଙ୍ଗ୍ ଇନ୍ତାନ୍ ଇ କାତା ଇମ୍ପାଣି କଗ୍ଲେହିମ୍ପାଣା ସାକି ହିଜି ମାତାତ୍, “ତା ବେରଣ୍ କାଜିଂ ହେ ବସ୍ତିତ ସମିରଣିୟର୍ ବିତ୍ରେ ହେନି ତାତାକେ ପାତ୍ କିତାର୍ ।” ୪୦ ଆରେ, ହେ ସମିରଣିୟର୍ ତାଂ ଲାଗେ ୱାଜି ହେୱାର୍ ଲାହାଙ୍ଗ୍ ମାଞ୍ଜେଙ୍ଗ୍ ଇଞ୍ଜି ତାଙ୍ଗେଙ୍ଗ୍ ଗଞ୍ଜାରି କିତାର୍, ଆରେ ହେୱାନ୍ ରି ଦିନ୍ ହେ ବାହାତ ମାତାନ୍ ।

୪୧ ଆରେ, ଜିସୁତି ବଚନ୍ କାଜିଂ ଆରେ ହେନି ମାନାୟ୍ ପାତ୍ କିତାର୍; ୪୨ ଆରେ, ହେୱାର୍ ହେ କଗ୍ଲେହିମ୍ପାଣାତିଂ ଇଚାର୍, “ନଙ୍ଗାୟ୍ ମି ବେରଣ୍ କାଜିଂ ଆପେଂ ପାତ୍ କିତାପା, ମାତର୍ ଆପେଂ ଜାର୍ ଜାର୍

ଝେନାପା, ଆରେ ଇଝାନ ଜେ ହାଡ଼ପାନେ ପୁତ୍ରି ନି ମୁକ୍ତି କିଦନାକାନ, ଇଦାଂ ଆସେଙ୍ଗ ପୁରାସନା ।”

ରାଜ୍ କାମାୟକିନି ମାଜି ଉଜ୍ କିତାନ

୪୩ ରି ଦିନ୍ ପାଚେ ହେଝାନ ହେବେତାଂ ହସି ଗାଲିଲିତ ହାତାନ ।
୪୪ “ଇନାକିଦେଂକି ବେଣିବାକ୍‌ଶାୟ୍ କିନାକାନ ଜାର୍ ଦେସ୍ତ ମାନି ପାୟା ଆଉନ୍ ଇଞ୍ଜି ଜିସୁ ନିଜେ ସାକି ହିତାନ ।” ୪୫ ପାଚେ, ହେଝାନ ଗାଲିଲିତ ଖାତିଲେ, ପାର୍ତୁ ସମୁତ ହେଝାନ ଜିରୁସାଲମ୍‌ତ ଇନା ଇନାକା କିଜି ମାତାନ, ହେ ଓଜୁ ହୁଡ଼ଜିମାତିଲେ ଗାଲିଲିର୍ ତାଙ୍ଗେଙ୍ଗ ମାନି କିତାର୍, ଲାଗିଂ ହେଝାର୍ ପା ପାର୍ତୁତ ହାଲ୍‌ଜି ମାତାର୍ ।

୪୬ ଇଦାଂ ପାଚେ ଗାଲିଲିନି ଇମଣି କାନା ଗାଡ଼ଦ ହେଝାନ ଏଜୁକାଂ ଅଙ୍ଗୁର୍ ରାସ୍ କିଜି ମାତାନ, ହେ ବାହାତ ହେଝାନ ଆରେ ରଗ ହାତାନ । ଆରେ ହେବେ ରକାନ ଗୁମୁସ୍ତା ମାତାନ, ତା ମାଜି କପର୍ନାହୁମ୍ ବିଡ୍ ଆଜି ମାତାନ । ୪୭ ଜିସୁ ଜିହୁଦା ଦେସ୍ତାଂ ଗାଲିଲିତ ହସି ଖାତାନନା, ଇଦାଂ ଝେନଞ୍ଜି ହେଝାନ ତା ଲାଗେ ହାଲ୍‌ଜି ହେଝାନ ଇନେସ୍ ଝାଜି ତା ମାଜିଙ୍ଗ ଉଜ୍ କିନାନ, ଇଦାଂ କାଜିଂ ତାଙ୍ଗେଙ୍ଗ ଗଝାରି କିଦେଙ୍ଗ ଲାଗାତାର୍, ଇନାକିଦେଂକି ହେଝାନ ହାନି ଲାକେ ଆଜି ମାତାନ । ୪୮ ହେବେତାଂ ଜିସୁ ତାଙ୍ଗେଙ୍ଗ ଇଚାନ, “ଚିନ୍ ଆରେ କାବାନି କାମାୟ୍ ହୁଡ଼ଝିତିସ୍ ଏପେଙ୍ଗ ଇନେସ୍ କିତିସ୍‌ପା ପାଚ୍ କିଉଦେର୍ ।”

୪୯ ଗୁମୁସ୍ତା ତାଙ୍ଗେଙ୍ଗ ଇଚାନ, “ଏ ମାପୁ, ନା କାଡ଼ଦେ ହାନି ଆଗେ ଝା ।” ୫୦ ଜିସୁ ତାଙ୍ଗେଙ୍ଗ ଇଚାନ, ହାଲା, ମି ମାଜି ଜିତାନେ । “ଜିସୁ ହେ ମାନାୟ୍‌ତିଂ ଇମଣି ବଚନ୍ ଇଚାନ,

ହେଝାନ ହେଦାଂ ପାଚ୍ କିଜି ମାସ୍‌ଦି ହାତାନ ।” ୫୧ ପାଚେ, ହେଝାନ ହାଲ୍‌ଜି ହାଲ୍‌ଜି ତା ଆଡ଼ିୟାର୍ ତାଙ୍ଗେଙ୍ଗ ବେର୍ ଆଜି ନି କାଡ଼ଦେ ଜିତାନେ ଇଞ୍ଜି ଇଚାର୍ ।

୫୨ ଇମଣି ସମୁତ ଉପକାର୍ ଆତାନ, ହେଦାଂ ହେଝାନ ହେଝେରିଂ ଝେନବାତାନ । “ହେବେତାଂ ହେଝାର୍ ତାଙ୍ଗେଙ୍ଗ ଇଚାର୍, ନିହିଙ୍ଗ ଗନ୍‌ଚେଝେଡାଙ୍ଗ ତାଙ୍ଗେଙ୍ଗ ନମେର୍ ପିସ୍‌ତାଡ଼ ।” ୫୩ ଇବେତାଂ ଆବା ବୁଜାଆତାନ ଜେ, ଜିସୁ ଇମଣି ସମୁତ ନି ମାଜି ଜିତାନେ ଇଞ୍ଜି

☆ ୪:୪୫ ୪:୪୫ ଜହନ୍ ୨:୨୩.

ତାଙ୍କେଇଁ ଖେଚି ମାଚାର, “ହାତପା ହେ ସମୁତ ଇଦାଂ ଗିଟାଆଜି ମାଚାତ୍ ।” ହେଖାନ ଆରି ତା ଓଜାକାର କୁଟୁମ୍ ପାତ୍ କିତାର ।

୫୪ ଜିହୁଦାତାଂ ଆରେ ରଗ ଗାଲିଲିତ ଖାତି ପାଚେ ଇଦାଂ ଜିସୁତି ରିହା କାବାଆନି କାମାୟ କିତାନ ।



ଜିସୁ ବାନ୍ଦ ଲାଗାୟ ରଗ୍ୟାଙ୍ଗ ଉଜ୍ କିତାନ

୧ ଇଦାଂ ପାଚେ ଜିହୁଦିତ୍ ର ପାର୍ବୁ ଏକାଖାତାତ୍, ଆରେ ଜିସୁ ଜିରୁସାଲମ୍ତ ହାଚାନ । ୨ ଜିରୁସାଲମ୍ନି ମେଣ୍ଡା ଦୁଖେର୍ କଚଣ୍ ର ବାନ୍ଦ ମାନାତ୍; ଏବି ବାସାତାଂ ତାଙ୍କେଇଁ ବେତ୍‌ସାଇଦା ଇଞ୍ଜି ଇନାର, ହେ ବାନ୍ତ ପାଞ୍ଚଗଟା ମଣ୍ଡମ୍ ମାନାତ୍ । ୩ ହେ ମାଣ୍ଡମ୍ତ ହେନି ହେନି ସୁକ୍ ହିଲ୍‌ଖାକାର, କାଶା, ଚଟା, ଆରି ହିରକଲ୍‌ରଗି ମାଚାର । ହେଖାର ନାଗୁଡ୍ ଉଲ୍‌କା ଆନାକା କାଜିଂ ମାଚାର; ୪ ଇନାକିଦେଂକି ଇନା ଇନା ଖେଡାଙ୍ଗ ମାପୁତି ରଖାନ ଦୁତ୍ ବାନ୍ତ ଜୁଜି ନାଗୁଡ୍ ଉଲ୍‌କାୟ କିଜି ମାଚାନ, ଆରେ ନାଗୁଡ୍ ଉଲ୍‌କା ଆତି ସମୁତ ଇନେରକି ପର୍ତୁମ୍ ହେବେ ହଞ୍ଜି ମାଚାନ, ହେଖାନ ଇନେସ୍ ବାତ୍ ରଗ୍ ବେମାର୍ ମାଚାନ ପା ଉଜ୍ ଆଜି ମାଚାର । ୫ ହେବେ ତିରିସ୍‌ଆର୍ ବାହୁଁ ପାଚେକ୍ ରଗ୍ୟା ରକାନ୍ ମାନାୟ ମାଚାନ । ୬ ଜିସୁ ତାଙ୍କେଇଁ ମାଗ୍‌ଜିମାନାକା ହୁଡ୍‌ଜି ବେସିଦନ୍‌ଡ୍ ରଗ୍ୟା ଇଞ୍ଜି ପୁଞ୍ଜି ତାଙ୍କେଇଁ ଖେନ୍‌ବାତାନ, “ଏନ୍ ଇନାକା ଉଜ୍ ଆଦେଂ ଇଚା କିନାୟା ?”

୭ ରଗ୍ୟା ମାନାୟ ଜିସୁଙ୍ଗ୍ ଉତର୍ ହିତାନ, “ଏ ମାପୁ, ଏଜୁଂ ଉଲ୍‌କା ଆନି ସମୁତ ନାଙ୍କେଇଁ ବାନ୍ଦ ବିତ୍ରେ ଅଜି ହାଞ୍ଜେଇଁ ଇଞ୍ଜି ନାଙ୍ଗ୍ ଇନେର୍ ହିଲୁର୍; ଆରେ, ଆନ୍ ହାଲୁ ହାଲୁ ବିନେ ନିକାନ୍ ନା ଆଗେ ହଞ୍ଗାନାନା ।”

୮ ଜିସୁ ତାଙ୍କେଇଁ ଇଚାନ, “ନିଙ୍ଗା, ନି କାଚେଲ୍ ଆସ୍ତି ତାଙ୍ଗା ।” ୯ ହେ ଦାପ୍ରେ ହେ ମାନାୟ ଉଜ୍ ଆତାନ ଆରି ଜାର୍ କାଚେଲ୍ ଆସ୍ତି ତାଙ୍ଗ୍‌ଦେଂ ଲାଗାତାନ ।

ହେ ଦିନା ଜମ୍‌ନିବାର ମାଚାତ୍ । ୧୦ ହେବେତାଂ, ଜିହୁଦିର୍ ଉଜ୍ ଆତି ଲଗାଂ ଇଞ୍ଜେଇଁ ଲାଗାତାର, “ନେଞ୍ଜେଇଁ ଜମ୍‌ନିବାର, କାଚେଲ୍ ପିଣ୍ଡି ଅନାକା ନି ବିଦି ହିଲୁଡ୍ ।” ୧୧ ମାଚର୍, ହେଖାନ ହେଖାରିଂ

ଉତ୍ତର ହିତାନ୍, “ଜେ ନାଲୋଙ୍ଗ ଉଜ୍ କିତ୍ତାନ୍, ହେୱାନ୍ ନାଲୋଙ୍ଗ
ଇନ୍ତାନ୍, ନି କାଟେଲ୍ ଆସ୍ତି ତାଙ୍ଗା ।”

୧୭ ହେୱାନ୍ ତାଲୋଙ୍ଗ୍ ଖେନ୍‌ବାତାର୍, “ନି କାଟେଲ୍ ଆସ୍ତି ତାଙ୍ଗା
ଇଞ୍ଜି ଜେ ନିଲୋଙ୍ଗ୍ ଇନ୍ତାନ୍, ହେ ଲକ୍ ଇନେନ୍ ?”

୧୮ ମାତର୍ ହେୱାନ୍ ଇନେନ୍, ହେଦା ହେ ଉଜ୍ ଆତି ଲକ୍
ପୁନ୍‌ଖାଦାଂ ମାତାନ୍, ଇନାକିଦେଂକି ହେ ବାହାତ ହେନି ମାନାୟାର୍
ମାନିକାଜିଂ ଜିସୁ ଏଡା ଆଜି ହାଲ୍‌ଜି ମାତାନ୍ ।

୧୯ ଇଦାଂ ପାଟେ ଜିସୁ ମନ୍ଦିରତ ଚଞ୍ଜ୍ୟା ଆଜି ତାଲୋଙ୍ଗ୍ ଇଚାନ୍,
“ହୁଡାଟ୍, ଏପେଙ୍ଗ୍ ଉଜ୍ ଆତାଦେଶ୍ଟା, ଆରେ ପାପ୍ କିମାଟ୍, ଇନେସ୍‌କି
ମି କାଜିଂ ଆଦେକ୍ କସ୍ତୁ ଗିଟା ଆଦନାଟ୍ ।” ୧୫ ହେ ମାନାୟ୍ ତାଙ୍ଗ୍‌ଜି
ହାଲ୍‌ଜି, ଇନେର୍ ତାଲୋଙ୍ଗ୍ ଉଜ୍ କିଜି ମାତାର୍, ହେୱାନ୍ ଜିସୁ ଇଞ୍ଜି
ଜିହୁଦି ନେତାରିଂ ଇଚାନ୍ । ୧୬ ଲାଗିଂ ଜିସୁ ଜମ୍‌ନିବାର୍ ନାଜିଂ ଇଦାଂ
କିଜି ମାଟିଲେ ଜିହୁଦିର୍ ତାଲୋଙ୍ଗ୍ ଗାଣ୍‌ଜୁ କିଦେଙ୍ଗ୍ ଲାଗାତାର୍ ।
୧୭ ମାତର୍ ଜିସୁ ହେୱାରିଂ ଉତ୍ତର ହିତାନ୍, “ମାଞ୍ଜି ଆବା ସବୁ ନାଞ୍ଜିଙ୍ଗ୍
କାମାୟ୍ କିନାନା, ଆରେ ଆନ୍ ପା କିନାଙ୍ଗା ।”

୧୮ ଇ ନିୟମ୍‌ତାଂ ଜିହୁଦିର୍ ତାଲୋଙ୍ଗ୍ ଆସ୍ତେଙ୍ଗ୍ ଇଞ୍ଜି ଆରେ
ଆଦେକ୍ ସେସ୍ତା କିଦେଙ୍ଗ୍ ଲାଗାତାର୍, ଇନାକିଦେଂକି ହେୱାନ୍
ଜମ୍‌ନିବାର୍ ନାଜିଂ ମାନିକିଖାତାନ୍ କେବଲ୍ ଆକାୟ୍, ମାତର୍ ଇସ୍‌ବର୍
ଲାହାଙ୍ଗ୍ ଜାର୍ ଆବା ଇଞ୍ଜି ଇଞ୍ଜି ଜାର୍‌ତିଂ ଇସ୍‌ବର୍ ଲାହାଙ୍ଗ୍ ସମାନ୍ କିଜି
ମାତାନ୍ ।

ମାଜିତି ଆଦିକାର୍

୧୯ ଲାଗିଂ ଜିସୁ ହେୱାରିଂ ଉତ୍ତର ହିତାନ୍, “ହାଡ୍‌ପା ହାଡ୍‌ପା ଆନ୍
ମିଲୋଙ୍ଗ୍ ଇଞ୍ଜିନାଙ୍ଗା, ମାଜି ହେୱାନ୍ ନିଜେ କିଦେଙ୍ଗ୍ ଆଡୁନ୍ ତା ଆବା
ଇନାକା କିନାନ୍ ହେଦାଂ ନେ ହୁଡ୍‌ଡିସ୍, ମାଜିପା ହେଦାଂ କିନାନ୍ ।
ଇନାକିଦେଂକି ହେୱାନ୍ ଇନା ଇନାକା କିନାନ୍, ମାଜିପା ହେଦାଂ ଝିଜୁ
ହେ ଲାକେ କିନାନ୍ । ୨୦ ଇନାକିଦେଂକି ଆବା ମାଜିଙ୍ଗ୍ ଜିଉନନାର୍,
ଆରେ ନିଜେ ଇନାକା କିନାନ୍ ହେ ଝିଜୁ ତାଲୋଙ୍ଗ୍ ଚର୍ଚନାନ୍ ଆରେ
ଇବେତାଂ ଗାଜା କାମାୟିଙ୍ଗ୍ କିନି କାଜିଂ ହେୱାନ୍ ତାଲୋଙ୍ଗ୍ ଚର୍ଚନାନ୍
ଆରେ ଏପେଙ୍ଗ୍ ଝିଜାଦେର୍ କାବା ଆନାଦେର୍ । ୨୧ ଲାଗିଂ ଆବା
ଇନେସ୍ କିଜି ହାତି ଲାଗାଂ ନିକ୍‌ଟି ଆରେ ଜିବୁନ୍ ହିନାନ୍, ହେ ଲାକେ

ମାଜି ପା ଇନେରିଂ ମାନ୍ କିନାନ୍, ହେଝାରିଂ ଜିବୁନ୍ ହିନାନ୍ । ୨୨ ଆରେ, ଆବା ପା ଇନାକାନିଂ ବିଚାର୍ କିଉନ୍, ବିଚାର୍ କିନି କାଜିଂ ହେଝାନ୍ ଜାର୍ ମାଜି ଆଦିକାର୍ ହିତାନ୍ନା । ୨୩ ହେବେତାଂ ଆବାଂ ମାନି କିତାର୍ ମାଜିଙ୍ଗ୍ ପା ହେ ଲାକେ ଝିଜାର୍ ମାନି କିତାର୍, ଇନେନ୍ ମାଜିଙ୍ଗ୍ ମାନିକିଉନ୍ ତା ପକ୍ତିତି ଆବାଂ ପା ହେଝାନ୍ ମାନିକିଉନ୍ ।”

୨୪ “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍ ବଚନ୍ ଝେନ୍ଝି ନା ପକ୍ତାକାନିଂ ପାତର୍ କିନାନ୍, ହେଝାନ୍ ଝିଞ୍ଝି ଜିବୁନ୍ ପାୟା ଆତାନ୍ନା, ଆରେ ହେଝାନ୍ ବିଚାର୍ କିୟାଆଉନ୍ ହାକିତିଂ ନାସି ହାଲ୍ଲଜି ଜିବୁନ୍ ତାକେ ହଟାନ୍ନା । ୨୫ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ସମ୍ପୁ ଝାନାତା, ଏଚେକାଡ଼ଦ ହାତାକାର୍ ଇସ୍ପର୍ ମାଜି ଝେଇ ଝେନାର୍ ଆରି ଇନେର୍ ଝେନାର୍, ହେଝାର୍ ଜିବୁନ୍ ପାୟା ଆନାର୍ ଆରେ ଇ ଦିନ୍ତ ପା ଝାତାତେ । ୨୬ ଇନାକିଦେଂକି ଆବାଂ ଇନେସ୍କି ନିଜେ ଜିବୁନ୍, ହେ ଲାକେ ହେଝାନ୍ ମାଜିଙ୍ଗ୍ ପା ନିଜେ ଜିବୁନ୍ ଆଦେଂ ହିତାନ୍ନା; ୨୭ ଆରେ, ହେଝାନ୍ ମାନାୟ୍ ମାଜି ଆନି କାଜିଂ ହେଝାନ୍ ତାଙ୍ଗେଙ୍ଗ୍ ବିଚାର୍ କିନାକା ଆଦିକାର୍ ହିତାନ୍ । ୨୮ ଇବେ କାବା ଆମାଟ୍, ଇ ସମ୍ପୁ ଝାନାତା ସମ୍ପୁତ ଦୁଗେର୍ତ୍ତ ଝିଜାକାର୍ ତା କାଟ୍ ଝେନାର୍, ୨୯ ହେଝାର୍ ଦୁଗେର୍ତାଂ ନିଙ୍ଗ୍ଜି ଝାନାର୍, ଆରେ ଇମ୍ନାକାର୍ ହାର୍ଦି କାମାୟ୍ କିତାର୍ଣ୍ଣା ହେଝାର୍ ଆରେ ନିଂଜି ଜିବୁନ୍ ଆନାର୍, ବାନ୍ୟା କାମାୟ୍ କିନାକାର୍ ଆରେନିଂନାର୍ ଆରି ହେଝାର୍ ତାଣ୍ ପାୟା ଆନାର୍ ।”

ଜିସୁ ପାକ୍ୟାତାଂ ସାକି

୩୦ “ଆନ୍ ରଝାଙ୍ଗ୍ ଇନାକା କିଦେଙ୍ଗ୍ ଆଡୁଙ୍ଗ୍; କେବଲ୍ ଇସ୍ପର୍ ବଲ୍ତାଂ ଆନ୍ ବିଚାର୍ କିନାଙ୍ଗ୍ ଇନେସ୍କି ଝେନାଙ୍ଗ୍, ହେ ଲାକେ ବିଚାର୍ କିନାଙ୍ଗ୍, ଆରେ ନା ବିଚାର୍ ସମାନ୍, ଇନାକିଦେଂକି ଆନ୍ ଜାର୍ ମାନ୍ ହୁଦାର୍ କିଦେଂ ସେସ୍ଟୁ କିଝାଦାଂ ନା ପକ୍ତାତାକାନିଂ ଇତା କିଦେଙ୍ଗ୍ ସେସ୍ଟୁ କିନାଙ୍ଗ୍ ।”

୩୧ “ଜଦି ଆନ୍ ନିଜେ ବିସ୍ତେ ନିଜେ ସାକି ହିନାଙ୍ଗ୍, ତା ଆତିସ୍ ନା ସାକ୍ୟା ହାଡ଼ପା ଆକାୟ୍ । ୩୨ ନା ବିସ୍ତେ ଇନେନ୍ ରକାନ୍ ସାକି ହିନାନ୍, ହେଝାନ୍ ଆରେ ପୁନାନ୍; ଆରି, ନା ବିସ୍ତେ ତା ସାକି ଜେ ହାଡ଼ପା, ହେଦାଂ ଆନ୍ ପୁନାଙ୍ଗ୍ । ୩୩ ଏପେଙ୍ଗ୍ ଜହନ୍

ଲାଗାଂ ମାନାୟ ପକ୍ତାଦେଶ୍ୱା ଆରି ହେୱାନ ହାତପା ଲକାର୍ ସାକି ହିନାନା; ୩୪ ମାତର୍ ଆନ୍ ମାନାୟତିଂ ସାକି ମାନି କିଉଙ୍ଗ୍, ଇତିସ୍ ଏପେଙ୍ଗ୍ ଇନେସକି ମୁକ୍ତି ଆନାଦେର୍, ହେଦାଂ କାଜିଂ ଇ ସବୁ ଇଞ୍ଜନାଙ୍ଗା । ୩୫ ଜହନ୍ ଆହ୍ନି ଅଜଡ୍ ବଇଟା ଲାକେ ମାଗାନ୍, ଆରେ ଏପେଙ୍ଗ୍ ଅଲପ୍ ଦିନ୍ ତା ଅଜଡ୍ତ୍ ଖାରି କିନି କାଜିଂ ଖାରିୟା ଆତାଦେର୍ । ୩୬ ମାତର୍ ଜହନ୍ତି ସାକି ତାଙ୍ଗ୍ ନାତାଙ୍ଗ୍ ସଲକେ ସାକି ମାନାତ୍, ଇନାକିଦେଂକି ଆବା ନାଙ୍ଗେଙ୍ଗ୍ ଇମ୍ଣି ଇମ୍ଣି କାମାୟ୍ ଓସ୍ତେଙ୍ଗ୍ ହିତ୍ନା, ଜେ ଓଜୁ କାମାୟ୍ ଆନ୍ କିନାଙ୍ଗା, ଆବା ନାଙ୍ଗେଙ୍ଗ୍ ପକ୍ତାତାନ୍ନା ଇଞ୍ଜି ହେ ଓଜୁ ନା ବିସ୍ତେ ସାକି ହିନାଙ୍ଗା । ୩୭ ✨ଆରେ, ଇମ୍ଣି ଆବା ନାଙ୍ଗେଙ୍ଗ୍ ପକ୍ତାତାନ୍ନା, ହେୱାନ ନା ବିସ୍ତେ ସାକି ହିତ୍ତାନ୍ନା । ଏପେଙ୍ଗ୍ ଇନାଞ୍ଜାତାଂ ତା କାଟ୍ ଖେନ୍ନୁଙ୍ଗେ କି ତା ମୁମ୍ ହୁଡ୍ତୁଙ୍ଗେ, ୩୮ ଆରେ ତା ବଚନ୍ ମି ଖାସ୍ତିତ ବାହା କିଞ୍ଜାତାଦ୍ନା, ଇନାକିଦେଂକି ହେୱାନ ଇନେରିଂ ପକ୍ତାତାନ୍ନା, ତାଙ୍ଗେଙ୍ଗ୍ ଏପେଙ୍ଗ୍ ପାତ୍ କିଉଦେରା । ୩୯ ଏପେଙ୍ଗ୍ ଦରମ୍ ସାସ୍ତର୍ ମାନିକିନାଦେରା, ଇନାକିଦେଂକି ହେବେ ଓଜୁଓଜି ଜିବୁନ୍ ପାୟା ଆନାନ୍ ଇଞ୍ଜି ମାତ୍ତ କିନାଦେରା; ଆରେ, ହେ ଦରମ୍ ସାସ୍ତର୍ ନା ବିସ୍ତେ ସାକି ହିନାଙ୍ଗା । ୪୦ ମାତର୍ ଏପେଙ୍ଗ୍ ଜିବୁନ୍ ପାୟା ଆଦେଂ ଇଞ୍ଜି ନା କଚଣ୍ ଖାଦେଙ୍ଗ୍ ମାନ୍ କିଉଦେରା ।”

୪୧ “ଆନ୍ ମାନାୟାର୍ତାଂ ଜାଜ୍ମାଲ୍ ଇତା କିଉଙ୍ଗା, ୪୨ ମାତର୍ ଆନ୍ ମିଙ୍ଗେଙ୍ଗ୍ ପୁଞ୍ଜାଙ୍ଗ୍ନା, ଏପେଙ୍ଗ୍ ଇନେସ୍ ବାତ୍ ମାନାୟ୍ ଆରେ ମି ଖାସ୍ତିତ ଇସ୍ତ୍ରିତି ଜିଉନନାକା ଆକାୟ୍ । ୪୩ ଆନ୍ ମାଞ୍ଜିଆବା ତର୍ଦାଂ ଖାତାଙ୍ଗ୍ନା, ଆରେ ଏପେଙ୍ଗ୍ ନାଙ୍ଗେଙ୍ଗ୍ ମାନ୍ କିଦୁଦେରା; ବିନ୍ ନିକାନ୍ ଜଦି ନିଜେ ତର୍ଦାଂ ଖାନାନ୍, ଲାଗିଂ ଏପେଙ୍ଗ୍ ତାଙ୍ଗେଙ୍ଗ୍ ମାନି କିନାଦେର୍ । ୪୪ ଏପେଙ୍ଗ୍ ନାଙ୍ଗ୍ ଇନେସ୍ ପାତ୍ କିଦ୍ନାଦେର୍ ? ଏପେଙ୍ଗ୍ ତ ରକାନ୍ ଆରେ ରକାନ୍ ତାଙ୍ଗ୍ ଜାଜ୍ମାଲ୍ ପାୟା ଆଦେଂ ମାନ୍ କିନାଦେରା, ଆରି ରଞ୍ଜାଙ୍ଗ୍ ମାତର୍ ଇସ୍ତ୍ରିତାଂ ଇମ୍ଣି ଜାଜ୍ମାଲ୍, ହେଦାଂ ଗାଟାଆନି କାଜିଂ ସେସ୍ତୁ କିଉଦେରା । ୪୫ ଆନ୍ ଜେ ଆବା ମୁମ୍ଦ ମି ବେରୁଡ୍ତାଂ ଖେନ୍ବା ଆଦ୍ନାଂ, ଇଦାଂ ମାତ୍ତ କିମାଟ୍; ଇମ୍ଣି ମସାତାକେ ଏପେଙ୍ଗ୍ ଆହା କିତାଦେଶ୍ୱା, ହେୱାନ

✨ ୫:୩୭ ୫:୩୭ ମାତିଉ ୩:୧୭; ମାର୍କ ୧:୧୧; ଲୁକ ୩:୨୨.

ମି ବିରୁଦ୍ଧତାଂ ଖେନ୍ବା ଆଦନାରା । ୪୭ ଇନାକିଦେଂକି ଏପେଙ୍ଗ ଜଦି ମସାଙ୍ଗ ପାତର୍ କିନାଦେର୍, ଲାଗିଂ ନାଙ୍ଗେଙ୍ଗ ପାତର୍ କିଦନାଦେର୍, ଲାଗିଂ ହେଞ୍ଜାନ୍ ନା ବିସ୍ତେ ଲେକି କିତାନ୍ନା । ୪୭ ମାତର୍ ଏପେଙ୍ଗ ଜଦି ମସା ଲେକିକିତି ବଚନ୍ ପାତର୍ କିତଦେର୍, ଲାଗିଂ ଇନେସ୍ ନା ବଚନ୍ ପାତର୍ କିନାଦେର୍ ?”



ପାଞ୍ଚଗଟା ରୁଟିଂ ରିଣ୍ଡାଂ ମିନ୍କୁ

୧ ଇବେଣ୍ଡାଂ ଜିସୁ ଗାଲିଲି ହାମ୍ବୁର୍, ଇଚିସ୍, ତିବିରିୟା ହାମ୍ବୁର୍ ଆନ୍ତି ପାଡ଼କା ହାଚାନ୍ । ୨ ଆରେ, ହେଞ୍ଜାନ୍ ରଗ୍ୟାର୍ କାଜିଂ ଇନା ଇନା କାବାଆନି କାମାୟ୍ କିଜି ମାଚାନ୍, ହେଦାଂ ଝିଜୁ ହୁଡ଼ଜି ହେନି ମାନାୟ୍ ତାପାଚେ ଖାଦେଙ୍ଗ ଲାଗାତାର୍ । ୩ ହେବେ ଜିସୁ ମାଡ଼ିଜପି ହାଲ୍ଲଜି ଜାର୍ ଚେଲାହିର୍ ଲାହାଙ୍ଗ୍ ହେବେ କୁଚ୍ଚାଟ୍ । ୪ ହେ ପାଦନା ଜିହୁଦିତର୍ ନିସ୍ତାର୍ ପାର୍ବୁ ଏକା ଖାଜି ମାଚାଟ୍ । ୫ ଆରେ, ଜିସୁ ଇଚ୍ଚକାଡ଼୍ କିଜି ବେସି ହେନି ମାନାୟାରିଂ ଜାର୍ କଚଣ୍ ଖାନାକା ହୁଡ଼ଜି ପିଲିପ୍ତିଂ ଇଚାନ୍, “ଇଞ୍ଜାର୍ ତିନି କାଜିଂ ଆସେଙ୍ଗ୍ ଇମେତାକେ ଜବର୍ ରୁଟିଂ କଡ଼ନାସ୍ ?” ୬ ମାତର୍ ହେଞ୍ଜାନ୍ ପିଲିପ୍ତିଂ ପରିକ୍ୟା କିନି ଉପାୟତାଂ ଏଲେଙ୍ଗ୍ ଇଚାନ୍, ଇନାକିଦେଂକି ହେଞ୍ଜାନ୍ ଇନାକା କିଦେଙ୍ଗ୍ ହାନାନା, ହେଦାଂ ହେଞ୍ଜାନ୍ ନିଜେ ପୁଞ୍ଜି ମାଚାନ୍ ।

୭ ପିଲିପ୍ ତାଙ୍ଗେଙ୍ଗ୍ ଉତର୍ ହିତାନ୍, “ଝିଜାରିଂ ଅଲପ୍ ଚିଚ୍ପେଦେଂ ଇଞ୍ଜାର୍ କାଜିଂ ଦୁଇସ ଟାକାଂ ରୁଟିଂ, ଜବର୍ ଆକାୟ୍ ।”

୮ ସିମନ୍ ପିତର୍ ଟଣ୍ଡାହି ଆନ୍ଦିୟ୍ ତର୍ଦାକାନ୍ ତା ଚେଲାର୍ ବିତ୍ତେତାଂ ରଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ଇବେ ରଞ୍ଜାନ୍ କାଡ଼ଦେ ମାନାନ୍, ୯ ତା ତାକେ କୁଜା ପାଞ୍ଚଗଟା ରୁଟିଂ ଆରି ରିଣ୍ଡାଂ ଖାସ୍ତି ମିନ୍କୁ ମାନିକ୍, ମାତର୍ ଏଚେକ୍ ହେନି କାଜିଂ ହେଦାଂ ଜବର୍ ଆକାୟ୍ ।”

୧୦ “ଜିସୁ ଚେଲାରିଂ ଇଚାନ୍, ମାନାୟାରିଂ କୁଚିକିୟାଟ୍ ।” ହେ ବାହାତ ବେସି କାଚ୍ଚା ମାଚାଟ୍ । ଲାଗିଂ ଆନ୍ମାନତାଂ ପାଞ୍ଚ ହାଜାର୍ ଆଣ୍ଡାହିମଣାଂ ମାଚାଟ୍ । ୧୧ ହେବେ ଜିସୁ ହେ ରୁଟି ଆସ୍ତି ଜୁଞ୍ଜାର୍ କିଜି କୁଚ୍ଚି ମାନି ମାନାୟାରିଂ ହେଦାଂ ବାଟାକିଜି ହିତାନ୍, ହେ ଲାକେ ମିନ୍କୁ ପା ହାସ୍ତିହିତାନ୍, ହେଞ୍ଜାର୍ ଏଚେକ୍ ଏନ୍ଦିସ୍, ହେ ଏଚେକ୍ ହିତାନ୍

। ୧୨ ଆରେ ହେୱେର ପଟପାଞ୍ଚିଲେ, ହେୱାନ ତା ଚେଲାରିଂ ଇଚାନ, “ଇନେସକି ଅଲପ୍ କ୍ଷାଞ୍ଚାସ୍ ଆମେଡ୍, ଇଦାଂ କାଜିଂ ହାର୍ଜିମାନି ତ୍ରିକ୍ତି କୁଦ୍ରିଙ୍ଗ୍ ରବେ କିୟାଟ୍ ।” ୧୩ ହେବେ ହେୱାଙ୍ଗ୍ ହେୱାର୍ ଝିନ୍ଦୁ ରବେ କିଡାର୍, ଆରେ ମାନାୟାର୍ ଚିଚ୍ଚି ପାଚେ ହେ ପାଞ୍ଚ୍ ଗଟା କୁଜା ରୁଟିଂ ଇମ୍ଫି ତ୍ରିଙ୍ଗ୍ତି କୁଦ୍ରିଙ୍ଗ୍ ହାର୍ଜି ମାଚିକ୍, ହେବେ ହେୱାର୍ ବାର ଟପା ବାତ୍ କିଡାର୍ ।

୧୪ ଲାଗିଂ, ମାନାୟାର୍ ତା କିତି କାବାଆନି କାମାୟ୍ ହୁଡ୍ଡି ହେବେ ମାନି ମାନାୟାରିଂ ଇଞ୍ଜେଙ୍ଗ୍ ଲାଗାତାର୍, “ପୁତ୍ ଇମ୍ଫି ବେଣ୍ଠାକ୍‌ଶାୟ୍‌କିନାକାର୍ ଖାନାକା ମାଚାଡ୍, ଇଞ୍ଚାନ ହାଡ୍‌ପା ହେୱାନ ।” ୧୫ ଲାଗିଂ, ହେୱାର୍ ଖାଜି ରାଜା କିନି କାଜିଂ ଜେ ତାଙ୍ଗେଙ୍ଗ୍ ସାଲ୍ଲିକାଟାକାନ୍ ଆସ୍ତେଙ୍ଗ୍ ସାସ୍‌ମାନାଡ୍, ଇଦାଂ ପୁଞ୍ଜି ଜିସୁ ଆରେ ରଗ ଏଡା ଆଜି ରଞ୍ଚାନେନେ ମାଡ୍‌ଡିତ ହସି ହାଚାନ ।

ଜିସୁ ନାଗୁଡ୍ ଜପି ତାଙ୍ଗନାକା

(ମାତିଉ ୧୪:୨୨-୨୩; ମାର୍କ ୬:୪୫-୫୨)

୧୬ ହେ ନାଜିଂ ମିଡିଲେ ତା ଚେଲାହିର୍ ହାମ୍‌ଦୁର୍ ଗୁଚିତ ହାଚାର୍ ୧୭ ଆରେ ତଙ୍ଗାତ ଦୁମ୍‌ଜି ହାମ୍‌ଦୁର୍ ଆନଟି ପାଡ୍‌କା କପର୍ନାହୁମ୍ ନିପ ହାଞ୍ଜେଙ୍ଗ୍ ଲାଗାତାର୍ । ମାଜ୍‌ଗା ଆଜି ହାତାଡ୍, ଆରେ ଜିସୁ ହେ ପାଦ୍‌ନା ପାଚେକ୍ ହେୱାର୍ କଚଣିତ ଖାଞ୍ଚାଦାଙ୍ଗ୍ ମାଚାନ, ୧୮ ଆରେ ବେସି ଦୁକା କିତିଲେ ଏଡୁକାଂ ଲଡି ନିଙ୍ଗ୍‌ଜି ମାଚାଡ୍ । ୧୯ ଇବେପା ଚେଲାର୍ ପୁରା ପାଞ୍ଚ୍ ଚଅ କିଲମିଟର୍ ତଙ୍ଗା କେଡା ଆଜି ହାଚିପାଚେ ଜିସୁଙ୍ଗ୍ ଏଡୁ ଜପି ତାଙ୍ଗ୍‌ଜି ତଙ୍ଗାତାକେ ଖାନାକା ହୁଡ୍‌ଜି ପାଣ୍ଡା ଆତାର୍ । ୨୦ “ମାତର୍ ଜିସୁ ହେୱାରିଂ ଇଚାନ,” ଇଞ୍ଚାଙ୍ଗ୍ ତ ଆନ୍, “ପାଣ୍ଡା ଆମାଟ୍ ।” ୨୧ ଲାଗିଂ ହେୱାର୍ ତାଙ୍ଗେଙ୍ଗ୍ ତଙ୍ଗାତ ଅଦେଂ ମାନ କିଡାର୍, ଆରେ ହେୱାର୍ ଇମ୍ଫି ବାହାତ ହାଲ୍‌ଜି ମାଚାର୍, ତଙ୍ଗା ହେ ଦାପ୍ରେ ଗୁଚିତ ଏକାତାଡ୍ ।

ମାନାୟାର୍ ଜିସୁଙ୍ଗ୍ ତେନ୍ତାର୍

୨୨ ହେ ବାହାତ କେବଲ୍ ର ତଙ୍ଗା ମାଚାଡ୍, ଅଲ୍‌ଗା ଇମ୍ଫି ତଙ୍ଗା ହିଲ୍‌ଖାତାଡ୍, ଆରେ ହେବେ ଜେ ଜିସୁ ତା ଚେଲାହିର୍ ଲାହାଙ୍ଗ୍ ହାଲ୍‌ଖାଦାଂ ମାଚାନ, ମତର୍ କେବଲ୍ ତା ଚେଲାହିର୍ ହାଲ୍‌ଜି ମାଚାର୍,

ଇଝାର ଇମ୍ବଣି ମାନାୟାର ତା ଆକାଡ଼ ନାଜିଂ ହାମ୍‌ଦୁର୍ ଆନଟି ପାଡ଼କା ନିଲ୍‌ଟି ମାଗାର, ହେଝାର ହୁଡ଼ଜି ମାଗାର । ୨୩ ମାପୁଙ୍ଗ୍ ଜୁଝାର କିତି ପାରେ ହେଝାର ଇମ୍ବଣି ବାହାତ ରୁଟି ତିଞ୍ଜି ମାଗାର, ହେ ବାହାତ ତିବିରିୟାତାଂ ଆରେ କେଡ଼ଗଟା ତଙ୍ଗାଙ୍ ଖାତିକ୍; ୨୪ ଲାଗିଂ ଜିସୁ କି ତା ଚେଲାହିର୍ ଜେ ହେବେ ହିଲାତାର, ଇବେ ଏଚେକାଡ଼ଦ ମାନାୟାରିଂ ହୁଡ଼ତାର, ହେ ପାଦନା ହେଝାର ଝିଜାର ତଙ୍ଗାତ ଦୁମ୍‌ଜି ଜିସୁଙ୍ଗ୍ ତେକ୍‌କୁ ତେକ୍‌କୁ କପର୍ନାହୁମ୍ ଖାତାର ।

ଇସ୍‌ବର ଜିରୁନିଂ କାଦି

୨୫ ଆରେ, ହେଝାର ହାମ୍‌ଦୁର୍ ଆଣ୍ଟିପାଡ଼କା ତାଙ୍ଗେଙ୍ଗ୍ ହୁଡ଼ଜି ଝେନ୍‌ବାତାର, “ଏ ଗୁରୁ, ଏନ୍ ଏଚେକାଡ଼ଦ ଇବେ ଖାତାୟ୍ ?” ୨୬ ଜିସୁ ହେଝାରିଂ ଉତର ହିତାନ୍, ହାଡ଼ପା “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, କାବାଆନି କାମାୟ୍ ହୁଡ଼ଦେଂ ଜେ ଏପେଙ୍ଗ୍ ନାଙ୍ଗ୍ ତେଙ୍ଗ୍‌ନାଦେରା, ହେଦାଂ ଆକାୟ୍, ମତର ରୁଟି ତିନ୍‌ଞ୍ଜି ପଟ ପାଞ୍ଜାଖାଦାଂ ନାଙ୍ଗେଙ୍ଗ୍ ତେଙ୍ଗ୍‌ନାଦେରା । ୨୭ ଇମ୍ବଣି କାଦି ନସୁ ଆନାଡ଼, ହେଦାଂ କାଜିଂ ବେସି କସୁକିମାଟ୍ । ମାତର ଇମ୍ବଣି କାଦି ଝିଜଝି ଜିରୁନ୍ ହିନାଡ଼, ହେଦାଂ କାଜିଂ କାମାୟ୍ କିୟାଟ୍ । ଇ କାଦି ମାନାୟ୍ ମାଜି ହିଦନାନ୍, ଇନାକିଦେଂକି ଆବା ଇସ୍‌ବର ହେଦାଂ କାଜିଂ ତାଙ୍ଗେଙ୍ଗ୍ ଇଡ଼ତାନ୍ନା ।”

୨୮ ହେବେ ହେଝାର ତାଙ୍ଗେଙ୍ଗ୍ ଝେନ୍‌ବାତାର, “ଇସ୍‌ବରତି କାମାୟ୍ ସବୁ କିନି କାଜିଂ ଆପେଂ ଇନାକା କିୟାଆନାଡ଼ ?”

୨୯ ଜିସୁ ହେଝାରିଂ ଉତର ହିତାନ୍, “ଇନେକିଦେଂ ଇସ୍‌ବର ପକ୍‌ତାତାନ୍ନା, ତା ତାକେ ପାତ୍ କିନାକା ନେ ଇସ୍‌ବତ୍ କାମାୟ୍ ଆନାଡ଼ ।”

୩୦ ହେବେ ହେଝାର ଜିସୁଙ୍ଗ୍ ଝେନ୍‌ବାତାର, ହେଦାଂ ଆତିସ୍ ଏନ୍ ତିନ୍‌ଲାକେ ଇନାକା କିଡ଼ୟ୍‌ନା ଜେ, “ହେଦାଂ ହୁଡ଼ଜି ଆପେଂ ନିଙ୍ଗେଙ୍ଗ୍ ପାତ୍ କିଦନାପ୍ ? ଝେଡ଼ତା ଇନା କିଦେଙ୍ଗ୍ ଆଡ଼ନାୟ୍ ? ୩୧ ମା ଆକର ବାଗାତ ମାନ୍ନା ତିଞ୍ଜି ମାଗାର, ଇନେସ୍ ସାସ୍‌ବର ଲେକା ମାନାଡ଼, ତିନି କାଜିଂ ହେଝାନ୍ ହେଝାରିଂ ସାଗେତାଂ କାଦି ହିତାନ୍ ।”

୩୨ “ହେବେ ଜିସୁ ହେଝାରିଂ ଇଚାନ୍, ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମସା ମିଙ୍ଗେଙ୍ଗ୍ ସାଗେତାଂ କାଦି ହିଦ୍‌ଖାତାନ୍‌ନା,

ମାତର ମାଞ୍ଜି ଆବା ମିଙ୍ଗେଙ୍ଗ୍ ସାଗେତାଂ ହାଡ଼ପା କାଦି ହିନାନ୍ ।
 ୩୩ ଇନାକିଦେଂକି ଇମ୍ଫାଣି କାଦି ସାଗେତାଂ ଜୁଡ଼ତି ପୁତ୍ତିଂ ଜିବୁନ୍
 ହିନାନ୍, ହେଦାଂ ଇସ୍ପୁତ୍ତିଂ କାଦି ।”

୩୪ ହେଝାର୍ ଜିସୁଙ୍ଗ୍ ଇଚାର୍, “ଏ ମାପୁ, ସବୁ ଖେଡ଼ାଙ୍ଗ୍ ମାଙ୍ଗେଙ୍ଗ୍
 ଇ କାଦି ହିଦା ।”

୩୫ “ହେବେ ଜିସୁ ହେଝାରିଂ ଇଚାନ୍,” ଆନ୍ ହେ ଜିବୁନ୍ କାଦି,
 “ଇନେନ୍ ନା ଲାଗାଂ ଖାନାନ୍, ହେଝାନ୍ ଇନାଝାଡ଼ାଂପା ନାସ୍‌କି ଆଉନ୍,
 ଆରେ ଇନେନ୍ ନା ତାକେ ପାତ୍ତିଂ କିନାନ୍, ହେଝାନ୍ ଇନାଝାଡ଼ାଂ
 ଏସ୍‌କି ଆଉନ୍ । ୩୬ ମାତର ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଜିପା ପାତ୍ତିଂ
 କିଦୁଦେରା, ଇଦାଂ ଆନ୍ ମିଙ୍ଗେଙ୍ଗ୍ ଇନଞ୍ଚାଙ୍ଗ୍‌ନା । ୩୭ ଆବା ଜେ
 ଝିଜାରିଂ ନାଙ୍ଗେଙ୍ଗ୍ ଦାନ୍ କିଦ୍‌ନାନ୍, ହେଝାର୍ ନା କଚଣ୍ଡ ଖାନାର୍;
 ଆରେ, ଇନେର୍ ନା ତାକେ ଖାନାନ୍, ତାଙ୍ଗେଙ୍ଗ୍ ଇନେସ୍ କିତିସ୍‌ପା
 ବାଡ଼ ହପୁଙ୍ଗ୍; ୩୮ ଇନାକିଦେଂକି ଆନ୍ ନିଜେ ମାନ୍ ମାନି କିଦେଙ୍ଗ୍
 ଜୁଦ୍‌ଝାଦାଂ, ଇତିସ୍ ନା ପକ୍‌ତାତାକାନିଂ ମାନ୍ ମାନି କିଦେଙ୍ଗ୍ ସାଗେତାଂ
 ଜୁଡ଼ତାଙ୍ଗ୍‌ନା । ୩୯ ଆରେ, ନା ପକ୍‌ତାତାକାନ୍ ଜେ ଝିଜାରିଂ ନାଙ୍ଗ୍ ଦାନ୍
 କିଦ୍‌ନାନ୍, ହେଝାର୍ ବିତ୍ତେ ଇନେରିଂ ନେ ଇନେସ୍‌କି ଆନ୍ ଆରାୟ୍
 କିଝାଦାଂ, ମାତର ହାରିହାରା ଦିନ୍ତ ତାଙ୍ଗେଙ୍ଗ୍ ଆରେ ରଗ ଜିପ୍‌ନାଙ୍ଗ୍,
 ଇଦାଂ ତାଦାଙ୍ଗ୍ ମାନ୍ । ୪୦ ଇନାକିଦେଂକି ଇନେରକି ମାଜିଙ୍ଗ୍ ହୁଡ଼ଜି
 ତା ତାକେ ପାତ୍ତିଂ କିଚାର୍, ହେଝାନ୍ ଇନେସ୍ ଝିଜ୍‌ଝି ଜିବୁନ୍ ପାୟା
 ଆନାନ୍, ଇଦାଂ ନେ ମାଞ୍ଜି ଆବାତି ମାନ୍; ଆରେ, ଆନ୍ ତାଙ୍ଗେଙ୍ଗ୍
 ହାରିହାରା ନାଜିଂ ଆରେ ରଗ ଜିପ୍‌ନାଙ୍ଗ୍ ।”

୪୧ “ଆନ୍ ସାଗେତାଂ ଜୁଜି ମାନ୍‌ତି କାଦି ଆନାଙ୍ଗ୍, ହେଝାନ୍
 ଇଦାଂ ଇଚିଲେ ଜିହୁଦିର୍ ତା ବେରୁତାଂ ନିନ୍ଦା କିଦେଙ୍ଗ୍ ଲାଗାତାର୍,”
 ୪୨ ଆରେ ଇଚାର୍ ଇଝାନ୍ ଜସେପ୍ ମେହି ଜିସୁ ଆକାୟ୍, “ଆରେ
 ଆପେଂ ଇନାକା ଇଝାନ୍ ଲାତ୍ରାହି ତେହିଙ୍ଗ୍ ପୁନ୍‌ପ୍ ? ଲାଗିଂ ଆନ୍
 ସାଗେତାଂ ଜୁଡ଼ତାଙ୍ଗ୍‌ନା ଇଞ୍ଜି ହେଝାନ୍ ନଙ୍ଗ୍ ଇନେସ୍ ଇନାନ୍ନା ?”

୪୩ ଜିସୁ ହେଝାରିଂ ଉତର ହିତାନ୍, ଜାର୍ ଜାର୍ ବିତ୍ତେ ନିନ୍ଦା କିମାଟ୍
 ? ୪୪ ଇମ୍ଫାଣି ଆବା ନାଙ୍ଗ୍ ପକ୍‌ତାତାନ୍ନା ହେଝାନ୍ ନାତାକେ ଚଞ୍ଜୟା
 ଆଦ୍‌ଝିତିସ୍ ଇନେର୍ ନା ଲାଗେ ଝାଦେଙ୍ଗ୍ ଆଡୁର୍ । ଇମ୍ଫାଣାକାର୍
 ଖାନାର୍ ହେଝାରିଂ ଆନ୍, ହାରିହାରା ନାଜିଂ ଆରେ ରଗ ଜିପ୍‌ନାଙ୍ଗ୍ ।

୪୫ ବେଶ୍‌ବାକ୍‌ଶାୟକିନାକାର ଦରମ୍ ସାସ୍ତ୍ର ତାକେ ଲେକିକିତାଣ୍ଡା, ଝିଜାର କେବଲ୍ ଇସ୍ତ ହିକ୍ୟା ପାୟା ଆନାର୍ । ଇନେରକି ଆବା ତାକେଣ୍ଡା ହିକ୍ୟା ଲାବ୍ କିତାନନ୍ନା, ହେଝାନ୍ ନାତାକେ ଝାନାନ୍ । ୪୬ ଇନେନ୍ ଜେ ଆବା ହୁଡ୍‌ତାନନା, ହେଦାଂ ଆକାୟ୍; ଇନେର୍ ଇସ୍ତର୍ ତାକେଣ୍ଡା ଝାତାନନା, ହେଝାନ୍ ଆବା ହୁଡ୍‌ତାନନା । ୪୭ ହାଡ୍‌ପା ହାଡ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେନ୍ ପାଡ୍ କିନାନ୍, ହେଝାନ୍ ଝିଜ୍‌ଝି ଜିବୁନ୍ ପାୟା ଆନାନ୍ । ୪୮ ଆନ୍ ଜିବୁନ୍ ହିନି କାଦି । ୪୯ ମି ଆକର୍ ବାଟାତ ମାନ୍ନା ତିଚାର୍, ଆତିସ୍‌ପା ହେଝାର୍ ହାତାର୍ । ୫୦ ମାତର୍ ଇମ୍‌ଣି କାଦି ସାଗେତାଂ ଝାନାଡ୍, ତାଙ୍ଗେଙ୍ଗ୍ ଇନେର୍ ତିନାନ୍ ହେଝାନ୍ ଝିଜ୍‌ଝି ଜିବୁନ୍ ପାୟା ଆନାନ୍ । ୫୧ ଆନ୍ ସାଗେତାଂ ଜୁଡ୍‌ତାଙ୍ଗ୍ ହେ ଜିବୁନ୍ କାଦି; ଇନେର୍ ଜଦି ଇ କାଦି ତିନାର୍, ହେଝାନ୍ ଜୁଗ୍ ଜୁଗ୍ ପାତେକ୍ ଜିଜି ମାନାର୍; ଆଁ, ଆନ୍ ଇମ୍‌ଣି କାଦି ହିଦ୍‌ନାଂ, ହେଦାଂ ନା ଜେଇ, ଆନ୍ ତା ପୁଡ୍‌ତିଂ ବାଚାୟକିଦେଂ ଇଞ୍ଜି ଜିବୁନ୍ ହିଦ୍‌ନାଂ ।

୫୨ ଇବେ ଜିହୁଦିର୍ ହେଝେର୍ ହେଝାର୍ ରିସା ଆଜି ଇଞ୍ଜେଙ୍ଗ୍ ଲାଗାତାର୍, ଇଝାନ୍ ଇନେସ୍ ମାଙ୍ଗେଙ୍ଗ୍ ଜାର୍ ଜେଇ ତିଞ୍ଜେଙ୍ଗ୍ ହିଦେଂ ଆଡ୍‌ନାନ୍ ?

୫୩ ହେବେ ଜିସୁ ହେଝାରିଂ ଇଚାନ୍, “ହାଡ୍‌ପା ହାଡ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମାନାୟ୍ ମାଜିତି ଜେଇ ତିନ୍‌ଝିତିସ୍ ଆରି ତା ନେତେର୍ ଉଣ୍ଡିତିସ୍, ମି ତାକେ ଜିବୁନ୍ ହିଲୁଡ୍ । ୫୪ ଇନେର୍ ନା ଜେଇ ତିନାର୍ ଆରି ନା ନେତେର୍ ଉଣାର୍, ହେଝାନ୍ ଝିଜ୍‌ଝି ଜିବୁନ୍ ପାୟା ଆନାନ୍, ଆରେ ଆନ୍ ହାରିହାରା ନାଜିଂ ତାଙ୍ଗେଙ୍ଗ୍ ଜିପିକିନାଙ୍ଗ୍ । ୫୫ ଇନାକିଦେଂକି ନା ଜେଇ ହାଡ୍‌ପା କାଦି ଆରି ନା ନେତେର୍ ହାଡ୍‌ପା ଏଜୁଂ । ୫୬ ଇନେରକି ନା ଜେଇ ତିନାର୍ ଆରି ନା ନେତେର୍ ଉଣାର୍, ହେଝାନ୍ ନା ତାକେ ମାନେନ୍ ଆରି ଆନ୍ ତା ତାକେ ମାନାଙ୍ଗ୍ । ୫୭ ଜିବୁନ୍‌ନି ଆବା ନାଙ୍ଗେଙ୍ଗ୍ ପକ୍‌ତାତାନ୍ନା ଆରି ଆନ୍ ଆବା କାଜିଂ ଜିଜି ମାନାଂ, ହେ ଲାକେ ଜେ ନାଙ୍ଗେଙ୍ଗ୍ ତିଞ୍ଜିନାର୍, ହେଝାନ୍ ପାନା କାଜିଂ ଜିଜି ମାନାନ୍ । ୫୮ ଇମ୍‌ଣି କାଦି ସାଗେତାଂ ଜୁଡ୍‌ତାନ୍ନା, ହେଦାଂ ଇ; ଆକର୍ ଇନେସ୍ ତିନ୍‌ଞ୍ଜି ହାତାର୍, ହେ ଲାକେ ଆକାୟ୍; ଜେ ଇ କାଦି ତିନାର୍, ହେଝାନ୍ ଜୁଗ୍ ଜୁଗ୍ ପାତେକ୍ ଜିଜି ମାନାନ୍ ।”

୫୯ ହେୱାନ କପନାହୁମ୍ ର କୁଟୁମ୍ ଇଞ୍ଜ ହିକ୍ୟା ହିନି ସମୁତ ଇ ଓଁଜୁ କାତା ଇଚାର ।

ଓଁଜୁ ଜିରୁନ୍ନି ବଚନ୍

୬୦ ଲାଗିଂ, ତା ଚେଲାହିର୍ ବିତ୍ରେ ହେନି ଇଦାଂ ଖେନ୍ଞି ଇଚାର, “ଇ ହିକ୍ୟା ଖେଞ୍ଜେଇଁ ବେସି କସୁ, ଇନେର୍ ଇଦାଂ ଖେଞ୍ଜେଇଁ ଆଡ଼ନାର?”

୬୧ ମାତର୍ ଜିସୁ, ତା ଚେଲାର ଇନେର୍ ହେ ବିସ୍ତେ ନିନ୍ଦା କିନାରା ଇଞ୍ଜି, ତା ମାତ୍ର ପୁଞ୍ଜି ହେୱାରିଂ ଇଚାନ୍, ବାଦାନି କାରଣ୍ ଆନାତା ?

୬୨ ମାନାୟ୍ ମାଜି ଇମେତାଂ ଖାତାନ୍ନା, ହେବେ ତାଢେଇଁ ହାନାକା ହୁଡ଼ତାନ୍ ଇନା କିନାନ୍ । ୬୩ କେବଲ୍ ଇସ୍ତର୍ ଖାସ୍ତି ଜିରୁନ୍ ହିଦେଂ

ଆଡ଼ନାନ୍; ମାନାୟ୍ ଜେଇ ଇନାକା କିଦେଇଁ ଆଡୁଡ଼ ଇସ୍ତର୍ ହେ ଜିରୁନ୍ ହିନି ଖାସ୍ତିଂ ଏପେଇଁ ଇନେସ୍ ପୁନାଦେର୍ ହେଦାଂ କାଜିଂ

ଆନ୍ ଇ ଓଁଜୁ କାତା ଇଞ୍ଜନାଞା । ୬୪ ମାତର୍ ମି ବିତ୍ରେ ଇନେ ଇନେର୍ ପାତର୍ କିଡରା । ଇନାକିଦେଂକି ଇମ୍ଫାକାର ଜିସୁଇଁ ପାତର୍

କିଖାଦାଂ ମାଚାର ଆରି ଇନେନ୍ ଜିସୁଇଁ ସାତୁର୍ କେଇଦ ଇନେନ୍ ହେଲାୟ୍ କିନାନ୍, ହେଦାଂ ଇସ୍ତର୍ ଆଗେତାଂ ପୁଞ୍ଜି ମାଚାନ୍ । ୬୫ ଜିସୁ

ଆରେ ଇଚାନ୍, “ଇଦାଂ କାଜିଂ ଆନ୍ ମିଢେଇଁ ଇନ୍‌ଆଇଁନା, ଆବା ତାକେଣ୍ଟାଂ ପକ୍ୟା ଆଓଡିସ୍ ଇନେର୍ ନା କଚଣ୍ ଖାଦେଇଁ ଆଡୁର୍ ।”

୬୬ ହେ ସମୁତାଂ ତା ଚେଲାହିର୍ ବିତ୍ରେ ହେନି ବେଶ୍‌କିଖାଦାଂ ହସି ହାଚାର, ଆରେ ତା ଲାହାଞ୍ ଚାଲା ବୁଲା କିଖାତାର । ୬୭ ହେବେ ଜିସୁ

ବାରଜାଣ୍ଡିଂ ଖେନ୍‌ବାତାନ୍, “ଏପେଇଁପା ନାଞ୍ ପିସ୍ତି ହାଞ୍ଜେଇଁ ଇଚା କିନାଦେରା ?”

୬୮ ସିମନ୍ ପିତର୍ ଜିସୁଇଁ ଉତର୍ ହିଚାର, ମାପୁ, ଇନେର୍ ତାକେ ହାନାପ୍ ? ନି ତାକେ ଓଁଜୁ ଜିରୁନ୍ନି ବଚନ୍ ମାନାଡ଼; ୬୯ ଆରେ,

ଏନ୍ ଜେ ଇସ୍ତର୍ ହେ ପୁଇପୁୟା ମାନାୟ୍, “ଇଦାଂ ଆପେଂ ପାତର୍ କିତାପ୍ନା ଆରି ପୁଚାପନା ।”

୭୦ ଜିସୁ ହେୱାରିଂ ଉତର୍ ହିଚାନ୍, “ଆନ୍ ଇନାକା ମି ବାରଜାଣ୍ଡିଂ ବାଟି କିଖାତାଂନା କି ? ଆରେ, ମି ବିତ୍ରେ ର ସୟ୍ତାନ୍ ।” ୭୧ ହେୱାନ

ଇସ୍ପାରିୟ୍‌ତିୟ୍ ସିମନ୍ ମେହି ଜିହୁଦାଞ୍ ହୁଡ଼ଜି ଏପେଇଁ ଇଚାନ୍, ଇନାକିଦେଂକି ହେୱାନ ବାରଜାଣ୍ ବିତ୍ରେ ରଖାନ୍, ଆରେ ହେୱାନ

ତାଢେଇଁ ସାତୁର୍ କେଇଦ ହେଲାୟ୍ କିଦେଇଁ ହାଲ୍‌ଜି ମାଚାନ୍ ।



ଜିସୁ ଆରି ତା ଟଣ୍ଡାହିର୍

^୧ ଇଦାଂ ପାଚେ ଜିସୁ ଗାଲିଲିତ ବୁଲାଆଦେଂ ଲାଗାତାନ, ଇନାକିଦେଂକି ଜିହୁଦିର୍ ତାଙ୍ଗେଙ୍ଗ୍ ଟାଣ୍ଡେ ଅହ୍ନି କାଜିଂ ସେଷ୍ଟା କିଜି ମାଚିଲେ, ହେଝାନ ଜିହୁଦା ଦେସ୍ତ ବୁଲାଆଦେଂ ମାନ କିଝାଦାଂ ମାଚାନ । ^୨ ଜିହୁଦିର୍ କୁଡ଼ିୟା ବାହା ପାରୁନି ସମୁ ଲାଗେ ଝାଜି ମାଚାଡ଼, ^୩ ତା ଟଣ୍ଡାହିର୍ ତାଙ୍ଗେଙ୍ଗ୍ ଇଚାର୍, “ଏନ୍ ଜେ ଇନା କାମାୟ କିତାୟନା, ହେ ଝିନ୍ତୁ ଇନେସକି ନି ଚେଲାର୍ ପା ହୁଡ଼ନାର୍, ଇଦାଂ କାଜିଂ ଇବେଶ୍ଟାଂ ହସି ହାଲ୍ଲଜି ଜିହୁଦା ଦେସ୍ତ ହାଲ୍ଲାର୍, ^୪ ଇନାକିଦେଂକି ଇନେର୍ ରଞ୍ଜିୟାଦେଂ ମାନ କିତାନ୍ ତରୁଜି ଇନାକା କିତନ୍ । ଏପେଙ୍ଗ୍ ଜଦି ଝିଜାଦେର୍, କିନାଦେରା, ଲାଗିଂ ଜାର୍ତିଂ ପୁତ୍ ତାକେ ଚଚାର୍ ।” ^୫ ଇନାକିଦେଂକି ତା ଟଣ୍ଡାହିର୍ ପା ତା ତାକେ ପାତ୍ କିଝାଦାଂ ମାଚାର୍ ।

^୬ ହେବେ ଜିସୁ ହେଝାରିଂ ଇଚାନ, “ନା ସମୁ ନଙ୍ଗ୍ ପାଚେକ୍ ଏକା ଝାଉତେ, ମାତର୍ ମି ସମୁ ଏକା ଝାତାତେ । ^୭ ପୁତ୍ ମିଙ୍ଗେଙ୍ଗ୍ ଗିଣ୍ କିଦୁଡ଼, ମାତର୍ ନାଙ୍ଗେଙ୍ଗ୍ ଗିଣ୍ କିଦନାଡ଼, ଇନାକିଦେଂକି ତା କାମାୟ ଜେ କାରାପ୍, ଆନ୍ ଇ ସାକି ହିତାଙ୍ଗନା । ^୮ ଏପେଙ୍ଗ୍ ଇ ପାରୁତ୍ ହାଲ୍ଲାର୍, ଆନ୍ ନଙ୍ଗ୍ ଇ ପାରୁତ୍ ହାଲ୍ଲୁଙ୍ଗା, ଇନାକିଦେଂକି ନା ସମୁ ଇ ପାଚେକ୍ ଏକା ଝାଉତେ ।” ^୯ ଜିସୁ ହେଝାରିଂ ଇ ଝିନ୍ତୁ କାତା ଇଞ୍ଜି, ଗାଲିଲିତ ମାଚାନ ।

କୁଡ଼ିୟା ବାହା ପାରୁତ୍ ଜିସୁ

^{୧୦} ମାତର୍ ତାଂ ଟଣ୍ଡାହିର୍ ପାରୁତ୍ ହାଚି ପାଚେ ହେଝାନ ପା ହାଚାନ, ରଞ୍ଜିୟାଆଝାଦାଂ ଆକାୟ, ମତର୍ ର ବାନି ତରୁଜି । ^{୧୧} ଲାଗିଂ ଜିହୁଦି ନେତାର୍ ପାରୁତ୍ ତାଙ୍ଗେଙ୍ଗ୍ ତେକ୍ତି ତେକ୍ତି ଝେନ୍‌ବାତାର୍, “ହେଝାନ ଜେ ?”

^{୧୨} ଆରେ, ତା ବିସ୍ତେ ମାନାୟାର୍ ବିତ୍ରେ ବେସି ହେଝାର୍ ହେଝେର୍ କାଲେ କାଲେ ବେଣ କିଦେଙ୍ଗ୍ ଲାଗାତାର୍; “ଇନେ ଇନେର୍ ଇଚାର୍, ହେଝାନ ରକାନ୍ ହାର୍ ଲଗ୍, ଆରେ ଇନେ ଇନେର୍ ଇଚାର୍, ଆକାୟ, ହେଝାନ ମାନାୟାରିଂ ବୁଲ୍‌କାୟକିନାନା ।” ^{୧୩} ଆତିସ୍‌ପା ଜିହୁଦି

ନେତାର ପାଣ୍ଡୁତି ତା ବିସ୍ତେ ଖେଚ୍ଚେଇଁ ଇନେର୍ ଇନାକା ଇନ୍‌ଖାଦା
ମାଚାର ।

୧୪ ମାତର୍ ପାରୁନି ଆଦା ସମୁ ହାତି ପାଚେ, ଜିସୁ ମନ୍ଦିରତ ହାଲଜି
ହିକ୍ୟା ହିଦେଂ ଲାଗାତାନ୍ । ୧୫ ଇବେ ଜିହୁଦି ନେତାର କାବା ଆଜି
ଇଚାର, “ଇଖାନ୍ ପାଚ୍ ପଡ଼ିକିଖାଦାଂ ଇନେସ୍ ପୁଚାନ୍ ?”

୧୬ ଲାଗିଂ ଜିସୁ ହେଖାରିଂ ଉତର୍ ହିତାନ୍, “ନା ହିକ୍ୟା ନା ଜାରତି
ଆକାୟ୍, ମାତର୍ ନାଜ୍ ପକ୍ତାତାକାନ୍ତି ଇସ୍ବର୍ତାଂ ଖାନ୍ ହିକ୍ୟା
ହିନାଜା । ୧୭ ଇନେର୍ ଜଦି ଇସ୍ବର୍ ଇଚା ମାନି କିଦେଇଁ ମାନ୍‌କିନାନ୍,
ତା ଆତିସ୍ ଇ ହିକ୍ୟା ଇସ୍ବର୍ତାଂ ଆତାତନ୍ନା, କି ଆନ୍ ନି ତାକେଶ୍ଟାଂ
ଇଞ୍ଜନାଜା, ହେଦାଂ ହେଖାନ୍ ପୁଚାନ୍ । ୧୮ ଇନେନ୍ ଜାରତାଂ ଇନାନ୍,
ହେଖାନ୍ ନିଜେ ଜାଜ୍‌ମାଲ୍ ପାୟା ଆଦେଂ ଦାହ୍‌ନାନ୍, ମାତର୍ ଇନେନ୍
ଜାର୍ ପକ୍ତାତାକାନିଂ ପାଦ୍ ପାୟା ଆଦେଂ ଦାହ୍‌ନାନ୍, ହେଖାନ୍
ହାଡ଼ପା ଇନାନ୍, ଆରେ ତାତାକେ ଇନାକାପା ଅଦାମ୍ ମିଚ୍ ହିଲୁଡ଼ ।
୧୯ ମସା ଇନାକା ମିଜେଇଁ ବିଦି ହିଦ୍‌ଖାତାନ୍‌ନା ? ଆତିସ୍‌ପା ମି ବିତ୍ତେ
ରଖାନ୍ ପା ବିଦି ମାନି କିଉଦେରା । ଏପେଇଁ ଇନାକିଦେଂ ନାଜେଇଁ
ଅସ୍ତେଦେଂ ସେଷ୍ଟା କିଦ୍‌ନାଦେରା ?”

୨୦ “ମାନାୟାର୍ ଉତର୍ ହିଚାର,” ନିଜେଇଁ ପୁଦା ଆସ୍ତାତାନ୍ନା,
“ଇନେର୍ ନିଜେଇଁ ଅସ୍ତେଦେଂ ସେଷ୍ଟା କିଦ୍‌ନାରା ?”

୨୧ ଜିସୁ ହେଖାରିଂ ଉତର୍ ହିତାନ୍, “ଆନ୍ କାବାଆନି କାମାୟ୍
କିତାଜ୍, ଆରେ ଏପେଇଁ ଖିଜାଦେର୍ କାବା ଆତାଦେଶ୍ଟା । ୨୨ ଇ କାଜିଂ
ମସା ମିଜେଇଁ ସୁନ୍ନଡ଼ ବିଦି ହିଡ଼ତାନ୍ନା ଇଦାଂ ଜେ ମସାତାକେଶ୍ଟାଂ
ଆତାତନ୍ନା, ହେଦାଂ ଆକାୟ୍, ମାତର୍ ଆକର୍ତାଂ, ଆରେ ଏପେଇଁ
ଜମ୍‌ନିବାର୍ ନାଜିଂ କାଡ଼ଦେରିଂ ସୁନ୍ନଡ଼ କିନାଦେରା । ୨୩ ମସାତି
ବିଦି ଖିଜ୍‌ଖି କାଜିଂ ଜଦି ଜମ୍‌ନିବାର୍ ନାଜିଂ କାଡ଼ଦେଂ ସୁନ୍ନଡ଼ ପାୟା
ଆନାନ୍, ତା ଆତିସ୍ ଆନ୍ ଜମ୍‌ନିବାର୍ ନାଜିଂ ରଖାନ୍ କାଡ଼ଦେଂ ଖିଜ୍
ଉଜ୍ କିତିଲେ ଏପେଇଁ ଇନାକିଦେଂ ନା ଜପି ରିସା କିଦ୍‌ନାଦେରା ?
୨୪ ବାଚ୍ ବିସ୍ତେ ହୁଡ଼ଜି ବିଚାର୍ କିଖାଦାଂ ନ୍ୟାୟ୍ ବିଚାର୍ କିୟାଚ୍ ।”

ଇଖାନ୍ ଇନାକା ମସିୟା

୨୫ ଇବେ ଜିରୁସାଲମ୍ ନିକାର୍ ବିତ୍ତେ ଇନେର୍ ଇନେର୍ ଇଞ୍ଜେଇଁ
ଲାଗାତାର୍, “ଜିହୁଦି ନେତାର୍ ହେଖାର୍ ଇନେକିଦେଂ ଅହ୍‌ନି କାଜିଂ

ସେୟା କିଜି ମାଚାର୍, ଇଝାନ୍ ଇନାକା ହେଝାନ୍ ଆକାୟ୍ ? ୨୬ ଆରେ ହୁଡ଼ାଟ୍, ହେଝାନ୍ ହପ୍ତି କାତା ଇଞ୍ଜନାନା, ଆରେ ହେଝାର୍ ତାଙ୍ଗେଙ୍ଗ୍ ଇନାକା କିଉରା । ଇଝାନ୍ ଜେ କ୍ରିସ୍ଟ୍, ଇଝାନ୍ ଇନାକା ନେତାର୍ ହାଡ଼ପା ପୁରାରେ ? ୨୭ ଇନାକା ଆୟେଡ୍, ଇଝାନ୍ତି ଆରମ୍ ଆସେଙ୍ଗ୍ ପୁନାସ୍, ମାତର୍ ମସିୟା ଏଚେକାଡ଼୍ ଝାନାନ୍, ହେ ପାଦନା ତା ଆରମ୍ ଇନେର୍ ପୁନୁର୍ ।”

୨୮ ହେବେ ଜିସୁ ମନ୍ଦିରତ ହିକ୍ୟା ହିଉ ହିଉ ଗାଜା କାଟ୍ତାଂ ଇଚାନ୍, ଏପେଙ୍ଗ୍ ନାଙ୍ଗେଙ୍ଗ୍ ଆରି ନା ଉବ୍ଜାଣ୍ ରିୟାଦେର୍ ପୁନାଦେର୍ ? ଆନ୍ ନିଜେତାଂ ଝାଝାତାଙ୍ଗ୍ନା, “ମାତର୍ ନା ପକ୍ତାତାକାନ୍ ହାଡ଼ପା, ତାଙ୍ଗେଙ୍ଗ୍ ଏପେଙ୍ଗ୍ ପୁନୁଦେରା । ୨୯ ଆନ୍ ତାଙ୍ଗେଙ୍ଗ୍ ପୁନାଙ୍ଗ୍, ଇନାକିଦେଂକି ଆନ୍ ତା ତାକେଣ୍ଟାଂ ଝାତାଙ୍ଗ୍ନା, ଆରେ ହେଝାନ୍ ନାଙ୍ଗେଙ୍ଗ୍ ପକ୍ତାତାଙ୍ଗ୍ ।

୩୦ ହେବେ ହେଝାର୍ ତାଙ୍ଗେଙ୍ଗ୍ ଆସ୍ତେଙ୍ଗ୍ ସେୟା କିତାର୍; ମାତର୍ ଇନେର୍ ତା ଜପି କେଇ କିଝାତାର୍, ଇନାକିଦେଂକି ତା ସମ୍ ହେ ପାତେକ୍ ଏକା ଝାଝାଦାଙ୍ଗ୍ ମାଚାଡ଼ । ୩୧ ମାତର୍ ମାନାୟାର୍ ବିତ୍ରେ ହେନି ତାତାକେ ପାତ୍ କିଜି ଇଞ୍ଜେଙ୍ଗ୍ ଲାଗାତାର୍, ଇଝାନ୍ ଜେ ଝିଜାର୍ କାବାଆନି କାମାୟ୍ କିତାନ୍ନା, କ୍ରିସ୍ଟ୍ ଝାଜି ତା ତାକେଣ୍ଟାଂ ଇନାକା ଆଦିକ୍ କିନାନ୍ ?”

ଜିସୁଙ୍ଗ୍ ବନ୍ଦି କିଦେଙ୍ଗ୍ କାନାକାରିଂ ପଲ୍ଲାର୍

୩୨ ପାରୁସିର୍ ମାନାୟାର୍ ତା ବିସ୍ତେ ବେଣ୍ଟିକିବାଆନାକା ଝେନ୍ଝି ଆରେ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାଙ୍ଗେଙ୍ଗ୍ ଆହ୍ନି କାଜିଂ କାନାକାରିଂ ପଲ୍ଲାର୍ । ୩୩ ହେବେ ଜିସୁ ଇଚାନ୍, “ଆନ୍ ଆରେ ଅଲପ୍ ସମ୍ ମି ଲାହାଙ୍ଗ୍ ମାନ୍‌ଗାନାଙ୍ଗ୍ ଆରେ ପକ୍ତାତାକାନ୍ ତାକେ ହାନାଙ୍ଗ୍ । ୩୪ ଏପେଙ୍ଗ୍ ନାଙ୍ଗେଙ୍ଗ୍ ଡେଲ୍ଲାନାଦେର୍, ମତର୍ ଗାଟାଆଦୁଦେର୍; ଆରେ, ଆନ୍ ଇମେତାକେ ମାନାଙ୍ଗ୍, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଦୁଦେର୍ ।”

୩୫ ହେବେ ଜିହୁଦିର୍ ହେଝେର୍ ହେଝାର୍ ଇଚାର୍, “ଇଝାନ୍ ଇମେତାକେ ହାଞ୍ଜେଙ୍ଗ୍ ହଡ଼ତାନ୍ନା ଜେ, ଆସେଙ୍ଗ୍ ତାଙ୍ଗେଙ୍ଗ୍ ଗାଟାଆଉସ୍ ? ଇଝାନ୍ ଇନାକା ଗ୍ରିକ୍‌ନିକାର୍ ବିତ୍ରେ ଜେଡ୍ କେଡ୍ ଜିହୁଦିର୍ ତାକେ ହାଲ୍‌ଜି ଗ୍ରିକ୍‌ନିକାରିଂ ହିକ୍ୟା ହିଦେଂ ହଡ଼ତାନ୍ନା ? ୩୬ ଏପେଙ୍ଗ୍ ନାଙ୍ଗେଙ୍ଗ୍ ଡେଲ୍ଲାନାଦେର୍, ମତର୍ ଗାଟା ଆଦୁଦେର୍,

ଆରେ ଆନ୍ ଇମେତାକେ ମାନାଙ୍ଗ୍, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁଦେର୍, ହେଞ୍ଜାନ୍ ଇ ଇମ୍ଫି କାତା ଇଚାନ୍, ହେ ଅରଡ୍ ଇନାକା ?”

ଜିବୁନ୍ ହିନି ଜଡ଼ି

୩୭ ଖିସ୍ତି ନାଜିଂ, ଇଚିସ୍, ପାର୍ବୁନି ଗାଜା ଦିନ୍ତ, ଜିସୁ ନିଲ୍ଲତି ଗାଜା କାଟ୍ତାଂ ଇଚାନ୍, ଇନେର୍ ଜପି ଏସ୍କି ଆନାନ୍, “ଲାଗିଂ ହେଞ୍ଜାନ୍ ନା ତାକେ ଖାୟେନ୍ । ୩୮ ଦରମ୍ ସାସ୍ତ୍ର ଲେକାଆତାତନା, ଇନେନ୍ ନା ତାକେ ପାତ୍ କିଜି ହେଞ୍ଜାନ୍ ଉଣେନ୍, ତା ଖାସ୍ତିତାଂ ଜିବୁନ୍ନି ଏଜୁଂ ତିଜି ହାନିକ୍ ।” ୩୯ ତା ତାକେ ପାତ୍ କିଞ୍ଜାକାର ଇମ୍ଫି ଜିବୁନ୍ ପାୟାନି କାଜିଂ ହାଲ୍ଲଜି ମାଚାର୍, ଜିସୁ ବିସ୍ତେ ହେଞ୍ଜାନ୍ ଏପେଙ୍ଗ୍ ଇଚାନ୍, ଇନାକିଦେଂକି ଜିସୁ ହେପାତେକ୍ ଜାଜ୍ମାଲ୍ ପାୟାଆଞ୍ଜି କାଜିଂ ହେଞ୍ଜାର ପୁଇପୁୟା ଜିବୁନ୍ ପାୟା ଆଞ୍ଜାଦାଂ ମାଚାର୍ ।

ମାନାୟାର୍ ବିତ୍ତେ ବାଗ୍ଆନାକା

୪୦ ଲାଗିଂ ମାନାୟାର୍ ବିତ୍ତେ ଇନେ ଇନେର୍ ଇ କାତା ଖେନ୍ଞି ଇଞ୍ଜେଙ୍ଗ୍ ଲାଗାତାର୍, “ଇଞ୍ଜାନ୍ ହାଡ୍ପା ହେ ବେଣ୍ବାକ୍ଶାୟକିନାକାନ୍ ।”

୪୧ ବିନେନିକାର୍ ଇଞ୍ଜେଙ୍ଗ୍ ଲାଗାତାର୍, “ଇଞ୍ଜାନ୍ କ୍ରିସ୍ଟ୍ ।”

ମାତର୍ ଇନେ ଇନେର୍ ଇଞ୍ଜେଙ୍ଗ୍ ଲାଗାତାର୍, “ଇନାକା ମସିୟା ଗାଲିଲିତାଂ ଖାଉନ୍ ! ୪୨ କ୍ରିସ୍ଟ୍ ଜେ ଦାଉଦ୍ ଲାତ୍ରାତାଂ ଆରି ଦାଉଦ୍ ନିକାର୍ ଇମେତାକେ ମାଚାର୍, ହେ ବେଡ୍ଲିହିମ୍ ନାସ୍ତାଂ ଖାନାନ୍, ଇଦାଂ ଇନାକା ଦରମ୍ ସାସ୍ତ୍ର ବଚନ୍ ଇନୁତା ?” ୪୩ ଲାଗିଂ ମାନାୟାର୍ ବିତ୍ତେ ତା କାଜିଂ ବାଗ୍ଆନାକା ଗିଟା ଆତାଡ୍ । ୪୪ ଆରେ, ହେଞ୍ଜାର୍ ବିତ୍ତେତାଂ କେତେ ଜାଣ୍ ଆସ୍ତେଙ୍ଗ୍ ଇଚା କିଜି ମାଚାର୍, ମାତର୍ ଇନେର୍ ତା ଜପି କେଇ କିଞ୍ଜାତାର୍ ।

ଜିହୁଦି ନେତାର୍ ପାତ୍ କିଞ୍ଜାଦାଂ ମାଚାର୍

୪୫ ଖିସ୍ତି ବିତ୍ତେ କାନାକାର୍ ମାସ୍ଦି ଖାତିଲେ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାକେ ମାସ୍ଦି ଖାତାର୍, ଆରେ ହେଞ୍ଜାର୍ ହେଞ୍ଜାରିଂ ଖେନ୍ବାତାର୍, “ଏପେଙ୍ଗ୍ ଇନାକିଦେଂ ତାଙ୍ଗେଙ୍ଗ୍ ତାସ୍ ଖାଞ୍ଜାତାଦେର୍ ?”

୪୭ କାନାକାର ଉତର ହିତାର, “ଇ ମାନାୟ୍ ଇନେସ୍‌କି କାତା ଇନାନ୍, ଇମ୍‌ଣି ମାନାୟ୍ ଇନାଝାତାଂ ହେ ଲାକେ ଇନ୍‌ଝାତାଂନ୍ନା ।”

୪୭ “ହେବେ ପାରୁସିର୍ ହେଝାରିଂ ଉତର ହିତାର,” ଏପେଙ୍ଗ୍ ପା ଇନାକା ବୁଲ୍‌କାଇ କିୟାତାଦେର୍ ? ୪୮ “ନେତାର୍ ବିତ୍ରେ କି ପାରୁସିର୍ ବିତ୍ରେ ଇନାକା ଇନେର୍ ତା ତାକେ ପାତ୍ କିନାରା, ଇଦାଂ ଏନ୍ ପୁନାୟ୍ ? ୪୯ ମାତର୍ ଇ ଇମ୍‌ଣି ଲଗୁ ମସାତି ବିଦି ପୁନୁର୍, ହେଦାଂ କାଜିଂ ଇଝାର୍ ଝିଜାର୍ ବାଗ୍‌ଇଚ୍‌ୟାଆତି ମାନାୟାର୍ ।”

୫୦ ☆ଇମ୍‌ଣି ନିକଦିମ୍ ଇଦାଂ ପାଚେ ତା ତାକେ ଝାଜି ମାଚାନ୍ ଆରି ଜେ ହେଝାର୍ ବିତ୍ରେ ରଝାନ୍, ହେଝାନ୍ ହେଝାରିଂ ଝେନ୍‌ବାତାନ୍, ୫୧ “ର ମାନାୟ୍ ତାଙ୍ଗ୍ ପର୍ତ୍ତମ୍ ଝେନ୍‌ଝାଦାଂ ଆରି ତା ମାନି ବିସ୍ତେ ପୁନ୍‌ଝାଦାଂ ମା ବିଦି ଇନାକା ତାଙ୍ଗେଙ୍ଗ୍ ଦସ୍ କିତାର୍ ?”

୫୨ “ହେଝାର୍ ତାଙ୍ଗେଙ୍ଗ୍ ଉତର ହିତାର,” ଏପେଙ୍ଗ୍‌ପା ଇନାକା ର ଗାଲିଲି ମାନାୟ୍ ? ଗାଲିଲିତାଂ ଇମ୍‌ଣି ବେଶ୍‌ବାକ୍‌ଶାୟ୍‌କିନାକାନ୍ ହତୁର୍, “ଇଦାଂ ଇଚ୍‌କାଡ୍ କିଜି ହୁଡାର୍ ।” ୫୩ ଆରେ ହେଝାର୍ ଝିଜାର୍ ଜାର୍ ଜାର୍ ଇଞ୍ଜ ହାଚାର୍ ।

୮

ଦାରି କିନି କଗ୍‌ଲେ

୧ ମାତର୍ ଜିସୁ ଜିଡ୍‌ମାଡିତ ହାଚାନ୍ । ୨ ଆକାଡ୍ ନାଜିଂ ହେଝାନ୍ ଆରେ ରଗ ମନ୍ଦିରତ ଝାତାନ୍, ଆରେ ଝିଜାର୍ ମାନାୟ୍ ତା କଚଶ୍‌ତ ଝାତିଲେ, ହେଝାନ୍ କୁଚ୍‌ଚି ହେଝାରିଂ ହିକ୍ୟା ହିଦେଂ ଲାଗାତାନ୍ । ୩ ଆରେ, ସାସ୍ତ୍ରର୍ ଆରି ପାରୁସିର୍ ଦାରି କାମାୟ୍ ଦାରାପଡା ଆତି ର କଗ୍‌ଲେହିମ୍‌ଶାଂ ତାସ୍ ଝାଜି ହେଦେଲିଂ ମାଦି ବାହାତ ନିଲି କିଜି ଜିସୁଙ୍ଗ୍ ଇଚାର୍, ୪ “ଏ ଗୁରୁ, ଇ କଗ୍‌ଲେହିମ୍‌ଶା ଦାରି କାମାୟ୍ କିନି ସମୁତ ଦାରାପଡା ଆତାଡ୍ । ୫ ଇ ଲାକେ କଗ୍‌ଲେକାଂ କାଲ୍‌କୁ ଇଡ୍‌ଜି ଅସ୍ତେଙ୍ଗ୍ ମସା ମାଙ୍ଗେଙ୍ଗ୍ ବିଦିତ ବଲ୍ ହିଡ୍‌ନ୍ନା; ଲାଗିଂ ଏନ୍ ଇନାକା ଇଞ୍ଜନାୟା ?” ୬ ହେଝାର୍ ଇନେସ୍ ତାଙ୍ଗେଙ୍ଗ୍ ବେରୁତାଂ ଇନାର୍ ଇନାକିଦେଂକି ଗାଟା ଆନାର୍, ଇଦାଂ କାଜିଂ ହେଝାର୍ ତାଙ୍ଗେଙ୍ଗ୍ ପରିକ୍ୟା କିନି ବିସ୍ତେ ଇଦାଂ ଇଚାର୍ । ମାତର୍

☆ ୭:୫୦ ୭:୫୦ ଜହନ୍ ୩:୧,୨.

ଜିସୁ ଟଡ଼ି ଖାବକାଙ୍ଗ ହୁକେ ମେଦନିତ ଲେକିକିଦେଂ ଲାଗାତାନ୍ ।
 ୭ ହେଖାର ହେବେ ନିଲ୍ଲି ଆରେ ଖେନ୍‌ବିତିଲେ, ହେଖାନ୍ କାପଡ଼ା
 ନିକଟି ହେଖାରିଂ ଇଚାନ୍, ମି ବିତ୍ରେତାଂ ଇନେର୍ ଇନାଖାଡ଼ାଂ ପା ଇନା
 ପାପକିଖାତାନ୍‌ନା, “ହେଖାନ୍ ପର୍ତ୍ତୁମ୍ ଖାଜି କାଲ୍ ଇଡେନ୍ ।”^୮ ଆରେ
 ରଗ ହେଖାନ୍ ଟଡ଼ି ମେଦନିତ ଲେକିକିଦେଂ ଲାଗାତାନ୍ ।^୯ ହେଦାଂ
 ଖେନ୍‌ଞ୍ଜି ହେଖାର ପ୍ରାରିନାର ତାଂ ଆରମ୍ କିଜି ରଖାନ୍ ରଖାନ୍ ଆଜି
 ଖିଜାର୍ ହସି ହାଞ୍ଜେଙ୍ଗ୍ ଲାଗାତାର୍, ଆରେ କେବଲ୍ ଜିସୁ ଆରି ମାଦି
 ହେ କଗଲେହିମ୍‌ଣାଂ ମାଟିକ୍ ।^{୧୦} “ଆରେ ଜିସୁ କାପଡ଼ା ନିକଟି
 ତାଙ୍ଗେଙ୍ଗ୍ ଇଚାନ୍,” ଏ କଇ, ହେଖାର ଇମେର୍ ? ଇନେର୍ ଇନାକା
 ନିଙ୍ଗେଙ୍ଗ୍ ଦାଣ୍ଟ ଇଞ୍ଜି ବିଚାର୍ କିଖାତାର୍ କି ?

^{୧୧} “ହେଦେଲ୍ ଇଚାଡ଼, ଇନେର୍ ହିଲ୍ଲୁର୍ ମାପୁ ।”

ହେବେ ଜିସୁ ଇଚାନ୍, “ଆନ୍ ପା ନିଙ୍ଗେଙ୍ଗ୍ ଦାଣ୍ଟ ହିଦନାଂ ଇଞ୍ଜି
 ବିଚାର୍ କିଦୁଙ୍ଗା; ହାଲା, ନେଞ୍ଜେଙ୍ଗ୍ ତାଙ୍ଗ୍ ଆରେ ପାପ୍ କିମା ।”

ଜିସୁ ପୁତ୍ ନି ଅଜଡ଼୍

^{୧୨} ଜିସୁ ଆରେ ରଗ ପାରୁସିରିଂ ଇଚାନ୍, “ଆନ୍ ପୁତ୍ ନି ଅଜଡ଼୍”
 ଇନେର୍ ନା ପାଚେ ଖାନାର୍, “ହେଖାନ୍ ଇନାଖାଡ଼ାଂ ପା ମାଜଗାତ ବୁଲା
 ଆଉନ୍, ଇରିସ୍ ଜିବୁନ୍‌ନି ଅଜଡ଼୍ ପାୟା ଆନାନ୍ ।”

^{୧୩} *ହେବେ ପାରୁସିର୍ ତାଙ୍ଗେଙ୍ଗ୍ ଇଚାର୍, “ଏପେଙ୍ଗ୍ ଜାର୍ ଜାର୍ତିଂ
 ବିସ୍ତେ ସାକି ହିନାଦେରା, ମି ସାକି ହାଡ଼ପା ଆକାୟ୍ ।”

^{୧୪} ଜିସୁ ହେଖାରିଂ ଉତର୍ ହିତାନ୍, ଆନ୍ ଜଦି ନିଜେ ବିସ୍ତେ ସାକି
 ହିଜିମାନାଂ, ଲାଗିଂ ପାନା ସାକି ହାଡ଼ପା, ଇନାକିଦେଂକି ଆନ୍ ଇମ୍‌ଣି
 ବାହାତାଂ ଖାତାଙ୍ଗନା ଆରି ଇମ୍‌ଣି ବାହାତାକେ ହାନାଙ୍ଗା, ହେଦାଂ
 ପୁନାଙ୍ଗ୍, “ମାତର୍ ଆନ୍ ଇମ୍‌ଣି ବାହାତାଂ ଖାନାଙ୍ଗ୍ କି ଇମ୍‌ଣି ବାହାତ
 ହାନାଙ୍ଗ୍, ହେଦାଂ ଏପେଙ୍ଗ୍ ପୁନ୍‌ଦେର୍ ।^{୧୫} ଏପେଙ୍ଗ୍ ମାନାୟାର୍ ବାବ୍ରେ
 ବିଚାର୍ କିଜି ମାନାଟ୍, ଆନ୍ ଇନେରିଂ ବିଚାର୍ କିଉଙ୍ଗ୍ ।^{୧୬} ମାତର୍ ଆନ୍
 ଜଦି ବିଚାର୍ କିନାଙ୍ଗ୍, ଲାଗିଂ ପାନା ବିଚାର୍ ହାଡ଼ପା; ଇନାକିଦେଂକି
 ଆନ୍ ରଖାଙ୍ଗ୍ ଆକାୟ୍, ମତର୍ ନାଙ୍ଗ୍ ପକ୍‌ତାତାକାନ୍ ଆବା ନା ଲାହାଙ୍ଗ୍
 ମାନାନ୍ ।^{୧୭} ଆରେ, ରିୟାର୍ତି ସାକି କାତା ସମାନ୍ ଆତିସ୍ ହେଖାର୍
 ଇନାକା ଇନାରା ହେଦାଂ ହାଡ଼ପା, ଇଦାଂ ମି ବିଦିତ ପା ଲେକା ମାନାଡ଼୍

* ୮:୧୩ ୮:୧୩ ଜହନ୍ ୫:୩୧.

୧୮ ନା ନିଜେ କାଜିଂ ଆନ୍ ସାକି ହିନାଜା, ଆରେ ନାଜ୍ ପକ୍ତି ଆବା ନା ବିସ୍ତେ ସାକି ହିନାନା ।”

୧୯ ହେବେ ହେୱାର୍ ତାଜେଜ୍ ଖେନ୍ବେଦେଂ ଲାଗାତାର୍, “ମି ଆବା ଇମେନ୍ ?” ଜିସୁ ଉତର୍ ହିତାନ୍,

“ଏପେଜ୍ ନାଜେଜ୍ ପୁଞ୍ଜୁଦେର୍ କି ମାଞ୍ଜି ଆବାଂ ପା ପୁନୁଦେର୍ ଜଦି ନାଜ୍ ପୁନ୍ତିସ୍, ଲାଗିଂ ମାଞ୍ଜି ଆବାଂ ପା ପୁଚାଦେର୍ମା ।”

୨୦ ମନ୍ଦିରନ୍ ଦାନ୍ ଇଚ୍ଚି ପେଡିଜ୍ ଇଡ୍ଜି ମାତି ଇଞ୍ଜ ଜିସୁ ଇ ଖିଜୁ କାତା ବିସ୍ତେ ହିକ୍ୟା ହିଜି ମାଚାନ୍, ଆରେ ଇନେରପା ତାଜେଜ୍ ଗେହନାକା କିଞ୍ଜାତାର୍ ଇନାକିଦେଂକି, ତା ସମୁ ଏକାଞ୍ଜାଞ୍ଜାଦାଂ ମାଚାତ୍ ।

ଜିସୁ ହାନି ବିସ୍ତେ ବେଶ୍‌ବାକ୍‌ଶାୟ୍ କିନାକା

୨୧ ଜିସୁ ଆରେ ରଗ ହେୱାରିଂ ଇଚାନ୍, “ଆନ୍ ହାନାଜା, ଆରେ ଏପେଜ୍ ନାଜ୍ ଡେକ୍‌ନାଦେର୍ ମାତର୍ ଏପେଜ୍ ଜାର୍ ଜାର୍ ପାପ୍‌ତ ହାନାଦେର୍, ଆନ୍ ଇମେତାକେ ହାନାଜା, ଏପେଜ୍ ହେବେ ହାଞ୍ଜେଜ୍ ଆଡୁଦେର୍ ।”

୨୨ ଜିହୁଦି ନେତାର୍ ଇଞ୍ଜେଜ୍ ଲାଗାତାର୍, “ଆନ୍ ଇମେତାକେ ହାନାଜା, ଏପେଜ୍ ହେବେ ହାଞ୍ଜେଜ୍ ଆଡୁର୍, ଇଞ୍ଜାନ୍ ଇନାକା କକ୍‌ଲାପାଟିୟା ଆଦେଂ ବାବି କିନାନା କି ।”

୨୩ ହେବେ ଜିସୁ ହେୱାରିଂ ଇଚାର୍, “ଏପେଜ୍ ଇ ପୁତ୍ ଡ ଜଲମ୍ ମାତର୍ ଆନ୍ ସାର୍ଗେତାଂ ଖାତାଜ୍‌ନା ଏପେଜ୍ ଇ ପୁତ୍ ନିକାଦେର୍ ମାତର୍, ଆନ୍ ଇ ପୁତ୍ ନିକାଂ ଆକାୟ୍ । ୨୪ ଲାଗିଂ ଏପେଜ୍ ଜେ ଜାର୍ ଜାର୍ ପାପ୍‌ତ ହାନାଦେର୍, ଆନ୍ ମିଜେଜ୍ ଇଦାଂ ଇନ୍‌ଚାଜ୍; ଇନାକିଦେଂକି ଆନ୍ ହେୱାଜ୍ ମାନାୟ୍, ଇଦାଂ ଏପେଜ୍ ପାତ୍ କିଦ୍‌ଞ୍ଜା ତାଦେର୍ ।”

୨୫ ହେବେ ହେୱାର୍ ତାଜେଜ୍ ଖେନ୍‌ବାତାର୍, “ଏନ୍ ଇନେନ୍ ?”

ଜିସୁ ହେୱାରିଂ ଇଚାନ୍, “ହେ କାତା ଆରମ୍ ତାଜ୍ ଇଞ୍ଜି ଖାନାଜା ? ୨୬ ମି ବିସ୍ତେ ଇଞ୍ଜେଜ୍ ଆରି ବିଚାର୍ କିଦେଜ୍ ଆନ୍ ମି ବିସ୍ତେ ବେସି ଇଞ୍ଜନାକା ମାନାତ୍; ଇନେସ୍ ଆୟେଡ୍, ନାଜ୍ ପକ୍ତିତାକାନ୍ ହାଡ୍‌ପା, ଆରେ ଆନ୍ ତା ତାକେଣ୍ଟାଂ ଇନା ଇନାକା ଖେଚାଜ୍‌ନା, ହେଦାଂ ଖିଜୁ ପୁତ୍ ଖେଚ୍‌ନାଜା ।”

୨୭ ଜିସୁ ଜେ ଆବା ବିସ୍ତେ ହେଝାରିଂ ଇଞ୍ଜି ମାଚାନ୍, ଇଦାଂ ହେଝାରିଂ ବୁଜାଆଝାତାର୍ । ୨୮ ଜିସୁ ଇଚାନ୍, “ଏତେକାଡ଼ତ୍ ଏପେଙ୍ଗ୍ ମାନାୟ୍ ମାଜି ଜପି ପେସନାଦେର୍, ହେ ପାଦନା ଆନ୍ ଜେ ହେ ମାନାୟ୍ ଆରି ଆନ୍ ନିଜେ ଆଦିକାର୍ ଇନାକା କିଝାଦାଂ ଇଚିସ୍ ଆବା ନାଚେଙ୍ଗ୍ ଇନେସ୍ ହିକ୍ୟା ହିଡ଼ତାନ୍, ହେ ଲାକେ ଇ ଝିନ୍ତୁ କାତା ଜେ ଇଞ୍ଜିନାଙ୍ଗା, ଇଦାଂ ଏପେଙ୍ଗ୍ ବୁଜାଆନାଦେର୍ । ୨୯ ନା ପକ୍ତାତାକାନ୍ ହେଝାନ୍ ନା ଲାହାଙ୍ଗ୍ ମାନାନ୍; ହେଝାନ୍ ନାଚେଙ୍ଗ୍ ରଝାନିଂ ପିସ୍ତ୍ର ହାଞ୍ଜିଝାତାନ୍, ଇନାକିଦେଂକି ତାଦାଙ୍ଗ୍ ଇନାକା ମାନ୍ ହେଦାଂ ଆନ୍ କିନାଙ୍ଗ୍ ।”

୩୦ ଜିସୁତି ଇ ଝିନ୍ତୁ କାତା ଝେନ୍ଝି, ତା ତାକେ ପାତର୍ କିତାର୍ ।

ହାଡ଼ପା ମିଚେଙ୍ଗ୍ ମୁକ୍ତାୟ୍ କିଦନାଡ଼

୩୧ ଲାଗିଂ, ଜିସୁ ତାଚେଙ୍ଗ୍ ପାତର୍ କିଜି ମାନି ଜିହୁଦିରିଂ ଇଚାନ୍, “ଜଦି ଏପେଙ୍ଗ୍ ନା ହିକ୍ୟାତ ପାତର୍ କିଦନାଦେର୍ ତା ଆତିସ୍, ଲାଗିଂ ଏପେଙ୍ଗ୍ ହାଡ଼ପା ନା ତେଲା କାଦେର୍, ୩୨ ଆରେ ଏପେଙ୍ଗ୍ ହାଡ଼ପା ପୁନାଦେର୍ ଆରି ହେ ହାଡ଼ପା ମିଚେଙ୍ଗ୍ ମୁକ୍ତାୟ୍ କିଦନାଡ଼ ।”

୩୩ “ହେଝାରିଂ ତାଚେଙ୍ଗ୍ ଉତର୍ ହିତାର୍,” ଆପେଂ ଅଗ୍ରାହାମ୍ନି ଲାତ୍ରା, ଇନାଝାଡ଼ାଂ ଇନେର୍ ଆଡ଼ିଏନ୍ ଆଝାତାଇନା, “ଲାଗିଂ ଏପେଙ୍ଗ୍ ମୁକ୍ତା ଆନାଦେର୍ ଇଞ୍ଜି ଏପେଙ୍ଗ୍ ଇନେସ୍ ଇନାଦେରା ? ଇ ଅରଡ଼ ଇନାକା ?”

୩୪ ଜିସୁ ହେଝାରିଂ ଉତର୍ ହିତାନ୍, “ହାଡ଼ପା ହାଡ଼ପା ଆନ୍ ମିଚେଙ୍ଗ୍ ଇଞ୍ଜିନାଙ୍ଗା, ଇନେର୍କି ପାପ୍ କିତାର୍, ହେଝାନ୍ ପାପ୍ନି ହଲ୍ୟା । ୩୫ ହଲ୍ୟା ଜାଈଜୁଗ୍ ଇଞ୍ଜି ମାନ୍ଗୁନ୍, ମାତର୍ ମାଜି ଜୁଗ୍ ଜୁଗ୍ ମାନ୍ଗାନାନ୍ । ୩୬ ଲାଗିଂ, ମାଜି ଜଦି ମିଚେଙ୍ଗ୍ ମୁକ୍ତାୟ୍ କିଦନାନ୍, ତା ଆତିସ୍ ଏପେଙ୍ଗ୍ ହାଡ଼ପାରତେ ମୁକ୍ତା ଆନାଦେର୍ । ୩୭ ଏପେଙ୍ଗ୍ ଜେ ଅଗ୍ରାହାମ୍ନି ଲାତ୍ରା, ହେଦାଂ ଆନ୍ ପୁନାଙ୍ଗ୍; ମାତର୍ ନା ବଚନ୍ ମି ଝାନ୍ତିତ ହିଲ୍ଝିତିଲେ ଏପେଙ୍ଗ୍ ନାଚେଙ୍ଗ୍ ଅସ୍ତେଦେଂ ସେସ୍ଟୁ କିଦନାଦେରା । ୩୮ ମାଞ୍ଜି ଆବା ତାକେ ଇନା ଇନାକା ହୁଡ଼ତାଙ୍ଗ୍ନା, ହେଦାଂ ଆନ୍ ଇଞ୍ଜିନାଙ୍ଗା, ମାତର୍ ମି ଆବା ଇଞ୍ଜିନି ଲାକେ ଏନ୍ କାମାୟ୍ କିନାୟା ।”

ସୟତାନ୍ ମେହି

୩୯ ହେୱାର ତାଙ୍ଗେଇଁ ଉତର ହିତାର, “ଅବ୍ରାହାମ୍ ମା ଆବା ଆଦନାନ୍ ।” ଜିସୁ ହେୱାରିଂ ଇଚାନ,

“ଜଦି ଏପେଇଁ ଅବ୍ରାହାମ୍ ମେହି, ତା ଆତିସ୍ ଲାଗି ଅବ୍ରାହାମ୍‌ତି କାମାୟ୍ କିତା ଦେରମା; ୪୦ ମାତର ଇନେର ଇସ୍‌ର ତାକେଣ୍ଡାଂ ୱେନ୍‌ଞ୍ଜି ମାନି ହାଡ଼ପା ପିସ୍ତି ମିଙ୍ଗେଇଁ ଇଞ୍ଜୁଙ୍ଗା, ଏଲେଇଁବାତ୍ ମାନାୟ୍ ଜେ ଆନ୍, ନାଙ୍ଗେଇଁ ଏପେଇଁ ନିଙ୍ଗ୍ ଅସ୍ତେଇଁ ସେସ୍ତୁ କିଦନାଦେରା; ଅବ୍ରାହାମ୍ ଏଲେଇଁ କାମାୟ୍ କିଞ୍ଜାଦାଂ ମାଚାନ୍ । ୪୧ ଏପେଇଁ ମି ଆବାତି କାମାୟ୍ ସବୁ କିନାଦେରା ।”

“ହେୱାର ତାଙ୍ଗେଇଁ ଇଚାର, ଆପେଂ ଦାରିତାଂ ଜଲମ୍ ଆଞ୍ଜାତାପୁନା; ମା ରଞ୍ଜାନ୍ ମତର ଆବା, ହେୱାନ୍ ଇସ୍‌ର ।”

୪୨ ଜିସୁ ହେୱାରିଂ ଇଚାନ, “ଇସ୍‌ର ଜଦି ହାଡ଼ପା ମି ଆବା, ତାଆତିସ୍ ଏପେଇଁ ନାଙ୍ଗେଇଁ ଜିଉ ନଡ଼ତାଦେର୍ମା; ଇନାକିଦେଂକି ଆନ୍ ଇସ୍‌ର ତାକେଣ୍ଡାଂ ୱାତାଙ୍ଗନା; ଆନ୍ ନିଜେ ତାଙ୍ଗ୍ ୱାଞ୍ଜାତାଙ୍ଗନା, ମାତର ହେୱାନ୍ ନାଙ୍ଗେଇଁ ପକ୍‌ତାତାନ୍ । ୪୩ ଆନ୍ ଇନାକା ଇଞ୍ଜୁନାଙ୍ଗ୍ ଏପେଇଁ ଇନାକିଦେଂ ବୁଜା ଆଉଦେରା ? ଇନେକିଦେଂକି ଏପେଇଁ ନା ହିକ୍ୟା ୱେନ୍‌ଞ୍ଜି ଇଚ୍‌ଦେଂ ଆଡୁଦେରା । ୪୪ ଏପେଇଁ ମି ଆବା ସୟ୍‌ତାନ୍ ତାଙ୍ଗ୍ ହଡ଼ତାନ୍‌ନା, ଆରେ ମି ଆବାତି କାମାୟ୍ ମାନି କିଦେଇଁ ମିଙ୍ଗେଇଁ ମାନ୍ । ହେୱାନ୍ ଆଗେତାଂ ନାର୍‌ଅହ୍‌ନାକାନ୍, ଆରେ ହେୱାନ୍ ହାଡ଼ପା ମାନୁନ୍, ଇନାକିଦେଂକି ତା ତାକେ ସଡ଼ ହିଲୁଡ଼ । ହେ ପାଦନା ହେୱାନ୍ ମିଚ୍ ଇନାନ୍, ହେ ପାଦନା ହେୱାନ୍ ଜାର୍‌ତାଂ ଇନାନ୍; ଇନାକିଦେଂକି ହେୱାନ୍ ମିଚ୍‌ଞ୍ଜା ଆରି ମିଚ୍ ଇନି ଆବା । ୪୫ ମାତର ଆନ୍ ହାଡ଼ପା ଇଞ୍ଜିଲେ ଏପେଇଁ ନାଙ୍ଗେଇଁ ପାତ୍ କିଦୁଦେରା । ୪୬ ନା ତାକେ ପାପ୍ ମାନାଡ଼ ଇଞ୍ଜି ମି ବିତ୍ରେତାଂ ଇନେର ସାକି ହିନାନା ? ଆନ୍ ଏଚେକାଡ଼୍‌ଦ ହାଡ଼ପା ଇନାଙ୍ଗ୍, ଲାଗି ଏପେଇଁ ଇନାକିଦେଂ ନାଙ୍ଗେଇଁ ପାତ୍ କିଦୁଦେରା ? ୪୭ ଇନେର ଇସ୍‌ର ତାକେଣ୍ଡାଂ ଜଲମ୍ ଆତାନ୍ନା, ହେୱାନ୍ ଇସ୍‌ର ବଚନ୍ ୱେନାନ୍; ଇଦାଂ କାଜିଂ ଏପେଇଁ ୱେନ୍‌ଦେରା, ଇନାକିଦେଂକି ଏପେଇଁ ଇସ୍‌ରତାଂ ଜଲମ୍ ଆଞ୍ଜାତାଦେଣ୍ଡା ।”

ଜିସୁ ଆରେ ଅବ୍ରାହାମ୍

୪୮ ଜିହୁଦିର ତାଙ୍ଗେଇଁ ଖେନ୍‌ବାତାର, “ଏନ୍ ଜେ ରଖାୟ୍ ସମିରଣିୟତି ଆରି ନିଙ୍ଗେଇଁ ଜେ ପୁଦା ତୁଡ଼ତାତ୍‌ନା, ଇଦାଂ ଇନାକା ଆପେଂ ସମାନ୍ ଇଞ୍ଜିଝାଦାଂ ମାନ୍‌ଚାପ୍ କି ?”

୪୯ ଜିସୁ ଉତର ହିତାନ୍, “ନାଙ୍ଗେଇଁ ପୁଦା ତୁଡ଼ଝାତାତ୍‌ନା,” ମାତର୍ ଆନ୍ ମାଞ୍ଜି ଆବାଂ ମାନି କିନାଙ୍ଗା, ଆରେ ଏପେଇଁ ନାଙ୍ଗେଇଁ ମାନିକିଦୁଦେରା । ୫୦ ମାତର୍ ଆନ୍ ନିଜେ ଜାର୍‌ତିଂ ଜାଜ୍‌ମାଲ୍ ଦାସ୍‌ତେଂ କଙ୍ଗ; ମାତର୍ ଇ କାତା ଆନେଂ ଦାହ୍‌ନାଙ୍ଗା ଆରି ବିଚାର କିଉଙ୍ଗା, ଏପେଇଁ ଆରେ ରଖାନ୍ ମାନ୍‌କିନାନ୍ ହେଝାନ୍ ଇଞ୍ଜି ମାନାନ୍ । ୫୧ ହାଡ଼ପା ହାଡ଼ପା ଆନ୍ ମିଙ୍ଗେଇଁ ଇଞ୍ଜିନାଙ୍ଗା, ଜଦି ଇନେର୍ ନା ବଚନ୍ ପାଲି କିନାନ୍, ତା ଆତିସ୍ ହେଝାନ୍ ମୁଡ଼କେ ହାଉନ୍ ।

୫୨ ଜିହୁଦିର ତାଙ୍ଗେଇଁ ଇଚାର, “ନଙ୍ଗ ଆପେଂ ପୁନ୍‌ଚାପ୍ ଜେ, ହାଡ଼ପା ନିଙ୍ଗେଇଁ ପୁଦା ତୁଡ଼ତାତ୍‌ନା, ଅରାହାମ୍ ଆରି ବେଶ୍‌ବାକ୍‌ଶାୟ୍‌କିନାକାର୍ ହାତାରେ, ଆରେ ଏନ୍ ମୁଡ଼କେ ହାଉୟି । ୫୩ ଏନ୍ ଇନାକା ମା ଆବା ଅରାହାମ୍ ତାଙ୍ଗ୍ ଗାଜା ? ହେଝାନ୍ ତ ହାତାନେ, ବେଶ୍‌ବାକ୍‌ଶାୟ୍‌କିନାକାନ୍ ପା ହାତାନେ, ଏନ୍ ଜାର୍‌ତିଂ ଇନେର୍ ଇଞ୍ଜି ଇନାୟା ?”

୫୪ ଜିସୁ ଉତର ହିତାନ୍, “ଆନ୍ ଜଦି ଜାର୍‌ତିଂ ପାଦ୍ କିତାଙ୍ଗମା, ଲାଗିଂ ନା ଜାଜ୍‌ମାଲ୍ ଇନାକା ଆକାୟ୍; ଇନେର୍ ନାଙ୍ଗ୍ ପାଦ୍ ପାୟା ଆନି କାଜିଂ ନା ଆବା ଇନେରିଂ ଏପେଇଁ ମି ଇସ୍‌ର୍ ଇଞ୍ଜି ଇନାଦେରା; ୫୫ ଏପେଇଁ ଇନାଝାଡ଼ାଂ ତାଙ୍ଗେଇଁ ପୁନ୍‌ଦେରା, ଆନ୍ ତାଙ୍ଗେଇଁ ପୁନାଙ୍ଗ୍ । ଆନ୍ ତାଙ୍ଗେଇଁ ପୁନ୍‌ଙ୍ଗ୍ ଇଞ୍ଜି ଜଦି ଇନାଙ୍ଗ୍, ମି ଲାକେ ଆନ୍ ପା ମିଡ଼ଝା ଆନାଙ୍ଗ୍, ମାତର୍ ହାଡ଼ପା ଆନ୍ ତାଙ୍ଗେଇଁ ପୁନାଙ୍ଗ୍ ଆରି ତା ବଚନ୍ ପାଲି କିନାଙ୍ଗ୍ । ୫୬ ମିଦାଙ୍ଗ୍ ଆବା ଅରାହାମ୍ ନା ଝାନାକା ହୁଡ଼ଦେଂ ଆଡ଼ଦାନାଂ ଇଞ୍ଜି ଆହା କିଜି ଅରାହାମ୍ ଝାରୟା ଆତାନ୍, ଆରେ ହେଝାନ୍ ହେଦାଂ ହୁଡ଼ଜି ଝାରି କିତାନ୍ ।”

୫୭ ହେବେ ଜିହୁଦିର ତାଙ୍ଗେଇଁ ଇଚାର, “ନିଙ୍ଗ୍ ତ ନଙ୍ଗ୍ ପାତେକ୍ ପଚାସ୍ ବାହୁଁ ବୟସ୍ ଆଝାତାତ୍‌ନା, ଏନ୍ ଇନାକା ଅରାହାମ୍‌ତି ହୁଡ଼ତାୟ୍‌ନା ?”

୫୮ “ଜିସୁ ହେଝାରିଂ ଇଚାନ୍,” ହାଡ଼ପା ହାଡ଼ପା ଆନ୍ ମିଙ୍ଗେଇଁ ଇଞ୍ଜିନାଙ୍ଗା, “ଅରାହାମ୍ ଜଲମ୍ ପୁର୍ବେତାଂ ଆନ୍ ମାନାଙ୍ଗ୍ ।”

୫୯ ହେବେ ହେୱାର୍ ତା ଜପି ଇଡ଼୍‌ଦେଂ କାଲ୍‌କୁ ପେସ୍ତାର୍, ମାତର୍ ଜିସୁ କାଲେ ମନ୍ଦିରତାଙ୍ଗ୍ ହସି ହାଚାନ୍ ।



ଜଲମ୍ କାଣାଂ ଉଜ୍ କିତାନ୍

୧ ଜିସୁ ହାନି ସମୁତ ର ଜଲମ୍ କାଣାଂ ହୁଡ଼୍‌ତାନ୍ । ୨ ଆରେ, ତା ଚେଲାହିର୍ ତାଙ୍ଗେଙ୍ଗ୍ ଖେନ୍‌ବାତାର୍, “ଏ ଗୁରୁ ଇନେର୍ ପାପ୍ କିତିଲେ ଇଖାନ୍ କାଣା ଆଜି ଜଲମ୍ ଆତାନ୍ ? ନିଜେ କି ଇଖାନ୍ ଆବା ଆୟା ପାପ୍ କାଜିଂ ?”

୩ ଜିସୁ ଉତର୍ ହିତାନ୍, “ଇଖାନ୍ କି ଇଖାନ୍ ଆବା ଆୟା ପାପ୍ କିଖାତାର୍, ମାତର୍ ଇସ୍ତର୍ ସାକ୍ତି କାମାୟ୍ ଇନେସ୍‌କି ଇଖାନ୍ ତାକେ ହସ୍‌ନାଡ଼୍, ଇଦାଂ କାଜିଂ କାଣା ଆଜି ଜଲମ୍ ଆତାନ୍ନା । ୪ ଦିନ୍ ମାନୁ ମାନୁ ନା ପକ୍‌ତାତାକାନ୍ କାମାୟ୍ କିନାକା ଦାଇଡ଼୍; ଇମ୍‌ଣି ସମୁତ ଏପେଙ୍ଗ୍ ନାଣା ଖାନ୍‌ତା ଇନେର୍ କାମାୟ୍ କିଦେଙ୍ଗ୍ ଆଡୁର୍ । ୫ ☆ ଇପୁତ୍ ତ ମାନି ପାତେକ୍, ଆନ୍ ପୁତ୍ ନି ଅଜଡ଼୍ ।”

୬ ଇଦାଂ ଇଞ୍ଜି ହେଖାନ୍ ଚିକ୍‌ଲାତ ଚୁପ୍‌ତାନ୍ ହେ ଏଞ୍ଜିଡ଼ିଂତାଂ ଚିକ୍‌ଲା କିତାନ୍, ଆରେ ତା ରି କାଣ୍‌କୁକାଂ ଚିକ୍‌ଲା କାସ୍‌ତାନ୍ ଆରି ତାଙ୍ଗେଙ୍ଗ୍ ଇଚାନ୍ ହାଲା, ୭ “ସିଲହ ଅନୁବାଦ୍ କିତାନ୍, ଇଦାଂ ଅରଡ଼୍ ପକ୍‌ପାତାକା ବାନ୍‌ତ ନୁସ୍ୟାୟା ଆ । ହେବେ ହେଖାନ୍ ହସି ହାଲ୍‌ଜି ନୁସ୍ୟାୟା ଆତାନ୍ । ଆରି କାଣ୍‌କୁ ହୁଡ଼୍‌ଜି ହାଚାନ୍ ।”

୮ ଲାଗିଂ ହାଙ୍ଗ୍‌ଦାକାର୍, ଆରେ ଇମ୍‌ଣାକାର୍ ତାଙ୍ଗେଙ୍ଗ୍ ଆଗେତାଂ ରଖାନ୍ ବିକାରି ଇଞ୍ଜି ହୁଡ଼୍‌ଜି ମାଚାର୍, ହେୱାର୍ ଖେନ୍‌ବାତାର୍, “ଇନେନ୍ କୁଚ୍‌ତି ବିକ୍ୟା ଏନ୍‌ତି ମାଚାନ୍, ଇଖାନ୍ ଇନାକା ହେଖାନ୍ ଆକାୟ୍ ?”

୯ ଇନେ ଇନେର୍ ଇଚାର୍, “ଇଖାନ୍ ହେଖାନ୍, ଆରେ ଇନେ ଇନେର୍ ଇଚାର୍, ଆକାୟ୍, ଇଖାନ୍ ତା ଲାକେ ।”

ମାତର୍ ହେଖାନ୍ ଇଚାନ୍, “ଆନ୍ ହେ ମାନାୟ୍ ।”

୧୦ “ହେବେ ହେୱାର୍ ତାଙ୍ଗେଙ୍ଗ୍ ଇଚାର୍, ତା ଆତିସ୍ ନି କାଣ୍‌କୁ ଇନେସ୍ ହୁଡ଼୍‌ତାୟ୍ ?”

☆ ୯:୫ ୯:୫ ମାତିଉ ୫:୧୪; ଜହନ୍ ୮:୧୨.

୧୧ ହେୱାନ ଉତର ହିତାନ, “ଇନେରିଂ ଜିସୁ ଇଞ୍ଜି ଇନାର୍, ହେ ମାନାୟ୍ ଚାଟ୍‌କାୟ୍ କିଜି ନା ରି କାଣ୍‌କୁକାଂ କାସ୍‌ଦାତାନ, ଆରେ ନାଢେଙ୍ଗ୍ ଇନଚାନ, ସିଲହତ ହାଲ୍‌ଜି ନୁସ୍ୟାୟା; ଲାଗିଂ ଆନ୍ ହସି ହାଲ୍‌ଜି ନୁସ୍ୟାୟା ଆତାଙ୍ଗ୍ ଆରି କାଣ୍‌କୁ ହୁଡ୍‌ତାଙ୍ଗ୍ ।”

୧୨ “ହେୱାର୍ ତାଢେଙ୍ଗ୍ ଖେନ୍‌ବାତାର୍,” ହେୱାନ ଜେ ?
ହେୱାନ ଇଚାନ, “ଆନ୍ ପୁନୁଙ୍ଗ୍ ।”

ପାରୁସିର୍ ଇ କାମାୟ୍ ଦାସ୍ତାର୍

୧୩ ଇନେନ୍ ଜଲମ୍ କାଣା ମାଚାନ, ହେୱାର୍ ତାଢେଙ୍ଗ୍ ପାରୁସିର୍ ତାକେ ତାହିଝାତାର୍ । ୧୪ ଜିସୁ ଇମ୍‌ଣି ଦିନା ଚାଟ୍‌କାୟ୍ କିଜି ତା କାଣ୍‌କୁ ଉଜ୍ କିଜି ମାଚାନ, ହେ ଦିନା ଜମ୍‌ନିବାର୍ । ୧୫ ଲାଗିଂ, ହେୱାନ ଇନେସ୍ କାଣ୍‌କୁ ହୁଡ୍‌ତାନ, ଇଦାଂ ପାରୁସିର୍ ପା ତାଢେଙ୍ଗ୍ ଆରେ ରଗ ଖେନ୍‌ବେଦେଂ ଲାଗାତାର୍ । ହେବେ ହେୱାନ ହେୱାରିଂ ଇଚାନ, “ହେୱାନ ନା କାଣ୍‌କୁକାଂ ଚିକ୍‌ଲା କାସ୍‌ଦାତାନ, ପାଚେ ଆନ୍ ନୁସ୍ୟାୟା ଆତାଙ୍ଗ୍ ଆରି ହୁଡ୍‌ଦେଂ ଆଡ୍‌ନାଂ ।”

୧୬ ତା ପାଚେ ପାରୁସିର୍ ପା ଇନେ ଇନେର୍ ଇଚାର୍, “ହେ ମାନାୟ୍ ଇସ୍‌ବର୍ ତାକେ ଝାଝାତାନ୍ନା, ଇନାକିଦେଂକି ହେୱାନ ଜମ୍‌ନିବାର୍ ପାଲି କିଝାତାନନା ।”

ଆରେ, ଇନେ ଇନେର୍ ଇଚାର୍, “ପାପି ଲଗୁ ଇନେସ୍ ଇ ଲାକେ କାବାଆନି କାମାୟ୍ ସବୁ କିଦେଙ୍ଗ୍ ଆଡ୍‌ନାନ ?” ଏଲେଙ୍ଗ୍ ବାବ୍ରେ ହେୱାର୍ ବିତ୍ରେ ଇନବା ଆତାର୍ ।

୧୭ ଲାଗିଂ ହେୱାର୍ ଆରେ ରଗ ହେ କାଣା ଲଗାଂ ଖେନ୍‌ବାତାର୍, “ହେୱାନ ଜେ ନି କାଣ୍‌କୁ ଉଜ୍ କିଡ୍‌ତାନ, ଇବେ ଏନ୍ ତା ବିସ୍ତେ ଇନାକା ଇନାୟା ?”

“ହେୱାନ ଇଚାନ,” ହେୱାନ ରଝାନ ବେଶ୍‌ବାକ୍‌ଶାୟ୍‌କିନାକାନ ।

୧୮ ହେୱାନ ଜେ କାଣା ମାଚାନ ଆରେ କାଣ୍‌କୁ ହୁଡ୍‌ତାନନା, ହେ କାଣ୍‌କୁ ପାୟା ଆତି ଲକ୍ ଆବା ଆୟାଂ କୁକ୍‌ଚି ଖେନ୍‌ବିଝି ପାତେକ୍ ଜିହୁଦି ନେତାର୍ ତା ବିସ୍ତେ ଇଦାଂ ପାତ୍ କିଝାତାର୍ । ୧୯ ହେୱାର୍ ହେୱାରିଂ ଖେନ୍‌ବାତାର୍, “ମି ଇମ୍‌ଣି କାଡ୍‌ଦେ କାଣା ଆଜି ଜଲମ୍ ଆଜି ମାଚାନ ଇଞ୍ଜି ଇନାଦେରା, ଇଝାନ ଇନାକା ମି ହେ କାଡ୍‌ଦେ ? ତା ଆତିସ୍ ହେୱାନ ଇନେସ୍ ନଙ୍ଗ୍ ହୁଡ୍‌ଦେଂ ଆଡ୍‌ନାନା ?”

୨୦ ହେବେ ତା ଆବା ଆୟା ଉତର ହିତାର, “ଇଝାନ ଜେ ମା ମାଜି ଆରି ଇଝାନ ଜେ କାଣା ଆଜି ଜଲମ୍ ଆଜି ମାତାନ, ଇଦା ଆପେ ପୁନାପ; ୨୧ ମାତର ହେଝାନ ଇନେସ୍ ନଜ୍ ହୁଡ଼ନାନା, ହେଦା ପୁନୁଦେରା, କି ଇନେର ତା କାଣକୁ ଉଜ୍ କିତାନ, ହେଦା ପା ଆପେ ପୁନୁପା; ତାଙ୍ଗେଙ୍ଗ୍ ଝେନ୍‌ବାର୍, ହେଝାନ ତ ବେଣ୍ଟିୟା, ହେଝାନ ଜାର କାତା ନିଜେ ଇନାନ ।” ୨୨ ତା ଆବା ଆୟା ଜିହୁଦିରି ପାଣ୍ଟୁ ଆନି କାଜିଂ ଇ ଝିଜୁ କାତା ଇଚାର, ଇନାକିଦେଂକି ଜଦି ଇନେର ତାଙ୍ଗେଙ୍ଗ୍ କ୍ରିସ୍ ଇଞ୍ଜି ପାତ୍ କିନାନ, ତା ଆତିସ୍ ହେଝାନ କୁଚୁମ୍ ପାଗ୍ରି କିୟାଆନାତ୍ ଇଞ୍ଜି ଇବେଣ୍ଟିଂ ଜିହୁଦିର ର କାତା କିଜି ମାଚାର । ୨୩ ହେଦା କାଜିଂ, ତା ଆବା ଆୟା ଇଚାର, “ହେଝାନ ବେଣ୍ଟିୟା, ତାଙ୍ଗେଙ୍ଗ୍ ଝେନ୍‌ବାର୍ ।”

୨୪ ହେବେ ଆଗ୍‌ଦ କାଣା ମାଚି ମାନାୟ୍‌ତି ହେଝାର୍ ରିହା କୁକ୍‌ତି ଇଚାର, ଇସ୍‌ବର୍‌ତି ପାଦ୍ ହିୟାର୍, “ହେ ମାନାୟ୍ ଜେ ପାପି, ଇଦା ଆପେ ପୁନାପ ।”

୨୫ “ହେବେ ହେଝାନ ଉତର ହିତାନ,” ହେଝାନ ପାପି କି ଆକାୟ୍, “ଆନ୍ ହେଦା ପୁନୁଙ୍ଗ୍; ଆନ୍ ର ବିସ୍ତେ ପୁନାଙ୍ଗ୍, ଆନ୍ କାଣା ମାଚାଙ୍ଗ୍, ନଜ୍ ହୁଡ଼ଦେଂ ଆଡ଼ନା ।”

୨୬ “ଲାଗିଂ ହେଝାର୍ ତାଙ୍ଗେଙ୍ଗ୍ ଇଚାର, ହେଝାନ ନିଙ୍ଗେଙ୍ଗ୍ ଇନାକା କିଡ଼ତାନ ? ହେଝାନ ଇନେସ୍ କିଜି ନି କାଣକୁ ଉଜ୍ କିଡ଼ତାନ ?”

୨୭ “ହେଝାନ ହେଝାରିଂ ଉତର ହିତାର୍,” ଆନ୍ ଝେଚ୍‌ଚାତା, “ଆରେ ଏପେଙ୍ଗ୍ ଝେନ୍‌ଝାତାଦେର; ଇନାକିଦେଂ ଆରେ ରଗ ଝେଞ୍ଜେଙ୍ଗ୍ ମାନକିନାଦେରା ? ଏପେଙ୍ଗ୍ ପା ଇନାକା ତା ତେଲାହିର୍ ଆଦେଂ ମାନ କିନାଦେରା ?”

୨୮ ହେବେ ହେଝାର୍ ତାଙ୍ଗେଙ୍ଗ୍ ବାଗ୍‌ଇଡ଼ିଜି ଇଚାର, “ଏନ୍ ହେଝାନ୍ତି ତେଲା, ମାତର ଆପେଂ ମସା ତେଲାକାପ୍ । ୨୯ ଆପେଂ ପୁନାପ୍ ଜେ ଇସ୍‌ବର୍ ମସାଙ୍ଗ୍ କାତା ଇଚାନ୍ନା, ମାତର ଇ ମାନାୟ୍ ଇମେଣ୍ଟିଂ ଝାତାନା, ହେଦା ପା ଆପେଂ ପୁନୁପ୍ ।”

୩୦ ହେ ମାନାୟ୍ ହେଝାରିଂ ଉତର ହିତାନ, “ହେଝାନ ନା କାଣକୁ ଉଜ୍ କିଡ଼ତାନ, ଆରେ ହେଝାନ ଇମେଣ୍ଟିଂ ଝାତାନା, ହେଦା ଏପେଙ୍ଗ୍ ପୁନୁଦେର, ଇଦା ତ କାବାଆନି କାତା । ୩୧ ଇସ୍‌ବର୍ ଜେ ପାପିର୍ କାତା ଝେନ୍‌ନ୍, ଇଦା ଆପେଂ ପୁନାପ, ମାତର ଜଦି ଇନେର ଇସ୍‌ବର୍ ହେବା

କିନାକାନ୍ ଆଜି ତା ଇଚା ମାନି କିନାନ୍, ତା ଆଡ଼ିସ୍ ହେୱାନ୍ ତା କାତା
 ୱେନାର । ୩୨ ଆରମ୍ ସମୁତାଁ ଇନେନ୍ ଜଲମ୍ କାଣା କାଣ୍କୁ ଉଜ୍
 କିଜି ମାଚାନ୍, ଇଦାଁ ତ ଇନାୱାଡ଼ାଁ ପା ୱେନାଆ ଆୱାଦାଁ ମାଚାଡ଼ ।
 ୩୩ ଇୱାନ୍ ମାନାୟ୍ ଇସ୍ବର୍ ତାକେଣ୍ଟାଁ ୱାୱାଦାଙ୍ ମାଚିସ୍ ଲାଗିଁ ଇ
 କାମାୟ୍ କିଦେଙ୍ ଆଡ଼ୱାତାନ୍ମା ।”

୩୪ ହେୱାର୍ ତାଙ୍ଗେଙ୍ ଉତର୍ ହିତାର୍, “ଏନ୍ ତ ନିଜେ ପାପ୍ତ
 ଜଲମ୍ ଆତାୟ୍, ଆରେ ପାପ୍ତ ଗାଜା ଆତାୟ୍ ଏନ୍ ମାଙ୍ଗେଙ୍ ହିକ୍ୟା
 ହିଦ୍ନାୟା ?” ହେବେ ହେୱାର୍ ତାଙ୍ଗେଙ୍ ବାରି କିତାର୍ ।

ଜିବୁନ୍ କାଣ୍କୁ ହୁଡ଼ୱାକା

୩୫ ହେୱାର୍ ଜେ ତାଙ୍ଗେଙ୍ ଗୁଡ଼ି ଇଞ୍ଜାଙ୍ ବାରି କିତାର୍ ଇଞ୍ଜି, ଜିସୁ
 ଇଦାଁ ୱେନ୍ଞି ତାଙ୍ଗେଙ୍ ବେଟା ଆଜି ଇଚାନ୍, “ଏନ୍ ଇନାକା ମାନାୟ୍
 ମାଜିତାକେଣ୍ଟାଙ୍ ପାତ୍ କିନାୟା ?”

୩୬ ହେୱାନ୍ ଉତର୍ ହିତାନ୍, “ଏ ମାପୁ, ହେୱାନ୍ ଇନେନ୍ ୱେଚ୍ଚା,
 ଇନେସ୍ ଆନ୍ ତା ତାକେ ପାତ୍ କିନାଙ୍ ?”

୩୭ ଜିସୁ ତାଙ୍ଗେଙ୍ ଇଚାନ୍, “ଏନ୍ ତାଙ୍ଗେଙ୍ ହୁଡ଼ନାୟା, ଆରେ
 ଇନେନ୍ ନି ଲାହାଙ୍ ବେଣ୍ ଇନାନ୍ନା, ଇୱାନ୍ ହେୱାନ୍ ।”

୩୮ “ହେବେ ହେୱାନ୍ ଇଚାନ୍,” ମାପୁ ଆନ୍ ପାତ୍ କିନାଙ୍; ଆରେ,
 ହେୱାନ୍ ତାଙ୍ଗେଙ୍ ଜୱାର୍ କିତାନ୍ ।

୩୯ ଆରେ ଜିସୁ ଇଚାନ୍, ହୁଡ଼ୱି “ମାନାୟାର୍ ଇନେସ୍ ହୁଡ଼ନାର୍ ଆରି
 ହୁଡ଼ନି ମାନାୟାର୍ ଇନେସ୍ କି ହୁଡ଼ୁ, ଇ ବିଚାର୍ କାଜିଁ ଆନ୍ ପୁତ୍ ତ
 ଜଗଡ଼ତ ୱାତାଙ୍ମା ।”

୪୦ ପାରୁସିର୍ ବିତ୍ରେ ଇମ୍ଣାକାର୍ ତା ଲାହାଙ୍ ମାଚାର୍, “ହେୱାର୍
 ଇଦାଁ ୱେନ୍ଞି ତାଙ୍ଗେଙ୍ ଇଚାର୍, ଆପେଁ ପା ଇନାକା କାଣା ?”

୪୧ ଜିସୁ ହେୱାରିଁ ଇଚାନ୍, ଜଦି “କାଣା ଆଜି ମାଚିସ୍, ତା ଆଡ଼ିସ୍
 ଏପେଙ୍ ପାପ୍ ଆତାମ୍ । ମାତର୍ ଆପେଁ ହୁଡ଼ନାପା, ଇଦାଁ ନଙ୍
 ଇନାଦେରା; ଏପେଙ୍ ପାପ୍ତ ମାନାଦେର୍ ।”

୧୦

ମେଣ୍ଟା ଗଡ଼ିୟାନି କାତା

^୧ ହାତପା ହାତପା, “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍ ଦୁଝେର୍ତିଂ ମେଣ୍ଡାହାଡ଼ା ତାକେ ହଣ୍ଟିଝିତିସ୍, ମତର୍ ବିନେ ଇମ୍ଣି ହାଜି ଦୁମ୍ଫଜି ହଣାନ୍, ହେଝାନ୍ ଚର୍ ଆରି ତାକୁ; ^୨ ଇନେନ୍ ଦୁଝେର୍ତିଂ ହଣାନ୍, ହେଝାନ୍ ମେଣ୍ଡାଙ୍ଗି ଗଡ଼ିୟା । ^୩ ହଲ୍ୟାହି ତା କାଜିଂ ଦୁଝେର୍ ଜେସି ହିନାନ୍, ପାଚେ ମେଣ୍ଡା ତା କାଟ୍ ଝେନ୍ଝି, ଆରେ ହେଝାନ୍ ତା ମେଣ୍ଡାକାଂ ତର୍ ଆଜି କୁକ୍ତି ବାଡ଼ି ହପ୍ତି ତାଇ ଝାନାନ୍ । ^୪ ହେଝାନ୍ ତା ମେଣ୍ଡାଂ ଝିଜୁ ହପ୍ତି ହେଝାକାଂ ଆଗେ ଆଗେ ମେଣ୍ଡା ଗଡ଼ିୟା ତାଙ୍ଗନାନ୍ ଆରି ମେଣ୍ଡାଂ ତା ପାଚେ ପାଚେ ତାଙ୍ଗନିକ୍, ଇନାକିଦେଂକି ହେଝାଙ୍ଗ୍ ତା କାଟ୍ ପୁନିକ୍; ^୫ ମାତର୍ ହେଝାଙ୍ଗ୍ ଚିନ୍‌ହିଲ୍‌ଝାକାର୍ ପାଚେ ପାଚେ ଇନାଝାଡ଼ାଂ ପା ହାଲୁକ୍, ମତର୍ ତା ଲାଗାଂତି ହନ୍ତି ହାନିକ୍, ଇନାକିଦେଂକି ହେଝାଙ୍ଗ୍ ଚିନ୍‌ହିଲ୍‌ଝାକାର୍ କାଟ୍ ଆଶଗା ଆଉକ୍ ।”

^୬ ଜିସୁ ହେଝାରିଂ ଇ ଉତର୍ମୁଡ଼ି ଇଚାନ୍, ମାତର୍ ହେଝାନ୍ ହେଝାରିଂ ଇନା ଇନାକା ଇଞ୍ଜି ମାଚାର୍, ହେ ସବୁ ଇନାକା ଇଞ୍ଜି ହେଝାର୍ ବୁଜା ଆଝାତାର୍ ।

ହାଦ୍ ମେଣ୍ଡା ଗଡ଼ିୟା ଇସ୍ପର୍

^୭ ଲାଗିଂ ଜିସୁ ଆରେ ରଗ ଇଚାନ୍, “ହାତପା ହାତପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଆନ୍ ମେଣ୍ଡାଂ ଦୁଝେର୍ । ^୮ ଇମ୍ଣାକାର୍ ନା ଆଗେ ଝାନାରା, ହେଝାର୍ ଝିଜାର୍ ଚର୍ ଆରି ତାକୁର୍, ମାତର୍ ମେଣ୍ଡାଂ ଝିଜୁ ହେଝାର୍ କାତା ଝେନ୍‌କୁ । ^୯ ନା ଦୁଝେର୍, ଜଦି ଇନେର୍ ନାଙ୍ଗ୍ ହିଜି ହଣାର୍, ତା ଆତିସ୍ ହେଝାନ୍ ରାକ୍ୟା ପାୟା ଆନାନ୍ ଆରି ବିତ୍ରେ ଝାଜି ଆରି ବାଡ଼ି ହାଲୁଜି ଚାରା ଗାଟା ଆନାନ୍ । ^{୧୦} ଚର୍ କେବଲ୍ ଝାନାନ୍ ଚର୍ କିଦେଙ୍ଗ୍, ଅସ୍ତେଙ୍ଗ୍ ଆରି ନସ୍ କିନି କାଜିଂ; ହେଝାର୍ ଇନେସ୍‌କି ଜିବୁନ୍ ପାୟା ଆନାର୍ ଆରି ବେସି ପାୟା ଆନାର୍, ଇଦାଂ କାଜିଂ ଆନ୍ ଝାତାଙ୍ଗନା ।”

^{୧୧} “ଆନ୍ ହାଦ୍ ମେଣ୍ଡା ଗଡ଼ିୟା ଆନାଙ୍ଗ୍; ମେଣ୍ଡାଂ କାଜିଂ ଆନ୍ ଜିବୁନ୍ ହିନାଙ୍ଗ୍ । ^{୧୨} ଇନେନ୍ ମେଣ୍ଡା ଗଡ଼ିୟା ଆକାୟ୍, ମତର୍ କାମ୍‌ଲିୟା, ମେଣ୍ଡାଂ ଇମ୍ଣାକିଙ୍ଗ୍ ନିଜାର୍ତି ଆକାୟ୍, ହେଝାନ୍ ହୁଣ୍ଡେର୍‌ବୁକା ଝାନାକା ହୁଡ଼ି ମେଣ୍ଡାକାଂ ପିସ୍ତି ହନ୍‌ନାନ୍, ଆରେ ହୁଣ୍ଡାର୍ ବୁକା ହେଝାକାଂ ଆସ୍ତି ଚିର୍‌ବିର୍ କିନିକ୍ । ^{୧୩} ଆଦି ଅଜି ମେଣ୍ଡାଂ କାଜିଂ ମାନାନ୍ ହେଝାନ୍ ହାନାନ୍, ଇନାକିଦେଂକି ହେଝାନ୍ ରଝାନ୍

କାମଲିୟା ମତର ମେଣ୍ଟାଂ କାଜିଂ ଚିନ୍ତା କିଉନ୍ । ୧୪ ଆନ୍ ହାଦ୍ ମେଣ୍ଟା ଗଢ଼ିୟା । ଆବା ଇନେସକି ନାକୋଙ୍ଗ୍ ପୁଞ୍ଜନାନ୍ ଆରି ଆନ୍ ଆବାଂ ପୁନାଙ୍ଗ୍, ୧୫ ଆନ୍ ହେ ଲାକେ ପୁନାଙ୍ଗ୍ ଆନ୍ ନା ଜାର ମେଣ୍ଟାକାଂ ପୁନାଙ୍ଗ୍, ଆରେ ହେଞ୍ଜାନ୍ ନା ଜାରତି ମେଣ୍ଟାଂ ନାକୋଙ୍ଗ୍ ପୁଞ୍ଜନିକ୍, ଆରେ ମେଣ୍ଟାଂ କାଜିଂ ଆନ୍ ନା ଜିବୁନ୍ ହିଦେଂ ରେତି । ୧୬ ଇମ୍ବି ମେଣ୍ଟାଂ ଇ ମେଣ୍ଟାହାଡ଼ାତ ଆକାୟ୍, ନା ଏଲେଙ୍ଗ୍ ଆଲ୍‌ଗା ମେଣ୍ଟାଂ ମାନିକ୍, ହେଞ୍ଜାକାଂ ପା ନାଙ୍ଗ୍ ତାହିଞ୍ଜାଦେଂ ଆନାଡ଼, ଆରେ ହେଞ୍ଜାଙ୍ଗ୍ ନା କାର୍ ଖେଞ୍ଜନିକ୍; ହେବେ ର ଦାଡ଼ ଆରି ର ମାୟା ଆନିକ୍ ।”

୧୭ “ଆନ୍ ନା ଜିବୁନ୍ ଦାନ୍ କିନାଙ୍ଗ୍ ମାନ୍ କିନାଙ୍ଗା ଆବା ନାକୋଙ୍ଗ୍ ଜିଉନନାନ୍, ଆରେ ଆନ୍ ନା ଜିବୁନ୍ ଆରେ ରଗ ମାନିକିନି କାଜିଂ ହେଦାଂ ଦାନ୍ କିଡ଼ତାନ୍ । ୧୮ ଇନେର୍ ନା ତାକେଣ୍ଟାଂ ହେଦାଂ ଅଦେଂ ଆଡୁର୍, ମତର ଆନ୍ ନିଜେ ହେଦାଂ ଦାନ୍ କିନାଙ୍ଗ୍ । ହେଦାଂ ଦାନ୍ କିଦେଙ୍ଗ୍ ନା ଆଦିକାର୍ ମାନାଡ଼ ଆରି ହେଦାଂ ଆରେ ରଗ ମାନି କିଦେଙ୍ଗ୍ ନା ଆଦିକାର୍ ମାନାଡ଼ । ଆନ୍ ମାଞ୍ଜି ଆବାତାଂ ଇ ବଲ୍ ପାୟା ଆତାଙ୍ଗ୍ନା ।”

୧୯ ଇ ଝିଜୁ ବେଣ୍ କାଜିଂ ଜିହୁଦିର୍ ବିତ୍ରେ ଆରେ ରଗ ପାଗ୍ରି କିତାର୍ । ୨୦ ହେଞ୍ଜାର୍ ବିତ୍ରେ ହେନି ଇଞ୍ଜେଙ୍ଗ୍ ଲାଗାତାର୍, “ତାକୋଙ୍ଗ୍ ପୁଦା ତୁଡ଼ାତନା, ହେଞ୍ଜାନ୍ ପାଗ୍ଲା, ଇନାକିଦେଂ ତା କାତା ଝେନାଦେରା ?”

୨୧ ବିନେନିକାର୍ ଇଚାର୍, “ଇ ଝିଜୁ କାତା ତ ପୁଦା ତୁୟାଆତି ମାନାୟତିଂ ଆକାୟ୍; ପୁଦା ଇନାକା କାଣାଂ କାଣ୍‌ଙ୍ଗା ଉଜ୍ କିଦେଙ୍ଗ୍ ଆଡ଼ନାନ୍ ?”

ଜିସୁଙ୍ଗ୍ ମାନି କିଞ୍ଜାତାର୍

୨୨ ହେ ସମ୍ବୁ ପିନିମାସ୍ ମାଚାଡ଼, ହେଞ୍ଜାଡ଼ାଂ ଜିରୁସାଲମ୍‌ତ ମନ୍ଦିର୍ ରଚ୍ଚି ପାର୍ବୁ ଆତାଡ଼; ୨୩ ଆରେ ଜିସୁ ମନ୍ଦିର୍‌ତ ସଲମନ୍ ମଣ୍ଡମ୍‌ତ ବୁଲାଆଜି ମାଚାର୍ । ୨୪ ହେବେ ଜିହୁଦିର୍ ତାକୋଙ୍ଗ୍ ଚାରିବେଣ୍‌ତାଂ ବେଡ଼ିକିଜି ଝାୟିନି କାତା ଝେନ୍‌ବେଦେଂ ଲାଗାତାର୍, “ଆରେ ଏଚେକାଡ଼ ଦିନ୍ ମାକୋଙ୍ଗ୍ ହାବଡ଼ତ ଇଡ଼ଦାନାୟ୍ ? ଜଦି ଏନ୍ କ୍ରିସ୍ଟୁ ତା ଆତିସ୍ ମାକୋଙ୍ଗ୍ ହାର୍ କିଜି ଝେଚ୍‌ଚା ।”

୨୫ ଜିସୁ ହେଞ୍ଜାରିଂ ଉତର ହିତାନ୍, ଆନ୍ ମିକୋଙ୍ଗ୍ ଇଞ୍ଜନାଙ୍ଗା, ମାତର ଏପେଙ୍ଗ୍ ପାତ୍ କିଉଦେରା; ମା ଆବା ତରଦାଂ ଆଦିକାର୍

ପାୟା ଆତାଙ୍ଗନା ଆନ୍ ଇମ୍‌ଣି ଇମ୍‌ଣି କାମାୟ୍ କିନାଙ୍ଗା, ହେ ସବୁ ନା ବିସ୍ତେ ସାକି ହିନାଙ୍ଗା; ^{୨୬} ମାତର୍ ଏପେଙ୍ଗ୍ ପାତ୍ କିଉଦେରା, ଇନାକିଦେଂକି ଏପେଙ୍ଗ୍ ନା ମେଣ୍ଟାଂ ଆକାୟ୍ । ^{୨୭} ନା ମେଣ୍ଟାଂ ଝିଜୁ ନା କାଟ୍ ଝେନିକ୍ ଆରି ଆନ୍ ହେଝାକାଂ ପୁନାଙ୍ଗ୍, ଆରେ ହେଝାଙ୍ଗ୍ ନା ପାଟେ ପାଟେ ଝାନିକ୍, ^{୨୮} ଆରେ ଆନ୍ ହେଝାକାଂ ଝିଜୁଝି ଜିବୁନ୍ ହିନାଙ୍ଗ୍, ଆରେ ହେଝାଙ୍ଗ୍ ଇନାଝାଡ଼ାଂ ପା ବୁଡାଆଉକ୍, ଆରେ ଇନେର୍ ନା କେଇତାଂ ହେଝାକାଂ କ୍ଳିସ୍ତି ଅଦେଂ ଆଡୁର୍ । ^{୨୯} ମା ଆବା ନାଙ୍ଗେଙ୍ଗ୍ ଇନାକା ହିଡ଼ନ୍ନା, ହେଦାଂ ସବୁ ତାକେଣ୍ଟାଂ ବେସି ଦାମ୍, ଆରେ ଆବା କେଇଦାଂ ଇନେର୍ ହେଦାଂ କ୍ଳିସ୍ତି ଅଦେଂ ଆଡୁର୍ । ^{୩୦} ଆବା ଆରି ଆନ୍ ଏକ୍ ।

^{୩୧} ଇ କାତା ଝେନ୍‌ଞ୍ଜି ଆରେ ଜିହୁଦିର୍ ତାଙ୍ଗେଙ୍ଗ୍ ଇଡ଼ଦେଂ କାଜିଂ ଆରେ ରଗ କାଲ୍‌କୁ ପେସ୍ତାର୍ । ^{୩୨} ଜିସୁ ହେଝାରିଂ ଉତର୍ ହିତାନ୍, “ଆନ୍ ଆବା ତାକେଣ୍ଟାଂ ବେସି ହାଦ୍ କାମାୟ୍ ମିଙ୍ଗେଙ୍ଗ୍ ଚଟ୍‌ଚାତାଂନା; ହେ ସବୁ କାମାୟ୍ ବିତ୍ତେ ଇମ୍‌ଣି କାମାୟ୍ କାଜିଂ ନାଙ୍ଗ୍ ଅସ୍ତେଦେଂ କାଲ୍‌କୁ ଡେକ୍‌ନାଦେରା ?” ^{୩୩} ଜିହୁଦିର୍ ତାଙ୍ଗେଙ୍ଗ୍ ଉତର୍ ହିତାର୍, “ହାଦ୍ କାମାୟ୍ କାଜିଂ ଆପେଂ ନିଙ୍ଗେଙ୍ଗ୍ କାଲ୍ ଇଡ଼ଦୁପା, ମାତର୍ ଇସ୍‌ସୁର୍ତିଂ ନିନ୍ଦା କାଜିଂ, ଆରେ ଏନ୍ ମାନାୟ୍ ଆଜି ଜାର୍‌ତିଂ ଇସ୍‌ସୁର୍ ବଲାଇଆନାୟା ।”

^{୩୪} ଜିସୁ ହେଝାରିଂ ଉତର୍ ହିତାନ୍, “ମି ମସାତି ବିଦିତ ଇଦାଂ ଇନାକା ଲେକା ହିଲୁଡ଼, ଇସ୍‌ସୁର୍ ଇଚାନ୍, ଏପେଙ୍ଗ୍ ଇସ୍‌ସୁର୍ ? ^{୩୫} ଆପେଂ ପୁନାପ୍ ସାସ୍‌ସୁର୍ ବଚନ୍ ଜୁଗ୍ ଜୁଗ୍ ହାଡ଼ପା । ଇସ୍‌ସୁର୍ତି ବେରଣ୍ ଇମ୍‌ଣାକାର୍ ତାକେ ହତାଡ଼ନା, ହେଝାରିଂ ଇବେ ଇସ୍‌ସୁର୍ ଇଚାନ୍ନା । ^{୩୬} ତା ଆତିସ୍ ଇନେରିଂ ଇସ୍‌ସୁର୍ ପୁଇପୁୟା କିଜି ପୁତ୍‌ତ ପକ୍‌ତାନ୍, ତାଙ୍ଗେଙ୍ଗ୍ ଇନାକା ଏପେଙ୍ଗ୍, ଆନ୍ ଇସ୍‌ସୁର୍ତି ମାଜି, ଇଦାଂ ଆନ୍ ଇଞ୍ଜିଲେ, ଏନ୍ ଇସ୍‌ସୁର୍ତିଂ ନିନ୍ଦା କିନାୟା ଇଞ୍ଜି ଇନାଦେରା ? ^{୩୭} ଜଦି ଆନ୍ ମାଞ୍ଜି ଆବାତି କାମାୟ୍ ସବୁ କିଝିଡିସ୍, ତାଆତିସ୍ ନାଙ୍ଗେଙ୍ଗ୍ ପାତ୍ କିଦ୍‌ମାଟ୍; ^{୩୮} ମାତର୍ ଜଦି ଆନ୍ ତା ଇଚା ମାନି କିନାଙ୍ଗ୍, ତା ଆତିସ୍ ପାତ୍ କିଝିଡିସ୍ ପା, ନା କାମାୟ୍ ହୁଡ଼ଜି ପାତ୍ କିୟାଟ୍ ଲାଗିଂ ଏପେଙ୍ଗ୍ ହାଡ଼ପା ବାବ୍ରେ ପୁଞ୍ଜେଙ୍ଗ୍ ଆଡ଼ନାଦେର୍, ନା ଆବା ଇସ୍‌ସୁର୍ ନା ତାକେ ମାନାନ୍ ।”

୩୯ ହେବେଶ୍ଵାଁ ହେଝାର୍ ତାଙ୍ ଆସ୍ତେଙ୍ ଇଞ୍ଜି ଆରେ ରଗ ସେସ୍ଵା କିଦେଙ୍ ଲାଗାତାର୍, ମାତର୍ ହେଝାନ୍ ହେଝାର୍ କେଇଦ ଆହ୍‌ୟା ଆଝାଦାଁ ହସି ହାଚାନ୍ ।

୪୦ ☆ଇଦାଁ ପାଚେ ଇସ୍ଵର୍ ଆରେ ରଗ ଜର୍ଦନ୍‌ନି ଆନ୍‌ଟି ପାଡ଼୍‌କା ହାଲ୍‌ଜି, ଜହନ୍ ଇମ୍‌ଣି ବାହାତ ହିଗ୍‌ଦ ବାପ୍‌ସିମ୍ ହିଜି ମାଚାନ୍, ହେ ବାହାତ ହାଲ୍‌ଜି ହେବେ ମାନ୍‌ଗାତାନ୍ । ୪୧ ଆରେ, ହେନି ତା ତାକେ ଝାଜି ଇଚାର୍, “ଜହନ୍ ହିନା ଇନାକାପା କାବାଆନି କାମାୟ୍ କିଝାତାନ୍,” ମାତର୍ ଇ ମୁଣିକା ବିସ୍ତେ ଜହନ୍ ଜେ ଝିଜୁ କାତା ଇଚାନ୍, “ହେଦାଁ ସବୁ ହାଡ଼ପା ।” ୪୨ ଆରେ, ହେ ବାହାତ ହେନି ମାନାୟାର୍ ତା ତାକେ ପାତର୍ କିତାର୍ ।

୧୧

ଲାଜାର୍‌ତି ହାକି

୧ ☆ବେଡ଼ନିୟା ନିକାନ୍ ଲାଜାର୍ ତରଦାକାନ୍ ରଝାନ୍ ମାନାୟ୍ ବେମାର୍ ମାଚାନ୍; ମରିୟ୍‌ମ୍ ଆରି ତା ତଣ୍‌ଦେହି ମାର୍ତା ହେ ନାସ୍ତ ମାତିକ୍ । ୨ ☆ଇ ମରିୟ୍‌ମ୍ ମାପୁଙ୍ କାଲ୍ ଜପି ବାସନା ଚିକାଣ୍‌ତାଁ ନେନ୍‌ଦି ତା ତେମୁଲ୍‌ତାଁ ତା ପାନା ନୁଜ୍‌ଜି ମାଚାଡ଼ ତା ଟଣ୍‌ସ୍‌ହି ଲାଜାର୍ ବେମାର୍ ମାଚାନ୍, ୩ ଲାଗିଁ ହେ ତଣ୍‌ଦେକ୍ ତା ତାକେ କାବୁର୍ ପଲ୍‌କିକ୍, “ମାପୁ, ହୁଡ଼ା, ଇନେରିଁ ଏନ୍ ଝାରି କିନାୟା, ହେଝାନ୍ ବେମାର୍‌ତ ମାନାନ୍ ।”

୪ ଇ କାବୁର୍ ଜିସୁ ଝେନ୍‌ଞ୍ଜି ଇଚାନ୍, “ଇ ରଗ୍‌ତ ଲାଜାର୍ ହାଉନ୍, ମାତର୍ ମାପୁତି ଜାଜ୍‌ମାଲ୍ କାଜିଁ, ଇନେସ୍‌କି ଇ ଲାକେ ଇସ୍‌ବର୍ ମାଜି ଜାଜ୍‌ମାଲ୍ ପାୟା ଆନାର୍ ।”

୫ ଜିସୁ ମାର୍ତା, ମରିୟ୍‌ମ୍ ତା ତଣ୍‌ଦେହି ଆରେ ଲାଜାର୍‌ତିଁ ଜିଉ ନଜି ମାଚାନ୍ । ୬ ଆତିସ୍‌ପା, ଲାଜାର୍ ବେମାର୍‌ତ ମାନାନ୍ ଇଞ୍ଜି ଏଚେକାଡ଼୍‌ଦ ହେଝାନ୍ ଝେଚାନ୍, ହେ ପାଦନା ହେଝାନ୍ ଇମ୍‌ଣି ବାହାତ ମାଚାନ୍, ହେ ବାହାତ ଆରେ ରି ଦିନ୍ ମାଚାନ୍ । ୭ ତା ପାଚେ ଜିସୁ ଚେଲ୍‌ରିଁ ଇଚାନ୍, “ଜାତ ଆସେଙ୍ ଆରେ ରଗ ଜିହୁଦା ଦେସ୍‌ତ ମାସ୍‌ଦି ହାନାସ୍ ।”

୮ ଚେଲାଈ ଜିସୁଙ୍କ ଇଚାର, “ଏ ଗୁରୁ,” ଜିହୁଦିର ନିକୋଙ୍କ କେଡ଼ିନ୍ ଆଗେ ଇଡ଼କାଦେଂ ସେସ୍ତୁ କିଜି ମାନଚାର, “ଆରେ ଏନ୍ ଆରି ରଗ ହେବେ ହାନାୟା ?”

୯ ଜିସୁ ଉତର ହିତାନ, “ଝେଡ଼ାଲିଂ ଇନାକା ବାର ଗଣ୍ଟା ଆକାୟ ? ଇନେର ଝେଡ଼ାଲିଂ ତାଙ୍ଗତିସ୍ ଉତ୍ତର, ଇନାକିଦେଂକି ହେଝାନ ଇ ପୁତ୍ ନି ଅଜଡ଼ ହୁଡ଼ନାନ; ୧୦ ମାତର ନାଶା ତାଙ୍ଗତିସ୍ ହେଝାନ ଉଡ଼ନାନ, ଇନାକିଦେଂକି ଖାସ୍ତିତ ଅଜଡ଼ ହିଲୁଡ଼ ।” ୧୧ ଜିସୁ ଇ ଝିଲୁ କାତା ଇତି ପାଚେ ହେଝାରିଂ ଆରେ ଇଚାନ, “ମା ବନ୍ଧୁ ଲାଜାର ହୁଞ୍ଜନାନା, ମାତର ତାଙ୍ଗ ହୁନ୍ଚାକାନିଂ ନିକ୍ନି କାଜିଂ ଆନ୍ ହାନାଙ୍ଗା ।”

୧୨ ହେବେତାଂ ଚେଲାହିର ତାଙ୍ଗ ଇଞ୍ଜି ମାଚାର, ମାପୁ, “ଜଦି ହେଝାନ ହୁନ୍ଚାନନା ତା ଆତିସ୍ ହେଝାନ ଉତ୍ତ ଆନାନ ।”

୧୩ ଜିସୁ ଲାଜାର ହାତି ବିସ୍ତେ ଇଚାନ, ମାତର ହେଝାନ ହୁନ୍ଞ୍ଜିନି ବିସ୍ତେ ଇଚାନ ଇଞ୍ଜି ହେଝାର ବାବିକିତାର । ୧୪ ହେଦାଂ କାଜିଂ ଜିସୁ ହେ ପାଦନା ହେଝାରିଂ ହାରଦାଂ ଇଚାନ, “ଲାଜାର ହାତାନନା; ୧୫ ଆରେ, ଆନ୍ ଜେ ହେବାତ ହିଲ୍ଝିତିସ୍, ଇଦାଂ ଲାଗିଂ ମି କାଜିଂ ଖାରି କିନାଙ୍ଗା, ଇନେସକି ଏପେଙ୍ଗ ପାତ୍ କିନାଦେର; ମାତର ଜାତୁ, ଆସେଙ୍ଗ ତା କଚଣ ହାନାସ୍ ।”

୧୬ ହେବେତାଂ ତମା, ଇନେରିଂ ଦିଦୁମ୍ ଇଞ୍ଜି ଇନାର, ହେଝାନ ଜାର ହାଙ୍ଗ ଚେଲାହିରିଂ ଇଚାନ, “ଜାତୁ ଆସେଙ୍ଗ ପା ଗୁରୁ ଲାହାଙ୍ଗ ହାଲ୍ଜି ତା ଲାହାଂ ହାନାସ୍ ।”

ଜିସୁ ଆରେ ରଗ ନିଙ୍ଗି ଜିନାନ

୧୭ ଜିସୁ ବେଡ଼ନୟାତ ଏକିସ୍ ଝେଚାନ ଜେ, ହେଝାନ ଦୁଗେରତ ଇଡ଼ଜି ଚାରି ଦିନ୍ ଆତାଡ଼ ଦୁଗେରତ ଇଚ୍ୟା ଆତାନେ । ୧୮ ବେଡ଼ନିୟା ଜିରୁସାଲମ୍ କଚଣତ ମାଚାଡ଼, ଆନ୍ମାନତାଂ ତିନି କିଲମିଚର ଦେହା; ୧୯ ଆରେ, ଜିହୁଦି ଦେସନି ହେନି ମାନାୟ ବିତ୍ତେ ମାର୍ତ୍ତା ଆରି ମରିୟମ୍ତିଂ ହେଝାର୍ତି ଟଣ୍ଡେନ୍ ବିସ୍ତେ ଦୁକ୍ତାଶାଈ କିଦେଙ୍ଗ କାଜିଂ ହେଝାର କଚଣ ଖାଜି ମାଚାର ।

୨୦ ହେବେତାଂ ଜିସୁ ଖାନାନା ଇଞ୍ଜି ଏଚେକାଡ଼ଦ ମାର୍ତ୍ତା ଝେଚାଡ଼, ହେ ପାଦନା ହେଦେଲ୍ ବେଚାଆଦେଂ ହାତାଡ଼, ମାତର ମରିୟମ୍ ଇଞ୍ଜି

ମାତାନ୍ ୨୧ ମାର୍ତ୍ତା ଜିସୁଙ୍କ ଇଚାଡ଼, “ମାପୁ ଜଦି ଏନ୍ ଇବେ ଖାଜି ମାତିସ୍, ତା ଆତିସ୍ ନା ଟଣ୍ଡେନ୍ ହାଞ୍ଜାତାନମା, ୨୨ ମାତର୍ ନଙ୍କ ପା ଆନ୍ ପୁନାଙ୍କ୍, ମାତର୍ ଏନ୍ ଇସ୍ପର୍ତିଂ ଇନାକାପା ଏନ୍ନାୟ୍, ଇସ୍ପର୍ ଜେ ହେଦାଂ ନିଙ୍ଗେଙ୍କ୍ ହିଦନାନ୍ ।”

୨୩ ଜିସୁ ତାଙ୍ଗେଙ୍କ୍ ଇଚାନ୍, “ମି ଟଣ୍ଡେନ୍ ଆରେ ଜିବୁନ୍ ପାୟା ଆଜି ନିଙ୍ଗନାନ୍ ।”

୨୪ ମାର୍ତ୍ତା ଜିସୁଙ୍କ ଇଚାଡ଼, “ହେଖାନ୍ ଜେ ହାରିହାରା ଦିନ୍ତ ଆରେ ନିନ୍ ସମୁତ ନିଙ୍ଗନାନ୍ ଇଦାଂ ଆନ୍ ପୁନାଙ୍କ୍ ।”

୨୫ ଜିସୁ ତାଙ୍ଗେଙ୍କ୍ ଇଚାନ୍, “ଆନ୍ ଆରେ ନିନାକାଂ ଆରି ଜିବୁନ୍, ଇନେର୍ ନା କଟଣ ପାତ୍ କିଦନାନ୍, ହେଖାନ୍ ଜଦି ହାନାନ୍, ଆତିସ୍ପା ହେଖାନ୍ ଜିନାନ୍, ୨୬ ଆରେ ଇନେର୍କି ଜିନାନ୍ ଆରି ନାବେ ପାତ୍ କିନାନ୍, ହେଖାନ୍ ମୁଡ଼କେ ହାଉନ୍; ଇଦାଂ ଇନାକା ପାତ୍ କିନାଦେରା ?”

୨୭ ମାର୍ତ୍ତା ହେଖାନ୍ ଇଚାଡ଼, “ଆଁ, ମାପୁ, ଇନେର୍କି ପୁତ୍ ଖାନାକା ମାଚାଡ଼, ଏନ୍ ଜେ ଇସ୍ପର୍ତିଂ ମାଜି ହେ କ୍ରିସ୍ଟ୍, ଇଦାଂ ନା ପାତ୍ ।”

ଜିସୁ ଆଡ଼ବାଚାନ୍

୨୮ ଇଦାଂ ଇଚି ପାତେ ମାର୍ତ୍ତା ହାଲ୍ଜି ଜାର୍ ତଣ୍ଡେଲ୍ ମରିୟମ୍ତିଂ ଡ଼ଗୁଜି କୁକ୍ତି ଇଚାଡ଼, “ଗୁରୁ ଖାତାନେ ଆରେ ନିଙ୍ଗେଙ୍କ୍ କୁଲ୍ଲାନାମା ।” ୨୯ ହେଖାନ୍ ଇଦାଂ ଖେନ୍ଞି ବେଗି ନିଙ୍ଗଜି ତା କଟଣ ହାଚାର୍ । ୩୦ ଜିସୁ ହେ ପାଦନା ନାସ୍କୁ ବିତ୍ରେ ଖାଞ୍ଜାଦାଙ୍କ୍ ମାଚାନ୍, ମାତର୍ ମାର୍ତ୍ତା ହେଖେନିଂ ଇମ୍ଣି ବାହାତ ବେଟା ଆଜି ମାଚାଡ଼, ହେପାତେକ୍ ହେଖାନ୍ ହେ ବାହାତ ମାଚାଡ଼ । ୩୧ ବାଟିଙ୍କ୍ ଇମ୍ଣି ଜିହୁଦିର୍ ତା ଲାହାଙ୍କ୍ ଇଞ୍ଜ ମାନ୍ଞି ତାଙ୍କ୍ କ୍ଷୁପ୍କିସ୍ ମାଚାର୍, ହେଖାର୍ ମରିୟମ୍ତିଂ ବେଗି ନିଙ୍ଗଜି ହସିହାନାକା ହୁଡ଼ଜି, ହେଦେଲ୍ ଦୁଗେର୍ କଟଣ୍ଡ ଆଡ଼ବିନି କାଜିଂ ହାନାରା, ଇଦାଂ ମାନେ କିଜି ହେ ପାତେ ପାତେ ହାଚାର୍ ।

୩୨ ହେବେତାଂ ଜିସୁ ଇମ୍ଣି ବାହାତ ମାଚାନ୍, ମରିୟମ୍ ହେ ବାହାତ ଏକିସ୍ ତାଙ୍ଗେଙ୍କ୍ ହୁଡ଼ଜି ହେ କାଲ୍କୁ ତାରେନ୍ ଗୁରୁଜି ଇଚାଡ଼, “ଏ

ମାପୁ, ଜଦି ଏନ୍ ଇବେ ଏକାଞ୍ଚାତାୟତି, ତା ଆତିସ୍ ନା ଟଣ୍ଡେନ୍ ହାଞ୍ଚାତାନ୍ମା ।”

୩୩ ଲାଗିଂ, ଜିସୁ ତାଙ୍ଗ୍ ଆରି ତା ଲାହାଙ୍ଗ୍ ଖାଜି ମାଟି ଜିହୁଦିରିଂ ଆଡ଼ବାନାକା ହୁଡ଼ଜି ଜିବୁନ୍ତାଂ ରାସ୍ ଇଚାନ୍, ଆରେ କାମାୟ ପୁରା କିନି କାଜିଂ ହିର୍ଜାଆଜି ଖେନ୍ବାତାନ୍, ୩୪ “ତାଙ୍ଗେଙ୍ଗ୍ ଇମେତାକେ ଇଡ଼ତାଦେଣ୍ଟା ?”

ହେଝାର୍ ତାଙ୍ଗେଙ୍ଗ୍ ଇଚାର୍, “ମାପୁ ଖାଜି ହୁଡ଼ା ।”

୩୫ ଜିସୁ ଆଡ଼ବାତାନ୍ । ୩୬ ହେବେତାଂ ଜିହୁଦିର୍ ଇଚାର୍, “ହୁଡ଼ାଟ୍ ହେଝାନ୍ ତାଙ୍ଗେଙ୍ଗ୍ ଇନେସ୍ ଜିଉନଜି ମାଚାନ୍ ।”

୩୭ ମାତର୍ ହେଝାର୍ ବିତ୍ରେ ଇନେର୍ ଇନେର୍ ଇଚାର୍, “ଇ ଇମ୍ଣି ମାନାୟ୍ ହେ କାଣାଂ କାଣ୍କୁ ସାଲ୍ଲି ହିଝାଦାଂ ମାଚାନ୍ କି ? ହେଝାନ୍ ଇନାକା ଇଝାନ୍ତି ହାକି ପା ଜିପ୍ତେଙ୍ଗ୍ ଆଡ଼ଞ୍ଚାତାନ୍ମା ?”

ଜିସୁ ଲାଜାର୍ତିଂ ହାକିତାଂ ନିକ୍ତାନ୍

୩୮ ହେବେତାଂ ଜିସୁ ଆରେ ରଗ ଖାସ୍ତିତାଂ ରିସା ଆଜି ଦୁଗେର୍ କଟଣ୍ଡତ ଖାତାନ୍, ହେଦାଂ ରଞ୍ଜାଙ୍ଗ୍ ପାରା, ଆରେ ତା ମୁମ୍ଦ ରଞ୍ଜାଙ୍ଗ୍ କାଲ୍ ମାଚାଟ୍ । ୩୯ ଜିସୁ ବଲ୍ ହିତାନ୍ ଇ କାଲ୍ ଗୁଚାୟ୍ କିୟାଟ୍ । ହାତି ମାନାୟ୍ତିଂ ତଣ୍ଡେହି,

ମାର୍ତୀ ତାଙ୍ଗେଙ୍ଗ୍ ଇଚାର୍, “ମାପୁ, ହେଝେନ୍ ଗାନ୍ଦାଆତାନେ, ଇନାକିଦେଂକି ହେଝେନ୍ ଚାରି ଦିନ୍ ଆତାଟ୍ ହାତାନେ ।”

୪୦ ଜିସୁ ତାଙ୍ଗେଙ୍ଗ୍ ଇଚାନ୍, “ଜଦି ଏନ୍ ପାତର୍ କିନାୟା, ତା ଆତିସ୍ ଇସ୍ତର୍ ଜାଜ୍ମାଲ୍ ହୁଡ଼ନାଦେର୍, ଇଦାଂ ଇନାକା ଆନ୍ ମିଙ୍ଗେଙ୍ଗ୍ ଖେର୍ଝାତାଙ୍ଗ୍ ।” ୪୧ ହେବେତାଂ ହେଝାର୍ କାଲ୍ ନେକ୍ତାର୍ ଆରେ, ଜିସୁ ଜପି ହୁଡ଼ଜି ଇଚାନ୍, “ଆବା, ଏନ୍ ନା ପାର୍ତାନା ଖେଚାୟ୍ ଇଞ୍ଜି ଆନ୍ ମିଙ୍ଗେଙ୍ଗ୍ କୁଝାର୍ ହିଦ୍ନାଙ୍ଗା । ୪୨ ଏନ୍ ଜେ ନିତ୍ରେ ନା ପାର୍ତାନା ଖେନ୍ଞି ମାନାୟା, ଇଦାଂ ଆନ୍ ପୁଚାଙ୍ଗ୍ନା; ମାତର୍ ଇମ୍ଣି ମାନାୟାର୍ ଚାରିବେଣ୍ଡାଂ ନିଲ୍ତାଣ୍ଟା, ଏନ୍ ନାଙ୍ଗେଙ୍ଗ୍ ପକ୍ତାତାୟନା ଇଞ୍ଜି ହେଝାର୍ ଇନେସ୍କି ପାତର୍ କିଦ୍ନାର୍, ଇଦାଂ ଲାଗିଂ ହେଝାର୍ କାଜିଂ ଆନ୍ ଇଦାଂ ଇନ୍ଚାଙ୍ଗ୍ ।” ୪୩ ଇଦାଂ ଇତି ପାଚେ ହେଝାନ୍ ଇଦାଂ ଇଞ୍ଜି ଗାଜା କାଟ୍ତାଂ ହିର୍ବାତାନ୍, “ଲାଜାର୍, ହସି ଖା ।” ୪୪ ହେଝାନ୍

ହସି ଖାତାନ୍; ତା କେଇ ଆରି ପାନା ଦୁଗେର୍ ହେୟାତାଂ ଗାତ୍ୟା ଆଜି ମାତାର୍, ଆରେ, ତା ମୁମ୍ଦ ଇଚୁକ୍ ତୁଖାଲ୍ ହୁର୍ପିସ୍ ମାତାର୍ । ଜିସୁ ହେଖାରିଂ ଇଚାନ୍, “ଇଖାନ୍ତି ଗାତ୍ତାକା ରିକ୍ତି ତାଙ୍ଗ୍‌ଜି ହାଞ୍ଜେଙ୍ଗ୍ ହିୟାଟ୍ ।”

ଜିସୁତି ବିରୁଦ୍ଧ କୁଟ୍

(ମାତିଉ ୨୭:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ଆରେ, ଜିହୁଦିର ବିତ୍ରେ ଆଦେକ୍, ଇଚିସ୍ ଇମଣାକାର୍ ମରିୟମ୍ କଚଣ୍ ଖାଜି ମାତାର୍, ହେଖାରି ଜିସୁତି କାରୁମ୍ ହୁଡ୍‌ଜି ମାତାର୍, ଆରି ହେଖାରି ତାତାକେ ପାତ୍ କିତାର୍; ୪୬ ମାତର୍, ହେଖାରି ବିତ୍ରେ ଇନେର୍ ଇନେର୍ ପାରୁସିର୍ କଚଣ୍ ହାଲ୍‌ଜି, ଜିସୁ ଇନାକା ଇନାକା କିଜି ମାତାନ୍, ହେଖାରି ହେଖାରିଂ ଜାଣାୟ୍ କିତାର୍ । ୪୭ ହେବେତାଂ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ଗାଜା କୁଚୁମ୍ କୁକ୍ତି ଇଚାର୍, “ଆସେଙ୍ଗ୍ ଇନାକା କିତାସ୍‌ନା ? ଇ ମାନାୟ୍ ତ ଆଦିକ୍ କାବା କାମାୟ୍ କିନାନା । ୪୮ ଜଦି ଆସେଙ୍ଗ୍ ହେଖାରିଂ ଇ ଲାକେ ପିସ୍‌ହିନାସ୍, ତା ଆତିସ୍ ଡିଜାର୍ ତା ତାକେ ପାତ୍ କିତାର୍, ଆରେ ରମିୟର୍ ଖାଜି ମାଦାଂ ଇ ମନ୍ଦିର୍ ଆରି ଜାତିତିଂ ରି କୁଦାତିଂ ନସ୍ କିତାର୍ ।”

୪୯ ମାତର୍ ହେଖାରି ବିତ୍ରେ ହେ ବାହୁଁ କାଜିଂ, ବାଚିକିୟା ଆଜି ମାତି ମୁଡ୍ ମାପୁହେବାକିନାକାନ୍ କୟାପା ଇଚାନ୍, “ଏପେଙ୍ଗ୍ ଏଚେକ୍ ବକ୍‌ଖା ! ଏପେଙ୍ଗ୍ ଇଦାଂ ବୁଜା ଆଉଦେରା; ୫୦ ଡିଜୁ ଜାତି ଡିଜ୍‌ଖାଦାଂ ମାନାୟାର୍ ବିତ୍ରେ ରକାନ୍ ଜେ ହାନାକା ମି ପାକ୍ୟାତାଂ ହାର୍, ଇଦାଂ ପା ଏପେଙ୍ଗ୍ ବୁଜା ଆଉଦେରା ।” ୫୧ କୟାପା ଇଦାଂ ନିଜେ ମାତ୍ର ଇନ୍‌ଖାଦାଂ ମାତାନ୍ ମାତର୍ ହେଖାନ୍ ହେ ବାହୁଁନି ମୁଡ୍ ମାପୁହେବାକିନାକାନ୍ ଆଜି ମାତିଲେ ଇ ବେଶ୍‌ବାକ୍‌ଶାୟ୍‌କିନାକାନ୍ ତା ଖେଇଦାଂ ଇଞ୍ଜି ମାତାନ୍, ଜିସୁ ଖେଚ୍‌ଚି ମାତାନ୍ ଜେ ରାଜିନି ଜିହୁଦି ଜାତିନି ଇଚିସ୍, ୫୨ ଆରେ କେବଲ୍ ହେ ଜାତି କାଜିଂ ଆକାୟ୍, ମତର୍ ଇସ୍‌ତ୍ ଚିନ୍‌ବିନ୍ ହିମ୍‌ଶାକାଂ ପା ରୁଣ୍ଡାୟ୍ କିଜି ରବେ କିନି କାଜିଂ ହାଦେଂ ହାନାନା, ଇଦାଂ କାଜିଂ ଇ ବେଶ୍‌ବାକ୍‌ଶାୟ୍‌କିନାକା ଇଚାନ୍ ।

୫୩ ଲାଗିଂ ହେ ନାଜିଂତାଂ ଜିହୁଦି ନେତାର୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଞ୍ଜି କୁଟ୍ କିତାର୍ । ୫୪ ଲାଗିଂ, ଜିସୁ ଜିହୁଦିର ବିତ୍ରେ ଆରେ ଡିହାଆଖାଦାଂ

ବୁଲାରାଲା ଆଖାତାନ୍, ମାତର୍ ହେଖାନ୍ ହେ ବାହାତାଁ ହସିହାଲ୍ଲି ବାଗାନ୍ କଟଣ୍ ମାନ୍ ନିପ ଏପ୍ରିୟମ୍ ତରଦି ର ବସ୍ତିତ ହାଚାନ୍, ଆରେ ହେଖେନ୍ ଚେଲାର୍ ଲାହାଙ୍ଗ୍ ହେବେ ମାନ୍‌ଗାତାନ୍ ।

୫୫ ଜିହୁଦିତ “ନିସ୍ତାର୍” ପାର୍ବୁ ଲାଗେ ମାଚାଡ୍, ଆରେ ରାଜିତ ମାନ୍ ମାନାୟ୍ ଆଦିକ୍ ଜାର୍ ଜାର୍ତିଂ ସକଟ୍ କିନ୍ କାଜିଂ ନିସ୍ତାର୍ ପାର୍ବୁ ଆଗେ ଜିରୁସାଲମ୍‌ତ ହାଚାର୍ । ୫୬ ହେବେତାଁ ହେଖାର୍ ଜିସୁଙ୍ଗ୍ ତେକୁ ତେକୁ ମାନ୍‌ରତ ନିଲ୍‌ଚି ମାନ୍ ସମୁତ ରକାନ୍ ଆରେ ରକାନ୍ ଇଞ୍ଜେଙ୍ଗ୍ ଲାଗାତାର୍, “ଏପେଙ୍ଗ୍ ଇନାକା ମାନେ କିନାଦେରା ? ହେଖେନ୍ ପାର୍ବୁତିଂ ଖାନାନ୍ କି ଆକାୟ୍ ?” ୫୭ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାଙ୍ଗେଙ୍ଗ୍ ଆହ୍‌ନି କାଜିଂ ହେଖେନ୍ ଇମେତାକେ ମାନାନ୍, ଇଦାଁ ଜଦି ଇନେର୍ ପୁନାର୍, ହେଦାଁ ହପ୍‌ତେଂ ବଲ୍ ହିଜିମାଚାନ୍ ।

୧୨

ମରିୟମ୍ ଜିସୁଙ୍ଗ୍ ଆସିର୍ବାଦ୍

(ମାତିଉ ୨୬:୬-୧୩; ମାର୍କ ୧୪:୩-୯)

୧ ଖିସ୍ତି ବିତ୍ରେ ନିସ୍ତାର୍ ପାର୍ବୁନି ଚଅ ଦିନ୍ ଆଗେ ଜିସୁ ବେଡ୍‌ନିୟା ହାଚାନ୍; ଇମ୍‌ଣି ଲାଜାର୍‌ତିଂ ଜିସୁ ହାତାକାର୍ ବିତ୍ରେ ନିକ୍ତି ମାଚାନ୍, ହେଖେନ୍ ହେ ବାହାତ ମାଚାନ୍ । ୨ ଲାଗିଂ ହେଖେର୍ ହେ କାଜିଂ ହେ ବାହାତ ର ନାଣାବଜି ଜାଲ୍‌ଦି କିତାର୍; ମାର୍ତ୍ତା ହେବା ହିନାକା ଦାଇଡ୍ ମାଚାଡ୍, ଆରେ ଇମ୍‌ଣାକାର୍ ହେଖାର୍ ଲାହାଁ ତିନିହିଙ୍ଗ୍ କୁଚ୍‌ତି ମାଚାର୍, ଲାଜାର୍ ହେଖାର୍ ବିତ୍ରେତାଁ ରକାନ୍ ମାଚାନ୍ ।

୩ ହେ ପାଦ୍‌ନା ମରିୟମ୍ ଆଦା ଲିଟର୍ ଆଦିକ୍ ଦାମ୍‌ନି ହାର୍ଦାକା ଜଟାମାଂସି ଚିକାଣ୍ ତାସ୍ ଜିସୁ ପାନାତ ହେଦାଁ ଖାକ୍‌ତାଡ୍ ଜାର୍ ତେମୁଲ୍‌ତାଁ ହେ ପାନା ନୁସ୍‌ତାଡ୍, ଆରେ ଚିକାଣ୍ ବାସ୍‌ନାତିଂ ଇଲ୍ ବାସ୍‌ନା ଆତାଡ୍ । ୪ ମାତର୍ ଜିସୁ ଚେଲାହିର୍ ବିତ୍ରେ ଇସ୍‌ପାରିୟ୍‌ତିୟ୍ ଜିହୁଦା ତରଦାକାନ୍ ଇମ୍‌ଣି ଚେଲା, ଇନେନ୍ ତାଙ୍ଗେଙ୍ଗ୍ ସାତୁ କେଇଦ ସର୍‌ପି କିଦେଙ୍ଗ୍ ହାଲ୍‌ଜି ମାଚାନ୍, ହେଖାନ୍ ଇଚାନ୍, ୫ “ଇ ବାସ୍‌ନା ଚିକାଣ୍ ତିନ୍‌ସ ରୁପା ଟାକାଁ ପ୍ରସି ଇନେକିଦେଁ ହିଲାଖାକାରିଂ ହିୟାଆଖାତାଡ୍ ?” ୬ ହେଖାନ୍ ଜେ ହିଲ୍‌ଖାକାରିଂ କାଜିଂ ଚିନ୍ତା କିଜି ମାଚାନ୍ ଇଞ୍ଜି ଇଦାଁ ଇଚାନ୍, ହେଦାଁ ଆକାୟ୍, ମାତର୍ ହେଖାନ୍

ରକାନ ଚର, ଆରେ ହେ କଚଣ୍ ଡାବୁଙ୍ଗମଣା ମାଚିଲେ, ହେବେ ଇନା
ଇନାକା ଇଡ଼ଜି ମାଚାକା, ହେଦାଂ ହେଝାନ ଚର କିଜି ଅଜି ମାଚାନ ।

୭ ମାତର ଜିସୁ ଇଚାନ, “ଇଦେଲିଂ ପିସ୍ତି ହିୟାଟ୍, ଇନେସ୍‌କି
ନା ହାକି ଦିନ୍ କାଜିଂ ହେଦେଲ୍ ଇଦାଂ ଇଡ଼ଦେଂ ଆଡ଼ନାଡ଼ ।
୮ କାକୁଲ୍‌ତିୟାର ତ ସବୁ ନାଞ୍ଜିଙ୍ଗ୍ ମି କଚଣ୍ ମାନାର, ମତର ଆନ୍ ସବୁ
ନାଞ୍ଜିଙ୍ଗ୍ ମି କଚଣ୍ ମାନଙ୍ଗ୍ ।”

ଲାଜାର ବିରୁଦ୍ଧ କୁଟ୍

୯ ଇବେତାଂ ବେସିହେନି ଜିହୁଦିର୍ ମାନାୟ୍ ହେଝାନ ବେଡ଼ନ୍‌ପାତ
ମାନାନ୍ ଇଞ୍ଜି ପୁଞ୍ଜି କେବଲ୍ ଜିସୁ କାଜିଂ ଆକାୟ୍, ମତର ଇମ୍‌ଣି
ଲାଜାର୍‌ତିଂ ହେଝାନ ହାତାକାର ବିତ୍ରେ ନିକ୍ତି ମାଚାନ, ତାଙ୍ଗେଙ୍ଗ୍
ହୁଡ଼ନି କାଜିଂ ପା ଝାତାର । ୧୦ ହେବେ ଲାଜାର୍‌ତିଂ ପା ଅହ୍‌ନାସ୍
ଇଞ୍ଜି ମୁଡ଼୍ ମାପୁହେବାକିନାକାନ ଝେଟ୍‌ପା ଆତାର, ୧୧ ଇନାକିଦେଂକି
ହେଦାଂ କାଜିଂ ଜିହୁଦିର୍ ବିତ୍ରେତାଂ ଆଦିକ୍ ହେଝାରିଂ ମାନିକିଝାଦାଂ
ମାଚାର ଜିସୁ ତାକେ ପାତ୍ କିଜି ମାଚାର ।

ଜିସୁ ଜିରୁସାଲମତ ହଣାକା

(ମାତିଉ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତା ଆର୍କାଡ଼ ନାଜିଂ ନିସ୍ତାର ପାର୍ବୁତିଂ ଝାଜି ମାଚି ହେନି
ମାନାୟାର ଜିସୁ ଜିରୁସାଲମତ ଝାନାନା ଇଞ୍ଜି ଝେଚାର । ୧୩ ହେଦାଂ
କାଜିଂ କାଜ୍‌ରି ତାଡ଼୍ ଆସ୍ତି ତାଙ୍ଗେଙ୍ଗ୍ ବେଟାଆନି କାଜିଂ ହସି ହାଚାର
“ଆରି ଗାଜା କାଟ୍‌ତାଂ ଇଞ୍ଜେଙ୍ଗ୍ ଲାଗାତାର, ହସାନ୍ନା ଇସ୍‌ପୁରିତି
ଦନ୍‌ସବାଦ୍ କିୟାଟ୍ । ମାପୁ ତରଦାଂ ଇନେର୍ ଝାନାରା, ହେଝାନ ଦନ୍‌ସ;
ଦନ୍‌ସ ଇସ୍‌ପାଏଲ୍‌ନି ରାଜା ।”

୧୪ ଆରେ, ଜିସୁ ର ଗଦହିମ୍‌ଣା ଜପି କୁଟି ଝାଜି ମାଚାନ, ଇଦାଂ
ଦରମ୍ ସାସ୍ପୁରତ ଇନେସ୍ ଲେକା ଆତାଡ଼ନ୍ନା,

୧୫ “ଏ ସିୟନ୍‌ନି ଗାଡ଼୍! ପାଣ୍ଡା ଆମା,

ହୁଡ଼ାଟ୍, ମି ରାଜା ଝାନାନା,

ହେଝାନ ଗଦ ହିମ୍‌ଣା ଜପି କୁଟି ଝାନାନା ।”

୧୬ ହେ ଚେଲ୍‌ହିର୍ ପର୍ତ୍ତମ୍ ଇ ଝିଜୁ ବିସ୍ତେ ବୁଜା ଆଝାତାର, ମାତର
ଜିସୁ ଜାଜ୍‌ମାଲ୍ ପାୟା ଆତି ପାଚେ ଇ ଝିଜୁ ବିସ୍ତେ ଜେ ହେ ବିସ୍ତେ

ଲେକା ଆଜି ମାତାତ୍, ଆରେ ହେଦାଂ କାଜିଂ ହେଝାର୍ ଜେ ଇ ଝିନ୍ତୁ କିଜି ମାତାର୍, ହେଦାଂ ହେଝାର୍ ମାନ୍ତ୍ ଏତୁଝାତାତ୍ ।

୧୭ ଆରେ, ହେଝାନ୍ ଲାଜାର୍ତିଂ ଦୁଗେରତାଂ ହିରବିସ୍ ହାତାକାର୍ ବିତ୍ତେ ନିଜ୍ଜନି ଝେଡାଲିଂ ଇମ୍ଣି ମାନାୟାର୍ ହେ ଲାହାଙ୍ଗ୍ ମାତାର୍, ହେଝାର୍ ସାକି ହିଦେଂ ଲାଗାତାର୍ । ୧୮ ଇଦାଂ କାଜିଂ ମାନାୟାର୍ ତାଙ୍ଗେଙ୍ଗ୍ ମିହାଆଦେଂ ହାଲ୍ଜି ମାତାର୍, ଇନାକିଦେଂକି ହେଝାନ୍ ଇ କାବାଆନି କାମାୟ୍ କିତାନ୍ନା ଇଞ୍ଜି ହେଝାର୍ ଝେନ୍ଞି ମାତାର୍ । ୧୯ ହେବେତାଂ ପାରୁସିର୍ ହେଝେର୍ ହେଝାର୍ ଇନ୍ଦା ଆତାର୍, “ହୁଡ଼ନାଦେରା ତ, ଆପେଂ ଇନା କିଦେଙ୍ଗ୍ ଆତୁପା ମା ଝିଜାର୍ ସେସ୍ଟୁ କାମାୟ୍ ଆଉତା; ହୁଡ଼ାଟ୍, ପୁତ୍ ଜାକ୍ ତା ପାଚେ ହାଚାତେ ।”

ଜିସୁଙ୍ଗ୍ ଦାସତେଂ କେତେଜାଣ୍ ଗ୍ରିକ୍ ମାନାୟ୍

୨୦ ପାର୍ବୁ ସମୁତ ପ୍ରାର୍ଥନା କିନି କାଜିଂ ଝାଜି ମାନି ମାନାୟାର୍ ବିତ୍ତେ କେତେକ୍ ଗ୍ରିକ୍ ମାନାୟାର୍ ମାତାର୍ । ୨୧ ହେଝାର୍ ଗାଲିଲିନି ବେଡସାଇଦାନିକାନ୍ ପିଲିପ୍ ତାକେ ଝାଜି ତାଙ୍ଗ୍ ଗଝାରି କିଜି ଇଚାର୍, “ମାପୁ, ଜିସୁଙ୍ଗ୍ ହୁଡ଼ଦେଂ କାଜିଂ ମା ଇଚା ।”

୨୨ ପିଲିପିପ ହାଲ୍ଜି ଆନ୍ଦ୍ରିୟଙ୍ଗ୍ ଇଚାନ୍, ଆରେ ଆନ୍ଦ୍ରିୟ୍ ଆରି ପିଲିପ୍ ହାଲ୍ଜି ଜିସୁଙ୍ଗ୍ ଝେର୍ଚାର୍ । ୨୩ ଜିସୁ ହେଝାରିଂ ଉତର୍ ହିତାନ୍, “ମାନାୟ୍ ମାଜି ଜାଜମାଲ୍ ପାୟା ଆନି କାଜିଂ ସମୁ ଏକାଝାତାତ୍ । ୨୪ ହାଡ଼ପା ହାଡ଼ପା ମିଙ୍ଗେଙ୍ଗ୍ ଇଞ୍ଜନାଙ୍ଗା, ଗାଁମ୍ ମାଞ୍ଜି ଜଦି ଚିକ୍ଲା ଆଜ୍ ହାଝିତିସ୍, ତା ଆତିସ୍ ହେଦାଂ ରଞ୍ଜି ମତର୍ ମାନ୍ଗାନାତ୍ ମାତର୍ ଜଦି ହାନାତ୍ ତା ଆତିସ୍ ଆଦିକ୍ ପାଡ଼୍ ଆହ୍ନାତ୍ । ୨୫ ଇନେର୍ ଜାର୍ ଜିରୁନ୍ତିଂ ଜିଉ ଗିଆନ୍ କିନାନ୍ । ହେଝେନ୍ ହେଦାଂ ଆରାୟ୍ କିନାନ୍, ଆରେ ଇନେର୍ ଜାର୍ ଜିରୁନ୍ତିଂ ଇ ପୁତ୍ ତ ଗିଣ୍ କିନାନ୍, ହେଝାନ୍ ହେଦାଂ ଝିଜ୍ଝି ଜିରୁନ୍ କାଜିଂ ରାକ୍ୟା କିନାନ୍ । ୨୬ ଇନେର୍ ଏଚେକାଡ଼୍ ହେବା କାରିୟା, ଲାଗିଂ ହେଝାନ୍ ନା ଲାହାଙ୍ଗ୍ ଝାୟେନ୍; ଆରେ ଆନେଙ୍ଗ୍ ଇମେତାକେ ମାନ୍ଗାନାଙ୍ଗ୍, ନା ହେବା କାରିୟା ପା ହେବେ ମାନ୍ଗାନାନ୍; ଇନେର୍ ଏଚେକାଡ଼୍ ନାଙ୍ଗ୍ ହେବା କିଦ୍ନାନ୍, ଲାଗିଂ ଆବା ହେଝାନ୍ତିଂ ସସ୍ କିନାନ୍ ।”

ଜିସୁତି ସତ୍ ବେରଣ୍

୨୭ “ନଙ୍କ ନା ଖାସ୍ତି ଦକ୍‌ଦକ୍ ଆଦନାତା, ଆରେ ଆନ୍ ଇନାକା କିନା ? ବାଞ୍ଜା ନାଙ୍କ ଇ ସମୁତାଂ ରାକ୍ୟା କିଦା ? ମାତର୍ ଇଦାଂ କାଜିଂ ତ ଆନ୍ ଇ ସମୁ ବିତ୍ରେ ଖାତାଂନା । ୨୮ ବାଞ୍ଜା, ଜାର୍ ତର୍ ଜାଜ୍‌ମାଲ୍ କିୟା ।”

ହେବେଶ୍ଟାଂ ବାଦାତ୍‌ତାଂ ଇ ବେରଣ୍ ଆତାତ୍, “ଆନ୍ ହେଦାଂ ପାଶ୍ କିତାଂନା, ଆରେ ରଗ ପାଶ୍ କିନାପ୍ ।”

୨୯ ଲାଗିଂ ଲାଗେ ନିଲ୍‌ତି ମାନି ଲକୁ ଇଦାଂ ଖେନ୍‌ଞ୍ଜି, ବାଦାତ୍ ଗାର୍ଜା ଆତାତ୍ ଇଞ୍ଜି ଇଚାର୍ ବିନ୍ ଲଗୁ ଇଚାର୍, “ରଖାନ୍ ଦୁତ୍ ଇଞ୍ଜାନିଂ ବେଣ୍ ଇଚାଙ୍‌ନା ।”

୩୦ ଜିସୁ ଉତର୍ ହିତାନ୍, “ନା କାଜିଂ ଇ ବେରଣ୍ ଆଞ୍ଜାତାଦନା, ମତର୍ ମି କାଜିଂ ଆତାତ୍‌ନା । ୩୧ ନଙ୍କ ଇ ପୁତ୍‌ତ ବିଚାର୍ଣ୍ଣା ଏକାଞ୍ଜାତାତ୍; ନଙ୍କ ଇ ପୁତ୍‌ନି ମୁତ୍‌ଦାକାର୍ ବାର୍ତ୍ ତୁହିୟା ଆନାନ୍ । ୩୨ ଆରେ, ଆନ୍ ଜଦି ପୁତ୍‌ତାଂ ଜପି ନିଙ୍‌ନାଂ, ତା ଆତିସ୍ ଖିଜାକାରିଂ ନିଜାର୍ ତାକେ ଜେଲ୍‌ନାଙ୍କ୍ ।” ୩୩ ହେଞ୍ଜାନ୍ ଇମ୍‌ଣି ବାନି ହାକି କିଦେଙ୍‌ ହାନାନା, ହେବେନି କାରୁଲ୍ ହିଜି ଇଦାଂ ଖେଚ୍‌ଚାନ୍ ।

୩୪ ହେବେଶ୍ଟାଂ ମାନାୟାର୍ ତାଙ୍କ୍ ଉତର୍ ହିତାର୍, “କ୍ରିଷ୍ଟୁ ସବୁ ଦିନ୍ କାଜିଂ ମାନାନ୍ ଇଞ୍ଜି ଆପେଂ ମସାତି ବିଦିତାଂ ଖେଚ୍‌ଚାପନା, ବାଟିଙ୍ ମାନାୟ୍ ମାଜି ଆଞ୍ଜିତିସ୍ତା ଜପି ନିଂନାନ୍ ଇଞ୍ଜି ଏନ୍ ଇନେସ୍ ଇନାୟା ? ଇ ମାନାୟ୍ ମାଜି ଇନେର୍ ?”

୩୫ ହେବେଶ୍ଟାଂ ଜିସୁ ହେଞ୍ଜାରିଂ ଇଚାନ୍, “ଆରେ ଅଲପ୍ ସମୁ ମତର୍ ଅଜତ୍‌ମି ବିତ୍ରେ ମାନାତ୍ । ମାଜ୍‌ଗା ଇନେସ୍ ମିଙ୍‌ଗ୍ ଚିଞ୍‌ମେତ୍, ଇଦାଂ କାଜିଂ ମି ତାକେ ଅଜତ୍‌ମାନୁ ମାନୁ ବୁଲାରୁଲି କିୟାଟ୍; ଜେ ମାଜ୍‌ଗାତ ବୁଲାରୁଲି କିନାନ୍, ହେଞ୍ଜାନ୍ ଇମେତାକେ ହାନାନା, ହେଦାଂ ହେଞ୍ଜାନ୍ ପୁନୁନ୍ । ୩୬ ଏପେଙ୍ ଇନେସ୍ ଅଜତ୍‌ନି ହିମ୍‌ଣାଂ ଆତ, ହେଦାଂ କାଜିଂ ଅଜତ୍‌ମି ତାକେ ମାନୁ ମାନୁ ଅଜତ୍‌ତ ପାତ୍ କିୟାଟ୍ । ଜିସୁ ଇ ସବୁ କାତା ଇଞ୍ଜି ହାଚାନ୍ ଆରି ହେଞ୍ଜାଚ୍‌ତାଂ ତ୍‌ଗୁଜି ମାଚାନ୍ ।”

ମାନାୟାର୍ ଜିସୁଙ୍କ ପାତ୍ କିଞ୍ଜାକା

୩୭ ମାତର୍ ହେଞ୍ଜାର୍ ମୁମ୍‌ଦ ଇସ୍‌ର୍ ଏଚେକ୍ କାବା କାମାୟ୍ କିଜି ମାଚାନ୍, ଆତିସ୍‌ପା ହେଞ୍ଜାର୍ ହେଞ୍ଜାନ୍ ତାକେ ପାତ୍ କିଞ୍ଜାଦାଂ

ମାତାର, ^{୩୮} ଇନେସ୍‌କି ବେଶ୍‌ବାକ୍‌ଶାୟ୍ କିନାକାନ୍ ଜିସାୟ୍‌ତି କାଜିଂ
ଲେକାଆତି ଇ ବଚନ୍ ପୁରାଆନାଡ୍,

“ଏ ମାପୁ, ମା କାରୁର୍ ଝେନ୍‌ଞ୍ଜି ଇନେର୍ ପାତ୍ କିତାର୍‌ନା ?
ଆରେ ଇନେର୍ ମାପୁତି ମାରା ତାକେ ହତାଡ୍‌ନା ?”

^{୩୯} ଇଦାଂ କାଜିଂ ଜିସାୟ୍ ଆରେ ଇନାନ୍ନା,
ହେଝାର୍ ପାତ୍ କିଦେଙ୍ଗ୍ ଆଡ୍‌ଝାଦାଂ ମାତାର୍, ଲାଗିଂ ଜିସାୟ୍ ଆରେ
ଇଚାଙ୍ଗ୍‌ନା,

^{୪୦} “ଜିସୁ ହେଝାର୍‌ତି କାଶକୁ କାଶା କିତାନ୍‌ନ୍ନା,
ଆରେ ହେଝାର୍‌ତି ମାନ୍ ଆଡ୍‌ଝା କିତାନ୍‌ନ୍ନା, ଇନେସ୍ ହେଝାର୍
କାଶକୁତାଂ ହୁଡ୍‌ଦେଂ ଆଡୁର୍
ଆରି ମାନ୍ତୁ ବୁଜା ଆଦେଂ ଆଡୁର୍, ଆରେ ମାସ୍‌ଦି ଝାଉର୍,
ଆରେ ଆପେଂ ହେଝାରିଂ ଉଜ୍ କିଉପ୍ ।”

^{୪୧} ଜିସାୟ୍ ଇ ସବୁ ଇଚାନ୍, ଇନାକିଦେଂକି ହେଝାନ୍ ହେ ଗାଜା ପାଶ୍
ହୁଡ୍‌ତାନ୍ ଆରେ ହେ ବିସ୍ତେ ଇଚାନ୍ ।

^{୪୨} ଆତିସ୍‌ପା ମୁଡ୍‌ଦାକାର୍ ବିତ୍ରେ ପା ଆଦେକ୍ ତାତାକେ
ପାତ୍ କିତାର୍, ମାତର୍ ଏଚେକାଡ୍‌ଦ କୁଟୁମ୍ ପାଗ୍ରି ଆନାର୍,
ପାଶ୍‌ତୁଂ ଇଦାଂ କାଜିଂ ପାରୁସିର୍ କାଜିଂ ହେଦାଂ ମାନିକିଝାଦାଂ
ମାତାର୍, ^{୪୩} ଇନାକିଦେଂକି ହେଝାର୍ ଇସ୍‌ବର୍ତାଂ ପାଶ୍ ବାଟା ଇତିସ୍
ମାନାୟାର୍‌ତାଂ ଜାଜ୍‌ମାଲ୍ ଜିଉ ନତାନ୍ ।

ଜିସୁତି କାତାତାଂ ମାନାୟାରିଙ୍ଗ୍ ବିଚାରକିନାଡ୍

^{୪୪} ଜିସୁ ଗାଜା କାର୍‌ତାଂ ଇଚାନ୍, “ଇନେର୍ ନା ତାକେ ପାତ୍ କିତାର୍,
ହେଝାନ୍ କେବଲ୍ ନା ତାକେ ପାତ୍ କିଉନ୍, ମତର୍ ନା ପକ୍ତିତି
ହାଉକାର୍‌ତାକେ ପାତ୍ କିତାର୍; ^{୪୫} ଆରେ, ଜେ ନାଙ୍ଗ୍ ହୁଡ୍‌ଦାତାନ୍‌ନା,
ହେଝାନ୍ ନା ପକ୍ତିତି ହାଉକାର୍‌ତିଂ ପା ହୁଡ୍‌ତାନ୍‌ନା । ^{୪୬} ଆନ୍ ପୁତ୍ ତାକେ
ଅଜଡ୍ ଆଜି ଝାତାଂନା, ଇନେର୍ ନା ତାକେ ପାତ୍ କିତାର୍,
ହେଝାନ୍ ଇନେସ୍ ମାଜ୍‌ଗାତ ବାହା କିଉନ୍ । ^{୪୭} ଇନେର୍ ଜଦି ନା
ବଚନ୍ ଝେନ୍‌ଞ୍ଜି ମାନିକିଉନ୍, ତା ଆତିସ୍ ଆନ୍ ତାଦାଙ୍ଗ୍
ବିଚାର୍ କିଉଙ୍ଗ୍; ଇନାକିଦେଂକି ଆନ୍ ଜଗଡ୍‌ତାକେ ବିଚାର୍ କିଦେଙ୍ଗ୍
ଝାଝାଦାଂ ଇତିସ୍ ପୁତ୍‌ତିଂ ମୁକ୍ତି କିଦେଙ୍ଗ୍ ଝାତାଂନା । ^{୪୮} ଜେ

ନାଙ୍କ ମୁନା କିଦନାର ଆରି ନା ବଚନ୍ତିଂ ମାନିକିଉର, ନା ମୁମଦ ତା ବିଚାର ଆନାତ୍; ଆନ୍ ଇମଣି ବଚନ୍ ଇଚାଙ୍ଗନା, ହେଦାଂ ହାରିହାରା ଦିନ୍ତ ହେଞ୍ଜାନ୍ତି ବିଚାର୍ଣ୍ଣା କିନାନ୍ ।^{୪୯} ଇନାକିଦେଂକି ଆନ୍ ନା ତାକେଣ୍ଡାଂ ଜାର ଆଦିକାର ତାଙ୍ଗ ଇନ୍‌ଞାତାଂନା, ମତର ଆନ୍ ଇନାକା ଇନାଂ ଆରି ଇନାକା ହପ୍‌ନାଂ, ହେଦାଂ ନା ପକ୍ତିତ ହାଉକାର୍ ବାଞ୍ଜା ନାଙ୍ଗେଙ୍ଗ୍ ବଲ୍ ହିତ୍‌ତାନ୍ନା; ^{୫୦} ଇଚିସ୍ ଆନ୍ ପୁନାଙ୍ଗ୍ ହେ ବଲ୍ ଝିଜ୍‌ଝି ଜିବୁନ୍ ହିଦ୍‌ନାନ୍ ମାଞ୍ଜିଆବା ନାଙ୍ଗେଙ୍ଗ୍ ଇନାକା ଇଞ୍ଜେଙ୍ଗ୍ ବଲ୍ ହିତ୍‌ନା କେବଲ୍ ଏଚେକ୍ ଆନ୍ ଇନାଙ୍ଗା ।”

୧୩

ଜିସୁ ଚେଲାର ପାନା ନୁଜ୍‌ଜି ହିତାନ୍

^୧ ନିସ୍ତାର ପାର୍ବୁ ଆନି ଆଗେ ଜିସୁ ଇ ପୁତ୍‌ତାଂ ଆବା ତାକେ ଜାର ହାନି ସମ୍ବୁ ଏକାଞ୍ଜାତାକା ପୁଞ୍ଜି, ପୁତ୍‌ତ ମାନି ଜାର୍‌ନି ଇମଣି ମାନାୟାରିଂ ହେଞ୍ଜାନ୍ ଜିଉ ନଜି ଝାଜି ମାଚାନ୍, ହେଞ୍ଜାର କାଜିଂ ବେସି ଜିଉନତାନ୍ ।

^୨ ଆରେ, ନାଶାବଜି ସମୁତ, ଏଚେକାଡ୍‌ସ ସୟତାନ୍ ସିମନ୍ତି ଇସ୍ପାରିୟତିୟ ମେହି ଜିହୁଦା ମାନ୍‌ତ ଜିସୁଙ୍ଗ୍ ସତ୍ତୁ କେଇଦ ହେଲାଇ କିଦେଙ୍ଗ୍ କାଜିଂ କାବୁର୍ କିଜି ମାଚାନ୍, ^୩ ହେ ଏଚେକାଡ୍‌ସ, ଆବା ଜେ ଝିଜ୍ କେଇଦ ଝିଜ୍ ବିସ୍ତେ ହେଲାଇ କିତାନ୍‌ନା ଆରି ହେଞ୍ଜାନ୍ ଜେ ଇସ୍‌ସ୍‌ରତାଂ ଝାତାନ୍ନା, ଆରେ ଇସ୍‌ସ୍‌ର ତାକେ ହାନାନା ଇଦାଂ ପୁଞ୍ଜି ମାଚାନ୍, ^୪ ଇଦାଂ ପୁଞ୍ଜି ହେଞ୍ଜାନ୍ ଚିଞ୍ଜେଙ୍ଗ୍ କୁଚ୍‌ଚି ତାକେଣ୍ଡାଂ ନିଙ୍ଗ୍‌ଜି ଜାର ହେହା ଉନ୍‌ଦି ର ତୁଆଲ୍ ଅଜି ଜାର ମ୍ବେଙ୍ଗାତ ଗାଚ୍ୟା ଆତାନ୍ । ^୫ ହେ ପାଚେ ହେଞ୍ଜାନ୍ ବାହାତ ଏଜୁଂ ଝାକ୍‌ତାନ୍, ଆରେ ଚେଲାର୍‌ତି ପାନାଙ୍ଗ୍ ନୁସ୍‌ଜି ଜାର ମ୍ବେଙ୍ଗାତ ଗାଚ୍ୟା ଆଜି ମାଚି ତୁଆଲ୍ ହୁଦାଂ ନେନ୍‌ଦେଂ ଲାଗାତାନ୍ । ^୬ ଜିସୁ ସିମନ୍ ପିତର୍ ତାକେ ଝାତାନ୍; ଇନେନ୍ ତାଙ୍ଗେଙ୍ଗ୍ ଇଚାନ୍, “ମାପୁ, ଏନ୍ ଇନାକା ନା ପାନା ନୁଜ୍‌ଦାତାଇନା ?”

^୭ ଜିସୁ ତାଙ୍ଗେଙ୍ଗ୍ ଉତ୍‌ର ହିତାନ୍, “ଆନ୍ ଇନାକା କିନାଙ୍ଗା, ହେଦାଂ ନଙ୍ଗ୍ ପୁନ୍‌ଦେର୍, ମାତର୍ ପାଚେ ବୁଜାନାଦେର୍ ।”

୮ ପିତର ହେୱାନିଂ ଇଚାନ, “ଏନ୍ ମୁଡ଼କେ ଇନାଞ୍ଜାଡ଼ାଂ ପା ନା ପାନା ନୁଜ୍ଜି ହିଦୁୟ୍ ।” ଜିସୁ ତାଙ୍ଗେଙ୍ଗ୍ ଉତର ହିତାନ, “ଜଦି ଆନ୍ ମିଙ୍ଗ୍ ନୁସ୍ଦିଞ୍ଜିତିସ୍, ତା ଆତିସ୍ ନା ହୁକେ ମିଦାଙ୍ଗ୍ ଇନାକା ବାଗ୍ ହିଲୁଡ଼ ।”

୯ ସିମନ୍ ପିତର ତାଙ୍ଗେଙ୍ଗ୍ ଇଚାନ, “ମାପୁ, କେବଲ୍ ନା ପାନା ଆକାୟ୍, ମତର ନାଦାଂ କେଇ ଆରି କାପଡ଼ା ପା ।”

୧୦ ଜିସୁ ତାଙ୍ଗ୍ ଇଚାନ, “ଇନେନ୍ ଇବାତାନନ୍ନା, ହେୱାନ୍ତି ପାନା ନୁସ୍ଦି ପିସ୍ତି ଆରେ ଇନାକା ଲଡ଼ା ଆକାୟ୍, ହେୱାନ୍ ହାତେ ସକଟ୍; ଏପେଙ୍ଗ୍ ସକଟ୍ କାଦେର୍, ମାତର କେବଲ୍ ରକାନ ଆକାୟ୍ ।”

୧୧ ଇନାକିଦେଂକି ଇନେର୍ ତାଙ୍ଗ୍ ସତୁ କେଇଦ ହେଲାଇୟ୍ କିନାନ, ଜିସୁ ହେୱାନିଂ ପୁଞ୍ଜି ମାଚାନ; ପାଚେ ହେୱାନ୍ ଇଚାନ, “ଏପେଙ୍ଗ୍ ରଞ୍ଜାନିଂ ପିସ୍ତି ଓଜାକାଦେର୍ ସକଟ୍ ।”

୧୨ ହେ ପାଚେ ଜିସୁ ହେୱାର୍ତି ପାନା ନୁଜ୍ଜି ହିଜି ଜାର୍ ହେୟା ଉସ୍ପିସ୍ ଆରେ ରଗ ଜାର୍ ଗାଦିତ କୁଚ୍ତି ପାଚେ ହେୱାରିଂ ଖେନ୍ବାତାନ, “ଆନ୍ ମି କାଜିଂ ଇନାକା କିତାଂନା, ହେଦାଂକି ଏପେଙ୍ଗ୍ ବୁଜା ଆତାଦେର୍ଣ୍ଣା ?” ୧୩ “ଏପେଙ୍ଗ୍ ନାଙ୍ଗେଙ୍ଗ୍ ଗୁରୁ ଆରି ମାପୁ ଇଞ୍ଜି କୁଞ୍ଜାନାଦେରା, ଆରେ ହାଡ଼ପା ଇନାଦେରା; ଇନାକିଦେଂକି ଆନ୍ତ ହେୱାଙ୍ଗ୍ ।” ୧୪ ଆରେ, ମାପୁ ଆରି ଗୁରୁ ଜେ ମିଞ୍ଜାଙ୍ଗ୍ ଆନ୍, ଆନ୍ ଜଦି ମିଞ୍ଜାଙ୍ଗ୍ ପାନା ନୁଜ୍ଜି ହିଡ଼ତାଂନା, ତେବେ ମିଦାଙ୍ଗ୍ ପା ରକାନ ଆରେ ରକାନ୍ତି ପାନା ନୁସ୍ନାକା ଲଡ଼ା । ୧୫ ଇନାକିଦେଂକି ମି କାଜିଂ ଆନ୍ ଇନେସ୍ କିତାଂନା, ଏପେଙ୍ଗ୍ ପା ହେ ଲାକେ କିୟାଟ୍, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ର ଉତରମୁଡ଼୍ ଚଟ୍ଟାତାଂନା । ୧୬ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଆଡ଼ିଏନ୍ ଜାର୍ ହାଉକାର୍ତାଂ ଆଦେକ୍ ମୁଡ଼ଦାକାନ୍ ଆକାୟ୍, ଆଡ଼ିତିସ୍ ପକ୍ୟାତାକାର୍ ଜାର୍ ପକ୍ତାକାନ୍ତାଂ ମୁଡ଼ଦାକାନ୍ ଆକାୟ୍ । ୧୭ ନଙ୍ଗ୍ ଏପେଙ୍ଗ୍ ଇ ସଡ଼ ପୁରାଦେର୍ତି, ତେବେ ହେ ଲାକେ କିତିସ୍ ଏପେଙ୍ଗ୍ ଦନ୍ୟ ।

୧୮ “ଆନ୍ ମିଙ୍ଗ୍ ଓଜାକାର୍ ବିସ୍ତେ ଆନ୍ ଇ କାତା ଇଞ୍ଜୁଙ୍ଗା; ଆନ୍ ଇମ୍ନାକାରିଂ ବାତି କିତାଙ୍ଗ୍ନା, ହେୱାରିଂ ଆନ୍ ପୁନାଙ୍ଗ୍ ମାତର ସାସ୍ତରନ୍ ଇ ବଚନ୍ ହାଡ଼ପା ସଡ଼ ଆନାଡ଼ । ହେବେ ଏଲେଙ୍ଗ୍ ଗିଚାନାତା, ଇନେନ୍ ନା ଆରାଣ୍ ତିନାନ୍, ହେୱାନ୍ ନା ବିରୁଦ୍ଧ

☆ ୧୩:୧୭ ୧୩:୧୭ ମାତିଉ ୧୦:୨୪; ଲୁକ ୬:୪୦; ଜହନ୍ ୧୫:୨୦.

ଲାଡ଼ ତଗ୍ନାନନ୍ । ୧୯ ହେଦାଂ ଗିଟାନି ସମୁତ, ଆନ୍ ହେଞ୍ଜାନନେ
 ଇଞ୍ଜି ଏପେଙ୍ଗ୍ ଇନେସ୍ ପାତ୍ କିନାଦେର୍, ଇଦାଂ କାଜିଂ ହେଦାଂ
 ଗିଟାଆନି ଆଗେ ଆନ୍ ନଙ୍ଗ୍ ମିଙ୍ଗ୍ ଖେଟ୍ଟଚାନାଙ୍ଗା ଆନ୍ ଜେ ହେଞ୍ଜାଙ୍ଗ୍
 । ୨୦ ☆ହାଡ଼ପା ହାଡ଼ପା ଆନ୍ ମିଙ୍ଗ୍ ଖେଟ୍ଟଚାନାଙ୍ଗା, ଇନେର୍ ନା ପଞ୍ଚି
 ଲଗାଂ ଇଟ୍ଟନାର୍, ହେଞ୍ଜାର୍ ନାଙ୍ଗ୍ ଇଡ଼୍ଟଦାନାର୍ ଆରି ଇନେର୍ ନାଙ୍ଗ୍
 ଇଡ଼୍ଟଦାନାର୍, ହେଞ୍ଜାନ୍ ନାଙ୍ଗ୍ ପଞ୍ଚିତି ହାଡ଼କାର୍ତିଂ ଇଟ୍ଟନାର୍ ।”

ବିସାସତାକେ ବିସ୍ତହିନାକା ବିସ୍ତେ ଜିସୁ ପୁଟାନ୍

(ମାତିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜିସୁ ଇ ଖିଜୁ କାତା ଖେଟ୍ଟି ପାତେ ଜିବୁଡ୍ଟ ଦୁକ୍ କିତାନ୍
 ଆରି ରଞ୍ଜିୟାଆଜି ସାକି ହିଜି ଇଟାନ୍, “ହାଡ଼ପା ହାଡ଼ପା ଆନ୍ ମିଙ୍ଗ୍
 ଇଞ୍ଜନାଙ୍ଗା, ମି ବିତ୍ତେ ରକାନ୍ ନାଙ୍ଗ୍ ସତ୍ତୁ କେଇଦ ହେଲାୟ୍ କିଦନାନ୍
 ।”

୨୨ ଜିସୁ ହେ ବିସ୍ତେ ଖେଟ୍ଟଚାନ୍, ହେ ବିସ୍ତେ ବୁଦି ବାମ୍ବ୍ଲା ଆଜି
 ଚେଲାର୍ ହାରି ହୁଡ଼କାଆଦେଂ ଲାଗାତାର୍ । ୨୩ ଜିସୁ ଚେଲାର୍ ବିତ୍ତେ
 ରଞ୍ଜାନ୍ ଇନେରିଂ ଜିସୁ ଜିଉନଜି ମାଟାନ୍ ହେଞ୍ଜାନ୍ ଜିସୁ ତିନାବାଗାଂ
 କୁଟ୍ଟି ତିନଜି ମାଟାନ୍ । ୨୪ ଇଟିସ୍ ସିମନ୍ ପିତର୍ ହେଞ୍ଜାନିଂ ଚଟ୍ଟି
 କିଜି ଇଟାନ୍, “ହେଞ୍ଜାନ୍ ଇନେର୍ କାତା ଇନାନ୍ନା, ହେଦାଂ ଖେଟ୍ଟବାଟ୍
 ।”

୨୫ ହେଞ୍ଜାନ୍ ହେ ଲାକେ କୁଟ୍ଟି ମାନ୍ଞି ଜିସୁ ନେଞ୍ଜେତାକିତ ଇଡ଼ିୟା
 ଆଜି ତାଙ୍ଗ୍ ଖେଟ୍ଟବାତାନ୍, “ମାପୁ, ହେଞ୍ଜାନ୍ ଇନେର୍ ?”

୨୬ ଲାଗିଂ ଜିସୁ ଉତର୍ ହିତାନ୍, “ଇନେର୍ କାଜିଂ ଆନ୍ ଇ ରୁଟି
 ରଞ୍ଜି କୁକ୍ନାଂ ଆରି ଇନେରିଂ ହେଦାଂ ହିନାଂ, ହେଞ୍ଜାନ୍ ।” ହେବେ
 ହେଞ୍ଜାନ୍ ହେ ରୁଟିଂ କୁକ୍ଟି ହେଦାଂ ଅଜି ସିମନ୍ ଇସ୍ପାରିୟ୍ତିୟ୍ ମେହି
 ଜିହୁଦାଙ୍ଗ୍ ହିତାନ୍ । ୨୭ ହେଞ୍ଜାନ୍ ରୁଟି ପାୟା ଆତି ପାତେ ସୟ୍ତାନ୍
 ତାଙ୍ଗ୍ ବିତ୍ତେ ହଟାଡ଼ । ହେବେ ଜିସୁ ତାଙ୍ଗ୍ ଇଟାନ୍, “ଇନାକା କିନାକା
 ମାନାଡ଼, ହେଦାଂ ବେଗି କିୟା ।” ୨୮ ମାତର୍ ହେଞ୍ଜାନ୍ ତା ଇଦାଂ
 ଇନାକିଦେଂ ଇଟାନ୍ ତାଙ୍ଗ୍ ଇ କାତା ଇଞ୍ଜି ମାଟାନ୍, ହେଦାଂ ତିଞ୍ଜେଙ୍ଗ୍
 କୁଟ୍ଟି ମାତି ଲକୁ ବିତ୍ତେ ଇନେର୍ ପୁନ୍ଞାତାର୍ । ୨୯ ଇନାକିଦେଂକି
 ଜିହୁଦା ତାକେ ତାବୁଙ୍ଗ୍ମଣା ମାତିଲେ, ପାର୍ଟୁ କାଜିଂ ଇନା ଇନାକା

☆ ୧୩:୨୦ ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

ଲଡ଼ା, ହେଦାଂ କଡ଼ଦେଂ ଆଞ୍ଜିତିସ୍ ଅକର୍ତ୍ତାରିଂ ଅଲପ୍ ଦାନ ହିଦେଂ ଜିସୁ ତାଙ୍ଗ୍ ଇଚାନ୍ ଇଞ୍ଜି ଇନେ ଇନେର୍ ବାବି କିତାର୍ ।

୩୦ ତା ପାଚେ ଇସ୍ପାରିୟତିୟ ହେଞ୍ଜାନ୍ ରୁଚି ତିନ୍ଞ୍ଜି ହେଞ୍ଜାନ୍ ହେ ସାଙ୍ଗେ ହସି ହାଚାନ୍, ହେ ଏଚେକାଡ଼୍ ନାଣା ସମ୍ ।

ଜିସୁତି ପୁନି ବଲ୍

୩୧ ହେଞ୍ଜାନ୍ ହସି ହାଚି ପାଚେ ଜିସୁ ଇଚାନ୍, “ନଙ୍ଗ୍ ମାନାୟ୍ ମାଜି ଜାଜ୍ମାଲ୍ ପାୟା ଆତାନ୍ ଆରି ତା ତାକେ ଇସ୍ପର୍ ପା ପାଦ୍ପାୟାଆତାନ୍ । ୩୨ ଜଦି ଇସ୍ପର୍ ତା ତାକେ ପାଦ୍ପାୟାଆତିସ୍, ତେବେ ଇସ୍ପର୍ ପା ତାଙ୍ଗେଙ୍ଗ୍ ଜାର୍ତାକେ ପାଦ୍ ପାୟାନାକା କିନାନ୍, ଆରେ ବେଗି ହେଞ୍ଜାନ୍ ଜାଜ୍ମାଲ୍ କିନାନ୍ ।” ୩୩ ☆ଜିସୁ ଇଚାନ୍ “ଏ ବପାର୍,” ଆନ୍ ଆରେ ଅଲପ୍ ସମ୍ ମି ହୁକେ ମାନାଂ । ଏପେଙ୍ଗ୍ ନାଙ୍ଗ୍ ଡେଲ୍ଲାନାଦେର୍; ଆରେ, ଆନ୍ ଇମ୍ଣି ବାହାତ ହାନାଙ୍ଗା, ଏପେଙ୍ଗ୍ ହେ ବାହାତ ହାଞ୍ଜେଙ୍ଗ୍ ଆଡୁଦେର୍, ଇଦାଂ ଆନ୍ ଇନେସ୍ ଜିହୁଦି ନେତାର୍ ଇଚାର୍, ହେ ଲାକେ ନଙ୍ଗ୍ ଏପେଙ୍ଗ୍ ପା ଇନାଦେରା । ୩୪ “ଏପେଙ୍ଗ୍ ରକାନ୍ ଆରେ ରକାନ୍ ଜିଉନଞ୍ଜାଟ୍, ଇ ପୁନି ବଲ୍ ଆନ୍ ମିଙ୍ଗ୍ ହିଦ୍ନାଙ୍ଗା; ଆନ୍ ଇନେସ୍ ମିଙ୍ଗ୍ ଜିଉ ନଡ଼ତାଂନା, ଏପେଙ୍ଗ୍ ପା ହେ ଲାକେ ରକାନ୍ ଆରେ ରକାନ୍ ଜିଉନନାକା ମାନାଡ଼ । ୩୫ ଜଦି ମିଦାଙ୍ଗ୍ ରକାନ୍ ଆରେ ରକାନ୍ ତାକେ ଜିଉନବାନାକା ମାଚିସ୍, ତା ଆତିସ୍ ଏପେଙ୍ଗ୍ ଜେ ନା ଚେଲା, ଇଦାଂ ଖିଜାକାର୍ ହେଦାଂ ପୁଞ୍ଜେଙ୍ଗ୍ ଆଡ଼ନାର୍ ।”

ପିତର୍ ପାଚର୍ କିଞ୍ଜି ବିସ୍ତେ

(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ୍ ପିତର୍ ତାଂ ଖେନ୍ବାତାନ୍, “ମାପୁ, ଏନ୍ ଇମେତାକେ ହାନାୟା ?” ଜିସୁ ଉତର୍ ହିତାନ୍, “ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ନଙ୍ଗ୍ ନା ପାଚେ ପାଚେ ହାଞ୍ଜେଙ୍ଗ୍ ଆଡୁଦେର୍ ? ଆନ୍ ନି କାଜିଂ ଜାର୍ ଜିବୁନ୍ ହିନାଙ୍ଗ୍ ।”

☆ ୧୩:୩୩ ୧୩:୩୩ ଜହନ୍ ୭:୩୪.

୩୭ ପିତର ହେୱାନିଂ ୱେନ୍‌ବାତାନ୍, “ମାପୁ, ଆନ୍ ନଙ୍ଗ୍ ଇନେକିଦେଂ ନି ପାଚେ ପାଚେ ହାଞ୍ଜେଙ୍ଗ୍ ଆଡୁଙ୍ଗ୍ ? ଆନ୍ ନି କାଜିଂ ଜାର୍ ଜିବୁନ୍ ହିଦେଂ ଆଡୁନାଂ ।”

୩୮ ଜିସୁ ଉତର୍ ହିତାନ୍, “ଏନ୍ ଇନାକା ନା କାଜିଂ ଜାର୍ ଜିବୁନ୍ ହିନାୟ୍ ? ହାଡ଼ପା ହାଡ଼ପା ଆନ୍ ନିଙ୍ଗେଙ୍ଗ୍ ୱେର୍ଚାନାଙ୍ଗା, ଗାଞ୍ଜା କୁକୁ ଚ୍ଚେନିହିଂ ଏନ୍ ନାଙ୍ଗ୍ ତିନିହର୍ ପାଚି କିଦୁୟ୍ ।”

୧୪

ଇସ୍ବର ନେ ହାଜି

୧ “ମି ମାନ୍ ବିଲ୍‌କି ଆମେଡ଼, ଏପେଙ୍ଗ୍ ଇସ୍ବର ତାକେ ପାଚି କିୟାଟ୍, ନା ତାକେ ପା ପାଚି କିୟାଟ୍ ।” ୨ ନା ଆବାର୍ ଇଞ୍ଜ ଜବର୍ ବାହାଂ ମାନିଂ; ଜଦି ହଲ୍‌ଝିତିସ୍, ତା ଆତିସ୍ ଆନ୍ ମିଙ୍ଗେଙ୍ଗ୍ ୱେର୍ଚାତାଂମା, ଆନ୍ ମି କାଜିଂ ବାହା ଜାଲ୍‌ଦି କିଦେଙ୍ଗ୍ ହାନାଙ୍ଗା; ୩ ଆରେ, ଆନ୍ ହାଲ୍‌ଜି ମି କାଜିଂ ବାହା ଜାଲ୍‌ଦି କିତିସ୍ ଆରେ ରଗ ୱାନାଙ୍ଗ୍, ଆରେ ଆନ୍ ଇମ୍‌ଣି ବାହାତ ମାନାଂ, ଏପେଙ୍ଗ୍ ପା ଇନେସ୍ ହେ ବାହାତ ମାନାଦେର୍, ହେଦାଂ କାଜିଂ ମିଙ୍ଗ୍ ଜାର୍‌ତାକେ ଅଜି ହାଞ୍ଜନାଂ । ୪ ଆରେ, ଆନ୍ ଇମ୍‌ଣି ବାହାତ ହାନାଙ୍ଗା, ହେ ହାଜି ଏପେଙ୍ଗ୍ ପୁନାଦେର୍ ।

୫ ତମା ଜିସୁଙ୍ଗ୍ ୱେନ୍‌ବାତାନ୍, “ମାପୁ, ଏନ୍ ଇମ୍‌ଣି ବାହାତ ହାନାୟା, ହେଦାଂ ଆପେଂ ପୁନୁପ; ହାଜି ଇନେସ୍ ପୁଞ୍ଜେଙ୍ଗ୍ ଆଡ଼ନାପ୍ ?”

୬ ଜିସୁ ତାଙ୍ଗ୍ ଇଚାନ୍, “ଆନ୍ ହାଜି, ହାଡ଼ପା ଆରି ଜିବୁନ୍; ନା ହିଜି ହାଲ୍‌ଝିତିସ୍ ଇନେର୍ ଆବା ତାକେ ହାଲୁନ୍ । ୭ ଜଦି ଏପେଙ୍ଗ୍ ନାଙ୍ଗ୍ ପୁଞ୍ଜିମାଞ୍ଚିସ୍, ତା ଆତିସ୍ ନା ଆବାଂ ପା ପୁଚାଦେମା; ନଙ୍ଗ୍ ତାଙ୍ଗ୍ ତାଙ୍ଗେଙ୍ଗ୍ ପୁନାଦେରା ଆରି ତାଙ୍ଗ୍ ହୁଡ଼ତାଦେଣ୍ଟା ।”

୮ ପିଲିପ୍ ଜିସୁଙ୍ଗ୍ ଇଚାନ୍, “ମାପୁ, ମାଙ୍ଗେଙ୍ଗ୍ ଆବାଂ ଚଞ୍ଚୟା ଆୟିକିଦା, ହେଦାଂ ମା କାଜିଂ ସାରି ।”

୯ ଜିସୁ ହେୱାନିଂ ଇଚାନ୍, “ପିଲିପ୍, ଏଚେକ୍ ଦିନ୍ ଆନ୍ ମି ହୁଦାଂ ମାନାଙ୍ଗା, ଆରେ ଏନ୍ ଇନାକା ନାଙ୍ଗ୍ ପୁଞ୍ଜିଞ୍ଜାତାଦେର୍ ? ଇନେର୍ ନାଙ୍ଗ୍ ହୁଡ଼ତାତାର୍‌ନା, ହେୱାନ୍ ଆବାଂ ହୁଡ଼ତାନ୍‌ନା; ମାଙ୍ଗେଙ୍ଗ୍ ଆବାଂ ଚଚିକିଦା ଇଞ୍ଜି ଏପେଙ୍ଗ୍ ଇନେସ୍ ଇନାଦେରା ?

୧୦ ଆନ୍ ଜେ ଆବା ତାକେ ମାନା° ଆରି ଆବା ନା ତାକେ ମାନାନ୍, ଇ କାତା ଇନାକା ପାତର୍ କିତଦେରା ? ଆନ୍ ମିଙ୍ଗ୍ ଜେ ଝିନ୍ତୁ ବଚନ୍ ଇନାତ୍,” ହେ ସବୁ ନା ଜାର୍ତା° ଇନୁଙ୍ଗ୍, “ମାତର୍ ଆବା ନା ତାକେ ମାନୁଞ୍ଜି ଜାର୍ କାମାୟ୍ କିନାନା । ୧୧ ଆନ୍ ଜେ ଆବା ତାକେ ମାନା° ଆରି ଆବା ଜେ ନା ତାକେ ମାନାନ୍, ନା ଇ କାତା ପାତର୍ କିୟାଟ୍, ଆଞ୍ଜିତିସ୍ ନା କାମାୟ୍ ହୁଡ୍ଜି ପାତର୍ କିୟାଟ୍ । ୧୨ ହାତ୍ପା ହାତ୍ପା ଆନ୍ ମିଙ୍ଗ୍ ଇଞ୍ଜନାଙ୍ଗା, ନା ତାକେ ଇନେର୍ ପାତର୍ କିତାର୍, ଆନ୍ ଇମ୍ଠି ଇମ୍ଠି କାମାୟ୍ କିନାଙ୍ଗା, ହେଞ୍ଜାନ୍ ପା ହେ ସବୁ କିନାନ୍, ଆରେ ହେ ସବୁ ବାଟା ଆଦିକ୍ ଗାଜା କାମାୟ୍ କିନାନ୍, ଇନାକିଦେ°କି ଆନ୍ ଆବା ତାକେ ହାନାଙ୍ଗା । ୧୩ ଆରେ, ଆବା ଇନେସ୍ ମାଜି ତାଙ୍ଗ୍ ଜାଜ୍‌ମାଲ୍ ପାୟା ଆନାନ୍, ଇଦା° କାଜି° ଏପେଙ୍ଗ୍ ନା ତରଦ ଇନାକା ପା ଏଡ୍ଡିତିସ୍, ହେଦା° ଆନ୍ ହିଦ୍‌ନା° । ୧୪ ଜଦି ଏପେଙ୍ଗ୍ ନା ତରଦ ଇନାକାପା ବିସ୍ତେ ନାଙ୍ଗ୍ ଏନ୍ତାନାଦେର୍, ଆନ୍ ହେଦା° କିନାଙ୍ଗ୍ ।”

ପୁଇପୁୟା ଜିବୁନ୍ ଦାନ୍‌ନି ବେଣ୍‌ହିନାକା

୧୫ “ଜଦି ଏପେଙ୍ଗ୍ ନାଙ୍ଗ୍ ଜିଉନଦ୍‌ନାଦେର୍, ତା ଆଡିସ୍ ନା ବଲ୍ ସବୁ ମାନିକିନାଦେର୍ । ୧୬ ଆରେ, ଆନ୍ ଆବା° ଗଞ୍ଜାରି କିନା°, ଆରେ ମି ହୁଦା° ସବୁ ଦାନ୍ ମାନି କାଜି° ହେଞ୍ଜାନ୍ ମିଙ୍ଗ୍ ଆରେ ରକାନ୍ ଉପ୍‌କାର୍ କିଦ୍‌ନାକାନ୍ ହିଦ୍‌ନାନ୍, ୧୭ ହେଞ୍ଜାନ୍ ଆନାନା ହାତ୍‌ପାନି ଜିବୁନ୍ତି° ହିଦ୍‌ନାନ୍ । ପୁତର୍ ତାଙ୍ଗ୍ ଇଡ୍‌ଦେ° ଆଡୁଡ୍, ଇନାକିଦେ°କି ପୁତର୍ ତାଙ୍ଗ୍ ହୁଡ୍‌ତୁ କି ପୁନୁଡ୍; ମାତର୍ ଏପେଙ୍ଗ୍ ତାଙ୍ଗ୍ ପୁନାଟ୍, ଇନାକିଦେ°କି ହେଞ୍ଜାନ୍ ମି ହୁକେ ମାନ୍‌ଗାନାନ୍, ଆରେ ହେଞ୍ଜାନ୍ ମି ଖାସ୍ତିତ ମାନ୍‌ଗାନାନ୍ ।”

୧୮ “ଆନ୍ ହାତି ପାଚେ ମିଙ୍ଗ୍ ଚୁରା ହିମ୍‌ଣା କିଜି ପିସ୍ତ୍ର ହାଞ୍ଜୁଙ୍ଗ୍, ଆନ୍ ମି ତାକେ ମାସ୍‌ଦି ଖାନାଙ୍ଗ୍ । ୧୯ ଅଲପ୍ ମାତର୍ ସମ୍ ମାନାତ୍, ପୁତର୍ ନାଙ୍ଗ୍ ଆରେ ହୁଡ୍‌ଦୁଡ୍; ମତର୍ ଏପେଙ୍ଗ୍ ନାଙ୍ଗ୍ ହୁଡ୍‌ଦାନାଦେର୍, ଇନାକିଦେ°କି ଆନ୍ ଜିତାକା°, ଏପେଙ୍ଗ୍ ପା ଜିତାକାଦେର୍ ମାନାଦେର୍ । ୨୦ ଆନ୍ ଜେ ନା ଆବା ତାକେ ଆରେ ଏପେଙ୍ଗ୍ ଜେ ନା ତାକେ ଆରି ଆନ୍ ମି ତାକେ ମାନା°, ଇଦା° ହେ ଦିନ୍ ଖାଡିସ୍ ଏପେଙ୍ଗ୍ ପୁନାଦେର୍ ।”

୨୧ “ଇନେର୍ ନା ବଲ୍ ସବୁ ଝେନ୍‌ଞ୍ଜି ମାନିକିନାର୍, ହେଝାନ୍ ନାଙ୍ଗ୍ ଜିଉ ନଦ୍‌ନାନ୍, ଆରେ ଇନେର୍ ନାଙ୍ଗେଙ୍ଗ୍ ଜିଉ ନଦ୍‌ନାନ୍, ନା ବାଝା ତାଙ୍ଗ୍ ଜିଉ ନନାନ୍, ଆରେ ଆନ୍ ହେଝାନ୍ ଜିଉ ନନା° ଆରି ତା ଲାଗା° ଜାର୍‌ତି° ହପ୍‌ନାଙ୍ଗ୍ ।”

୨୨ ଜିହୁଦା, ଇସ୍ପାରିୟତିୟ୍ ଜିହୁଦା ହିଲ୍‌ଝାତାନ୍ ହେଝାନ୍ ଝେନ୍‌ବାତାନ୍, “ଏ ମାପୁ, ଇଦା° ଇନେସ୍ ଆନାଡ୍ ? ଜାର୍‌ତି° ପୁତ୍ ତାକେ ଝେର୍‌ୟାଝାଦା° ମା ତାକେ ଇନେସ୍ ହପ୍‌ନାଦେର୍ ?”

୨୩ ଜିସୁ ହେଝାନ୍ ଉତର୍ ହିତାନ୍, “ଜଦି ଇନେର୍ ନାଙ୍ଗ୍ ଜିଉନଦ୍‌ନାନ୍, ତା ଆତିସ୍ ହେଝାନ୍ ନା ବଚନ୍ ମାନିକିନାନ୍, ଆରେ ନା ଆବା ହେଝାନ୍ ଜିଉ ନନାନ୍, ଆରେ ଆପେ° ହେ କଚଣ୍ ଝାଜି ଆବା ଆରି ଆନ୍ ବାହା କିନାପ୍ । ୨୪ ଇନେର୍ ନାଙ୍ଗ୍ ଜିଉ ନଦୁନ୍, ହେଝାନ୍ ନା ବଚନ୍ ମାନିକିଉନ୍, ଆରେ ଇମ୍‌ଣି ବଚନ୍ ଏପେଙ୍ଗ୍ ଝେନାଦେରା, ହେଦା° ନାଦା° ଆକାୟ୍, ମତର୍ ନା ପକ୍ତିତି ମୁଣିକା ଆବାତି ।”

୨୫ “ଆନ୍ ମି ଲାହାଙ୍ଗ୍ ମାନ୍‌ଞ୍ଜି ମାନ୍‌ଞ୍ଜି ମିଙ୍ଗ୍ ଇ ଝିଦୁ କାତା ଇନ୍‌ଝାଙ୍ଗ୍‌ନା । ୨୬ ହେ ଉପକାର୍ କିଦ୍‌ନାକାନ୍, ଇତିସ୍ ଇମ୍‌ଣି ପୁଇପୁୟା ଜିରୁନ୍‌ତି° ବାଝା ନା ତର୍‌ଦ ପକ୍ତାନାନ୍, ହେଝାନ୍ ମିଙ୍ଗ୍ ଝିଦୁ ବିସ୍ତେ ହିକ୍ୟା ହିଦ୍‌ନାନ୍, ଆରେ ଆନ୍ ମିଙ୍ଗ୍ ଇନା ଇନାକା ଇଞ୍ଜାଙ୍ଗ୍‌ନା, ହେ ସବୁ ମିଙ୍ଗେଙ୍ଗ୍ ଏତୁକିୟ୍ କିଦ୍‌ନାନ୍ ।”

୨୭ “ଆନ୍ ମିଙ୍ଗ୍ ନା ସୁସ୍ତା ହିଜି ହାନାଙ୍ଗା, ନା ଜାର୍‌ତି ସୁସ୍ତା ମିଙ୍ଗ୍ ଦାନ୍ କିଦ୍‌ନାଙ୍ଗା; ପୁତ୍ ଇନେସ୍‌କି ଦାନ୍ କିଦ୍‌ନାଡ୍, ଆନ୍ ମିଙ୍ଗ୍ ହେ ଲାକେ ଦାନ୍ ହିଦୁଙ୍ଗା । ମି ମାନ୍ ଦୁକ୍ କି ପାଣ୍ଡା ଆମେଡ୍ ।”

୨୮ “ଆନ୍ ଜେ ହାନାଙ୍ଗା ଆରି ମି ତାକେ ମାସ୍‌ଦି ଝାନାଙ୍ଗ୍, ନା ଇ କାତା ତ ଝେଟାଦେର୍ଣ୍ଣା । ଜଦି ଏପେଙ୍ଗ୍ ନାଙ୍ଗ୍ ଜିଉନଜି ମାନ୍‌ଞ୍ଜିସ୍, ତା ଆତିସ୍ ଆନ୍ ନା ଆବା କଚଣ୍ ହାନାଙ୍ଗା ଇଞ୍ଜି ଝାରି କିତାଦେର୍‌ମା, ଇନାକିଦେ°କି ବାଝା ନା ତାଙ୍ଗ୍ ଗାଜାକାନ୍ । ୨୯ ଆରେ, ହେଦା° ଗିଟାଆନି ସମୁତ ଏପେଙ୍ଗ୍ ଇନେସ୍ ପାତ୍ କିନାଦେର୍, ଇଦା° କାଜି° ହେଦା° ଗିଟାଆନି ଆଗେ ଆନ୍ ନଙ୍ଗ୍ ମିଙ୍ଗ୍ ଝେର୍‌ଟାତା°ନା । ୩୦ ଆନ୍ ମି ଲାହାଙ୍ଗ୍ ଆରେ ଆଦିକ୍ ସମୁ କାତାବାର୍ତ୍ତା କିଦୁଙ୍ଗ୍, ଇନାକିଦେ°କି ପୁତ୍‌ନି ମୁଡ୍‌ଦାକାନ୍ ଝାନାନ୍; ଆରେ, ନା ତାକେ ତାଦାଙ୍ଗ୍ ଇନାକା ହିଲୁଡ୍; ୩୧ ମାତର୍ ଆନ୍ ଜେ ବାଝାଙ୍ଗ୍ ଜିଉ ନନା° ଆରି ବାଝାତି

ବଲ୍ ଲାହାଂ କାମାୟ କିନାଙ୍ଗ, ଇଦାଂ ଇନେସ୍ ପୁତ୍ ପୁଞ୍ଜେଙ୍ଗ୍
 ଆଡ଼ଦାତାଡ଼, ଇଦାଂ କାଜିଂ ଇ ଲାକେ ପୁଞ୍ଜନାଡ଼ ।”
 “ଝାଡ଼, ଆସେଙ୍ଗ୍ ଇ ବାହାତାଂ ହାନାସ୍ ।”

୧୫

ହାଡ଼ପା ଅଙ୍ଗୁର କୁଡ଼ି ଜିସୁ

୧ “ଆନ୍ ହାଡ଼ପା ଅଙ୍ଗୁର କୁଡ଼ି, ଆରେ ନା ଆବା କାମ୍ଲିୟା ।
 ୨ ନା ତାକେ ମାନି ଇମଣି କେନ୍ଦାଂ ପାଡ଼୍ ଆହ୍‌ଝିତିସ୍, ହେଦାଂ ହେଝାନ୍
 କାଦଦି ତୁହିନାନ୍; ଆରେ ଇମଣି କେନ୍ଦାଂ ପାଡ଼୍ ଆହ୍‌ନାଡ଼, ଆଦିକ୍
 ପାଡ଼୍ ଆହ୍‌ନି କାଜିଂ ହେଝାନ୍ ହେଦାଂ ନିର୍ମଲ୍ କିନାନ୍ । ୩ ଆନ୍
 ମିଙ୍ଗେଙ୍ଗ୍ ଇମଣି ବେରଣ୍ ଇନଞ୍ଜାଙ୍ଗ୍ନା, ହେଦାଂ କାଜିଂ ଏପେଙ୍ଗ୍
 ସକଟ୍ ଆତାଦେର୍ଣ୍ଣା । ୪ ନା ତାକେ ମାନାଟ୍, ହେବେ ଆନ୍ ମି ତାକେ
 ମାନାଂ । କେନ୍ଦାଂ ଇନେସ୍ ଅଙ୍ଗୁର କୁଡ଼ିତ ମାନ୍‌ଝିତିସ୍ ଜାର୍‌ତାଂ ପାଡ଼୍
 ଆସ୍ତେଙ୍ଗ୍ ଆଡୁଡ଼, ହେ ଲାକେ ଏପେଙ୍ଗ୍ ପା ନା ତାକେ ମାନ୍‌ଝିତିସ୍ ପାଡ଼୍
 ଆସ୍ତେଙ୍ଗ୍ ଆଡୁଦେର୍ ।”

୫ “ଆନ୍ ଅଙ୍ଗୁର କୁଡ଼ି, ଏପେଙ୍ଗ୍ କେନ୍ଦାଂ, ଇନେର ନା ତାକେ
 ମାନ୍‌ଜ୍ଞାନାନ୍ ଆରି ଆନ୍ ଇନେର ତାକେ ମାନାଂ, ହେଝାନ୍ ବେସି
 ପାଡ଼୍ ଆହ୍‌ନାନ୍; ଇନାକିଦେଂକି ନା ପିସ୍ତି ଏପେଙ୍ଗ୍ ଇନାକା କିଦେଙ୍ଗ୍
 ଆଡୁଦେର୍ । ୬ ଇନେର ଏଚେକାଡ଼ଦ ନା ତାକେ ମାନ୍‌ଝିତିସ୍, ତା
 ଆତିସ୍ ହେଦାଂ କାଡ଼ଦି କେନ୍ଦାଂ ଲାକେ ବାଟ୍ ତୁହିୟା ଆନାଡ଼ ଆରି
 ଝାଜ୍‌ଜି ହାନାଡ଼, ଆରେ ଲକୁ ହେଝାକାଂ ରୁଣ୍ଡାୟ୍ କିଜି ନାଣିତ
 ତୁହିନାନ୍ ଆରି ହେଝାଙ୍ଗ୍ କାଡ଼୍‌ଜିହାନିକ୍ ।” ୭ “ଏପେଙ୍ଗ୍ ଜଦି ନା
 ତାକେ ମାନାଦେର୍, ଆରେ ନା ବଚନ୍ ମି ତାକେ ମାତିସ୍, ତା ଆତିସ୍
 ଇମଣି ବିସ୍ତେ ଇଚା କିନାଦେର୍, ହେଦାଂ ଏନାଟ୍, ଆରେ ମି କାଜିଂ
 ହେଦାଂ ହିଦନାନ୍ । ୮ ଏପେଙ୍ଗ୍ ବେସି ପାଡ଼୍ ଆସ୍ତିସ୍ ନା ଆବା ଜାଜମାଲ୍
 ପାୟା ଆନାନ୍, ଆରେ ଏନେଙ୍ଗ୍ ନା ହାଡ଼ପା ଚେଲା ଆନାୟ୍ ।
 ୯ ଆବା ଇନେସ୍ ନାଙ୍ଗ୍ ଜିଉନତାନ୍‌ନା, ଆନ୍ ପା ହେ ଲାକେ ମିଙ୍ଗେଙ୍ଗ୍
 ଜିଉନତାଙ୍ଗ୍‌ନା; ନା ଜିଉନଦ୍‌ନିତ ତିର୍ ଆଜି ମାନାଟ୍ । ୧୦ ଆନ୍
 ଇନେସ୍ ନା ଆବାତି ବଲ୍ ମାନି କିଜି ତାଦାଙ୍ଗ୍ ଜିଉନନିତାକେ ତିର୍
 ଆଜି ମାନାଙ୍ଗା, ହେ ଲାକେ ଏପେଙ୍ଗ୍‌ପା ଏଚେକାଡ଼ଦ ନା ବଲ୍

ମାନିକିନାଦେର, ତା ଆତିସ୍ ନା ଜିଉନନିତାକେ ତିର୍ ଆଜି ମାନାଦେର
।”

୧୧ “ନା ୱାରି ଇନେସ୍ ମି ତାକେ ମାନାଡ଼, ଆରେ ମି ୱାରି ଇନେସ୍
ବାତ୍ ଆନାଡ଼, ଇଦାଂ କାଜିଂ ଆନ୍ ଇ ୱିଜୁ ମିଜେଙ୍ଗ୍ ୱେଟ୍ଟାତାଙ୍ଗ୍
। ୧୨ ଆନ୍ ଇନେସ୍ ମିଜେଙ୍ଗ୍ ଜିଉନଡ଼ତାଂନ୍ନା, ଏପେଙ୍ଗ୍ ରକାନ୍
ଆରେ ରକାନିଂ ବିତ୍ରେ ଜିଉନବାଆଡୁ, ଇଦାଂ ନା ବଲ୍ । ୧୩ ଜାର୍
ହାଙ୍ଗ୍ଦାକାରିଂ କାଜିଂ ଜାର୍ ଜିବୁନ୍ ହିନି ବାଟା ଇନେରତି ଆରେ
ଆଦିକ୍ ଗାଜା ଜିଉନନାକା ହିଲୁଡ଼ । ୧୪ ଆନ୍ ମିଜେଙ୍ଗ୍ ଇମ୍ଫାଣି
ବଲ୍ ହିଦ୍ନାଙ୍ଗା, ହେଦାଂ ଜଦି ମାନିକିନାଦେର, ତେବେ ଏପେଙ୍ଗ୍ ନା
ହାଙ୍ଗ୍ଦାକାଦେର । ୧୫ ଆନ୍ ମିଜେଙ୍ଗ୍ ଆରେ ଆଡ଼ିଏନ୍ ଇଞ୍ଜି ଇଞ୍ଜୁଙ୍ଗା,
ଇନାକିଦେଂକି ହାଉକାର୍ ଇନାକା କିନାନ୍, ଆଡ଼ିଏନ୍ ହେଦାଂ ପୁନୁନ୍,
ମାତର୍ ଆନ୍ ମିଜେଙ୍ଗ୍ ହାଙ୍ଗ୍ଦାକାର୍ ଇଞ୍ଜି ଇଞ୍ଜାଙ୍ଗ୍ନା, ଇନାକିଦେଂକି
ଆନ୍ ନା ଆବାତାଂ ଇନା ଇନାକା ୱେଟାଙ୍ଗ୍ନା, ହେ ସବୁ ମିଜେଙ୍ଗ୍
଱େଟ୍ଟାତାଙ୍ଗ୍ । ୧୬ ଏପେଙ୍ଗ୍ ନାଙ୍ଗ୍ ବାଟି କିଦ୍ଵାତାଦେଣ୍ଟା, ମାତର୍
ଆନ୍ ମିଜେଙ୍ଗ୍ ବାଟି କିଡ଼ତାଙ୍ଗ୍ନା, ଆରେ ଏପେଙ୍ଗ୍ ଇନେସ୍ ହାଲ୍ଜି
ପାଡ଼୍ ଉବ୍ଜାଣ୍ କିନାଦେର ଆରି ମିଞ୍ଜାଙ୍ଗ୍ ପାଡ଼୍ ତିର୍ମାନ୍ଙାମାଡ଼,
ଇଦାଂ କାଜିଂ ମିଜେଙ୍ଗ୍ ବାଟି କିଡ଼ତାଙ୍ଗ୍ନା । ହେବେ ଏପେଙ୍ଗ୍ ନା
ତରଦ୍ ଆବାଂ ଇନାକା ଏନ୍ନାଦେର, ହେଞ୍ଜାନ୍ ହେଦାଂ ମିଜେଙ୍ଗ୍
ହିଦ୍ନାନ୍; ୧୭ ଏପେଙ୍ଗ୍ ଇନେସ୍ ରକାନ୍ ଆରେ ରକାନିଂ ଜିଉନଞ୍ଜାଟ୍,
ଇଦାଂ କାଜିଂ ଆନ୍ ମିଜେଙ୍ଗ୍ ଇ ୱିଜୁ ବଲ୍ ହିଦ୍ନାଙ୍ଗା ।”

ପୁତ୍ ଗିଣ୍

୧୮ “ଜଦି ମିଜେଙ୍ଗ୍ ପୁତ୍ ଗିଣ୍ କିଡ଼ତିସ୍, ତେବେ ମିଜେଙ୍ଗ୍
ଗିଣ୍ କିଦ୍ନି ଆଗେ ହେଦାଂ ଜେ ନାଙ୍ଗ୍ ଗିଣ୍ କିଡ଼ତାଡ଼୍ନା, ଇଦାଂ
ପୁନାଟ୍ । ୧୯ ଏପେଙ୍ଗ୍ ଜଦି ପୁତ୍ ତାଂ ଉବ୍ଜାଣ୍ ଆତାଦେମ୍ନା, ତେବେ
ପୁତ୍ ମିଜେଙ୍ଗ୍ ଜାର୍ ଲକ୍ବୁର୍ ପୁଞ୍ଜି ଜିଉ ନତାମ୍ନା; ମାତର୍ ଏପେଙ୍ଗ୍
ପୁତ୍ ତାଂ ଉବ୍ଜାଣ୍ ଆଞ୍ଜାତାୟ୍ନା, ନଲେ ଆନ୍ ମିଜେଙ୍ଗ୍ ପୁତ୍ ତାଂ
ବାଟି କିଡ଼ତାଡ଼୍ନା, ଇଦାଂ କାଜିଂ ପୁତ୍ ମିଙ୍ଗ୍ ଗିଣ୍ କିଦ୍ନାଡ଼ ।”
୨୦ *ଆଡ଼ିଏନ୍ ଜାର୍ ହାଉକାର୍ତାଙ୍ଗ୍ ଗାଜା ଆକାୟ୍, ଆନ୍ ମିଙ୍ଗ୍ ଇ

☆ ୧୫:୨୦ ୧୫:୨୦ ମାତିଉ ୧୦:୨୪; ଲୁକ ୭:୪୦; ଜହନ୍ ୧୩:୧୭.

ଇମ୍ମାନୁଏଲ୍ ବଚନ ଖେଚିବାତାଙ୍କୁ, ହେଦାଂ ଏତୁ କିୟାଟ୍ । ହେଖାର ଜଦି ନାଙ୍କୁ ଇଣ୍ କିଡ଼ତାରନା, ତା ଆତିସ୍ ମିଙ୍ଗ୍ ପା ଇଣ୍ କିଦ୍ନାର, ହେଖାର ଜଦି ନା ବଚନ୍ ମାନିକିତାଣ୍ଟା, ତା ଆତିସ୍ ମି ବଚନ୍ ପା ମାନିକିନାର । ୨୧ ମାତର ହେଖାର ନା ପକ୍ତି ହାଉକାରତିଂ ପୁନ୍‌ଖାଦାଂ ମାତିଲେ ନା ତର କାଜିଂ ମିଙ୍ଗ୍ ପା ଇ ସବୁ କିଦ୍ନାର । ୨୨ ଜଦି ଆନ୍ ଖାଜି ହେଖାରିଂ ଇନ୍‌ଖାଦାଂ ମାତିସ୍, ତା ଆତିସ୍ ହେଖାରତି ପାପ୍ ଆଖାତାମ୍; ମାତର ନଙ୍ଗ୍ ହେଖାରତି ପାପ୍ ବିସ୍ତେ ହେଖାର ଇନେର ପା ତତା କିଦେଙ୍ଗ୍ ଆତୁର । ୨୩ ଇନେର ନାଙ୍କୁ ଗିଣ୍ କିଦ୍ନାର, ହେଖାନ୍ ନା ଆବାଂ ପା ଗିଣ୍ କିନାନ୍ । ୨୪ ଇମ୍ମାନୁଏଲ୍ କାମାୟ୍ ଖିଜୁ ଆରେ ଇନେର କିତାତାଣ୍ଟା, ଆନ୍ ଜଦି ହେ ଖିଜୁ ହେଖାର ବିତ୍ରେ କିଖାଦାଂ ମାତିସ୍, ତା ଆତିସ୍ ହେଖାରତି ପାପ୍ ଆଖାତାମ୍; ମାତର ନଙ୍ଗ୍ ହେଖାର ହୁଡ଼ତାରନା, ଆରେ ନାଙ୍କୁ ଆରି ନା ଆବା ରିୟାରିଂ ଗିଣ୍ କିଡ଼ତାରନା । ୨୫ ମତର ହେଖାର ବିନାସୁନରେ ନାଙ୍କୁ ଗିଣ୍ କିଡ଼ତାର, ହେଖାରତି ମସାତି ବିଦିତ ଲେକାଆତି ଇ ବଚନ୍ ଇନେସ୍ ପୁରା ଆନାଡ଼, ଇଦାଂ କାଜିଂ ଏଲେଙ୍ଗ୍ ଗିଟା ଆନାତା ।

୨୬ “ଆବାତି ତାକେଣ୍ଟାଂ ଆନ୍ ମି ଲାଗାଂ ଇମ୍ମାନୁଏଲ୍ ଉପକାର କିଦ୍ନାକାନିଂ ପକ୍ତିନାଂ, ଆବା ତାକେଣ୍ଟାଂ ହତି ହେ ହାଡ଼ପାନି ଜିବୁନ୍ ଖାତିସ୍ ନା ବିସ୍ତେ ସାକି ହିଦ୍ନାନ୍; ୨୭ ଆରେ, ଏପେଙ୍ଗ୍ ପା ସାକି, ଇନାକିଦେଂକି ଏପେଙ୍ଗ୍ ଆରମ୍ଭତାଂ ନା ହୁକେ ମାନାଦେରା ।”

୧୭

୧ “ଏପେଙ୍ଗ୍ ଇନେସ୍ ପାତ୍ କିଉଦେର, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜନାଙ୍ଗା । ୨ ମିଙ୍ଗେଙ୍ଗ୍ ଲକୁ ହେଖାର କୁଟୁମ୍ ଇଞ୍ଜାଙ୍ଗ୍ ପାଗ୍ରି କିଦ୍ନାର । ଏଲେଙ୍ଗ୍‌ବାତ୍ ସମ୍ମୁ ଖାନାତା ଏଚେକାଡ଼ଦ ବାବିକିଦ୍ନାର ଜେ ମିଙ୍ଗେଙ୍ଗ୍ ଅସ୍ତିନି କାଜିଂ ହେଖାର ଇସ୍ପରତିଂ ହେବା କିନାରା । ୩ ଆରେ, ହେଖାର ଇଦାଂ ଖିଜୁ କିନାର, ଇନାକିଦେଂକି ହେଖାର ଆବାଂ କି ନାଙ୍କୁ ପୁଞ୍ଜିତାଣ୍ଟା । ୪ ମତର ଇ ସବୁ ଗିଟାଆନି ସମ୍ମୁ ଏକାଖାତିସ୍, ଆନ୍ ଜେ ମିଙ୍ଗେଙ୍ଗ୍ ଖେଚି ମାନ୍‌ଖାଙ୍ଗ୍, ଇଦାଂ ଇନେସ୍ ଏପେଙ୍ଗ୍ ଏତୁ କିନାଦେର, ଇଦାଂ କାଜିଂ ଆନ୍ ଇ ଖିଜୁ କାତା ମିଙ୍ଗେଙ୍ଗ୍ ଖେଚିବାତାଂନା ।”

ପୁରୁଷା ଜିବୁନ୍ନି କାମାୟ

୫ ମାତର ନଙ୍ଗ ଆନ୍ ନା ପକ୍ଷିତି ହାଉକାରତାକେ ହାନାଙ୍ଗା, ଆରେ ଏପେଙ୍ଗ “ଇମଣି ବାହାତ ହାନାୟା” ଇଞ୍ଜି ମି ବିତ୍ରେ ଇନେର୍ ନାଙ୍ଗ ଖେନ୍ବା ଆଦୁଦେରା । ୬ ମତର ଆନ୍ ମିଙ୍ଗେଙ୍ଗ ଇ ଖିଜୁ କାତା ଇଞ୍ଜି ମାଟିଲେ ମି ମାନ୍ ଦୁକ୍ତ ବାତ ଆତାତ୍ତା । ୭ ମାତର ଆନ୍ ମିଙ୍ଗେଙ୍ଗ ହାତ୍ତପା ଇଞ୍ଜିନାଙ୍ଗା, ନା ହାନାକା ମି କାଜିଂ ହାର, ଇନାକିଦେଂକି ଆନ୍ ହାଲ୍ଖିତିସ୍ ହେ ଉପକାର କିନାକାନ୍ ମି ତାକେ ଖାଉନ୍, ମତର ଆନ୍ ହାତିସ୍ ହେଖାନିଂ ମି ତାକେ ପକ୍ତାନାଂ । ୮ “ହେଖାନ୍ ଖାଜି ପାପ, ଦାମ୍ ଆରି ବିଚାର ବିସ୍ତେ ପୁତ୍ ତି ହାତ୍ତପା ପାର୍ମାଣ୍ ହିନାନ୍; ୯ ହେଖାନ୍ ଖେଚାନାନ୍ ଜେ ନା ତାକେ ପାତ୍ କିଖାକାର ନେ ପାପ; ୧୦ ଦାମ୍ ବିସ୍ତେ ହେଖାନ୍ ବୁଲ୍ ଇନାକିଦେଂକି ଆନ୍ ଆବା ତାକେ ହାନାଙ୍ଗା ଆରି ଏପେଙ୍ଗ ନାଙ୍ଗ ଆରେ ହୁଡ୍ଦୁଦେର; ୧୧ ବିଚାଣ୍ଟା ବିସ୍ତେ ହେଖାନ୍ ବୁଲ୍ ଇନାକିଦେଂକି ଇ ଜଗତ୍ତ ମୁଡ୍ଦଦାକାନ୍ ବିଚାଣ୍ଟା ଆତାତେ ।”

୧୨ “ଆନ୍ ମିଙ୍ଗେଙ୍ଗ ଆଦିକ୍ କାତା ଇଞ୍ଜିନାକା ମାନାତ୍, ମତର ଏପେଙ୍ଗ ନଙ୍ଗ ହେ ସବୁ ହୁନ୍ଞେଙ୍ଗ ଆଦୁଦେର । ୧୩ ମାତର ହେଖାନ୍, ହାତ୍ତପା ଜିବୁନ୍ ଖାତିସ୍ ହେଖାନ୍ ଖିଜୁ ହାତ୍ତପା ବୁଜାଆଦେଂ ସାକ୍ତି ହିଦ୍ନାନ୍, ହେଖାନ୍ ଜାର ଆଦିକାର ସାକ୍ତିତାଂ ଇନାକା ଇଞ୍ଜୁନ୍ ଇସ୍ବର ତାକେ ଇନାକା ଖେଚାରନା ଏଚେକ୍ ହେଖାନ୍ ଚଚ୍ଚନାନ୍ ଇନାକା ଗିଟା ଆଦେଂ ହାନାତା, ହେଦାଂ ମିଙ୍ଗେଙ୍ଗ ଖେଚାନାନ୍ । ୧୪ ହେଖାନ୍ ନାଙ୍ଗ ଜାଜ୍ମାଲ୍ ହିଦ୍ନାନ୍, ଇନାକିଦେଂକି ହେଖାନ୍ ନା ବିସ୍ତେ ସବୁ କାତା ଅଜି ମିଙ୍ଗେଙ୍ଗ ଜାଣାୟ୍ କିଦ୍ନାନ୍ । ୧୫ ଇନା ଇନାକା ଆବାତି, ହେ ସବୁ ନାଦାଂ; ଇଦାଂ କାଜିଂ ଆନ୍ ଇଚାଂ, ପୁରୁଷା ଜିବୁନ୍ ହେଖାନ୍ ନା ବିସ୍ତେ ଅଜି ମିଙ୍ଗେଙ୍ଗ ଜାଣାୟ୍ କିଦ୍ନାନ୍ ।”

ଦୁକ୍ ଆରି ଖାରି

୧୬ “ମତର ଅଲପ୍ ସମ୍ ମାନାତ୍, ଏପେଙ୍ଗ ଆରେ ନାଙ୍ଗ ହୁଡ୍ଦୁଦେର, କେଡ୍ଦିନ୍ ପାଚେ ଏପେଙ୍ଗ ନାଙ୍ଗେଙ୍ଗ ହୁଡ୍ଦଦାନାଦେର ।”

୧୭ ହେବେଣ୍ଟାଂ ତା ଚେଲାହିର୍ ବିତ୍ରେତାଂ ଇନେ ଇନେର୍ ରକାନ୍ ଆରେ ରକାନିଂ ଇଚାର୍, “ଅଲପ୍ ମତର ସମ୍ ମାନାତ୍, ଏପେଙ୍ଗ ନାଙ୍ଗେଙ୍ଗ ହୁଡ୍ଦୁଦେର, କେଡ୍ଦିନ୍ ପାଚେ ଏପେଙ୍ଗ ନାଙ୍ଗେଙ୍ଗ

ହୁଡ଼ଦାନାଦେର ଆରି ଆନ୍ ଆବାତି ଲାଗେ ହାନାଙ୍ଗା, ଇ ଇମ୍‌ଣି କାତା ହେୱାନ୍ ମାଙ୍ଗେଙ୍ଗ୍ ଇଞ୍ଜନାନା, ଇଦାଂ ଇନାକା ?” ୧୮ “ଅଲପ୍ ସମ୍ ଇଞ୍ଜି ହେୱାନ୍ ଇନାକା ଇନାନ୍ନା ? ହେୱାନ୍ ଇନାକା ଇନାନ୍ନା, ଆପେଂ ବୁଜାଆଦେଂ ଆଡୁପା ।”

୧୯ ହେୱାର୍ ତାଙ୍ଗ୍ ଝେନ୍‌ବେଦେଂ ଇଚା କିନାରା ଇଞ୍ଜି ପୁଞ୍ଜି ଜିସୁ ହେୱାରିଂ ଇଚାନ୍, “ଅଲପ୍ ମତର୍ ସମ୍ ମାନାଡ଼, ଏପେଙ୍ଗ୍ ନାଙ୍ଗ୍ ହୁଡ଼ଦୁଦେର, ଆରେ ରଗ ଅଲପ୍ ସମ୍ ପାତେ ଏପେଙ୍ଗ୍ ନାଙ୍ଗ୍ ହୁଡ଼ଦାନାଦେର, ଆନ୍ ଇ ଇମ୍‌ଣି କାତା ଇନ୍‌ସାଙ୍ଗ୍, ହେ ବିସ୍ତେ ଅଜି ଏପେଙ୍ଗ୍ ଇନାକା ରକାନ୍ ରିକାର୍ ବେଣ୍‌ବାଟ୍ କିନାଦେରା ? ୨୦ ଆନ୍ ହାଡ଼ପା ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ଆଡ଼ବାନାଦେର ଆରି ଦୁକ୍ କିନାଦେର, ମାତର୍ ପୁତ୍ ଝାରି କିନାଡ଼; ଏପେଙ୍ଗ୍ ଦୁକ୍ ଆନାଦେର, ମାତର୍ ମିଦାଙ୍ଗ୍ ଦୁକ୍ ଝାରିତାଂ ବାଟ୍ ଆନାଡ଼ । ୨୧ କନାତ କୁଚ୍‌ଚେଂ ସମ୍ ଏକାଞ୍ଜିସ୍ କଗ୍‌ଲେ ପାୟା ଆନାଡ଼; ମାତର୍ ହେଦେଲ୍ ହିମ୍‌ଣା ଗାଟାଆତି ପାତେ ପୁତ୍ ରକାନ୍ ମାନାୟ୍ ଜଲମ୍ ଆତାନ୍ନା, ଇ ଝାରି କାଜିଂ ଆରେ କସ୍‌ତିଂ ଏଡୁ କିଡ଼ଡ଼ । ୨୨ ହେ ଲାକେ ଏପେଙ୍ଗ୍ ନଙ୍ଗ୍ ଦୁକ୍ ପାୟାଆନାଦେରା, ମାତର୍ ଆନ୍ ଆରେ ରଗ ମିଙ୍ଗେଙ୍ଗ୍ ଚଞ୍ଜିୟାଆଦନାଂ, ଆରେ ମିଦାଙ୍ଗ୍ ଝାସ୍‌ତିତାଂ ଝାୟା ଆନାଡ଼ ଆରି ଇନେର୍ ମିଦାଙ୍ଗ୍ ମିଙ୍ଗେଙ୍ଗ୍ ଝାରି ଜେଲ୍‌ଜି ଅଦୁର୍ ।”

୨୩ “ହେ ଦିନ୍ ନାଙ୍ଗ୍ ଇନାକା ଝେନ୍‌ବା ଆଦୁଦେର । ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଜଦି ଏପେଙ୍ଗ୍ ଆବାଂ ଇନାକାପା ଏନ୍‌ନାଦେର, ବାଟିଙ୍ଗ୍ ନା ତର୍‌ଦ ହେୱାନ୍ ମିଙ୍ଗେଙ୍ଗ୍ ହେଦାଂ ହିଦନାନ୍ । ୨୪ ଇ ପାତେକ୍ ଏପେଙ୍ଗ୍ ନା ତର୍‌ଦ ଇନାକା ଏନ୍‌ନାଦାଦେଣ୍‌ଣା, ନଙ୍ଗ୍ ଏନାଟ୍ ଏପେଙ୍ଗ୍ ହେଦାଂ ପାୟାନାଦେର ମିଦାଙ୍ଗ୍ ଝାରି ଇନେସ୍ ବାଟ୍ ଆନାଡ଼ ।”

ପୁତ୍ ଜଦି ଜିଶାନାକା

୨୫ “ଆନ୍ ମିଙ୍ଗେଙ୍ଗ୍ ଝାଟ୍‌କା ଚଟ୍‌ଚି ଇ ସବୁ କାତା ଇସ୍ତାଙ୍ଗ୍‌ନ୍ନା; ସମ୍ ଝାନାତା, ଏଚେକାଡ଼୍‌ଦ ଆନ୍ ଆରେ ଝାଟ୍‌କାଙ୍ଗ୍ ଚଟ୍‌ଚି ମିଙ୍ଗେଙ୍ଗ୍ ଝେଟ୍‌ଚୁଙ୍ଗ୍, ମାତର୍ ଆବାତି ବିସ୍ତେ ପୁଟ୍‌ଚେରଚେ ମିଙ୍ଗେଙ୍ଗ୍ ଜାଣାୟ୍ କିଦନାଂ । ୨୬ ହେ ଦିନ୍ ଏପେଙ୍ଗ୍ ନା ତର୍‌ଦ ତାଙ୍ଗେଙ୍ଗ୍ ଏନ୍‌ନାଦେର, ଆରେ, ଆନ୍ ଜେ ମିଦାଙ୍ଗ୍ ପାକ୍ୟାତ ଆବାଂ ଗଝାରି କିନାଙ୍ଗ୍, ଇଦାଂ

ଆନ୍ ମିଙ୍ଗେଙ୍ଗ୍ ଇଞ୍ଜୁଙ୍ଗା; ୨୭ ଇନାକିଦେଂକି ଆବା ନିଜେ ମିଙ୍ଗେଙ୍ଗ୍ ଜିଉନଦ୍‌ନାନ, ଲାଗିଂ ଏପେଙ୍ଗ୍ ନାଙ୍ଗେଙ୍ଗ୍ ଜିଉନଦ୍‌ନାଦେରା ଆରି ଆନ୍ ଜେ ଇସ୍‌ବର ତାକେଣ୍ଡାଂ ଖାତାଙ୍ଗ୍‌ନା, ହେଦାଂ ଏପେଙ୍ଗ୍ ପାତ୍ କିତାଦେଣ୍ଡା । ୨୮ ଆନ୍ ଆବାତାଂ ଜଗତ୍‌ତାକେ ଖାତାଙ୍ଗ୍‌ନା; ଆରେ ରଗ ଆନ୍ ପୁତ୍ ପିସ୍ତି ଆବା ତାକେ ହାନାଙ୍ଗା ।”

୨୯ ଇ କାତା ଖେନ୍‌ଞ୍ଜି ଚେଲାହିର୍ ଇଚାର୍, “ହୁଡ଼ା, ନଂ ଏନ୍ ରାକୁକିଜି ଖେଚ୍‌ଚାନାୟା ଆରି ଖାଚ୍‌କା ଚର୍ଚି କାତା ଆରେ ଇନ୍‌ୟା । ୩୦ ନଙ୍ଗ୍ ଆପେଂ ଇଦାଂ ପୁନାପ୍ ଜେ ଏନ୍ ଜେ ସବୁ ବିସ୍ତେ ପୁନାୟ୍ ଆରେ ଇନେରିଂ ଖେନ୍‌ବେଦେଂ ଲଡ଼ା ଆକାୟ୍, ହେଦାଂ ନଙ୍ଗ୍ ଆପେଂ ପୁରାପ୍; ଇସ୍‌ବର ତାକେଣ୍ଡାଂ ଏନ୍ ଖାତାୟ୍‌ନା ଇଞ୍ଜି ଆପେଂ ଇଦାଂ ହୁକେ ପାତ୍ କିନାପା ।”

୩୧ ଜିସୁ ହେଞ୍ଜାରିଂ ଉତର୍ ହିତାନ୍, “ଏପେଙ୍ଗ୍ ଇନାକା ନଙ୍ଗ୍ ପାତ୍ କିନାଦେରା କି ? ୩୨ ହୁଡ଼ାଚ୍, ସମ୍ପୁ ଖାନାତା, ଆଁ, ଖାତାତେ, ଏଚେକାଡ଼ଦ୍ ଏପେଙ୍ଗ୍ ଚିନ୍‌ବିନ୍ ଆଜି ଝିଜାକାଦେର୍ ଜାର୍ ଜାର୍ ଇଞ୍ଜି ହନ୍‌ଚି ହାନାଦେର୍, ଆରେ ନାଙ୍ଗେଙ୍ଗ୍ ରଖାନିଂ ପିସ୍ତି ହାନାଦେର୍; ଆତିସ୍‌ପା ରକାଂ ଆକାୟ୍, ଇନାକିଦେଂକି ଆବା ନା ହୁକେ ମାନାନ୍ । ୩୩ ଏପେଙ୍ଗ୍ ଇନେସ୍ ନା ତାକେ ମାନ୍‌ଞ୍ଜି ସୁସ୍ତା ପାୟା ଆଡୁ, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ ସବୁ ବିସ୍ତେ ଇନ୍‌ଖାଙ୍ଗ୍‌ନା । ପୁତ୍ ତ ମି କାଜିଂ ଦୁକ୍ ମାନାଡ଼, ମାତର୍ ସାସ୍ ଆହାଚ୍; ଆନ୍ ପୁତ୍ ଜିଣା ଆତାଙ୍ଗ୍‌ନା ।”

୧୭

ଜିସୁଙ୍ଗ୍ ମାପୁହେବାକିନାକାନ୍ ପାର୍ତାନା

୧ ଜିସୁ ଇ ଝିନ୍ତୁ ବେରଣ୍ ଇଞ୍ଜି ସାଗେନିପ୍ ଜପି ହୁଡ଼ଜି ଇଚାନ୍, “ଆବା, ସମ୍ପୁ ଏକା ଖାତାତେ; ନି ମାଜିଙ୍ଗ୍ ଜାଜ୍‌ମାଲ୍ କିୟା, ଇନେସ୍ ମାଜି ନିଙ୍ଗେଙ୍ଗ୍ ପାଣ୍ କିଦ୍‌ନାନା, ୨ ଏପେଙ୍ଗ୍ ତାଙ୍ଗେଙ୍ଗ୍ ଝିଜାର୍ ମାନାୟାରିଂ ଆଦିକାର୍ ହିତାୟ୍‌ନା, ହେଞ୍ଜେରିଂ ଝିଜ୍‌ଝି ଜିରୁନ୍ ହିଦେଂ ଇଞ୍ଜି ତାଙ୍ଗେଙ୍ଗ୍ କେଇଦ୍ ଝିନ୍ତୁ ବଜ୍ ଜପି ଆଦିକାର୍ ହିତାଦେର୍ । ୩ ଆରେ, ରକାନ୍ ମତର୍ ହାଡ଼ପା ଇସ୍‌ବର ଜେ, ଏନ୍ ମିଙ୍ଗେଙ୍ଗ୍ ଆରି ମି ପକ୍ୟାତାକାନ୍ ଜିସୁ କ୍ରିଷ୍ଟୁଙ୍ଗ୍ ପୁନାକା ନେ ଝିଜ୍‌ଝି ଜିରୁନ୍ ଆନାନ୍,

୪ ଏପେଙ୍ଗ ନାଙ୍ଗେଙ୍ଗ ଇମ୍ଫଣି କାମାୟ୍ କିଦେଙ୍ଗ ହିଡ଼ତାଦେଣ୍ଟା, ହେଦାଂ ଆନ୍ ଓଁସ୍ତ୍ର ପୁତ୍ ତ ମିଙ୍ଗେଙ୍ଗ ଜାଜ୍ମାଲ୍ କିଦନାଙ୍ଗା । ୫ ଆରେ ନଙ୍ଗାୟ୍ ଏ ଆବା, ପୁତ୍ ନି ଉବ୍ଜାଣ୍ ଆଗେ ମି ହୁଦାଂ ନା ଇମ୍ଫଣି ପାଣ୍ ମାଚାଡ଼, ତା ପାଚେ ଏପେଙ୍ଗ ନାଙ୍ଗେଙ୍ଗ ନି ଜାଜ୍ମାଲ୍ ନାଙ୍ଗ ହିଦା ।”

୬ “ଏପେଙ୍ଗ ନାଙ୍ଗେଙ୍ଗ ପୁତ୍ ବିତ୍ରେ ଇମ୍ଫଣି ମାନାୟାରିଂ ଦାନ୍ କିନାଦେର୍, ଆନ୍ ହେଞ୍ଜାର୍ ଲାଗେ ନି ତର୍ ଖେଚ୍ୟାତାନ୍; ହେଞ୍ଜାର୍ ମିଞ୍ଜାର୍ ମାଚାର୍ ଆରି ଏପେଙ୍ଗ ହେଞ୍ଜାରିଂ ନାଙ୍ଗେଙ୍ଗ ଦାନ୍ କିଡ଼ତାୟ୍, ଆରେ ହେଞ୍ଜାର୍ ନି ବଲ୍ ପାଲି କିନାରା । ୭ ଏପେଙ୍ଗ ନାଙ୍ଗେଙ୍ଗ ଇନା ଇନାକା ଦାନ୍ କିଡ଼ତାଦେଣ୍ଟା, ହେ ଓଁଜୁ ଜେ ନିଙ୍ଗ୍ ତାଙ୍ଗ୍ ଆତାଡ଼ନ୍ନା, ଇଦାଂ ହେଞ୍ଜାର୍ ନଙ୍ଗାୟ୍ ରୁଜାଆତାଣ୍ଟା; ୮ ଇନାକିଦେଂକି ଏପେଙ୍ଗ ନାଙ୍ଗେଙ୍ଗ ଜେ ଓଁଜୁ ବଚନ୍ ଦାନ୍ କିନାଦେର୍, ଆନ୍ ହେଞ୍ଜେରିଂ ହେ ସବୁ ଦାନ୍ କିତାଙ୍ଗ୍ନା, ଆରେ ହେଞ୍ଜାର୍ ଇଡ଼ତାର୍ନା, ଆରେ ଆନ୍ ଜେ ମିତାଙ୍ଗ୍ ଖାନାଙ୍ଗା, ହେଦାଂ ହାଡ଼ପାରଚେ ପୁଚାଣ୍ଟା ଆରି ଏପେଙ୍ଗ ନାଙ୍ଗେଙ୍ଗ ପକ୍ତାତାୟନା ଇଞ୍ଜି ପାତ୍ କିନାୟା ।”

୯ “ଆନ୍ ହେଞ୍ଜାର୍ କାଜିଂ ଗଞ୍ଜାରି କିନାଙ୍ଗା; ପୁତ୍ ତିଂ ଇଞ୍ଜି ପାର୍ତାନା କିତଙ୍ଗା, ମାତର୍ ଏପେଙ୍ଗ ନାଙ୍ଗେଙ୍ଗ ଇମ୍ଫଣାକାରିଂ ହିଡ଼ାଦେର୍ନା, ହେଞ୍ଜାର୍ କାଜିଂ ପାର୍ତାନା କିନାଙ୍ଗା, ଇନାକିଦେଂକି ହେଞ୍ଜାର୍ ମିଞ୍ଜାର୍; ୧୦ ଇନା ଇନାକା ନାଦାଂ, ହେ ଓଁଜୁ ମିଦାଙ୍ଗ୍, ଆରେ ଇନା ଇନାକା ମିଦାଙ୍ଗ୍, ହେ ଓଁଜୁ ନାଦାଂ; ଆରେ, ଆନ୍ ହେଞ୍ଜାର୍ ତାକେ ଜାଜ୍ମାଲ୍ ପାୟା ଆତାଙ୍ଗ୍ନା । ୧୧ ଆନ୍ ଆରେ ଇ ପୁତ୍ ତ ମାନୁଙ୍ଗା, ମାତର୍ ଇଞ୍ଜାର୍ ପୁତ୍ ତ ମାନାର୍; ଆରେ, ଆନ୍ ସାଲି କାଜିଂ ମି ଲାଗେ ହାନାଙ୍ଗା । ପୁଇପୁୟା ଆବା, ମି ତର୍ଦ ହେଞ୍ଜାରିଂ ରାକ୍ୟା କିୟା ଇମ୍ଫଣି ତର୍ ଏନ୍ ନାଙ୍ଗେଙ୍ଗ ହିଡ଼ତାୟନା, ହେ ଲାକେ ଆପେଂ ଇନେସ୍କି ଏକ୍, ହେଞ୍ଜାର୍ ହେ ଲାକେ ଏକ୍ ଆନାର୍ ।”

୧୨ ☆“ହେଞ୍ଜାର୍ ଲାହାଙ୍ଗ୍ ମାନି ସମୁତ ଆନ୍ ହେଞ୍ଜାରିଂ ମି ତର୍ଦାଂ ରାକ୍ୟା କିଜି ଖାତାଙ୍ଗ୍ନା ଇମ୍ଫଣି ତର୍ ଏନ୍ ନାଙ୍ଗେଙ୍ଗ ହିଡ଼ତାଦେଣ୍ଟା, ଆରେ ଆନ୍ ହେଞ୍ଜାରିଂ ଜାଗ୍ରତାଂ ରାକ୍ୟା କିତାଙ୍ଗ୍ନା ଆରି ସାସ୍ତୁରତ ଇନେସ୍ ଜିତା ଆନାଡ଼, ଇଦାଂ କାଜିଂ ନାସ୍ ଆନି କାଡ଼ଦେ ପିସ୍ତ୍ର

☆ ୧୭:୧୨ ୧୭:୧୨ ଜହନ୍ ୧୩:୧୮.

ହେୱାର ବିତ୍ରେ ରୱାନ ଇନେନ୍ ନସ୍ ଆୱାତାଣ୍ଣା । ୧୩ ମାତର୍ ଅଙ୍ଗୟ୍ ଆନ୍ ମି ଲାଗେ ହାନାଙ୍ଗା, ଆରେ ହେୱାର୍ ଖସ୍ମିତ ନା ଖାରି ଇନେସ୍ ବାତ୍ ଆନାଡ୍, ହେଦାଂ କାଜିଂ ପୁତ୍ ତ ମାନୁ ମାନୁ ଆନ୍ ଇ ସବୁ ଇଞ୍ଜନାଙ୍ଗା । ୧୪ ଆନ୍ ହେୱାରିଂ ନି ବଚନ୍ ହିଡ଼ତାଙ୍ଗନା, ଆରେ ପୁତ୍ ହେୱାରିଂ ଗିଣ୍ କିନାତା, ଇନାକିଦେଂକି ଆନ୍ ଇନେସ୍ ଇ ପୁତ୍ ଆକାୟ୍, ହେୱାର୍ ହେ ଲାକେ ଇ ପୁତ୍ ତାଂ ଖାୱାତାଙ୍ଗନା । ୧୫ ଏପେଙ୍ଗ୍ ହେୱାରିଂ ପୁତ୍ ତାଙ୍ଗ୍ ଅୱାଟ୍ ଇଞ୍ଜି ଆନ୍ ପାର୍ତାନା କିନାଙ୍ଗା, ମାତର୍ ହେୱାରିଂ ସୟ୍ତାନ୍ ତାଙ୍ଗ୍ ରାକ୍ୟା କିୟା ଇଞ୍ଜି ଗୱାରି କିନାଙ୍ଗା । ୧୬ ଆନ୍ ଇନେସ୍ ପୁତ୍ ତ ଆୱାତାଂନା, ହେୱାର୍ ହେ ଲାକେ ପୁତ୍ ତାଂ ଆକାୟ୍ । ୧୭ ହାଡ଼ପା କାଜିଂ ହେୱାରିଂ ପୁଇପୁୟା କିୟାଟ୍, ମିଦାଙ୍ଗ୍ ବଚନ୍ ନେ ସଡ଼ । ୧୮ ଏନ୍ ନାଙ୍ଗେଙ୍ଗ୍ ଇନେସ୍ ପୁତ୍ ତ ପକ୍ତାତାୟ୍ନା, ଆନ୍ ପା ହେୱେରିଂ ହେ ଲାକେ ପୁତ୍ ତ ପକ୍ତାଙ୍ଗନା । ୧୯ ଆରେ, ହେୱାର୍ ପା ଇନେସ୍ ହାଡ଼ପା ହୁକେ ପୁଇପୁୟା ଆନାର୍, ଇଦାଂ କାଜିଂ ଆନ୍ ହେୱାରିଂ କାଜିଂ ନିଙ୍ଗେଙ୍ଗ୍ ପୁଇପୁୟା କିଦ୍ନାଙ୍ଗ ।”

୨୦ “ଆନ୍ କେବଲ୍ ଇୱାର୍ କାଜିଂ ଗୱାରି କିଜି ପାର୍ତାନା କିଉଙ୍ଗା, ମତର୍ ଇୱାର୍ ବଚନ୍ ହୁକେ ଇମ୍ପାକାର୍ ନା ତାକେ ପାତ୍ କିତାର୍, ହେୱାର୍ କାଜିଂ ପା ପାର୍ତାନା କିନାଙ୍ଗା, ୨୧ ହେୱାନ୍ ଓଜାର୍ କାଜିଂ ପା ପାର୍ତାନା କିଜି ମାଗାନ୍ । ହେୱାର୍ ଓଜାକାର୍ ଏକ୍ ଆନାର୍; ଇଦାଂ ନା ପାର୍ତାନା । ଆବା, ଏନ୍ ଇନେସ୍ କି ନା ତାକେ ଆରି ଆନ୍ ନି ତାକେ ମାନାଙ୍ଗ୍, ହେୱାର୍ ପା ହେ ଲାକେ ଇନେସ୍ କି ଏନ୍ନାଙ୍ଗ୍ ପକ୍ତାତାନ୍ ଇଞ୍ଜି ପୁତ୍ ପାତ୍ କିଦ୍ନାଡ଼ । ୨୨ ଆରେ, ଏନ୍ ନାଙ୍ଗେଙ୍ଗ୍ ଇମ୍ପା ପାଣ୍ ହିଡ଼ତାୟ୍ନା, ଆନ୍ ହେୱାରିଂ ହେଦାଂ ହିଡ଼ାଙ୍ଗନା, ଇନେସ୍ ଆପେଂ ଇନେସ୍ କି ଏକ୍, ହେୱାର୍ ହେ ଲାକେ ଏକ୍ ଆନାର୍; ୨୩ ଆନ୍ ହେୱାର୍ ତାକେ, ଆରେ ଏନ୍ ନା ତାକେ, ଇନେସ୍ ହେୱାର୍ ହାର୍ ଆଜି ଏକ୍ ଆନାର୍, ଇନେସ୍ ପୁତ୍ ବୁଜାଆନାଡ଼ ଜେ, ଏନ୍ ନାଙ୍ଗେଙ୍ଗ୍ ପକ୍ତାତାୟ୍, ଆରେ ନାଙ୍ଗେଙ୍ଗ୍ ଇନେସ୍ କି ଜିଉନତାୟ୍, ହେୱାରିଂ ପା ହେ ଲାକେ ଜିଉନତାୟ୍ ।”

୨୪ “ଏ ଆବା, ଏନ୍ ନାଙ୍ଗେଙ୍ଗ୍ ଇମ୍ପାକାରିଂ ହିଡ଼ତାୟ୍ନା, ଆନ୍ ଇମେତାକେ ମାନେଙ୍ଗ୍, ହେୱେର୍ ପା ଇନେସ୍ ହେବେ ନା ଲାହାଙ୍ଗ୍

ମାନେର ଆରି ପୁତ୍ର ଝିନ୍ନି ଆଗେ ଏନ୍ ନାଙ୍ଗେଙ୍ଗ୍ ଜିଉନଜି କିଦ୍ଦି କାଜିଂ ନାଙ୍ଗେଙ୍ଗ୍ ଇମ୍ବି ପାଣ୍ଡି ହିଡ଼ତାୟନା, ନା ହେ ପାଣ୍ଡି ହେଝାର୍ ଇନେସ୍ ହୁଡ଼ନାର୍, ଇଦାଂ ନା ମାନ୍ । ୨୫ ଏ ଦାମ୍ ଆବା, ପୁତ୍ର ନିଙ୍ଗେଙ୍ଗ୍ ପୁଞ୍ଜିଖାତାଡ଼ନା, ମାତର୍ ଆନ୍ ନିଙ୍ଗେଙ୍ଗ୍ ପୁଞ୍ଜାଙ୍ଗନା; ଆରେ, ଇଦାଂ ଜେ ନାଙ୍ଗେଙ୍ଗ୍ ପକ୍ତାତାୟ, ହେଦାଂ ଇଝାର୍ ପୁରାଣ୍ଡା; ୨୬ ଆରେ ଏନ୍ ନାଙ୍ଗେଙ୍ଗ୍ ଇମ୍ବି ଜିଉଡ଼ ଜିଉନତାୟନା, ହେଦାଂ ଇନେସ୍ ହେଝାର୍ ତାକେ ମାନାଡ଼ ଆରି ଆନ୍ ହେଝାର୍ ତାକେ ମାନଗାନାଙ୍ଗ୍, ଇ କାଜିଂ ଆନ୍ ହେଝାରିଂ ନି ତର୍ ଝେର୍ଚାତାଂନା ଆରି ଝେର୍ଚନାଙ୍ଗ୍ ।”

୧୮

ଜିସୁ ସାତୁର୍ କେଇଦ ଆହ୍ଲା ଆତାନ୍

(ମାତିଉ ୨୬:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜିସୁ ଇ ପାର୍ତାନା ଝିନ୍ନି କାତା ଇଞ୍ଜି ଜାର୍ ଚେଲାର୍ ଲାହାଙ୍ଗ୍ କିଦ୍ରଣ ନାଗୁଡ଼ କନାନି ଆଣ୍ଡିପାଡ଼କାତ ହସି ହାଚାର୍ । ହେବେ ରଞ୍ଜାଙ୍ଗ୍ ବାଡ଼ ମାଚାଡ଼, ଆରେ ହଝାନ୍ ଆରେ ତା ଚେଲାହିର୍ ହେବେ ହଚାର୍ । ୨ ଇମ୍ବି ଜିହୁଦା ତାଙ୍ଗେଙ୍ଗ୍ ସତୁ କେଇଦ ହେଲାୟ କିତାନ୍, ହେଝାନ୍ପା ହେ ବାହା ପୁଞ୍ଜି ମାଚାନ୍, ଇନାକିଦେଂକି ଜିସୁ ବେସିହର୍ ଜାର୍ ଚେଲାହିର୍ ଲାହାଙ୍ଗ୍ ହେ ବାହାତ ହାଲ୍ବିସ୍ ମାଚାର୍ । ୩ ଲାଗିଂ, ଜିହୁଦା ମେଲ୍ୟାର୍ ଆରେ ମୁଡ଼ ମାପୁହେବା କିନାକାର୍ ଆରି ପାରୁସିର୍ତାଂ ପାୟାତାକାର୍ ମନ୍ଦିର୍ କାନାକାର୍ ବଇଟା, ଜୁଜରା ଆରି ଆଡିୟାର୍ ଆସି ହେବେ ଝାତାନ୍ । ୪ ହେବେତାଂ ଜିସୁ ହେ କାଜିଂ ଇନା ଇନାକା ଗିଟା ଆଦେଂ ହାନାତା, ହେ ଝିନ୍ନି ପୁଞ୍ଜି ଆଗେ ଝାଜି ହେଝାରିଂ ଝେନ୍ଦବାତାନ୍, “ଏପେଙ୍ଗ୍ ଇନେରିଂ ତେକ୍ନାଦେରା ?”

୫ ହେଝାର୍ ଜିସୁଙ୍ଗ୍ ଉତର୍ ହିତାର୍, “ନାଜରିତିୟ ଜିସୁଙ୍ଗ୍ ।”

ହେଝାନ୍ ହେଝାରିଂ ଇଚାନ୍, “ଆନ୍ ହେଝାନ୍ ।”

ଇମ୍ବି ଜିହୁଦା ତାଙ୍ଗ୍ ସାତୁ କେଇଦ ସର୍ପି କିତାନ୍, ହେଝାନ୍ପା ହେଝାର୍ ଲାହାଙ୍ଗ୍ ନିଲ୍ଟି ମାଚାନ୍ । ୬ ଜିସୁ ଏତେକାଡ଼ଦ ହେଝାରିଂ ଝେର୍ଚାନ୍, “ଆନ୍ ହେଝାନ୍,” ହେ ପାଦନା ହେଝାର୍ ପାର୍ ଗୁରା ଆଜି ମେଦନିତ ଗୁର୍ତାର୍ । ୭ ହେବେଣ୍ଡାଂ ହେଝାନ୍ ହେଝାରିଂ ଆରେ ରଗ

ଖେନ୍‌ବାତାନ୍, “ଏପେଙ୍ଗ୍‌ ଇନେରିଂ ତେକ୍‌ନାଦେରା ?” ହେୱାର୍‌ ଇଚାର୍, “ନାଜରିତିୟ୍‌ ଜିସୁଙ୍ଗ୍‌ ।”

୮ ଜିସୁ ଉତର ହିତାନ୍, “ଆନ୍‌ ଜେ ହେୱାନ୍, ଇୱାନ୍ତୁ ଆନ୍‌ ମିଙ୍ଗେଙ୍ଗ୍‌ ଖେର୍‌ଚାତାଂ । ଲାଗିଂ ଏପେଙ୍ଗ୍‌ ଜଦି ନାଙ୍ଗ୍‌ ତେଙ୍ଗ୍‌ନାଦେରା, ତା ଆତିସ୍‌ ଇୱାରିଂ ହାଞ୍ଜେଙ୍ଗ୍‌ ପିସ୍ତି ହିୟାର୍‌ ।” ୯ ଜିସୁ ଇଦାଂ ଇଚାନ୍, ଇନେସ୍‌ ତା ଲେକାଆତି ବଚନ୍‌ ପୁରା ଆନାଡ୍, “ଏନ୍‌ନାଙ୍ଗ୍‌ ଇନେରିଂ ହିଡ୍‌ତାୟ୍‌ନା, ହେୱାର୍‌ ବିତ୍ରେ ଆନ୍‌ ରକାନିଂ ପା ଆରାୟ୍‌ କିୱାତାଂନା ।”

୧୦ ସିମନ୍‌ ପିତର୍‌ ଲାଗାଂ କାଣ୍ଡା ମାଚିଲେ ହେୱାନ୍‌ ହେଦାଂ ହପ୍‌ଚି ମୁଡ୍‌ ମାପୁହେବାକିନାକାନ୍‌ ଆଡ୍‌ଏନିଂ ଡତାନ୍‌ ଆରି ତା ତିନି କିଡୁଲ୍‌ ନାଟ୍‌ଚି ତୁହିତାନ୍; ହେ ଆଡ୍‌ଏନ୍ତି ତର୍‌ ମାଲ୍‌କ । ୧୧ ☆ହେବେଣ୍ଡା ଜିସୁ ପିତର୍‌ତିଂ ଇଚାନ୍, “କାଣ୍ଡା ଇଟ୍‌ନିତାକେ ଇଚା; ଆବା ନାଙ୍ଗ୍‌ ଇମ୍‌ଣି ବାହା ହିଡ୍‌ନା, ଆନ୍‌ ଇନାକା ହେବେ ଗସ୍‌ତେଙ୍ଗ୍‌ ଆଡୁଙ୍ଗ୍‌ ?”

ହାନାନ ମୁମ୍‌ଦ ଇସ୍‌ର୍

(ମାତିଡ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୭)

୧୨ ଇଦାଂ ପାଚେ ରମିୟ୍‌ ନେତାର୍‌ନି ମେଲ୍ୟାର୍, ମୁଡ୍‌ମେଲ୍ୟା, ଆରେ ଜିହୁଦିର୍‌ ମେଲ୍ୟାର୍‌ ଜିସୁଙ୍ଗ୍‌ ଆସ୍ତି ଗାଟ୍‌ଚାର୍ । ୧୩ ଆରେ ତାଙ୍ଗେଙ୍ଗ୍‌ ଗାଟ୍‌ଚି ପର୍ତ୍ତୁମ୍‌ ହାନାନ ତାକେ ଅତାର୍, କୟାପା ପଡ୍‌ଲେହି ମାଚାନ୍‌ ଇନାକିଦେଂକି ହେୱାନ୍‌ ହେ ବାହୁନି ମୁଡ୍‌ ମାପୁହେବା କିନାକାର୍‌ ମାଚାନ୍ । ୧୪ ☆ମାନାୟାର୍‌ ବିତ୍ରେ ରକାନ୍‌ ହାନାକା ହାର୍‌ ଇଞ୍ଜି ଜିହୁଦିରିଂ ଜେ ଖେର୍‌ଚି ମାଚାନ୍, ଇୱାନ୍‌ ହେ କୟାପା ।

ପିତର୍‌ ଜିସୁଙ୍ଗ୍‌ ପାତ୍‌ କିୱାତାନ୍

(ମାତିଡ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୭)

୧୫ ସିମନ୍‌ ପିତର୍‌ ଆରି ଆରେ ରକାନ୍‌ ଚେଲାହି ଜିସୁ ପାଚେ ପାଚେ ହାଲ୍‌ଜି ମାଚାର୍ । ହେ ଚେଲା ମୁଡ୍‌ ମାପୁହେବାକିନାକାନିଂ ତିନା ଜାଣା ମାଚାନ୍‌ ଆରି ଜିସୁତି ହୁକେ ମୁଡ୍‌ ମାପୁହେବାକିନାକାନ୍‌ ହାକ୍‌ଡ୍‌ତ ହଟାର୍; ୧୬ ମାତର୍‌ ପିତର୍‌ ବାର୍ଡ୍‌ ଦୁଖେର୍‌ତ ଲାଗେ ନିଲ୍‌ଚି ମାଚାନ୍ । ଲାଗିଂ, ହେ ଇମ୍‌ଣି ବିନ୍‌ ଚେଲା ମୁଡ୍‌ ମାପୁହେବାକିନାକାନ୍‌

☆ ୧୮:୧୧ ୧୮:୧୧ ମାତିଡ ୨୬:୩୯; ମାର୍କ ୧୪:୩୭; ଲୁକ ୨୨:୪୨. ☆ ୧୮:୧୪ ୧୮:୧୪ ଜହନ୍ ୧୧:୪୯,୫୦.

ମେହାଣ୍ଣ ମାତାନ୍, ହେୱାନ୍ ବାର୍ତ୍ତ ହାଲୁଜି ଦୁଝେର୍ କାନାକାନିଂ
ଝେର୍ଚି ପିତରୁତିଂ ବିତ୍ତେ ତାହିଝାତାନ୍ ।^{୧୭} ହେବେ ହେ ଦୁଝେର୍ଚିତ
କାନାକାଦେଲ୍ ଆଡ଼ିଏଣି ପିତରୁତିଂ ଇଚାଡ଼, “ଏନ୍ ପା ଇନାକା ଇ
ମାନାୟୁତିଂ ଚେଲାର୍ ବିତ୍ତେ ରକାୟ୍ ଆକାୟ୍ ?”

ପିତର ଇଚାନ୍, “ଆନ୍ ଆକାୟ୍ ।”

^{୧୮} ପିନି କାଜିଂ ଆଡ଼ିୟା ଆରି କାନାକାର ନାଣିଆହି କିଜି ହେବେ
ନିଲୁଚି କାଜିଜି ମାଚାର୍; ପିତର ପା ହେୱାର୍ ଲାହାଙ୍ଗ୍ ନିଲୁଚି ନାଣି
କାଜିଜି ମାଚାନ୍ ।

ମୁଡ଼୍ ମାପୁହେବାକିନାକାର ଜିସୁଙ୍ଗ୍ ପର୍ସନ୍ କିତାନ୍
(ମାଡ଼ିଉ ୨୬:୪୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

^{୧୯} ମୁଡ଼୍ ମାପୁହେବାକିନାକାନ୍ ଜିସୁଙ୍ଗ୍ ତା ଚେଲାହିର୍ ବିସ୍ତେ ଆରି
ହେ ହିକ୍ୟା ବିସ୍ତେ ଝେନ୍‌ବାତାର୍ ।^{୨୦} ଜିସୁ ତାଜେଙ୍ଗ୍ ଉତର୍ ହିତାନ୍,
“ଆନ୍ ପୁତର୍ ତାକେ ହପ୍ତି କାତା ଇଚାଙ୍ଗ୍‌ନା; ଇମେତାକେ ଝିଜାର୍
ଜିହୁଦିର୍ ରୁଣ୍ଡା ଆନାର୍, ଇ ଲାକେ କୁରୁମ୍ ଇଞ୍ଜ ଆରି ମନ୍ଦିରୁତ ଆନ୍
ନିତ୍ତେ ହିକ୍ୟା ହିନାଙ୍ଗା; ଆନ୍ ଲୁକାମ୍‌ରେ ଇନାକା ହିଝାତାଂନା^{୨୧} ନାଙ୍ଗ୍
ଇନେକିଦେଂ ଝେନ୍‌ବା ଆଦନାଦେରା ? ଆନ୍ ହେୱାରିଂ ଇନାକା
ଇଚାଙ୍ଗ୍‌ନା, ଇନେର୍ ଝେଚାର୍‌ନା, ହେୱାରିଂ ଝେନ୍‌ବାଟ୍; ହୁଡାଟ୍, ଆନ୍
ଇନା ଇନାକା ଇଚାଙ୍ଗ୍‌ନା ହେୱାର୍ ହେଝିଜୁ ପୁନାର୍ ।”

^{୨୨} ଜିସୁ ଇଦାଂ ଇଚିଲେ ମେଲ୍ୟାର୍ ବିତ୍ତେ ରକାନ୍ ଜିସୁଙ୍ଗ୍ ଚାପଡ଼ା
ଇଡ଼ଜି ଇଚାନ୍, “ଏନ୍ ମୁଡ଼୍ ମାପୁହେବାକିନାକାନିଂ ଏନେଙ୍ଗ୍ ଉତର୍
ହିନାୟା ?”

^{୨୩} ଜିସୁ ତାଜେଙ୍ଗ୍ ଉତର୍ ହିତାନ୍, “ଜଦି ଆନ୍ ବାନ୍ୟା ଇଚାଂ, ତା
ଆଡ଼ିସ୍ ଝିଜାରିଂ ମୁମ୍‌ଦ ବାନ୍ୟା ପାର୍ମାଣ୍ ହିୟା; ମାତର୍ ଜଦି ହାର୍
ଇନ୍‌ଚାଙ୍ଗ୍, ତା ଆଡ଼ିସ୍ ଇନେକିଦେଂ ନାଜେଙ୍ଗ୍ ମାଡ଼ଜି କିଦନାୟା ?”

^{୨୪} ହେବେ ହାନାନ ତାଜେଙ୍ଗ୍ ଗାଚ୍ୟା ଆତାକାନିଂ ମୁଡ଼୍
ମାପୁହେବାକିନାକାର କୟାପା ଲାଗେ ପକ୍ତାନ୍ ।

ପିତର ଜିସୁଙ୍ଗ୍ ଆରେ ରଗ ପାତର୍ କିଝାତାନ୍
(ମାଡ଼ିଉ ୨୬:୭୧-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ଓସ୍ତ୍ର ବିତ୍ତେ ସିମନ୍ ପିତର ନିଲ୍ଲଟି ନାଣି କାଈଜି ମାଚାନ୍ । ହେବେଣ୍ଡାଁ ହେଝାର୍ ତାଙ୍ଗେଙ୍ଗ୍ ଝେନ୍‌ବାତାର୍, “ଏନ୍ ପା ଇନାକା ହେ ଚେଲାର୍ ବିତ୍ତେ ରଝାୟ୍ ଆକାୟ୍ ?”

ମାତର ପାତର୍ କିଝାଦାଁ ଇଚାନ୍, “ଆକାୟ୍ ଆନ୍ ଆକାୟ୍ ।”

୨୬ ମୁଡ୍ ମାପୁହେବା କିନାକାନ୍ ଆଡ଼ିୟାର୍ ବିତ୍ତେ ରଝାନ୍, ଇଚିସ୍ ପିତର ଇନେରତି କିଡୁଲ୍ ରାସ୍‌ଦି ମାଚାନ୍, ତା ହାଙ୍ଗ୍‌ଦାକାନ୍ ରକାନ୍ ଇଚାନ୍, “ଆନ୍ ଇନାକା ନିଙ୍ଗ୍ ତା ଲାହାଙ୍ଗ୍ ବାଡ୍‌ଦ ହୁଡ୍‌ଜି ମାଞ୍ଝାତାଁ ?”

୨୭ ହେବେଣ୍ଡାଁ ପିତର ଆରେ ରଗ ପାତର୍ କିଝାତାନ୍; ଆରେ ହେ ଦାପ୍ରେ କୁଜୁ କ୍ଳେତାଡ୍ ।

ପିଲାତ ମୁମ୍‌ଦ ଜିସୁ

(ମାତିଉ ୨୭:୧-୨; ୧୧:୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ପାଚେ ହେଝାର୍ ଜିସୁଙ୍ଗ୍ କୟାପାଙ୍ଗ୍ ଲାଗାଁ ବାଙ୍ଗ୍‌ଲାତ ଅତାର୍ ନାଡ଼ିସ୍ ଆଜି ମାଚାଡ୍; ଆରେ, ହେଝାର୍ ଇନେସ୍ ବିଚାଡ୍ ଆଝାଦାଁ ନିସ୍ତାର୍ ପାର୍‌ବୁନି ବଜି ମାନିକିଦେଁ ଆଡ୍‌ନାର୍, ଇଦାଁ କାଜିଁ ନିଜେ ବାଙ୍ଗ୍‌ଲା ବିତ୍ତେ ହଣ୍‌ଝାତାର୍ । ୨୯ ଲାଗିଁ, ପିଲାତ ହେଝାର୍‌ତାଁ ହସି ଝାଜି ଝେନ୍‌ବାତାନ୍, “ଇ ମାନାୟ୍ ବିରୁଦ୍‌ତ ଏପେଙ୍ଗ୍ ଇମ୍‌ଣି କାତା ତାହିଝାନାଦେରା ?”

୩୦ ହେଝାର୍ ତାଙ୍ଗ୍ ଉତର ହିତାର୍, “ଇ ମାନାୟ୍ ଜଦି ପାପ୍ୟା ଆଝାଦାଁ ମାଚିସ୍, ତା ଆଡ଼ିସ୍ ଆପେଁ ତାଙ୍ଗେଙ୍ଗ୍ ନି କେଇଦ ହେଲାୟ୍ କିଦ୍‌ଝାତାପ୍‌ମା ।”

୩୧ ହେବେଣ୍ଡାଁ ପିଲାତ ହେଝାରିଁ ଇଚାନ୍, “ଏପେଙ୍ଗ୍ ଇଝାନିଁ ଅଜି ହାଲ୍‌ଜି ମି ବିଦି ଲାହାଙ୍ଗ୍ ଇଝାନ୍ତି ବିଚାର୍ କିୟାଡ୍ ।” ଜିହୁଦିର୍ ହେଝାନିଁ ଇଚାର୍, “ଇନେରିଁ ପାରାଣ୍ ତାଣ୍ ହିଦେଁ ମା ଆଦିକାର୍ ହିଲୁଡ୍ ।”

୩୨ ☆ଜିସୁ ଇମ୍‌ଣି ବାନି ହାକି କିଦେଙ୍ଗ୍ ହାନାନା, ହେବେତାଁ ଝେଚ୍‌ଚି ହେଝାନ୍ ଇମ୍‌ଣି ବଚନ୍ ଇଚାନ୍ ହେଦାଁ ଇନେସ୍ ପୁରା ଆନାଡ୍, ଇଦାଁ କାଜିଁ ହେଝାର୍ ଇଦାଁ ଇଚାର୍ ।

☆ ୧୮:୩୨ ୧୮:୩୨ ଜହନ୍ ୩:୧୪; ୧୨:୩୨.

୩୩ ପିଲାତ ବାଙ୍ଗାଲା ବିତ୍ରେ ହଣ୍ଡି ଜିସୁଙ୍ଗ୍ କୁକ୍ତି ତାଙ୍ଗ୍ ଝେନ୍‌ବାତାନ୍, “ଏନ୍ ଇନାକା ଜିହୁଦିର୍ ରାଜା ?”

୩୪ ଜିସୁ ଉତର୍ ହିତାନ୍, “ଏନ୍ ଇନାକା ନିଜ୍‌ତାଙ୍ଗ୍ ଇଦାଂ ଇତାୟନା, କି ବିନ୍‌ଲଗୁ ନା ବିସ୍ତେ ନିଙ୍ଗ୍ ଇଦାଂ ଇସ୍ତାରନା ?”

୩୫ ପିଲାତ ଉତର୍ ହିତାନ୍, “ଆନ୍ ଇନାକା ରକାଂ ଜିହୁଦି ? ନି ଜାତିନିକାର୍ ଆରି ମୁଡ୍ ମାପୁହେବାକିନାର୍ ନିଙ୍ଗେଙ୍ଗ୍ ମା କେଇଦ ହେଲାୟ୍ କିଡ଼ତାଣ୍ଟା; ଏନ୍ ଇନାକା କିତାୟନା ?”

୩୬ ଜିସୁ ଉତର୍ ହିତାନ୍, “ନା ରାଜି ଇ ପୁତର୍ ବିସ୍ତେ ଆକାୟ୍; ଜଦି ନା ରାଜି ଇ ପୁତର୍ ବିସ୍ତେ ଆତାମ୍, ତା ଆତିସ୍ ଆନ୍ ଇନେସ୍ ଜିହୁଦି ନେତାର୍ କେଇଦ ହେଲାୟ୍ ଆଖାତାଂମା, ହେଦାଂ କାଜିଂ ନା ହେବା କିନାକାର୍ ଜୁଦ୍ କିତାମ୍; ମାତର୍ ନା ରାଜି ହାଡ଼ପା ବିସ୍ତେ ଆକାୟ୍ ।”

୩୭ ହେବେଣ୍ଟାଂ ପିଲାତ ହେଖାନିଂ ଝେନ୍‌ବାତାନ୍, “ତା ଆତିସ୍ ଏନ୍ ରଖାୟ୍ ରାଜା କି ?” ଜିସୁ ଉତର୍ ହିତାନ୍, “ଏନ୍ ତ ଇଙ୍ଗ୍‌ନାୟା, ଆନ୍ ରକାଂ ରାଜା । ଆନ୍ ଇନେସ୍ ହାଡ଼ପା ପାକ୍ୟାତ ସାକି ହିନାଙ୍ଗ୍, ଇଦାଂ କାଜିଂ ଆନ୍ ଜଲମ୍ ଆତାଙ୍ଗ୍‌ନା ଆରି ପୁତର୍ ଖାତାଙ୍ଗ୍‌ନା । ଇନେନକି ହାଡ଼ପାନି ମାଜି, ହେଖାନ୍ ନା କାତା ଝେନାନ୍ ।”

୩୮ ପିଲାତ ଜିସୁଙ୍ଗ୍ ଇଚାନ୍, “ହାଡ଼ପା ଇନାକା ?”

ଇଦାଂ ଇଞ୍ଜି ପିଲାତ ଆରେ ଜିହୁଦି ତାକେ ବାର୍ତ୍ତ ହାଲ୍‌ଜି ହେଖାରିଂ ଇଚାନ୍, “ଆପେଂ ଇବେ ଇନାକାପା ଦସ୍ ପାୟା ଆଉପା ।”

ଜିସୁ କାଜିଂ ହାକି ରାଜି

(ମାତିଉ ୨୭:୧୫-୩୧; ମାର୍କ ୧୫:୭-୨୦; ଲୁକ ୨୩:୧୩-୨୫)

୩୯ ମାତର୍ ନିସ୍ତାର୍ ପାର୍ବୁ ଝେଡାଲିଂ ମି କାଜିଂ ରଖାନିଂ ମୁକ୍‌ଡାୟ୍ କିନାପ୍, ଇଦାଂ ମି ରିତି ନିତି ମାନାଡ଼; ଲାଗିଂ, “ଜିହୁଦିର୍ ରାଜାଙ୍ଗ୍ ଆପେଂ ମି କାଜିଂ ମୁକ୍‌ଡାୟ୍ କିଜି ହିଦ୍‌ନାପ୍ ଇଞ୍ଜି ଇନାକା ମି ମାନ୍ କିନାଦେରା କି ?”

୪୦ ହେବେ ହେଖାର୍ ଆରେ ରଗ କିକିରାଡ଼ିଂ କିଜି ଇଚାର୍, “ଇ ମାନାୟ୍ ଆକାୟ୍, ମାତର୍ ବାରବାଙ୍ଗ୍ ।” ଇ ବାରବା ରକାନ୍ ତରେନ୍ ମାତାନ୍ ।

୧୯

୧ ତା ପାଚେ ପିଲାତ ଜିସୁଙ୍କ ଅଜି ହାଲଜି କରତା ଗ୍ରାକି କିତାନ । ୨ ଆରେ, ମେଲ୍ୟାର୍ ଖାଡ଼ି ମୁକୁର୍ ରଚ୍ଚି ତା କାପ୍ତାତ ତୁଜି କିତାର୍ ଆରି ହେଖାନିଂ କାହରାତି କାଲାର୍ ବାନି ଆଜି ଉସ୍ତି କିତାର୍; ୩ ହେଖାର୍ ତା ତାକେ ଖାଜି ଇଚାର୍, “ଏ ଜିହୁଦିର୍ ରାଜା, ଜୁର୍ ଜୁର୍ ମାନା” ଆରେ, ହେଖାର୍ ହେଖାନିଂ ଚାପ୍ତା ଇଡ଼ଦେଂ ଲାଗାତାର୍ ।

୪ ପିଲାତ ଆରେ ରଗ ବାଚ୍ ହାଲଜି ହେଖାରିଂ ଇଚାନ, ହୁଡ଼ାଟ୍, “ଆପେଂ ଜେ ତା ତାକେ ଇନାକାପା ଦସ୍ ପାୟା ଆଉପା,” ଇଦାଂ ଇନେସ୍ ଏପେଙ୍ଗ୍ ପୁନାଦେର୍, “ଇଦାଂ କାଜିଂ ଆପେଂ ତାଙ୍ଗେଙ୍ଗ୍ ମି ତାକେ ହପ୍ଚି ତାଡ଼ପନା ।” ୫ ହେବେଣ୍ଟାଂ ଜିସୁ ହେ ଖାଡ଼ି ମୁକୁର୍ ଆରି କାହରାତି କାଲାର୍ ବାନାନି ଆଜି ଉସ୍ତିସ୍ ବାଚ୍ ଖାତାନ । ପିଲାତ ହେଖାରିଂ ଇଚାନ, ହୁଡ଼ାଟ୍, ଇଖାନ “ହେ ମାନାୟ୍ !” ୬ ହେବେଣ୍ଟାଂ ମୁଡ଼୍ ମାପୁହେବାକିନାକାନ ଆରି ମନ୍ଦିର୍ କାନାକାର୍ ତାଙ୍ଗେଙ୍ଗ୍ ହୁଡ଼ଜି କିକିରାତିଂ କିଜି ଇଚାର୍, “କୁସ୍ତ ଦୁପାଟ୍, କୁସ୍ତ ଦୁପାଟ୍ ।” ପିଲାତ ହେଖାରିଂ ଇଚାନ, “ଏପେଙ୍ଗ୍ ହେଖାନିଂ ଅଜି କୁସ୍ତ ଦୁପାଟ୍, ଇନାକିଦେଂକି ଆପେଂ ତା ତାକେ ଇନାକାପା ଦସ୍ ପାୟା ଆଉପା ।”

୭ ଜିହୁଦିର୍ ତାଙ୍ଗେଙ୍ଗ୍ ଉତର୍ ହିତାର୍, “ମାଦାଂ ରଞ୍ଜାଙ୍ଗ୍ ବିଦି ମାନାନ୍ ଆରି ହେ ରିତି ହୁକେ ହେଖାନ୍ ହାନି ଲଡ଼ା, ଇନାକିଦେଂକି ହେଖାନ୍ ଜାର୍ତିଂ ଇସ୍ପର୍ ମାଜି ଇଞ୍ଜି ଇନାନ୍ନା ।”

୮ ହେବେଣ୍ଟାଂ ପିଲାତ ଇ କାତା ଖେନ୍ଞି ଆଦିକ୍ ପାଣ୍ଡା ଆତାନ; ୯ ଆରେ, ହେଖାନ୍ ଆରେ ରଗ ବାଙ୍ଗଲାତ ହଶ୍ଟିସ୍ ଜିସୁଙ୍କ ଖେନ୍ବାତାନ, “ଏନ୍ ଇମେଣ୍ଟାଂ ଖାତାୟନା ?”

ମାତର୍ ଜିସୁ ତାଙ୍ଗେଙ୍ଗ୍ ଉତର୍ ହିଖାତାନ । ୧୦ ହେବେଣ୍ଟାଂ ପିଲାତ ତାଙ୍ଗେଙ୍ଗ୍ ଇଚାନ, “ନାଙ୍ଗେଙ୍ଗ୍ କାତା ଇଞ୍ଜୁୟା ? ନିଙ୍ଗେଙ୍ଗ୍ ମୁକ୍ତାୟ କିଦେଙ୍ଗ୍ ମା ଆଦିକାର୍ ମାନାଡ଼ ଆରି ନିଙ୍ଗେଙ୍ଗ୍ କୁସ୍ତ ଦୁପ୍ତେଦେଂ ମା ଆଦିକାର୍ ମାନାଡ଼, ଇଦାଂ କି ଏନ୍ ପୁନୁୟା ?”

୧୧ ଜିସୁ ଉତର୍ ହିତାନ, “ଜଦି ଇସ୍ପର୍ ତାଙ୍ଗ୍ ହଡ଼ଝାଦାଙ୍ଗ୍ ମାଟିସ୍, ତା ଆଡିସ୍ ନା ବିରୁଦ୍ ନିନ୍ଦାଂ ଇନାକାପା ଆଦିକାର୍ ମାନଞ୍ଜାତାମା, ଲାଗିଂ ଜେ ନାଙ୍ଗେଙ୍ଗ୍ ନି କେଇଦ ହେଲାଇୟ୍ କିତାଙ୍ଗନା, ତା ପାପ୍ ଅଲପ୍ ।”

୧୨ ହେବେଶ୍ଵାଂ ପିଲାତ ଜିସୁଙ୍କ ମୁକ୍ତାୟ କିଦେଙ୍ଗ ସେସ୍ତା କିତାନ୍, ମାତର ଜିହୁଦିର କିକିରାତିଂ କିଜି ଇଚାର, “ଜଦି ଏନ୍ ଇ ମାନାୟତିଂ ମୁକ୍ତାୟ କିନାୟ, ତା ଆତିସ୍ ଏନ୍ ସମରାଟିଂ ସାଙ୍ଗ ଆକାୟ; ଇନେରକି ଜାରତିଂ ରାଜା ଇଞ୍ଜି ଇନାନ୍, ହେଞ୍ଜାନ୍ କାଈସରତିଂ ବିରୁଡ଼ତାଂ କାତା ଇନାନ୍ ।”

୧୩ ପିଲାତ ଇ ଖିଜୁ କାତା ଖେନ୍ଞ୍ଜି ଜିସୁଙ୍କ ହପ୍ତି ତାସି “କାଲ୍‌କୁମ୍‌ଶ୍ଵାମ୍,” ଇନେରିଂ ଏବ୍ରି ବାସାତ “ଗବ୍‌ବତା,” ଇଞ୍ଜି ଇଚାନ୍, ହେ ବିଚାର କିନି ବାହାତ କୁଚ୍‌ଚାନ୍ । ୧୪ ହେ ଦିନ୍ ନିସ୍ଵାର ପାର୍ବୁନି ଜାଲ୍‌ଦି କିନି ଦିନ୍, ଆରେ ହେଞ୍ଜାତାଂ ବେସିଆଡତିସ୍ ଖେଡାଲିଂ ସମୁ ଆଜି ମାଚାଡ଼ । ଆରେ, ପିଲାତ ଜିହୁଦିରିଂ ଇଚାନ୍, “ହୁଡାଟ୍, ମି ରାଜା !” ୧୫ ହେବେଶ୍ଵାଂ ହେଞ୍ଜାର କିର କିଚାର, “ତାଙ୍ଗେଙ୍ଗ୍ ଅହାଟ୍, ଅହାଟ୍, କୁସ୍‌ତ ଦୁପାଟ୍ ।” ପିଲାତ ହେଞ୍ଜାରିଂ ଇଚାନ୍, ଆପ୍ ଇନାକା ମି ରାଜାଙ୍ଗ୍ କୁସ୍‌ତ ଦୁପ୍‌ନାପ୍ କି ? ମୁଡ଼୍ ମାପୁହେବାକିନାକାର ଉତର ହିଚାର, “କାଈସରତିଂ ପିସ୍ତି ମାଙ୍ଗେଙ୍ଗ୍ ଆରେ ରାଜା ଇନେର ହିଲୁନ୍ ।” ୧୬ ହେବେଶ୍ଵାଂ ହେଞ୍ଜାନ୍ ଇନେସ୍ କୁସ୍‌ତ ଦୁପ୍‌ୟା ଆତାନ୍‌ମା, ଇଦାଂ କାଜିଂ, ହେଞ୍ଜାନ୍ ହେଞ୍ଜାନିଂ ହେଞ୍ଜାର ଇଚାତାଂ ହେଲାୟ କିତାନ୍, ତା ପାଚେ ଜିସୁଙ୍କ ଅଜି ହାଚାର ।

ଜିସୁଙ୍କ କୁସ୍‌ତ ଦୁପ୍‌ତାର

(ମାତିତ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଆରେ, ଜିସୁ ନିଜେ କୁସ୍‌ ପିଣ୍ଡାଜି ନିନ୍ଦାଣ୍ ତରନ୍‌ନି ବାହାତ ହାଚାନ୍, “ଇମ୍‌ଶାକା ଏବ୍ରି ବାସାତାଂ ଗଲ୍‌ଗତା ଇଞ୍ଜି ଇନାର, ହେବେ ହସି ହାଚାର ।” ୧୮ ହେବେ ହେଞ୍ଜାର ଜିସୁଙ୍କ କୁସ୍‌ତ ଦୁପ୍‌ତାର ଆରି ତା ଲାହାଙ୍ଗ୍ ଆରେ ରିୟାରିଂ ଦୁପ୍‌ତାର, ରିକଶ୍ଵାଂ ରିକାରିଙ୍ଗ୍ ଆରି ମାଦି ଜିସୁଙ୍କ । ୧୯ ଆରେ, ପିଲାତ ର ଦାବା କାଗଜ୍ ପା ଲେକିକିଜି କୁସ୍‌ ଜପି ଡାଚ୍‌ଚାନ୍ । “ହେବେ ଲେକା ମାଚାଡ଼, ନାଜରିତିୟ ଜିସୁ, ଜିହୁଦିର ରାଜା । ୨୦ ଜିହୁଦିର ବିତ୍ରେ ହେନି ଇ ଦାବା କାଗଜ୍ ପଡ଼ି କିଚାର, ଇନାକିଦେଂକି ଇମ୍‌ଣି ବାହାତ ଜିସୁଙ୍କ କୁସ୍‌ତ ଦୁପ୍‌ତି ମାଚାର, ହେଦାଂ ଗାଡ଼ନି ଲାଗେ ମାଚାଡ଼; ଆରେ, ହେ କାଗଜ୍ ଏବ୍ରି, ଲାଚିନ୍, ଆରି ଗ୍ରିକ୍ ବାସାତ ଲେକା ଆଜି ମାଚାଡ଼ । ୨୧ ଲାଗିଂ ଜିହୁଦିର

ମୁତ୍ ମାପୁହେବାକିନାକାର ପିଲାତଂ ଇଚାର୍, ଜିହୁଦିର୍ ରାଜା ଇଞ୍ଜି ଲେକିକିଞ୍ଜାଦାଂ ଇଚିସ୍ ଆନ୍ ଜିହୁଦିର୍ ରାଜା ଇଞ୍ଜି ହେଞ୍ଜାନ୍ ଇଚାନ୍, ଇଦାଂ ଲେକିକିୟାଟ୍ ।”

୨୨ ପିଲାତ ଉତର୍ ହିତାନ୍, “ଆପେଂ ଇମ୍‌ଶାକା ଲେକିକିତାପ୍‌ନା, ଲେକିକିତାପ୍‌ନା ।”

୨୩ ମେଲ୍ୟାର୍ ଜିସୁଙ୍ଗ୍ କୁସତ ଦୁପ୍‌ଚି ପାଚେ ହେଞ୍ଜାନ୍ତି ଆଙ୍ଗି ଅଜି ଚାରି ବାଟା କିତାର୍, ଝିଜାକାର୍ ମେଲ୍ୟାର୍ କାଜିଂ ର ର ବାଟା, ଆରେ ହେଞ୍ଜାର୍ ହେଞ୍ଜାନ୍ତି ଆଙ୍ଗି ପା ଅଚାର୍ । ହେ ଆଙ୍ଗି ତ୍‌ଚିଆ ଆଞ୍ଜାଦାଂ ଜପିତାଂ ତାରେନ୍ ପାତେକ୍ ଝିଜୁ ଡର୍‌ୟା ଆଜି ମାଚାଡ୍ । ୨୪ ଲାଗିଂ ମେଲ୍ୟାର୍ ରକାନ୍ ଆରେ ରକାନିଂ ଇଚାର୍, “ଇଦାଂ ହେନ୍ଦା କେରୁସ୍, ମାତର୍ ଇଦାଂ ଇନେରତି ଆନାଡ୍, ହେଦାଂ କାଜିଂ ଦରମ୍‌ଗୁଲି କିନାସ୍,” ଇନେସ୍‌କି ଦରମ୍ ସାସ୍‌ରତାକେ ଇ ବଚନ୍ ପୁରା ଆନାଡ୍, ହେଞ୍ଜାର୍ ଜାର୍ ଜାର୍ ବିତ୍ରେ ନା ଆଙ୍ଗି ବାଟା କିତାର୍, “ଆରେ ନା ଆଙ୍ଗି କାଜିଂ ଦରମ୍‌ଗୁଲି କିତାର୍ । ଲାଗିଂ ମେଲ୍ୟାର୍ ଇ ସବୁ କିତାର୍ ।”

୨୫ ମାତର୍ ଜିସୁତି କୁସ୍ ଲାଗେ ହେ ତେହି ମରିୟ୍‌ମ୍, ହେଞ୍ଜାନ୍ ତେହି ତଣ୍‌ଦେହି, କଲପାତି ତକ୍‌ହୁହି ମରିୟ୍‌ମ୍, ଆରି ମଗ୍‌ଦଲିନି ମରିୟ୍‌ମ୍ ନିଲ୍‌ଚି ମାଚିକ୍ । ୨୬ ଜିସୁ ଜାର୍ ଆୟା ଆରି ଇମ୍‌ଣି ଚେଲାଂ ଜିଉନଜି ମାଚାନ୍, ହେ ଲାଗାଂ ନିଲ୍‌ଚି ମାନାକା ହୁଡ୍‌ଜି ତାଡ୍‌ଜ୍ ଇଚାନ୍, “ହୁଡା ନି ମାଜି !”

୨୭ ତା ପାଚେ ହେଞ୍ଜାନ୍ ହେ ଚେଲାଂ ଇଚାନ୍, ହୁଡାଟ୍, “ଇଦେଲ୍ ମିଞ୍ଜି ଆୟା !” ଆରେ, ହେ ସମୁତାଂ ହେ ଚେଲା ତାଙ୍ଗେଙ୍ଗ୍ ଜାର୍ ଇଞ୍ଜି ଅଜି ହାଚାନ୍ ।

ଜିସୁତି ହାକି

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଇଦାଂ ପାଚେ ଜିସୁ ଦରମ୍ ସାସ୍‌ର ବଚନ୍ ଇନେସ୍ ପୁରା ଆନାଡ୍, ଇଦାଂ କାଜିଂ ଝିଜୁ ବିସ୍ତେ ନଂଗୟ୍ ଝିସ୍ତାତ୍‌ନା ଇଞ୍ଜି ପୁଞ୍ଜି ଇଚାନ୍, “ନାଙ୍ଗେଙ୍ଗ୍ ଏସ୍‌କି କିଦ୍‌ନାତା ।”

୨୯ ହେବେ କେନିରାସ୍ ବାତ୍ ର ବାହା ମାଚାଡ୍; ଲାଗିଂ ହେଞ୍ଜାର୍ କେନିରାସ୍ ବାତ୍ ର ରୁଆ ଉଚୁଟିଂ ଏଜପନାଲତ ତେଙ୍ଗା ବେଡ୍‌ଗା

ଆହି କିଜି ତାଙ୍ଗ ମୁମ୍ ଲାଗାଂ ହିତାର । ୩୦ ହେବେଣ୍ଟାଂ ଜିସୁ ହେ
କେନିରାସ୍ ଉଣ୍ଡି ଇଚାନ, ଝିସ୍ତାଡ଼; ଆରେ,
ହେଝାନ କାପଡ଼ା ତାରେନ୍ କିଜି ଜିବୁନ୍ ପିସ୍ତାନ ।

ଜିସୁଙ୍ଗ କଚଣ୍ଡ ବାଲାକୁନ୍ନାକା

୩୧ ହେ ଦିନ୍ ଜାଲ୍ଦି କିନି ଦିନ୍ ମାଟିଲେ, ଗାଗାଡ଼୍ ଇନେସ୍
ଜମ୍ନିବାର୍ ନାଜିଂ କୁସ୍ ଜପି ମାନଗୁଡ଼ ଇନାକିଦେଂକି ହେ ଜମ୍ନିବାର୍
ଗାଜା ଦିନ୍ ମାଚାଡ଼, ହେଦାଂ କାଜିଂ ହେଝାରତି କାଲ୍କୁ ଡ୍ରିକ୍‌କାଟ୍ ଆରି
ହେଝାରିଂ କୁସ୍ତ ତାଙ୍ଗ ତାରେନ୍ ଜୁଡ଼ତାଟ୍ ବିନ୍ ବାହାତ ଅୟାଆୟେର୍
ଇଞ୍ଜି ଜିହୁଦି ନେତାର୍ ପିଲାତଂ ଗଝାରି କିତାର । ୩୨ ଲାଗିଂ ମେଲ୍ୟାର୍
ଝାଜି ପର୍ତ୍ତୁମ୍ ନିକାନିଂ କାଲ୍ ଆରି ତା ହୁଦାଂ ଇମ୍‌ଣି ରକାନ୍ କୁସ୍ତ
ଦୁପ୍‌ୟା ଆଜି ମାଚାନ, ତା କାଲ୍ ପା ଡ୍ରିକ୍‌ତାର । ୩୩ ମତର୍ ହେଝାର୍
ଜିସୁତି ଲାଗେ ଝାଜି ହେଝାନ ହାତାନେ ଇଞ୍ଜି ହୁଡ଼ଜି ହେଝାନ୍ତି କାଲ୍
ଡ୍ରିକ୍‌ଝାତାର୍, ୩୪ ମେଲ୍ୟାର୍ ବିଡ୍ରେ ରକାନ୍ ବାଲାତାଂ ହେଝାନିଂ
କଚଣ୍ଡ କୁନ୍‌ତାନ, ଆରେ ଦାପ୍ରେ ନେତେର୍ ଆରି ଏଜୁଂ ହଡ଼ତିକ୍ ।
୩୫ ଇନେର୍ ହୁଡ଼ତାରନା, ହେଝାନ ସାକି ହିନାନା, ଇନେସ୍‌କି ଏପେଙ୍ଗ୍
ପା ପାତ୍ କିୟାଟ୍; ଆରେ, ହେଝାନ୍ତି ସାକି ହାଡ଼ପା, ଆରେ ହେଝାନ୍
ଜେ ହାଡ଼ପା ଇନାନ୍ନା, ଇଦାଂ ହେଝାନ୍ ପୁନାନ୍ । ୩୬ ଇନାକିଦେଂକି
ଦରମ୍ ସାସ୍ତର୍ ଇ ବଚନ୍ ପୁରା ଆଦେଂ କାଜିଂ ଇ ଝିଜୁ ବିସ୍ତେ ଗିଟା
ଆତାଡ଼, “ହେଝାନ୍ତି ଉଚୁକ୍ ପା ପ୍ରେନ୍ ଡ୍ରିଙ୍ଗୁଡ଼ ।” ୩୭ ☆ଆରେ ରଗ
ଦରମ୍ ସାସ୍ତର୍ ଆରେ ର ବଚନ୍ ଇଦାଂ ଲେକାଆତାଡ଼ନା, ହେଝାର୍
ଇନେରିଂ ଅସ୍ତାର୍, ହେଝାନ କାଜିଂ ହୁଡ଼ନାନ୍ ।

ଜିସୁତି କବର୍

(ମାତିଡ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଇ ସବୁ ଗଟ୍‌ଣା ପାରେ, ଇମ୍‌ଣି ହାରାମାତିୟାତି ଜସେପ୍ ଜିସୁତି
ରକାନ୍ ତେଲା ମାଚାନ, ମାତର୍ ଜିହୁଦି ନେତାର୍ ପାଣ୍ଡୁଟୁଂ ଡ଼ଗୁଜି
ମାଚାନ, ହେଝାନ ଜିସୁତି ଗାଗାଡ଼୍ ଅଦେଂ କାଜିଂ ପିଲାତଂ ଗଝାରି
କିତାନ । ହେବେ ପିଲାତ ପିସ୍ତି ହିତାନ । ଲାଗିଂ ହେଝାନ ଝାଜି
ହେଝାନ୍ତି ଗାଗାଡ଼୍ ଅତାର । ୩୯ ☆ଇମ୍‌ଣି ନିକଦିମ୍ ପର୍ତ୍ତୁମ୍ ନାଣା ସମୁତ

☆ ୧୯:୩୭ ୧୯:୩୭ ହଡ଼ତି ୧:୭. ☆ ୧୯:୩୯ ୧୯:୩୯ ଜହନ୍ ୩:୧,୨.

ହେ ଲାଗାୟ୍ ଖାଜି ମାତାନ୍, ହେଖାନ୍ ପା କମ୍‌ସେକମ୍ ତିରିସ୍ କେଜି ବାସ୍‌ନା ଚିକାଣ୍ ମିହାଆତି ଅଞ୍ଜୁର୍ ତାହିଖାତାନ୍ । ୪୦ ହେଖାର୍ ଜିସୁତି ଗାଗାଡ୍ ଅଜି ଜିହୁଦିତ୍ ମାଡା ମୁର୍ନି ବିଦି ଲାକେ ହେଦାଂ ହାଉଦି ବାସ୍‌ନା ଜିନିସ୍ ହୁକେ କଖାଣ୍ ହେନ୍ଦାତ ହୁର୍ପାତାର୍ । ୪୧ ହେଖାନ୍ ଇମ୍‌ଣି ବାହାତ କୁସ୍ ଦୁପ୍‌ୟା ଆଜି ମାତାନ୍, ହେ ବାହାତ ର ବାଡ୍ ମାଗାଡ୍, ଆରେ ହେ ବାଡ୍‌ଦ ର ପୁନି ଦୁଗେର୍ ମାଗାଡ୍, ହେବେ ଇନେର୍ ଇନାଖାଡାଂ ଇଟ୍ୟା ଆଖାଦାଂ ମାଗାର୍ । ୪୨ ଆରେ, ଜିହୁଦିତ୍ ଜାଲ୍‌ଦି କିନି ଦିନ୍ କାଜିଂ ହେ ବାହାତ ହେଖାର୍ ଜିସୁଙ୍ଗ୍ ଇଟ୍‌ତାର୍, ଇନାକିଦେଂକି ହେ ଦୁଗେର୍ ଲାଗାୟ୍ ମାଗାଡ୍ ।

୨୦

ଝାରାକା ଦୁଗେର୍

(ମାଡିଡ ୨୮:୧-୧୦; ମାର୍କ ୧୬:୧-୮; ଲୁକ ୨୪:୧-୧୨)

୧ ସାଡ୍ ଦିନ୍‌ନି ପର୍ତ୍ତୁମ୍ ରଇବାର୍ ନାଜିଂ ନାଣାଙ୍ଗେ ମାଜ୍‌ଗା ମାନୁ ମାନୁ ମଗ୍‌ଦଲିନି ମରିୟମ୍ ଦୁଗେର୍ ଲାଗେ ହାଲ୍‌ଜି ହେବେତାଂ କାଲ୍‌ଗୁର୍‌ଆତାକା ହୁଡ୍‌ଡିକ୍ । ୨ ଲାଗିଂ ହେଦେଲ୍ ହସ୍ତି ହାଲ୍‌ଜି ସିମନ୍ ପିତର୍ ଆରି ଜିସୁ ଇନେରିଂ ଜିଉନଜି ମାତାନ୍, ହେ ବିନ୍ ତେଲା ଲାଗେ ଖାଡାଡ୍, ଆରେ ହେଖାରିଂ ଇଗାଡ୍, “ହେଖାର୍ ଦୁଗେର୍‌ତାଂ ମାପୁଙ୍ଗ୍ ଅଜି ହାଚାଣ୍ଟା, ଆରେ ତାଙ୍ଗେଙ୍ଗ୍ ଇମେତାକେ ଇଡ୍‌ତାରନ୍ନା, ହେଦାଂ ଆପେଂ ପୁନୁଖାତାପନା ।”

୩ ହେବେତାଂ ପିତର୍ ଆରି ହେ ବିନ୍ ତେଲା ଦୁଗେର୍ ଲାଗେ ହାଚାର୍ । ୪ ହେଖାର୍ ରିୟାର୍ ରସମାନ୍ ହନ୍ତେଙ୍ଗ୍ ଲାଗାତାର୍, ଆରେ ହେ ବିନ୍ ତେଲା ପିତର୍‌ତିଂ ପାଚେ କିଜି ଆଗେ ଦୁଗେର୍ ତାକେ ଏକାତାନ୍, ୫ ଆରେ, ଟଡ୍‌ଜି ବିଡ୍ରେ ହୁଡ୍‌ତାନ୍ ହାରୁ କଖାଣ୍ ହେନ୍ଦା ଓଁଜୁ ଆର୍ତାକା ହୁଡ୍‌ତାନ୍, ଆତିସ୍‌ପା ହେଖାନ୍ ବିଡ୍ରେ ହଣ୍‌ଖାତାନ୍ । ୬ ପାଚେ ସିମନ୍ ପିତର୍ ପା ତାପାଚେ ପାଚେ ଖାଜି ଏକାଖାତାର୍ ଆରି ଦୁଗେର୍ ବିଡ୍ରେ ହଣ୍‌ଜି ହୁଡ୍‌ତାର୍ ଜେ, ହାରୁ କଖାଣ୍ ହେନ୍ଦାଙ୍ଗ୍ ଆର୍‌ଡିକ୍‌ନା, ୭ ଆରି ତା କାପ୍‌ଡାତ ଇମ୍‌ଣି ତୁଖାଲ୍ ଗାଟ୍ୟା ଆଜି ମାତାନ୍ ହେଦାଂ ହାରୁ କଖାଣ୍ ହେନ୍ଦା ଲାହାଙ୍ଗ୍ ମାନ୍‌ଖାଦାଂ ବିନ୍ ର ବାହାତ ତାବା ଆଜି ମାଗାଡ୍ । ୮ ହେପାଦନା ଇମ୍‌ଣି ବିନ୍ ତେଲା, ଇମ୍‌ଣାକାନ୍ ଆଗେ

ଦୁଗେର୍ ଲାଗେ ଖାଜି ମାଚାନ୍ ହେଖାନ୍ ପା ବିତ୍ରେ ହଣ୍ଡି ହୁଡ଼ତାନ୍ ଆରି ପାତ କିତାନ୍; ୯ ଇନାକିଦେଂକି ହାତାକାର ବିତ୍ରେ ହେଖାରିଂ ଜେ ନିଙ୍ଗି କିୟାଆନାଡ଼, ସାସ୍ତର ଇ ବଚନ୍ ହେଖାର ହେପାତେକ୍ ବୁଜାଆଖାଦାଂ ମାଚାର । ୧୦ ପାଚେ ଚେଲାର ହେଖାର ଇଞ୍ଜ ହାଚାର ।

**ଜିସୁ ମୁଗଦଲିନି ମରିୟମ୍ତିଂ ଚଞ୍ଜିୟାଆତାନ୍
(ମାତିଉ ୨୮:୯-୧୦; ମାର୍କ ୧୬:୯-୧୧)**

୧୧ ମାତର ମରିୟମ୍ ଆଡ଼ଜି ଆଡ଼ଜି ବାରତ ଦୁଗେର୍ ଲାଗେ ନିଲ୍ଲଟି ମାଚାଡ଼; ପାଚେ, ଆଡ଼ଜି ଆଡ଼ଜି ହେଦେଲ୍ ଟଡ଼ଜି ଦୁଗେର୍ ବିତ୍ରେ ହୁଡ଼ତାଡ଼, ୧୨ ଆରେ ଜିସୁତି ଗାଗାଡ଼ ଇମ୍ଫଣି ବାହାତ ଇଡ଼ଜି ମାଚାର, ହେବେନି କାପଡ଼ା ଲାଗାଂ ରଖାନ୍ ଆରି ପାନା ଲାଗାଂ ଇ ଲାକେ ରିୟାର ଡ଼ିଞ୍ଜିନି ହେୟା ଉସ୍ତିତି ଦୁଡ଼ତିଂ କୁଚ୍ଚି ମାନାକା ହୁଡ଼ତାର । ୧୩ ହେଖାର ତାଙ୍ଗେଙ୍ଗ୍ ଇଚାର, “ଏ ଆୟା, ଇନେକିଦେଂ ଆଡ଼ବାନାୟା ?”

ହେଦେଲ୍ ହେଖାରିଂ ଇଚାଡ଼, “ଇମ୍ଫଣାକାର ନା ମାପୁଙ୍ଗ୍ ଅଜି ହାଚାଣ୍ଟା, ଆରେ ତାଙ୍ଗେଙ୍ଗ୍ ଇମ୍ଫଣି ବାହାତ ଇଡ଼ତାରନ୍ନା, ହେଦାଂ ଆନ୍ ପୁନୁଙ୍ଗ୍ ।”

୧୪ ହେଦେଲ୍ ଇଦାଂ ଇଞ୍ଜି ପାଚ୍‌ବାଗାଂ ବୁଲ୍‌ଆଜି ଜିସୁଙ୍ଗ୍ ନିଲ୍‌ତାକା ହୁଡ଼ତିକ୍, ମାତର ହେଖାନ୍ ଜେ ଜିସୁ, ହେଦାଂ ପୁନୁଞ୍ଜିତିକ୍ । ୧୫ ଜିସୁ ତାଙ୍ଗେଙ୍ଗ୍ ଇଚାନ୍, “ଏ ଆୟା, ଇନେକିଦେଂ ଆଡ଼ବାନାୟା ? ଇନେରିଂ ଦାହ୍‌ନାୟା ?”

ହେଦେଲ୍ ତାଙ୍ଗେଙ୍ଗ୍ ବାଡ଼ନ୍ ହାଉକାର ଇଞ୍ଜି ବାବି କିଜି ମାଚାଡ଼, ମାନିନି, “ଏନ୍ ଜଦି ତାଙ୍ଗେଙ୍ଗ୍ ଅଜି ହାଚାୟନା, ତା ଆତିସ୍ ତାଙ୍ଗେଙ୍ଗ୍ ଇମ୍ଫଣି ବାହାତ ଇଡ଼ତାଦେଣ୍ଟା, ନାଙ୍ଗେଙ୍ଗ୍ ଖେଚ୍‌ଚାଚ୍, ଆରେ ଆନ୍ ତାଙ୍ଗେଙ୍ଗ୍ ଅଜି ହାନାଂ ।”

୧୬ ଜିସୁ ତାଙ୍ଗେଙ୍ଗ୍ ଇଚାନ୍, “ମରିୟମ୍ ।”

ହେଦେଲ୍ ବୁଲ୍‌ଆଜି ଏବ୍ରି ବେରଣ୍ଡାଂ ତାଙ୍ଗେଙ୍ଗ୍ ଇଚାଡ଼, “ରାବ୍‌ବୁନି” ଇଚିସ୍ ଏ ଗୁରୁ ।

୧୭ ଜିସୁ ତାଙ୍ଗେଙ୍ଗ୍ ଇଚାନ୍, “ନାଙ୍ଗେଙ୍ଗ୍ ଆସ୍ତି ମାଞ୍ଜିମାଚ୍,” ଇନାକିଦେଂକି ଆନ୍ ଇ ପାଚେକ୍ ଆବା ଲାଗାଂ ହାଲୁଙ୍ଗେ, “ମାତର ନା

ଗଣ୍ଡାର ଲାଗେ ହାଲୁକି ଇନାଟ୍, ଆନ୍ ନା ଆବାଂ ଆରି ମିଞ୍ଜି ଆବାଂ, ନା
ଇସ୍‌ସୁର ଆରି ମି ଇସ୍‌ସୁର ଲାଗାଂ ଦୁମ୍‌ନାଙ୍ଗା ।”

୧୮ ମଗଦଲିନି ମରିୟମ୍ ହାଲୁକି, ଆନ୍ ମାପୁଙ୍ଗ୍ ହୁଡ଼ତାଙ୍ଗନା,
ଆରେ ହେଝାନ୍ ନାଙ୍ଗେଙ୍ଗ୍ ଇ ସରୁ ଝେଡ଼ତାତାନ୍ନା ଇଞ୍ଜି ଚେଲାରିଂ
କାରୁର ଝେଡ଼ତାଡ଼ ।

ଜିସୁ ହେ ଚେଲାରିଂ ଚଞ୍ଜିୟାଆତାନ୍

(ମାତିଉ ୨୫:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ହେ ନାଜିଂ, ଇଚିସ୍ ସାଡ଼ ଦିନ୍‌ନି ପର୍ତୁମ୍ ରଇବାର ନାଜିଂ
ମ୍ରିକା ସମୁତ ଏଚେକାଡ଼ଦ ଚେଲାର ଇମଣି ଇଞ୍ଜି ମାଚାର, ହେବେ
ଦୁଝେରଙ୍ଗ୍ ଜିହୁଦିର ପାଣ୍ଡୁତିଂ ବନ୍ ମାଚାଡ଼, ହେ ପାଦନା ଜିସୁ ଖାଜି
ମାଦି ନିଲ୍‌ଚି ହେଝେରିଂ ଇଚାର, “ମିଦାଙ୍ଗ୍ ସୁସ୍ତା ଆଏଡ଼ ।” ୨୦ ଆରେ,
ଇଦାଂ ଇଞ୍ଜି ହେଝାନ୍ ହେଝେରିଂ ଜାର କଚଣ ଆରି ପାନା ଚଡ଼ତାନ୍
। ହେବେତାଂ ଚେଲାର ମାପୁଙ୍ଗ୍ ହୁଡ଼ଜି ଖାରୟା ଆତାର । ୨୧ ଜିସୁ
ହେଝେରିଂ ଆରେ ରଗ ଇଚାନ୍, “ମିଦାଙ୍ଗ୍ ସୁସ୍ତା ଆଏଡ଼; ଆବା
ଇନେସକି ନାଙ୍ଗେଙ୍ଗ୍ ପକ୍‌ତାତାନ୍ନା, ଆନ୍ ପା ହେ ଲାକେ ମିଙ୍ଗେଙ୍ଗ୍
ପକ୍ତାନାଙ୍ଗା ।” ୨୨ ହେଝାନ୍ ଇଦାଂ ଇଞ୍ଜି ହେଝାର ଜପି ନେନ୍‌ଜି
ହେଝେରିଂ ଇଚାନ୍, “ପୁଇପୁୟା ଜିରୁନ୍‌ତିଂ ଇଚ୍ୟା ।” ୨୩ ☆ଏପେଙ୍ଗ୍
ଜଦି ଇନେରିଂ ପାପ୍ କେମା କିନାଦେର, “ତାଦାଂ ପାପ୍ କେମା ଆନାଡ଼;
ଆରି, ଜଦି ଇନେରିଂ ପାପ୍ କେମା କିଉଦେର, ତାଦାଂ ପାପ୍ କେମା
ଆଉଡ଼ ।”

ଜିସୁ ଆରି ତମା

୨୪ ମାତର ଜିସୁ ଏଚେକାଡ଼ଦ ଖାଜି ମାଚାନ୍, ହେପାଦନା ବାରଜାଣ୍
ବିତ୍ତେ ତମା ତରଦାକାନ୍ ରକାନ୍, ଇମଣାକାନ୍ “ଦିଦୁମ୍” ଇନାର
ହେଝାନ୍ ହେଝାର ଲାହାଙ୍ଗ୍ ହିଲ୍‌ଖାତାନ୍ । ୨୫ ଲାଗିଂ, ବିନ୍ ଚେଲାର
ତାଙ୍ଗେଙ୍ଗ୍ ଇଚାର, “ଆପେଂ ମାପୁଙ୍ଗ୍ ହୁଡ଼ତାପନା ।”

ତମା ହେଝାନ୍ ହେଝେରିଂ ଇଚାନ୍, “ତା କେଇଦ ଖାଡ଼ିଙ୍ଗ୍ ଚିନ୍‌ସରୁ
ହୁଡ଼ଞ୍ଜିତିସ୍ ଆରି ହେ ସରୁ ବାହାତ ନା ଖାଡ଼କାଙ୍ଗ୍ ହୁଡ଼ଞ୍ଜିତିସ୍ ଆରି ହେ
କାଲ୍‌କୁ ନା କେଇ ହୁଡ଼ଞ୍ଜିତିସ୍ ଆନ୍ ଇନାଖାଡ଼ାଂପା ପାତ କିଉଙ୍ଗ୍ ।”

☆ ୨୦:୨୩ ୨୦:୨୩ ମାତିଉ ୧୬:୧୯; ୧୮:୧୮.

୨୭ ଆର୍ ଦିନ୍ ପାଚେ ତା ଚେଲାର୍ ଆରେ ରଗ ବିତ୍ରେ ମାଚାର୍ ଆରି ତମା ହେଝାର୍ ଲାହାଙ୍ଗ୍ ମାଚାନ୍ । କାପାଟ୍ ସବୁ ବନ୍ଦ୍ ମାନି ସମୁତ ଜିସୁ ଖାଜି ମାଦି ନିଲ୍ଲତି ଇଚାନ୍, “ମିଦାଙ୍ଗ୍ ସୁସ୍ତା ଆଏଡ୍ ।” ୨୭ ପାଚେ ହେଝାନ୍ ତମାଙ୍ଗ୍ ଇଚାନ୍, “ଇନ୍ଚାଙ୍ଗ୍ କେଇ ଲାମାୟ୍ କିଦା ନା କେଇ ହୁଡ଼ା, ନା କାଲ୍ କୁ ହୁଡ଼ା; ପାଚ୍ କିଝାକାର୍ ଆଜି ପାଚ୍ କିୟାଟ୍ ।”

୨୮ ତମା ତାଙ୍ଗେଙ୍ଗ୍ ଉତର୍ ହିତାନ୍, “ନା ମାପୁ, ନା ଇସ୍ବର ।”

୨୯ ଜିସୁ ତାଙ୍ଗେଙ୍ଗ୍ ଇଚାନ୍, “ଏନ୍ ଇନାକା ନାଙ୍ଗ୍ ହୁଡ଼୍ ଜି ପାଚ୍ କିଦନାୟା ? ଇମ୍ଗାକାର୍ ହୁଡ଼୍ ଖାଦାଂ ପାଚ୍ କିତାର୍, ହେଝାର୍ ଦନ୍ୟ ।”

ଇ ପତିନି ଉଦେସ୍

୩୦ ଜିସୁ ଚେଲାର୍ ମୁମ୍ଦ ଇ ଲାକେ ବେସି ଆରି ବିନ୍ ବିନ୍ ବାନି କାବାଆନି କାମାୟ୍ କିତାନ୍ନା, ହେ ଝିଜୁ ଇ ପତିତ ଲେକା ଆଝାତାତନା । ୩୧ ମାତର୍ ଏପେଙ୍ଗ୍ ଇନେସ୍ ପାଚ୍ କିନାଦେର୍ ଜେ ଜିସୁ ଇସ୍ବର ମାଜି କ୍ରିଷ୍ଟ ଆତାନ୍ନା, ଆରେ ପାଚ୍ କିଜି ଇନେସ୍ କି ଏପେଙ୍ଗ୍ ହେ ତରଦାଂ ଜିବୁନ୍ ପାୟା ଆନାଦେର୍, ଇଦାଂ କାଜିଂ ଇ ଝିଜୁ ଲେକାଆତାତନା ।

୨୧

ସାଡ଼ ଜାଣ୍ ଚେଲାର୍ ଜିସୁ ଚଞ୍ଚୟା ଆତାନ୍

୧ ଇଦାଂ ପାଚେ ଜିସୁ ତିବିରିୟା ହାମ୍ଦୁର୍ ଗୁଟିତ ବାରଜାଣ୍ ଚେଲାର୍ ଆରେ ରଗ ଚଞ୍ଚୟାଆତାନ୍ । ହେଝାନ୍ ଇ ଲାକେ ଚଞ୍ଚୟାଆତାନ୍; ୨ ସିମନ୍ ପିତର୍, ତମା, ଇମ୍ଗାକାନିଂ ଦିଦୁମ୍ ଇନାର୍, ଗାଲିଲିନି କାନାନିକାନ୍ ନିତନିୟେଲ୍, ଜେବ୍ଦି ମାଜିର୍ ଆରି ତା ଚେଲାର୍ ବିତ୍ରେତାଂ ଆରେ ରିକାର୍ ରବେ ମାଚାର୍ । ୩ ସିମନ୍ ପିତର୍ ହେଝାରିଂ ଇଚାର୍, “ଆନ୍ ମିନ୍ କୁ ଆସ୍ତେଙ୍ଗ୍ ହାନାଙ୍ଗା ।”

ହେଝାର୍ ତାଙ୍ଗେଙ୍ଗ୍ ଇଚାର୍, “ଆପେଂ ପା ମି ଲାହାଙ୍ଗ୍ ହାନାପ୍ ।” ହେଝାର୍ ହସି ହାଲ୍ ଜି ତଙ୍ଗାତ କୁଚ୍ଚାର୍, ଆରେ ହେ ମିକା ବିରକୁଲ୍ ଆସ୍ତେଙ୍ଗ୍ ଆଡ଼୍ ଖାତାର୍ । ୪ ମାତର୍ ଅଜଡ଼୍ ଆତି ପାଚେ ଜିସୁ ଗୁଟିତ ନିଲ୍ତାନ୍; ଆତିସ୍ପା ହେଝାନ୍ ଜିସୁ ଇଞ୍ଚି ଚେଲାର୍ ପୁନ୍ ଖାତାର୍ ।

୫ ଜିସୁ ହେୱେରିଂ ଇଚାନ୍, “ହିମ୍‌ଣାଂ, ମି ତାକେ ଇନାକା ଇଚୁକ୍ ତିନାକା ମାନାତ୍ ?”

ହେୱାର୍ ତାଙ୍ଗେଙ୍ଗ୍ ଉତର୍ ହିତାର୍, “ହିଲୁଡ୍ ।”

୬ ଜିସୁ ହେୱେରିଂ ଇଚାନ୍, “ତଙ୍ଗାନି ତିନିପାଡ଼କା ଲାଗାୟ୍ ଜାଲ୍ ଇଡ଼ାଟ୍, ଆରେ ଏପେଙ୍ଗ୍ ପାୟା ଆନାଦେର୍ ।” ହେବେଣ୍ଡାଂ ହେୱାର୍ ଜାଲ୍ ଇଡ଼ିତାର୍, ଆରେ ଏଚେକ୍ ମିନକୁ ହେସ୍ତକ୍ ଜେ, ହେୱାର୍ ହେଦାଂ ଜେଲ୍‌ଦେଂ ସାକ୍ତି ହିଲାତାତ୍ ।

୭ ହେବେତାଂ ଜିସୁ ଇମ୍‌ଣି ଚେଲାହିଂ ଜିଉନଜି ମାଚାନ୍, ହେୱାନ୍ ପିତର୍‌ତିଂ ଇଚାନ୍, “ଇୱାନ୍ତ ମାପୁ ।” ସିମନ୍ ପିତର୍ ଇୱାନ୍ତ ମାପୁ ଇଞ୍ଜି ୱେନ୍‌ଞ୍ଜି ତୁମ୍‌ଣ୍ଡା ଗାଗାଡ଼ ଆଜି ମାଟିଲେ ଜାର୍ ହେୟା ପର୍‌ତି ହାମ୍‌ତୁରତ ଗୁମ୍‌ତାନ୍; ି ମାତର୍ ବିନ୍ ଚେଲାର୍ ମିନକୁ ବାତ୍ ଆଜି ମାଟି ଜାଲ୍ ଜେଲ୍‌ଜି ଜେଲ୍‌ଜି ହାରୁ ତଙ୍ଗାତ ୱାତାର୍, ଇନାକିଦେଂକି ହେୱାର୍ ଗୁଟିତାଂ ଆଦିକ୍ ଦେହା ହିଲ୍‌ୱାତାର୍, କେବଲ୍ ଆଦେକ୍ ଦୁଇସ ଆଡ଼ ଦେହା ମାଚାର୍ ।^୯ ହେୱାର୍ ଗୁଟିତ ଜୁଜି ହେବେ ରିକାଙ୍ଗ୍ ନାଣି, ଆରେ ହେ ଜପି ୱାସ୍ତି ମିନ୍ ଆରି ରୁଟି ଇଡ଼୍‌ଜି ମାଚାକା ହୁଡ଼୍‌ତାର୍ ।

୧୦ ଜିସୁ ହେୱେରିଂ ଇଚାନ୍, “ଏପେଙ୍ଗ୍ ନଙ୍ଗୟ୍ ଇମ୍‌ଣି ମିନ୍ ଆସ୍ତାଦେଣ୍ଡା, ହେବେଣ୍ଡାଂ ଉଚୁଙ୍ଗ୍ ତାଡୁ ।”

୧୧ ସିମନ୍ ପିତର୍ ହାଲ୍‌ଜି ସହେ ପଚାସ୍‌ତିନ୍ ଗାଜା ଗାଜା ମିନକୁତ ବାତ୍ ଆଜି ମାଟି ଜାଲ୍ ଗୁଟିତ ଜେଲ୍‌ଜି ତାତାର୍; ଆରେ ଏଚେକ୍ ମିନକୁକାଂ ପା ଜାଲ୍ ନାଡ଼୍‌ୱାତାତ୍ ।^{୧୨} ଜିସୁ ହେୱେରିଂ ଇଚାନ୍, “ୱାଜି ତିନାଟ୍ ।” ଚେଲାର୍ ବିତ୍ରେ ଇନେନ୍ “ଏନ୍ ଇନାକାୟ୍” ଇଞ୍ଜି ତାଙ୍ଗେଙ୍ଗ୍ ୱେନ୍‌ବେଦେଂ ସାସ୍ କିୱାଦାଂ ମାଚାର୍, ଇନାକିଦେଂକି ହେୱାନ୍ ଜେ, ମାପୁ, ଇଦାଂ ହେୱାର୍ ପୁଞ୍ଜିମାଚାର୍ ।^{୧୩} ଜିସୁ ୱାଜି ରୁଟି ଆସ୍ତି ହେୱେରିଂ ହିଚାନ୍, ଆରେ ହେ ଲାକେ ମିନକୁ ପା ହିଚାନ୍ ।

୧୪ ହାତାକାର୍ ବିତ୍ରେ ନିଙ୍ଗ୍‌ତି ପାଚେ ଜିସୁ ଚେଲାରିଂ ଇୱାନ୍ ତିନି ହର୍ ଚଞ୍ଜିୟାଆତାନ୍ ।

ଜିସୁ ଆରି ପିତର୍

୧୫ ହେୱାନ୍ ଚିଚିପାଚେ ଜିସୁ ସିମନ୍ ପିତରତିଂ ଖେନ୍‌ବାତାନ୍, “ଏ ଜହନ୍‌ତି ମାଜି ସିମନ୍, ଏନ୍ ଇନାକା ନାଜେଙ୍ଗ୍ ଇୱାର୍‌ତାଂ ବେସି ଜିଉନଦ୍‌ନାୟା ?”

ସିମନ୍ ତାଜେଙ୍ଗ୍ ଇଚାନ୍, “ଆଁ, ମାପୁ, ଆନ୍ ଜେ ନିଜେଙ୍ଗ୍ ୱାରି କିଦ୍‌ନାଜା ।”

ହେଦାଂ ଏନ୍ ପୁନାୟ୍ । “ହେୱାନ୍ ତାଜେଙ୍ଗ୍ ଇଚାନ୍, ନା ମେଣ୍ଡାକାଂ ହାରାୟ୍‌କିୟା ।”

୧୬ ହେୱାନ୍ ଆରେ ରଗ ରିହା ତାଜେଙ୍ଗ୍ ଖେନ୍‌ବାତାନ୍, “ଏ ଜହନ୍ ମେହି ସିମନ୍, ଏନ୍ ଇନାକା ନାଜ୍ ଜିଉନଦ୍‌ନାୟା ?”

ହେୱାନ୍ ତାଜେଙ୍ଗ୍ ଇଚାନ୍, “ଆଁ, ମାପୁ, ଆନ୍ ଜେ ନିଜେଙ୍ଗ୍ ୱାରି କିଦ୍‌ନାଜା ।”

ହେଦାଂ ଏନ୍ ପୁନାୟ୍ । ହେୱାନ୍ ତାଜେଙ୍ଗ୍ ଇଚାନ୍, “ନା ମେଣ୍ଡାକାଂ ହାରାୟ୍‌କିୟାଟ୍ ।” ୧୭ ଜିସୁ ତିନ୍‌ତର୍ ତାଜେଙ୍ଗ୍ ଖେନ୍‌ବାତାନ୍, “ଏ ଜହନ୍ ମେହି ସିମନ୍, ଏନ୍ ଇନାକା ନାଜେଙ୍ଗ୍ ୱାରି କିଦ୍‌ନାୟା ?”

ଏନ୍ ଇନାକା ନାଜେଙ୍ଗ୍ ୱାରି କିଦ୍‌ନାୟା, ଇଦାଂ ଇଞ୍ଜି ହେୱାନ୍ ତିନ୍‌ତର୍ ପିତରତିଂ ଖେନ୍‌ବିତିଲେ ହେୱାନ୍ ଦୁକ୍ ଆଜି ତାଜେଙ୍ଗ୍ ଇଚାନ୍, “ମାପୁ, ଏନ୍ ଝିଜୁ ବିସ୍ତେ ପୁନାୟ୍; ଆନ୍ ଜେ ନିଜେଙ୍ଗ୍ ୱାରି କିଦ୍‌ନାଜା, ହେଦାଂ ଏନ୍ ପୁନାୟ୍ ।”

ଜିସୁ ତାଜେଙ୍ଗ୍ ଇଚାନ୍, “ନା ମେଣ୍ଡାକାଂ ହାରାୟ୍‌କିୟା ।” ୧୮ ହାଡ୍‌ପା ହାଡ୍‌ପା ଆନ୍ ମିଜେଙ୍ଗ୍ ଇଞ୍ଜିନାଜା, ବେଣ୍ଡିୟା ମାନି ସମୁତ ଏନ୍ ଜାର୍ ଗାଟ୍ୟା ଆଜି ଇମେନିପ ମାନ୍, ହେ ନିପ ବୁଲ୍‌ଆଜି ମାଚାୟ୍, ମାତର୍ ବୁଡାଆତିସ୍ ଏନ୍ ଜାର୍ କେଇ ଲାମାୟ୍ କିନାୟ୍ ଆରି ବିନ୍ ନିକାନ୍ ନିଜ୍, ଗାଡ୍‌ଚି, ଇମେନିପ ନି ମାନ୍ ମାନ୍‌ଗୁଡ୍, ହେନ୍‌ଟାଂ ନିଜେଙ୍ଗ୍ ଅଜି ହାଞ୍ଜିନାର୍ । ୧୯ ହେୱାନ୍ ଇନେସ୍ ବାନି ହାକିଦାଣ୍ଡ୍ ହୁକେ ଇସ୍‌ରତିଂ ଜାଜ୍‌ମାଲ୍ କିନାନ୍, ହେବେ ଚର୍ଚ୍ଚି ହିଜି ହେୱାନ୍ ଇଦାଂ ଇଚାନ୍ । ଇଦାଂ ଖେଚ୍‌ଚି ପାଚେ ହେୱାନ୍ ତାଜେଙ୍ଗ୍ ଇଚାନ୍, “ନା ପାଚେ ପାଚେ ୱାଡ୍ ।”

ଜିସୁ ଆରି ତା ୱାରିନି ଚେଲା

୨୦ ✨ଜିସୁ ଇମ୍ବଣି ଚେଲାହିଂ ଜିଉନଜି ମାତାନ୍ ଆରି ଜେ ମୁକା କୁଲେରଉଣି ସମୁତ ତାଙ୍ଗେଙ୍ଗ୍ ନେଞ୍ଜେତାକିତ ଇଡ଼ିୟା ଆଜି, “ମାପୁ, ନିଙ୍ଗେଙ୍ଗ୍ ଇନେନ୍ ବେରିୟାର୍ କେଇଦ ହେଲାୟ୍ କିଦନାନ୍ ଇଞ୍ଜି ଝେନ୍ବିସ୍ ମାତାନ୍, ହେ ଚେଲାଙ୍ଗ୍ ପିତର୍ ମାସ୍ଦି ପାଚେ ଖାଜି ମାନାକା ହୁଡ଼ତାନ୍ ।” ୨୧ ପିତର୍ ତାଙ୍ଗେଙ୍ଗ୍ ହୁଡ଼ଜି ଜିସୁଙ୍ଗ୍ ଝେନ୍ବାତାନ୍, “ମାପୁ, ଇଞ୍ଜାନ୍ ବିସ୍ତେ ଇନାକା ଇଞ୍ଜନାୟା ?”

୨୨ ଜିସୁ ତାଙ୍ଗେଙ୍ଗ୍ ଇଚାନ୍, ନା, ଖାନି ପାତେକ୍ ହେଞ୍ଜାନ୍ ମାନେନ୍ ଇଞ୍ଜି “ଜଦି ଆନମାନ୍ କିନାଙ୍ଗ୍, ତା ଆଡିସ୍ ହେବେ ମିଦାଙ୍ଗ୍ ଇନାକା ମାନାଡ଼ ? ଏପେଙ୍ଗ୍ ନା ପାଚେ ଖାତ ।”

୨୩ ହେବେଣ୍ଡା ହେ ଚେଲା ଜେ ହାଉନ୍ ଇଞ୍ଜି, ଟଣ୍ଡାର ବିତ୍ତେ ଇ ବେରଣ୍ଡି ଖିଣ୍ଡି ହାତାଡ଼, ମାତର୍ ହେଞ୍ଜାନ୍ ହାଉନ୍ ଇଞ୍ଜି ଜିସୁ ତାଙ୍ଗେଙ୍ଗ୍ ଝେରଞ୍ଜାଦାଙ୍ଗ୍, ମାତର୍ “ନା ଖାନି ପାତେକ୍ ହେଞ୍ଜାନ୍ ମାନେନ୍ ଇଞ୍ଜି ଜଦି ଆନମାନ୍ କିନାଙ୍ଗ୍, ତା ଆଡିସ୍ ହେବେ ମିଦାଙ୍ଗ୍ ଇନାକା ମାନାଡ଼ ଇଞ୍ଜି ଇଞ୍ଜି ମାତାନ୍ ।”

୨୪ ଜେ ଇ ଖିଜୁ ବିସ୍ତେ ସାକି ହିନାନା ଆରି ଇ ଖିଜୁ ଲେକିକିତାନ୍ନା, ହେଞ୍ଜାନ୍ ହେ ଚେଲା; ଆରେ, ହେ ସାକି ଜେ, ହାଡ଼ପା, ହେଦାଂ ଆପେଂ ପୁନାପ୍ ।

ଓସ୍ତି କାତା

୨୫ ଆରେ, ଜିସୁ ଆରି ବେସି ବେସି କାମାୟ୍ ପା କିଜି ମାତାନ୍; ହେଞ୍ଜାଙ୍ଗ୍ ଖିଜୁ ଜଦି ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ଲେକା ଆତାମ୍ବା, ତା ଆଡିସ୍ ଏଚେକ୍ ପତିଙ୍ଗ୍ ଲେକା ଆଡିକ୍ମା ଜେ, ନା ବାବ୍ନାତ ଖିଜୁ ପୁତ ଡ଼ ପା ହେ ଖିଜୁ ଇର୍ବନି କାଜିଂ ବାହା ଆଖାତାମ୍ବା ।

lxxxv

ସତ୍ ବଚନ୍
The New Testament in the Pengu language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ, 2020

The New Testament in Pengu Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 13 Jul 2024 from source files dated 14 Apr 2023

347138c8-2363-58d9-a1b0-0259691b7d43